

كانت تجلس أمامه بضيق، و هي تشيح بوجهها عنه في ضجر، فزفر هو و قال موضعاً موقفه :
_ معيش فلوس أجبلك ال أنت عايزاه يا شمندورا
أعمل ايه يعني!
ده أنت بتاكلني أكل أعلى من ال أنا باكله!

نظرت لصحنها طويلاً، قبل أن تتحرك، تاركة طعامها، رافضة أن تتنازل عن مستوى الطعام الخاص بها
فرفع هو حاجبه، ثم نهض و اتجه لغرفته قائلاً :
_ أنسي، مفيش تونة بقيب الشهر، عندك البطاطس المسلوقة في طبقك جنب الماية

ثم تابع بسخرية و هو يدلغ لشرفة غرفته :
_ فاكرة نفسها قطة عايشة في مدينتي، كل يوم تتعدى تونة و تقطر بيض، عارفة البيضة بقيب بكام دلوقتي!
أنهى حديثه و هو يرفع صوته ليصل لها، كأنها ستفهم ما يقول و تتحسر على الأمر

كان شاباً ، في نهاية العشرينات من عمره على الأغلب، يمتلك شعر عسلي مموج، و عينين قد سرقت اللون نفسه من شعره، بينما
تناثرت بعض الحبوب الشبابية على وجهه، و أستقر منظار طبي فوق عينيه ، ذات عدسات دائرية كبيرة، مثل التي أشتهرت هذه
الأيام ، و تشرب جلده اللون الأسمر بشكل لطيف

نظر لساعته، ينتظر أن يخرج رفيقه من الشرفة المجاورة له، لكنه تأخر، وبشدة، و كاد أن ينهض ليلحق بعمله، إلا أنه توقف بغتة،
عندما رأى باب شرفة رفيقه تنفتح، نُخرج من المنزل دخان أسود اللون، إن دل على شيء ، فيدل أن رفيقه الأحمق قد اقترف كارثة
من كوارثه في المطبخ

سعل الشاب قليلاً و هو ينادي على رفيقه :
_ قدرى .. قدرى .. أخرج من المطبخ قبل ما تنهي البشرية بعمالك دي

أندفع للخارج المدعو {قدرى} و هو يسعل بشدة، و حرك كفه في الهواء، في محاولة بانسة، لطرد الدخان من حوله، فخرج أحد
رجال البانية العجائز ، و صاح بضيق :
_ في ايه يا قدرى؟! هو كل يوم حريقة في أم العمارة؟!
ده أنت لو قاصد تخنقنا مش هتعمل كدا ياخي!

نظر الشاب للأسفل و قال بحنق :
_ أدي أسطوانة كل يوم أستغللت من تحت راسك يا قدرى

نظر {قدرى} لرفيقه و هو يسعل :
_ طب أوعى بقى عشان أنط

نظر له الشاب و هو يقول بعدم تصديق :
_ تنط فين يا قدرى؟؟

_ عندك في البلكونة

_ قدرى أنت لو نظيت عندي هنعق أنا و أنت و البلكونة على عم جابر، و بعدين عايز تنط ليه أصلاً؟!

نظر {قدرى} لعم {جابر} الذى كان يصيح كعادته، ثم هز كتفيه و هو يقول :
_ و مالو، فكرة مش بطالة

ثم نظر لجسده الممتلئ و هو يقول بعدم أفتناع :

_ مع أني رشيق أصلاً

_ ايوا عايز تنط عندي ليه بردو؟!

_ يمكن ألاقي عندك علبة التونة بتاعت بسبوسة ولا حاجة

فتح {بزن} عينيه بعدم تصديق و قال :

_ باصص لأكل شمندورا يا قدري يا مفتري!

و بعدين ايه بسبوسة دي، اسمها شمندورة، هو أي أكل و خلاص؟!

مط {قدري} شفثيه بضيق و قال :

_ أنت مش جدع على فكرة، فيها ايه يعني لما أكل أكلها؟!

نظر له {بزن} و هو يضحك، ثم قال :

_ قدري خش ألبس ربنا يهديك عشان تنزل صيدليتك و أنزل أنا شعلي

لكن {قدري} لم يتحرك إنشأ، بل مط شفثيه و هو يقول

بحنق :

_ أنزل ازاي بس يا بزن ، مش شايفني هفتان و مفطرتش و على لحم بطني!

رفع {بزن} حاجبه ، و أقترب من سور الشرفة و هو يقول مشيراً لرفيقه :

_ أنا راضي ذمتك، أنت مفطرتش؟!

_ ايوا مفطرتش ، هو خمس سندوتشات جبنة بيضا على ست خيارات و طماطماية، و كم سندوتش طعمية، دول فطار ؟!

رفع {بزن} حاجبيه و هو يسأل بسخرية :

_ و ليه طماطماية؟!

نظر له {قدري} باستنكار و هو يقول :

_ عشان الرجيم!

هز {بزن} رأسه بقله حيلة، و قال و هو يدلّف :

_ أنا داخل ألبس يا قدري، غير و تعالى عشان نتحرك مع بعض

ألتوى ثغر {قدري} بعدم رضى، و أصدرت معدته صوتاً، بنم عن أحتياجها لمزيد من الطعام، فربت عليها بحنان غير مفهوم و هو

يقول :

_ متقلّيش، هجباك شوية سندوتشات سكلانس من عند عم عربي، إنما ايه، حكاية

ثم نظر لمنزله الذى بدى فوضوياً ، فنكمش وجهه بضيق و قال :

_ و لازم نشوف حد ينضف المهزلة دي

بينما، و على الجهة الأخرى، أغلق {بزن} باب الشرفة، و سرعان ما شعر بقطته تتمسح بقدمه ،فرفع حاجبه و هو يقول :

_ لو أتشقلبتني يا شمندورا، مفيش تونة

و لم تفهم القطة سوى كلمتين من حديثه "مفيش تونة"

لكنها ظلت تفعل ما تفعل عله يرضخ لرغبتها، إلا أن {بزن} تركها و دلف لحجرتة ليبدل ملايسه، و عندما أنتهى ،وجدها تقف أمام

حجرتة بهيئة بريئة، فضحك {بزن} و قال و هو يتجه لباب منزله :

_ من هنا للسنة الجاية، حركاتك دي مش هتيجي معايا سكة

ثم تابع و هو يجذب حقييته الرياضية و مفاتيح منزله :
_ علبه التونة بقت بـ 70 جنيه يا مفترية أنتِ ، يعني لو كل يوم واحدة و ده عمره ما هيحصل أصلاً، يعني 2100 جنيه يا مفترية يا بنت للمفترية!

ده غير البيض ال حضرتك بتفطري به يا هانم
أشترتيني من سوق العبيد ولا ايه؟!!

أغلق باب منزله، تاركًا القطة تصدر أصواتًا نمت عن أمتاعها، ضحك {يزن} و كاد أن يهبط درجات السلم، لولا أن الباب المقابل لشقته فُتح فجأة، و برزت منه امرأة في أول الثلاثينات من عمرها، بدت في حالة مزرية بشكل فظيع، و لو كان أحد غير {يزن} رآها، لصرخ فرعًا من حاليها ، إلا أنه لم يفعل، بل اقترب منها و عانقها و هو يقول :
_ صباح الخير يا حلو أنت

ضحكت المرأة و هي تقول بتعب :
_ صباح الخير يا يزن

ثم مدت يدها بعلبة طعام و هي تقول :
_ معلش أتأخرت عليك في السندوتشات، بس شهيم ،و سهم، و أركان و ريان طلوعوا روحي عقبال ما صحبوا و نزلوا المدرسة

ضحك {يزن} و قال :
_ قرود صغيرة

ثم نظر للطعام و هو يقول معاتبًا :
_ ما قولتلك يا شدى متجهديش نفسك ، يعني أنتِ فاضية في وسط الهيلمان العندك ده يا حبيبيتي عشان تشوفي أكلي، ما أنا هرجع البيت أكل أى حاجة

هزت {شدى} رأسها نفيًا ، و جذبت حقييته الرياضية تضع الطعام بها و هي تقول :
_ مش مهم يا يزن، أنت مبتكلش كويس، عامل زى عيالي، و السباحة محتاجة طاقة، تجبها منين و أنت بتفطر سندوتش جبنة و خياره!

قبل جبهتها بحب و هو يقول :
_ ربنا يديمك ليا يا حبيبيتي

ثم قال مداعبًا إياها :
_ و بعدين أنا دلوقتي 28 سنة ، نفسي تعامليني على أني كبرت خلاص

أجابته بكبرياء مصطنع :
_ و أنا أختك الكبيرة ، لازم أمارس سُلطاتي عليك

سمعت فجأة صوت أنثوي رقيق يقول خلفها بنعاس :
_ مـ.. مـ.. ماما

ألقت {يزن} و {شدى} نحو الصوت، و الذى لم يكن إلا طفلة صغيرة، ذات عامين على الأغلب، كانت جميلة بشدة، تمتلك شعر مموج، ذات لون برتقالي مائل للأحمر، و بشرة بيضاء بشدة، و عين زرقاء و أخرى خضراء، و خديها المكتظان بشدة، و كان امتلاكها لكل هذه الصفات المتنحية أمر مثير للتعجب، فلا أحد في العائلة يملك أحد تلك الصفات حتى، إلا ذلك جعلها جذابة بنحو جنوني

أقتربت من والدتها بخطوات بطيئة، ثم ألتصقت بساقها ، و أغمضت عينيها لتريحهما من عناء رحلة المجيئ من حجرتها للبحث عن والدتها

تأوه {يزن} بلطف، و قال :
يا الله، ايه كتلة الحلاوة الطعامة دي، بنتك عابزة تتاكل يا شذى

ضحكت {شذى} و نظرت لابنتها التي التصقت
بساقها و قالت :
ليان، سلمي على خالو

رفعت الطفلة جفونها بصعوبة بالغة، و لكن سرعان ما أرتسمت بسمة طفولية مهلكة للقلوب على ثغرها عندما رأت {يزن} بعدما
جلس القرفصاء ليكون في مستوى طولها، و لم ينتظر {يزن} أن تأتي هي، بل أسرع يجذبها لأحضانه و هو يعرضها من أحد خديها،
فتعالت ضحكات الصغيرة بشدة و هي تقول بتلعثم :
ي...ي...ين.. ين

عاد {يزن} ليدغدغها في معدتها و هو يقول :
يزن حاف كدا؟! فين خالو؟! فين الأحرار؟! فين الأدب!؟!

رغم عدم فهم {ليان} لعبارة {يزن} كلها، إلا أنها ضحكت

أبتسمت {شذى} و هي ترى شقيقها الصغير يداعب ابنتها النعسة، و لاحظ هو ذلك، فأبتسم و حمل الصغيرة و هو يسأل :
اومال شادي فين؟؟

حملت {شذى} طفلتها عن شقيقها و هي تقول :
شادي نزل شغله من بدري، مفيش غيري أنا و ليان بس في البيت

و رغم أن نيرتها كانت عادية، إلا أن {يزن} شعر أن هناك توتر في علاقة {شادي} و {شذى} ، كان يداهم هذا الشعور منذ أيام، إلا
أنه لم يفصح عن شيء

~~~~~

نظر {قديري} لـ {يزن} الذي هبط من بانيتها نوا، و رفع حاجبه ساخرًا و هو يقول :  
حمد لله على السلامة يا حضرة الباشا المهم

نظر له {يزن} بضيق و هو يلهث، ثم قال :  
في ايه يا قديري ، ما أنت عارف أني ساكن في التامن!

ما أنا ساكن في التامن

دفعه {يزن} بصعوبة و قال :  
قديري ما تستهبلش، أنت عارف أن الأسانسير عاطل من خمس سنين

لم يتحدث {قديري} في الواقع، بل ركض على نحو عجيب، مما جعل {يزن} يندهش من هذه البادرة، خاصةً بوزنه هذا، إلا أنه أدرك  
سبب ركضه عندما رأى عربية الطعام في الطريق، فهز رأسه بياس و ركض خلفه، و ما كاد أن يطلب {قديري} ما تشتهي معدته،  
حتى جذب {يزن} و هو يقول :

بس يا قديري ،بس يا بابا، كفاية بطنك هتقع منك في الشارع، و بعدين أنت المفروض تبقى في الصيدلية الساعة 8 بالدقيقة بدل ما  
يتخصمك تاني، تاني ايه بقى هو أنت أتبقى في مرتبك حاجة عشان يتخصم منه

زفر {قدري} و هو يتذكر ما حدث بالأسبوع الماضي عندما تأخر عن العمل ثلاث ساعات، كان ذلك بسبب شرايته، فقد تناول العديد من الأطعمة والعصائر، و شعر بالحمول، فقرر أخذ قيلولة، متناسياً أن لديه عمل عليه الذهاب له، حسناً، في كل مرة يتأخر بها كان الطعام هو المتهم الرئيسي

صعد مع {بزن} الحافلة بصعوبة، و نظراً لعدم انتظار السائق لجلوسهما، و تحركه عنوة، سقط {قدري} على وجهه بعدما فشل في التوازن بسبب وزنه، و في غير موضعها، خرجت ضحكات {بزن} بشكل مستفز، لكنه بلفعل لم يستطع كتمانها، أنخفض بجزعه و مد يده ليعاون رفيقه في النهوض، إلا أنه سقط أرضاً فور محاولة {قدري} للنهوض متكئاً على يده

تعالت ضحكات {قدري} و هو ينظر لـ {بزن} قائلاً :  
\_ واضح أننا هنفضل قاعدين كذا زى ال قاعدين في الغيظ لحد ما نوصل

دلك {بزن} وجهه بألم و هو يقول :  
\_ شكلها كدا، ده غير أن مغيث مكان نقعد فيه أساساً

جذب {قدري} حقيقته و أخرج منها شيئاً و بدأ في ألتهامه، فنظر له {بزن} بعدم تصديق :  
\_ جايب بطيخة معاك في الشنطة يا قدري!

هز {قدري} رأسه و أضاف على حديث {بزن} :  
\_ و كيلو جزر و خساية كبيرة مغسولة

\_ على أساس أنك أرنب، و بعدين ايه كيلو جزر ده؟!

\_ على أساس أني محتاج خضار عشان الرجيم يا خفيف

\_ آه، إذ كان كدا ماشي

قالها بنبرة ساخرة، إلا أن {قدري} لم يكثرث ، كان حقاً يطمح بأن يكون معه شطائر شهية من إحدى المطاعم، لكن ماله يستغيث ليتابع معه نهاية الشهر، لذى أكتفى بوجود الخضروات، و إن كانت بكميات هائلة

و لم يلحظ أحدهما نظرات الرُكاب لهما، و تلك الضحكات الخافتة التي كانت تصدر من نهاية الحافلة، لقد كان الاثنان بمثابة مسرحية كوميدية للرُكاب

~~~~~

قفز {بزن} من الحافلة بمرونة أمام النادي، و ما كاد أن يستقيم، حتى شعر بفيل فوقه، أسقطه أرضاً بعنف، جاعلاً وجهه يلتصق بالطريق، فصاح بصوت مختنق :

_ يا قدري حرام عليك، أعضائي الداخلية بتستغيث منك، قوم من فوقي

لكن {قدري} لم يفهم ما يقول رفيقه، و ظن أنه يسأله عنه، فأجابه :
_ لا أنا تمام، متخافش الوقعة ..

قاطعته {بزن} بصوت يكاد يرحل مع روحه :
_ قوم يا فيل أنت، بموت!

لكن {قدري} لم يفهم بسبب أختناق صوت {بزن}، فأدرك الأخير أن ذلك الفيل لن ينهض، فبدأ يشير للناس من حوله، علمهم يساعدونه، و بالفعل، تم أنقاذ {بزن} من أسفل رفيقه، لكنه كان يلهث و يسعل بشدة ، مما دفع {قدري} لسؤاله :

_ مالك يا بني لونك مخطوف كدا ليه؟!

و بتنهج بالمنظر ده ليه؟!

أنخفض {بزن} بجزعه ليحمل حقييته من الأرض، و أجاب و قد أستنفذ {قدري} كل طاقته قبل بداية اليوم :
_ أخفي من وشي يا قدري عشان أنت جيت أخري معاك

ثم تركه و اتجه نحو بوابة النادي بضيق، بينما رمقه {قدري} بتعجب ،لكن سرعان ما هز كتفيه و تحرك نحو عمله قائلاً :
_ عجائب بتتحذف علينا

ثم دفع باب الصيدلية برفق، و دلف قائلاً :
_ صبا....

قاطععه صاحب المكان بسخرية :
_ حمدلله على السلامة يا سي قدري، شرفت في معادك على غير العادة، ايه الكرم ده كله؟!!

لم يجبه {قدري}، و إن بدى على وجهه الأمتعاض، فتابع الرجل و هو يللم أغراضه :
_ على العموم أنا شاكر لحضرتك جدًا على كرم أخلاقك و مجيتك بدري أنهاردة، حابب أقولك بس أني مش راجع غير على بكرا بليل

عقد {قدري} حاجبيه بعدم فهم لمخزى الحديث، و سأل بحذر :
_ و ده يعني ايه بظبط؟!!

أقترب الرجل منه و هو يقول ببسمة سمجة :
_ يعني حضرتك هتكمل اليوم لوحداك، و مش هاجي بليل أنهاردة ، شد حيلك أنت بقى

حاول {قدري} إيقافه عندما قال باستنكار :
_ حضرتك أنا هشيل شيفتان؟!
ازاى ي..

قاطععه الرجل و هو يخرج :
_ أشوفك على بكرا الصبح يا قدري، و أه أنت هتشيل ثلاثة، عشان هتكمل شفت بكرا الصبح كمان، و هستلم الصيدلية منك بليل بقى

ثم تركه يستشيط غيظًا، فاندفع للداخل و هو يصيح بجنون :
_ كل واحد صاحب ملك بيطنطت على ال تحتة و يطلع عقده النفسية عليه لحد ما الواحد بيبقى نفسه ي..

زفر بضيق و قال و هو يمسح وجهه :
_ استغفر الله يا رب

جذب معطفه الطبي و قال :
_ الله يسامحك يا صقر ، قفلتني على الصبح، شكلها عايزة سندوتشات عم صابر

ثم مط شفتيه و هو يقول :
_ لولا بزن الله يسامحه ال شدني من عنده، كان زمني بمارس أكتنابي مع سندوتشات الكبة المشطشة

أبتلع لعابه الذى سال من مجرد تذكر تلك الشطائر ،و بدى كالعاشق الولهان عندما تخيل إلى جوارها بعض المياه الغازية، نعم، هذه
هى فكرة {قدري} عن العشق و الحب، الطعام و الشراب، و كفى بهما حبيبان

~~~~~

كان {سهم} صاحب الثماني سنوات يجلس في الصف وحده، يأكل شطائره و شطائر شقيقه {شهم} الذي تركها له بعدمت رن الجرس، معلناً عن بدأ الأستراحة، و كعادة الأطفال خرجوا ليلعبوا و يلهوا بالخارج، تاركين الصف فارغ، إلا أن {سهم} بالفعل لا يبالي إلا لشطائره، فليس له أصدقاء، ولا يحب الضجيج بالخارج، و لكن أشقاءه لا يفعلوا، لذلك يجلس وحده، لكن للعجب، دلف ثلاثة أطفال للصف - على غير المعتاد - و نظر أوسطهم لـ {سهم} بسخرية قائلاً :  
\_هتفضل تاكل كدا لحد ما تبقى زى الفيل

لم بجبه {سهم} في الواقع، لم ينظر له من الأساس، بل تابع تناول وجبته في هدوء، مما أستفز الآخر، فتابع حديثه :  
\_مش عيب تاكل أكل الناس يا سهم!؟

نظر له {سهم} بغتة بعدم فهم، فتابع الآخر و هو يشير لشطائره الزائدة :  
\_سرقك أكل مين يا سهم!؟

توسعت عيني {سهم} بعدم تصديق و هتف مزياً عنه هذه التهمة :  
\_أ. أسرق!؟ ده أكلي و أكل أخويا!

\_كل ده ليك!؟! ليه بلاعة بترمي فيها!؟!

ثم أطلق من بعد عبارته السمجة ضحكات ساخرة، إلا أن {سهم} لم يفهم معنى هذا التعبير البشع في الواقع، لكنه شعر بالضيق، و كان ذلك كافياً ليللم طعمه واضعاً إياه في حقيبتة، ثم هبط من فوق مقعده ليرحل عن هذا المكان الذي بدأ يمتلئ بالتلوث، إلا أن ذلك الطفل أمسك مرفق {سهم} و هو يقول بسخرية لا تتناسب مع سنه مطلقاً :  
\_ايه!؟ رايح للبلبل بتاعك ال بينفذك كل مرة!؟

حاول {سهم} أن يتلمص منه و هو يقول :  
\_ملكش دعوة بشهم يا زياد

تركه {زياد} فجأة، مما أدى لسقوط الآخر أرضاً بحدة، لولا حقيبتة التي خفت حدة الدفعة، و أندفعت الضحكات من أفواه الثلاثة و {زياد} يشير له :  
\_شوفتو النغة وقع على الأرض زى البيبيها

بدأت عيني {سهم} تمتلئان بدموع، فأسرع ينهض و كاد أن يركض للخارج، لولا أن {زياد} عاد ليمسكه، و كاد أن يتحدث مرة أخرى، لولا أن يدين قويتان دفعته أرضاً بقوة و هو يقول :  
\_أبعد عن أخويا يا زياد

كان {شهم} صاحب العبارة، اتجه نحو شقيقه يطمئن عليه، ثم نظر لـ {زياد} بغضب طفولي، و نهض و هو يصيح :  
\_ريان .. أركان!

كان الاثنان بالخارج يمزحان و يضحكان و هما ينتظران {شهم} ليحضر شيئاً من حقيبتة، إلا أن صياحه جعلهما يندفعان للداخل عنوة، مما أثار فزع {زياد} و رفيقيه، فتلاثتهم يدرك معنى تجمع هؤلاء العصاة معاً

أندفع {شهم} بغضب و هو يقول :

\_أخواتي محدش يجي جنبهم يا زياد!

و كان ذلك بمثابة شرارة المعركة الصغيرة التي بدأت ...

~~~~~

كانت {نازلي} تتحرك داخل المدرسة و هي تتفحصها، فهذا اليوم الأول لها كمدرسة رسم هنا، حسناً، حال المدرسة مثلها مثل غيرها، مزرية..

تتهددت و هي تنتظر لتلك الكائنات الصغيرة التي كانت تتحرك بشغب في الساحة، لم تكن هذه وجوه أطفال بريئة نهائيًا، بل كانت أقرب لأطفال الشوارع

زفرت و تحركت نحو المبنى الخاص بالمرحلة الدراسية الأولى - ابتدائي - مستغلة فرصة أنشغال الأطفال بالخارج لتتعرف على الصفوف، بدأت تنتقل من طابق لآخر، حتى جذب انتباهها صوت جلبة أتت من الصف الثاني الابتدائي، و بسبب هذه الصيحات، أدركت فورًا أنه عراك، فتلفتت حولها لتبحث عن مشرف الطابق، إلا أنها لم تجده، فاندفعت هي نحو الصف بسرعة، و سقطت أغراضها من بين يديها و هي تشاهد هذه المعركة، بين {زياد} و رفاقه، و بين {شهم} و شقيقاه، و {سهم} الذي أنزوى في أحد الأركان يبكي و ينتحب

تدخلت لتفض هذه المشاجرة و هي تصيح :
_ بس بس ،كفاية بهدلت وشه، بقولك كفاية

أزاحت {شهم} الذي كان يرمق {زياد} المطروح أرضًا بغضب ،و ذلك المسكين، كان ملقى مثل الجثة، لا يستطيع النهوض من الأرض، و كان هذا مثيرًا لادهشة، فأنى لطفل لم يبلغ العاشرة من عمره بهذه القوة؟!

أنفض الشجار على يد {نازلي} التي صاحت :
_ في ايه؟! فاكرين نفسك في الشارع؟!

لم يجب أحد من {شهم}، و {ريان} و {أركان} الذين ألتفوا حول شقيقهم الرابع يربتون عليه و يحتضنونه، و تلك الجثث الهامدة على الجهة الأخرى

تتهددت بضيق و صاحت :
_ يلا قدامي على مكتب المدير

~~~~~

كان {بزن} قد قفز في المسبح الخاص بالنادي في رشاقة و مهارة رائعتين، ثم أخرج رأسه و هو يقول :  
\_ ما في أحلى من الماية في الصيف

قفز من بعده شاب، في مقبل عمره، في المسبح بعدما أرتدى منظار السباحة، عكس {بزن} الذي لم يفعل، لكنه ظل أسفل المياه لمدة تجاوزت الدقيقة، فنظر {بزن} للأسفل و قال مرتديًا منظاره الخاص بالسباحة :  
\_ أوعى تكون موت يا قاسم

سمع شهقة أنطلقت من نهاية المسبح من الجهة الأخرى، ثم تبعها صاحبها :  
\_ عيب عليك يا زوز، ده أنا تربييتك

أبتسم {بزن} و نظر لـ {قاسم} الذي تابع سباحته للجهة الأخرى دون الخروج لألتقاط أنفاسه، أشار لمن بعده بالقفز، بينما عاد {قاسم} ليقف جواره و هو يحرك ساقيه حتى لا يغرق بسبب بُعد أرضية المسبح عنهم بثلاثة أمتار، ثم سأله بلهفة :  
\_ كنتن كويس المرة دي؟!

أبتسم {بزن} و أجابه دون أن تتحرك عينيه عن باقي المتدربين :  
\_ هاييل كالعادة

كلمتان، أعتاد {قاسم} صاحب الثامنة عشر عام سماعهما باستمرار من مدربه، إلا أنهما كل مرة ينعشانه من جديد، أتسعت بسمة {قاسم} و هو يتذكر كيف كانت حالته من ثماني سنوات، كان دائمًا متأخر عن باقي الفريق، و كانت أنفاسه تنقطع أسفل الماء بسرعة، حتى أنتقل للتدريب مع {بزن} الذي كان مازال يدرس في جامعته بجانب عمله بالنادي، و ها هو، من أفضل المشتركين بالسباحة، و رغم أنه أتقن الأمر، إلا أنه رفض ترك تدريباته - رغم كونه في آخر سنوات دراسته بالمرحلة الثانوية - و تابع مع {بزن}



أفاق فجأة على حديث {بزن} :  
\_ عايز حُرّة ، و هترجعوا بضرهكو ، يلا عايزين نسخن

و بالفعل، بدأ المتدربين بالسباحة، عدا {قاسم} الذى سأله {بزن} و هو يرفع حاجبه :  
\_ على راسك ريشة يا حبيبي ولا ايه؟!!

هز {قاسم} كتفيه و هو يقول :  
\_ لا بس الكلام ده للعيال التوتو، أنا بخش على الحامي على طول

ضحك {بزن} و هو يقول :  
\_ يا جامد أنت

إلا أن ملامحه تبدلت للصدمة و هو يستمع لـ {قاسم} الذى قال غامزاً :  
\_ إلا مش ناوي تكمل نص دينك ولا ايه يا بزن  
ده أنت حتى أسمراني و مسمسم و العين عليك

دفعه {بزن} برفق نحو باقي المتدربين و هو يقول :  
\_ أمشي يا قاسم من هنا، هش

ضحك {قاسم} بشدة و هو يقول :  
\_ طب خد بالك عشان في ناس واقعة من زمان و أنت منفضلهم

ظن {بزن} أن ذلك الشاب يمزح لا أكثر، و غفل عن تلك النظرات التى كانت تحيطه من بعيد، حيث تجلس فتاة، بدى عليها الثراء  
هى و رفيقتها، و بدى جمالها جاذباً للشباب من حولها، حيث كان شعرها الأسود الطويل ينسدل خلف ظهرها، و بشرتها البيضاء، و  
عينها الخضراء، كانت نموذجاً رائعاً للفتاة المثالية - كمظهر - و قد جذب ذلك أنظار الشباب لها، و إن لم تهتم لأحدهم

رمقتها رفيقتها بملل و هى تقول :  
\_ يا فريال بقى سيبك منه، ايه ال عجبك فيه ده؟!!

ألتمعت عيني {فريال} و هى تقول :  
\_ ده ال مينفعش أسبني منه نهائي

زفرت {سارة} بضيق و قالت :  
\_ فريال، فوقى أنت مليون واحد يتمناك، ماسكة في السمكة دي ليه؟!!

ألتفتت لها {فريال} بحدة و هى تقول :  
\_ متقوليش على بزن سمكة يا سارة!!

ثم عادت تنظر لـ {بزن} الذى كان يشرح حركة جديدة لم تفهم هى منها شيئاً و هى تتابع :  
\_ و بعدين بزن غير، ده معاه فلوس متلثة على قلبه

أشاحت {سارة} بمرفقها بعدم تصديق و هى تقول :  
\_ ده معاه فلوس؟! ده بيجي النادي بشبشب يا فريال!

\_ بيداري عشان محدش ياخد باله

\_ فريال فوقى، أنت بتفطري كورسون و لاتييه، و ده بيفطر ..

تابعت بشمزاز كأنها تتحدث عن قمامة :  
\_ بياكل .. بياكل جمعة!

صححت لها {فريال} دون النظر لها :  
\_ عجة يا سارة، عجة

\_ مش مهم، المهم أن ده مش مناسب لمستوانا نهائي!

\_ يا هبله ده تمويه، عشان محدش ياخد باله، أنا عارفة الناس دي كويس، تلاقى حسابه في البنك على آخره

\_ ده! ده آخره يحط فلوسه في محفظة مخرومة و تقع منه كمان!

أشارت لها {فريال} بالصمت كى لا تزعجها، إلا أنها لم تتصت لها و هى تقول :  
\_ و بعدين عرفتي منين أنه مش متجوز

\_ مكتوب في البطاقة بتاعته عازب، ده غير أنه من مصر الجديدة، يعني فلوس على فلوس يا بنتي

\_ و أنت شوفتي بطاقته فين يا فريال!؟

\_ شوفتها و خلاص بقى متوجعش دماغى يا سارة

~~~~~

كانت الساعة تشير للثانية بعد الظهر عندما أنتهت فترة عمل {يزن} بهذا النادي

كان يجفف خصلات شعره بغرفة تبديل الملابس عندما رأى {قاسم} يجلس أمامه على أحد المقاعد، فرفع حاجبه و قال :
_ أنت تمرينك مش خلص الساعة تسعة؟؟
ايه ال مقعدك لحد دلوقتي!؟

هز {قاسم} رأسه و هو يقول :
_ لقبئك وحشتني قلت أسلم عليك قبل ما تمشي

_ يا سلام!

ضحك {قاسم} و قال و هو يخرج شئ من خلف ظهره :
_ قدر عملت لنا شاورما سوري في البيت، فلفيت واحد و رجعت النادي عشان أديهولك

منزل {قاسم} أمام النادي، فمن السهل عليه الذهاب و العودة إليه متى شاء

هز {يزن} رأسه نفياً و قال :
_ تسلم أيد أختك يا قاسم، بس أنا فعلاً أكلت الحمد لله

لم يقتصر سبب رفضه على ذلك النحو فقط، لكنه كان يدرك حقيقة المستوى المادي لـ {قاسم} و شقيقته، فهو يعمل كنادل في إحدى المطاعم، بينما هى تعمل كطاهية بنفس المطعم، و مع ذلك، أصر {قاسم} بعد حوار قصير أن يأخذ {يزن} الطعام خاتماً حديثه :
_ قدر لو عرفت أنك مأخدتش الشاورما أنا هبات برا البيت يا يزن، يرضيك أخوك يبات برا البيت

ضربه {يزن} بخفة على رأسه و هو يقول :

_يا بني أحترمني بقى و قولي حضرتك زى باقي العيال

_ايه يا زوز مكنوش عشر سنين فرق هما

ثم أسرع {قاسم} يدس الشطيرة في حقيبة {يزن}، و يجذبه ليخرجوا من الغرفة و هو يقول :
_اومال فين النادي التاني؟!

تنهد {يزن} و هو يقول :
_في الزمالك

ضيق {قاسم} عنيه و هو يقول :
_يا لنيم أنت، بتروح الزمالك تنفسح ، و سايبني مع ثانوية عامة المسعورة دي

ضحك {يزن} و هو يقول :
_آه، أصل أنا رايح ألعب

شاركه {قاسم} الضحك، و أسرع الاثنان يتجاوزان بوابة النادي، و يتجهان لصيدلية ،فقد أخبر {قاسم} {يزن} أنه سيذهب لشراء بعض الأدوية لشقيقته، و ما أن دفعا الباب، حتى سمعا صياح {قذري} و هو يقول :
_يا سيدي قسماً بالله ما في مرهم بيخلي السنات تحمل!

قال الرجل بتساؤل غبي :
_ايه ال يخليها تحمل طيب؟!

مسح {قذري} وجهه بضيق و هو يقول محاولاً بث الهدوء في نبرة صوته :
_يا أستاذ، السؤال ده تسألته لدكتور نسا، مش صيدلي!

لوى الرجل ثغره و هو يقول :
_طب ما تقول أنك مش عارف و خلاص، الأعراف بالفشل مش هيضرك كالصيدلي

عض {قذري} على شفته السفلى بغیظ و هو يسأل :
_فشل؟! آه أنا بعنتر ،شكلي كنت غايب لما كانوا بيشرحوا محاضرة ايه ال بيخلي الست تحمل في كلية صيدلة مش طب بشري

تنهد الرجل بقلة حيلة و هو يخرج :
_مش فاهم أنا مطلعتش صيدلي نسا ليه يا بني

كاد {قذري} أن يلحق به و في يده محقن فارغ - إلا من الهواء - يريد أن يقتله به، لولا {يزن} الذى منعه و هو يضحك :
_أهدى أهدى، خلاص مشي

ألقى {قذري} المحقن بعيداً و هو يلقي بنفسه فوق المقعد و هو يقول :
_هيفقعولي مرارتي يا يزن، هيجلطوني يا يزن ، أنا يتقالي مطلعتش صيدلي نسا ليه؟!

تعالت ضحكات {يزن} و هو يحاول أن يُهدئ رقيقه، إلا أن الآخر صاح :
_و واحد يجي بقولي عايز حباية مضاد حيوي، طب يا عمي فين الروشنة؟! لا مفيش، طب يا عم مش هينفع من غير روشتة، لا أنا عايز حباية مضاد حيوي، يا عمي مينبعش بالحباية أحنا!
لا أنا عايز حباية المضاد الحيوي ال لونها موفى!

نظر لـ {يزن} و هو يردد :
_موفى!

ضحك {يزن} بشدة و هو يقول :
_ خلاص منزعلش، روق بقى خلاص، و بعدين يعني هي أول مرة!

تنهد {قديري}، و أنتبه لـ {قاسم}، فقال :
_ مش تقول أن في ناس يا يزن

_ قال أنت بتتخرج أوي

صاح رنين هاتف {يزن}، فترك {قديري} مع {قاسم}، و نهض مبتعداً قليلاً عنهما، ثم أجاب :
_ ايه يا شادي، فينك يا بني؟؟
بقالي أسبوع مبشفاكش، بتنزل الصبح بدري و ترجع متأخر

سمع صوت تنهيدة أطلقها {شادي} بهم، ثم قال :
_ معلش يا يزن الشغل ساحلني

ثم صمت قليلاً، و سأل :
_ يزن معلش، ممكن تروح العيال أنهاردة، أنا المستشفى عندي على آخرها و في ضغط و م...

قاطعته {يزن} بمشاكسة في محاولة لتخفيف عنه :
_ يا بني بتبرر ايه، دول عيالي مش عيالك، و بعدين كنت هتصل بيك أصلاً عشان أقولك أني هعدي عليهم أنهاردة

شعر {يزن} ببسمة {شادي} بعدما أطلق تنهيدة أرتياح و هو يقول :
_ طيب يا سيدي شكرًا

ثم عاد لصمته مرة أخرى، مما دفع {يزن} لسؤاله :
_ شادي، في حاجة؟؟

تردد {شادي} كثيرًا قبل أن يسأل :
_ هو .. هو شذى كلمتك الصبح؟؟

_ آه، أدتني سندوتشات البيض و الجبنة بالخيار، بتسأل ليه؟؟

و إن كان يدرك سبب سؤاله هذا، بسبب توتر العلاقة بينه و بين {شذى} الفترة الأخيرة، إلا أن لا يود التدخل حتى يُطلب منه ذلك

أنهى حديثه، و ودع صديقه، قبل أن يرحل ليحضر أكفال شقيقته الملائكة...

~~~~~

كان الأربعة يقفون أمام خالهم الذي نظر لهم ذاهلاً من هيئتهم تلك، قال بعدم تصديق :  
\_ أنتو كنتو في المدرسة ولا في حارة من حواراي السيدة زينب؟! ايه المناظر دي؟! أروحو عند أمكم و أبوكم ازاي دلوقتي؟! هما ناقصين!

كان الجميع قد تلقوا عدة لكلمات في وجوههم، عدا {سهم} الذي بدى عليه الحزن واضحاً، تنهد ثم أشار لهم بالصعود للحافلة العاملة لتقلهم للمنزل، و لم يلحظ أحدهم

تلك الفتاة التي سعدت خلفهم، و هي تتحدث في هاتفها :

\_ ايوا يا حبيبي، آه في الأنوبيس اهو، لا ملوش لازمة خلاص، لما أجيلك هحكيلك على كل حاجة، بس هطلع أشتري حاجات الأول للبيت

أنهت المكالمة، و هي تنظر حولها، عليها تجد مقعدًا لتجلس عليه بعد هذا اليوم المهلك، و لاحظ {يزن} ذلك، فحمل {سهم} الذي كان يجلس أعلى ساقيه، و نهض مشيرًا للفتاة مكانه جوار {سهم}، فأكتفت الفتاة بهزة من رأسها توصل فيها شكرها لها، و جلست مطلقًا آهات التعب، و بدأت تسترخي في مقعدها، لولا ذلك الصوت الطفولي الذي قال :  
\_ أنت!

ألثقت {نازلي} و {يزن} إلى {سهم} الذي نطق الكلمة في تعجب، إلا أن {نازلي} رمقته باستنكار و هي تقول :  
\_ هو أنت!

ثم نظرت للمقعدين المجاوران لها، فوجدت {ريان} و {أركان} يجلسان عليهما، و قد غطا في نوم عميق

سمعت صوت {يزن} الذي قال :  
\_ حضرتك تعرفيهم منين؟!

رفعت رأسها نحوه، لتقول :  
\_ أنا مدرسة الرسم بتاعتهم، دول ضاربين خناقة لرب السما أنهاردة، جابوا أجل تلت عيال فيها

نظر {يزن} لهم بقلة حيلة، بينما تسائلت هي :  
\_ حضرتك أبوهم

هز {يزن} رأسه نافيًا بسرعة، ينفي تلك التهمة المريعة و هو يقول :  
\_ لا أنا خالهم

\_ قولهم أن كدا غلط الله يكرمك لحسن يخلصوا على المدرسة كلها بالمنظر ده

هز {يزن} رأسه و هو يرمق أولاد شقيقته، فها هم للمرة الخامسة هذا الأسبوع يفتعلون كارثة جديدة دون سبب يُذكر، و هذا آخر ما ينقصه ، فهو يحاول الإصلاح بين شقيقته و زوجها بطريقة غير مباشرة، لكن تلك الكائنات لا تترك لهم فرصة!

توقفت الحافلة بأحدى محطاتها، فأيقظ {يزن} {ريان} و {أركان} ، و هبطوا من الحافلة أمام منزلهم، فأنخفض {يزن} بجزعه و قال بهمس :  
\_ بصوا ، أنتو هتطلعو على شقتي، بس هنطلع براحة و واحدة واحدة عشان ماما متقفشناش و تنفخنا، أشطا؟!

وافق الجميع على حديث {يزن}، و تحركوا بهدوء و تسلل للداخل، و بالفعل، وصلوا للطابق الثامن، تنهد {يزن} بارتياح عندما وضع مفتاحه في الباب، و كاد أن يدفع الباب، لولا صوت {شذى} خلفه الذي أفرعه :  
\_ ايه ده يزن أنت جيت الولاد؟!

أبتلع {يزن} لعابه بصعوبة، و ألثقت لشقيقته و هو يقول :  
\_ آ. آه ،أصل أنا ... كنت معدي على مدرستهم فقلت لشادي أنني هاخذهم

أبتسمت {شذى} - و إن تعجبت نبرته المهزوزة - و قالت و هي تقترب :  
\_ ربنا يديمك ليا يا حبيبي ،يلا يا ولاد ع...

قاطعها {يزن} فزعة بصيحة جعلتها ترتد للخلف :  
\_ لا!

ثم أسرع يقول :

\_ سبيي العيال معايا، أنتِ بقالكِ كام يوم تعبانه، أخرجي شوية رفهي عن نفسك عشان متنفذيش تهديك و تطفشي بجد

تحدث {شهم} بعدم مباله :

\_ ما هي بتطفش عندك يا خالو كل أسبوعين

زعر {يزن} لـ {شهم} ،و أشار له و لأشقاءه من خلف ظهره بالدخول لشقته بينما حاول هو إلهاء شقيقته عن تلك الكوارث المتحركة :

\_ متتعبيش نفسك و أنزلي روعي الكوافير، أو روعي أتمشي في المول شوية، أعملي أي حاجة من غير العيال

تتهدت {شذى} بحالمية و هي تتخيل تتحركها دون التلفت حولها للأطمئنان على الأطفال، تتحرك بحرية دون قيود، دون الذهاب لألعاب الأطفال مرغمة، دون صرته و صياح غير مبرر

تذكرت شيئاً فجأة، فرفعت حاجبها و قالت بقلق :

\_ بس شغلك يا يزن، أنت عندك تمرين بعد الساعة تلاتة و بيخلص تمانية بليل

\_ ما هخلي أي حد ياخذ الشفت بتاعي، مش قضية ،روحي أنتِ بس و أنبسطي شوية

حسناً، هو نسي عمله تماماً، لكن لا بأس، مكالمه مع أحد الزملاء لن تضر

~~~~~

_ يا أيهم عشان خاطري، عندي ظرف طارئ في البيت مش هعرف أجي

تنهد رفيقه {أيهم} و هو يقول بقلة حيلة :

_ خاطرك غالي يا يزن، بس صدقني مش هينفع حد يغيب أنهاردة، في لجنة جاية عشان تشوف مستوى المتدربين، و أنت عارف أن كابتن صابر بيبقي عايز الموضوع يمشي زى السكنينة في الحلاوة

ضرب {يزن} كفه بجبهته، و قال :

_ يا الله، أنا نسيت الحوار ده خالص، طيب يا أيهم شكراً

ثم أنهى المكالمه و هو يزفر بضيق، وضع هاتفه جانباً، و مسح وجهه، لكن سرعان ما أنتفض عندما سمع صوت {شمندورا} المحتد ، فنظر لأولاد شقيقته، ليرى {أركان} و {ريان} يجذبان القطة المسكينة من عنقها و قدميها

ركض نحوهما و نزع القطة من بين يديهما و هو يقول بفرح :

_ في ايه! هي أستك!

ثم ربت على القطة التي كادت أن تكون ضحية لتلك الكائنات، جلس فوق مقعده، و نظر لهم و هو يسأل :

_ ممكن أفهم بقى ايه ال حصل؟!!

تحدث {أركان} صاحب الست سنوات و هو ينهض :

_ زياد .. زياد و صحابه كانوا بيضايقوا سهم

نظر {يزن} لـ {سهم} الذي كان يجلس هادئاً على غير العادة و هو ينظر للأسفل، فسأله {يزن} بحذر :

_ مين زياد ده يا سهم؟! و عمك ايه؟!!

ظل {سهم} صامت، فلم يفهم {يزن} سبب سكوته، إلا أنه فرح عندما سمع صوت شهقات خافتة، فنهض و اتجه نحوه، جاثياً على ركبتيه أمامه و هو يرفع وجه الصغير له سائلاً :

_ في ايه بس يا حبيبي؟! هو عمك ايه طيب؟!!

أروح أجبهولك من قفاه و أعلقه على باب الشقة؟!
هيب ايه زياد ده؟!

أجابه {سهم} و هو بيكي :
_ ز. ز. زياد بيضايفني عشان باكل كثير، و.. و أنهارده دخل الفصل و قعد يرخم عليا، و قالي أني ضعيف و بشتكي لشهم على طول، و.. و وقعني على الأرض، ه. هو أنا وحش يا خالو؟! طب ليه معنديش صحاب زي ما هو بيقول؟!

مسح {يزن} دموع {سهم} و هو يقول بحنان :
_ طب أهدى بس، و بعدين لو أنت وحش مين الحلو يعني؟! سهم حبيبي أنت ولد شاطر و ذكي، و جميل و مؤدب، و أكيد هتلاقي صحاب يحبوك

سمع فجأة صوت غلق الباب، فنظر خلفه ليجد أن {سهم} أختفى، فنهض و هو يقول :
_ و ده راح فين؟!

أجابه {ريان} توأم {أركان} و هو يلعب بالماء الذي سكبهُ أرضًا :
_ أكيد راح المدرسة عشان يضرب زياد

توسعت عينى {يزن} و هرول للخارج و هو يقول :
_ يعني أخلص من بلوة تطلعي الثانية، رايح يضرب زياد في المدرسة و هو مبيعرفش يركب توكتوك حتى

و للحظ، لحق {يزن} بـ {سهم} أمام باب البانية، و جذبته من تلاباب ملابسه الخلفية رافعًا إياه و هو يقول :
_ رايح فين يا جون سينا؟!

حرك {سهم} قدميه في الهواء بانزعاج و هو يقول :
_ يا خالو سيني، هروح لزياد أموته و أرجع بسرعة مش هتأخر

تحرك {يزن} نحو الدرج و هو لا يصدق ما يسمع من هذا الطفل :
_ شذى مخلقة بطلجي يا ربي

عاد لشفته، و دفع الباب، لكنه تراجع كالمصعوق عندما رأى المياه التي غمرت الأرض، و الأكياس الفارغة الخاصة بالحلوى في كل مكان و الكتب المبعثرة، أو الأوراق المبعثرة، فلا يصح إطلاق لقب كتاب على أوراق كأنها خرجت من الحرب توًا بنصف أوراقها

نظر لـ {ريان} الذي كان يركض خلف {شمندورا} بزجاجة المياه و هو يلقي عليها بعض القطرات، أفلت {سهم} و أغلق الباب جيدًا، ثم ركض خلف {ريان} و هو يصيح :
_ خد هنا شا شبر و نص أنت

وثبت {شمندورا} فوق المكتبة الخاصة بـ {يزن} و هى تلهث بعنف، ففي الدقائق التي خرج فيها {يزن}، ركض خلفها {ريان} في الشقة بأكملها سبعة مرات دون أن يتوقف!

أمسك {يزن} {ريان} و هو يقول :
_ هـي شمندورا ضررتك يا بني و أنا معرفش؟؟
أرحم القطعة دي بتطلع في الروح من ساعة من جيتو و بعدين فين سهم مش ك..

قطع عبارته صوت سقوط أشياء بالمطبخ، و إن كان الصوت أقرب لصوت سقوط المطبخ نفسه!

ألقى {يزن} {ريان} فوق الاربكية و هرع للمطبخ بفزع ،فوجد {سهم} مُحاط بعدد من أواني الطهي، بالإضافة لعدد من الصحون المنكسرة، و .. أهذه ملاعق ذاتبة من النار!؟

تحرك {يزن} سريعاً نحو النار ،و أطفائها بعدما نالت قدميه من الجروح ما نالت

نظر له {سهم} ببراعة و هو يشير لما حطم :
_ حسوا أن الرفوف حر فنزلوا تحت في الطراوة

ظل {يزن} ينظر لـ {سهم} بعدم تصديق و تشنج و هو يقول :
_ طراوة؟! هي بلاكونة؟! و بعدين أنت مش كنت مكتتب من د..

سمع فجأة صوت أت من غرفته :
_ لو مش هتيجو تخدونى، أنا جايلكم

دُعِر {يزن} من تلك العبارة، و ركض لغرفته، و أندفع نحو الشرفة في نفس اللحظة التي قفز منها {أركان}، لكن يد {يزن} كانت أسرع و ألتقطته قبل أن ينهي حياته التي لم يبدأها بعد!

ظل على هذه الوضعية دقيقتان يلتقط أنفاسه برعب، فيها هو ذلك الأحمق كاد أن يلقى حتفه من الطابق الثامن

و أسفله بعدة طوابق، خرج العم {جابر} لشرفته و هو يرفع وجهه للسماء مستنشقا بعض الهواء الذي خلا من دخان {قديري} الأسود، لكنه تصنم عندما رأى {يزن} يمسك {أركان} في وضعية أوحث له أن سيلقيه من الشرفة، فصاح بجزع :
_ في ايه يا بني، بتعمل ايه في ولاد أختك!

أسرع {يزن} يبرر للعم {جابر} وضعيته تلك، إلا أن العم {جابر} سبقه و هو يقول :
_ دول أحباب الله يا بني، حرام عليك، لسة مشافوش غدر الحياة، تيجي أنت أول واحد تغدر بيهم

تحدثت {يزن} و هو يرفع {أركان} ليدخله :
_ يا عم جابر حضرتك فهمت غل..

قاطع العم {جابر} و هو يضع يده فوق قلبه :
_ آه يا قلبي، هي الدنيا دي بقت كدا، القوي بيستقوى على الضعيف

نظر له {يزن} باستنكار و هو يقول :
_ ضعيف ايه، دول عاملين حفلة في الشقة عندي و..

أشار له العم {جابر} بالصمت و هو يدخل لغرفته مرة أخرى :
_ الناس أنعدمت من قلوبها الرحمة

ظل {يزن} ينظر لأثره بذهول و هو يقول :
_ أنا ال بقيت الشرير في قصة أحدهم دلو..

قاطع صوت تكسير بالداخل، فصاح :
_ سبونى أكمل أم جملة يا بلاوي أنتوا!

ثم هرع للداخل و هو يقول بسخط :
_ هما دول أحباب الله!

~~~~~



كان {قدري} يرتب بعض الأدوية التي جاءت من الشحنة الجديدة مع العامل نظرًا لفراغ الصيدلية من الزبائن

دفعت فتاة، في نهاية العشرينات تقريبًا باب الصيدلية، و في يدها حقائب كثيرة، و بدى عليها الأرهاق

تلقتت حولها، تبحث عن من يساعدها، حتى رآها {قدري} عندما ألتفتت ليكمل ما يفعل

اتجه نحوها و سألها :

\_أقدر أساعد حضرتك يا فندم!؟

ألتفتت الفتاة، و هزت رأسها و هى تضع الحقائب أرضًا بتعب، ثم فتحت حقبيتها تبحث عن الورقة التي دون بها الطبيب اسماء الأدوية الخاصة بها، لكنها لم تجدها، فبدأت بفتح الحقائب البلاستيكية و البحث عنها، كانت تفتح الحقائب بتوتر من أن ينهال عليها {قدري} ساخطًا أو منزعًا من إيقافه جوارها طويلاً، ليس خوفًا منه، و لكن يومها كان حافل بالفعل، و هذا آخر شئ قد تتمنى حدوثه، إلا أن كل ما خرج منه :

\_على مهلك

حسنًا، كلمتان عاديتان جدًا، و لكن القليل من صار ينطقها بهذه النبرة الهادئة، التي لا تحت على أستعجالها نهائيًا

رفعت بصرها له بصدمة و عدم تصديق، بينما تحرك هو بعيدًا، ثم عاد بمقعد صغير، وضعه جاراها و قال :

\_ممكن تقعدى ترتاحي و تدوري براحتك

و نظرًا ليومها الذى بدأ بكوارث و صياح و مشاكل، كانت كلمات {قدري} و تصرفاته كالمهدئ لها، رغم أنه لم يفعل شيئًا في الواقع

عاد {قدري} ليتحرك و هو يتثائب بملل، فلم يمر عليه {يزن} قبل ذهابه لعمله الثاني، مما جعل يومه مملًا

أخيرًا وجدت الفتاة الورقة بعدما فتشت الحقائب كلها، تنحنحت للفت انتباه {قدري}، فنظر لها الأخير و هو يسألها :

\_حضرتك لقبتي اسماء الأدوية!؟

هزت الفتاة رأسها و مدت يدها بالورقة، فأخذها و ألقى نظرة سريعة عليها، و للعجب، لمحت الفتاة {قدري} بيتسم بسمة صغيرة أثارَت ربيتها، فلما قد بيتسم أحدهم عندما يقرأ اسم دواء ما!؟

لكنها لم تدرك أنه لم يكن بيتسم على ذلك، بل أبتسم عندما لمح اسمها الذى شابه اسمه بشكل غريب، "قدر"

اسم ليس بمنشتر، لكن بدى مميز لـ {قدري}

تحرك نحو الأرفف و أحضر الأدوية، ثم ذهب للحاسب الآلي و بدأ بالنقر عليه، ثم قال لـ {قدر} دون النظر إليها :

\_الأدوية كلها أهي، بس حقن الأنسولين مش متوفرة حاليًا

تنهدت {قدر} و سألته :

\_طب ألقياها فين!؟

مط {قدري} شفتيه و قال :

\_مش هتلاقهم دلوقتى و..

قاطعته هى برجاء :

\_طب هيجو أمتى!؟ أنا محتاجهم ضروري

أنا مريضة سكر و ممكن أقع من طولي في نص الشارع من غيرهم

أشفق عليها {قدري} و إن لم يُظهر ذلك لها كى لا يجرها

ظل صامت قليلاً، ثم قال :  
\_ طيب ثواني

هزت {قدر} رأسها بلهفة، بينما هو تحرك للدخول لدقائق، قبل أن يخرج و في يده حقيبة صغيرة بها المطلوب

نظرت {قدر} له بضيق ظناً منها أنه لم يُرد أعطاها الدواء، فقالت بحنق :  
\_ يعني في أنسولين أهو!

إلا أن العامل الذي كان يرتب الأدوية قال موضحاً :  
\_ لا يا أنسة، الأنسولين فعلاً ناقص، بس الدكتور قدري مريض سكر، فلابزم يبقى معاه حقن أنسولين

"يعني لازم تكسفي نفسك قدام الناس "

هذا ما حدثت به نفسها، أبتلعت لعباها بحرج و تمتت :  
\_ أنا .. أنا بعذر لحضرتك

لم يجيبها {قدري} ، وإنما أخبرها ثمن ما أشرتت، فدفعت هي في صمت و أخذت أغراضها و خرجت بحرج  
بينما سأل العامل {قدري} بتعجب :  
\_ حضرتك مقولتهاش ليه أن الحقن من عندك !؟

فرد {قدري} مرفقيه و هو يجيب :  
\_ مردتش أخرجها ، أنا مقولتهاش أني محسبتهاش ع..

قاطعته العامل بدهشة :  
\_ محاسبتهاش عليها؟؟

هز {قدري} كتفيه و هو يقول :  
\_ لا، دي مش من الصيدلية، دي من عندي فمفيش مشكلة

فتح حقيبته ، و أخرج منها شيئاً ليلتهمه و هو يتابع :  
\_ و أنا مدرك مدرى خطورة عدم وجود حقن الأنسولين لمريض السكر

توقفت يديه في الهواء فجأة، و نظر لما كاد أن يلتهمه برهة ،قبل أن يضعه مكانه مرة أخرى، و تمتم بخفوت :  
\_ ربنا يعفينا جميعاً

~~~~~

حمل {يزن} {سهم} لشرفة البهو الخاص بمنزل {شذى}، ثم قال له منبهاً :
_ بص يا حبيبي، هتروح أوضتك تعمل ايه!؟

ردد {سهم} ما أخبره به {يزن} :
_ هروح أوضتي و هجيب هدم ليا و لشهم ، و هروح أوضة ريان و أركان، أجيب هدم ، و هعدي على المطبخ أجيب فرخة

رمقه {يزن} باستنكار و هو يقول :
_ فرخة ايه ال تجيبها!؟

يا بني الله يهديك ركز مع أهلي
متخليش شذى تشوفك، فاهم؟؟

سأله {سهم} بحزن :
_ يعني مجبش الفرخة؟!_

مسح {بزن} على وجهه بقلة حيلة و هو يقول :
_ يا بني متشلنيش، أنا صحتي على قدي، فهمت هتعمل ايه؟!_

هز الطفل رأسه ، و تحرك للداخل، بينما نظر {بزن} لأطفال شقيقته الذين قيدهم بسلك الصحون و وضعهم ربطهم بريشة المروحة المعلقة بالسقف حتى لا يفتعلوا كوارث إذا ما ألتفت يميناً أو يساراً ، ثم نظر لابنة شقيقته الصغيرة و هي تجلس بهدوء فوق فراشه، ممسكة بأفلام التلوين بين يدها، و أخذت تُلون أشكال الرسوم المتحركة في الورقة أمامها، هي على حالها هذا منذ ساعة تقريباً، لم تتحرك و تلتفت يميناً أو يساراً، و صدقاً ،تمنى لو أنجبت شقيقته فتيات فقط، عل حياته خلت من هذا الرعب

نظر {أركان} لخاله بحنق و قال :
_ أشمعنا ليان مش مربوطة؟!_

نظر له {بزن} بسخرية و هو يقول :
_ عشان مبتنتش من البلكونة يا سوبر مان

تحدثت {ريان} ظناً منه أن حديثه هذا سيشق قلب خاله :
_ خالو أنت مش حلو

_ طيب يا سيدي شكراً على المعلومة

أما {شهم}،فقال معترضاً :
_ ليه سهم هو ال راح؟!
كنت أروح أنا

نظر له {بزن} بحنق و قال :
_ آه تروح بخلقتك دي عشان تتقفش و شدى تبهلك أنت و أخواتك، و بعدين هو أنت بتعرف تتحرك من غير ما تلطش حاجة؟! ده أنت أمبارح كاسر فازتين ماما الله يرحمها لشدى، و فضلت تجري وراك في الشقة كلها

_ و أنت عرفت منين؟!_

_ عرفت منين؟؟ دي العمارة كلها عرفت يا حبيبي
أصل أنت ما شاء الله، صوت صوتك قد كدا
و صوت تهزيق شدى ليك و الشبشب ال بيترقع وصلوا لأخر الشارع

ثم زفر و هو يكمل :
_ و بعدين أنا مدخل سهم عشان سليم، يعني لو شدى قفشته مش هيحصل حاجة عشان مفيش حاجة في وشه

ختم حديثه بتهكم واضح، لكن سرعان ما ألتفت عندما سمع {سهم} من الجانب الآخر يقول :
_ خالو، أنا جيت

نظر {بزن} له متعجباً سرعة قدومه، إلا أنه كاد يصاب بنبحة صدرية عندما رأى ما رأى، كان {سهم} يحمل تلك الدجاجة التي أصر على أخذها، و بعض الموز ، بالإضافة للبطيخة التي دحرجها أرضاً بقدمه ، و بعض ألعابه

كان مشهد كافي ليفقد {بزن} القدرة على النطق، إلا أنه قال مشيراً لتلك الأشياء :
_ س.. سهم أنت جايب ايه؟!_

هز {سهم} كتفيه و قال ببراءة كادت أن تُلقي بـ {يزن} إلى حافة الجنون :
_ لقيت الأكل بيندهني فروحتله

ثم مط شفتيه و أضاف :
_ و بصراحة أنا جعان

نظر له {يزن} بذهول و قال :
_ ج.. ج.. جعان ايه يا سهم؟؟
أحنا في ايه دلوقتي!

رجع الحجات دي و تعالى يا سهم ربنا يهديك

ذم {سهم} شفتيه، و عاد يدلف بضيق، بينما تحرك {يزن} و هو يكاد يفقد أعصابه نحو الأطفال قائلاً :
_ هتروحوا النادي بلبس المدرسة بقي

ثم وثب فوق فراشه و جذبهم من المروحة، وضعهم فوق فراشه و بدأ بفكهم، فسأله {أركان} :
_ يا خالو ما نروح نجيب هدمنا من البيت عادي

أجابه {يزن} :
_ و أقول لمامي ايه؟! ما أنا قايلها أني هقعد معاكو في البيت، و لو عرفت أني نازل بيكو أستحالة تسيبني أخذكو

سأله {ريان} بتعجب :
_ للدرجة دي بتحبنا يا خالو

ألقى سلك الغسيل الخاص بالصحون جانباً و أجابه ساخرًا :
_ أوي أوي، اومال سايبكو تخربوا في شقتي ليه مثلاً!؟

سمع نداء {سهم}، فخرج للشرفة ، بينما قفز {سهم} نحوه، ليلتقطه هو قائلاً :
_ عارف لو شذى عرفت بالبنهبيه ده هتقتلك و تقتلني

أشار {سهم} نحوه و هو يقول :
_ بس هتقتلك أنت الأول عشان أنت الكبير

_ أمشي يا شبر و نص من هنا

قالها {يزن} دافعاً إياه برفق للداخل، ثم دلف و أغلق باب الشرفة خلفه، جلس أمامهم و هو يقول :
_ عشان نبقي على نور بقي
في لجنة جاية أنهاردة النادي و..

قاطعهم {سهم} بعدم فهم :
_ هو أنتو بتمتحنوا في البسين!؟

لم يفهم {يزن} مخزى العبارة، فتطوع {سهم} موضحًا :
_ أصل مس ناهد بتقول كدا لما ناس لابسة أسود تخش عندنا عشان منعملش دوشة

زفر {يزن} متناسياً أنه يتحدث مع أطفال لم يبلغوا العاشرة من عمرهم بعد، ثم قال :
_ ناس مهمة جاية أنهاردة، مينفعش نعمل شغب، مفيش كوارث، منسبش بعض و منتحركش من مكانا، حد يقول تعالى أوديك لماما
أوديك لبايا، أو أنا صاحب بابا مبنرحش مع حد في حنة

نظر لـ {سهم} محذراً :
_لو حد أدانا حاجة ناكلها منخدش منه حاجة

سأله {سهم} :
_طب لو حاجة نشربها

تشنجت ملامح {يزن} و هو يقول :
_لا أكل ولا شرب ولا لعب، مينروحش مع حد غريب أحنا

ثم تابع موجهاً حديثه للجميع :
_لو حد قرب منا أو حاول يشدنا بنصوت و نلم عليه الناس

ثم نظر لـ {شهم} قائلاً :
_و فرصتك أهي جت، لو حد هوب نحيتكو أعجنوه، حلو؟!

هزت العصابة الصغيرة رؤسها، فتنهد {يزن} ، و نظر لـ {ليان} التي لم تنتبه لأى شئ حولها، ثم ربت على رأسها بحنان و نهض
ليبدل ثيابه سريعاً، و سرعان ما تحرك الجميع

~~~~~

كانت {شذى} تتحرك بين المتاجر الخاصة بملابس، و كل ثانية تنظر حولها لتتفقد أطفالها، إلا أنها ما تلبث أن تتذكر أنهم ليسوا  
معها، و كان ذلك شعوراً غريباً، شعور لم تشعر به منذ أنجاب {شهم} و {سهم}، شعور أن ليس هناك من يصرخ و يبكي و يفتعل  
الكوارث حولها، كان غريباً، خاصةً بعد أن تنال هذا الشعور بعد ثماني سنوات!

نظرت لحقيبتها الصغيرة التي لم ترتديها منذ ثماني سنوات، دائماً ما كانت تتحرك بحقيبة ضخمة عملاقة، تملأها حفظات الأطفال، و  
لاصق الجروح، و زجاجات المياه، بالإضافة لبعض الحلوى و الطعام، جهاز التحكم الخاص بالتلفاز، و الرضعات الصناعية، و أحد  
الجوارب المفقودة و التي لا تعلم كيف وصلت إلى هنا، و أشياء غريبة أخرى لا تعلم متى وضعتها

أما هذه الحقيبة، فتضع بها مالها، و هاتفها و بطاقة هويتها فقط

تنفست بعمق، و أبتعدت عن متاجر الأطفال التي لم تتحرك سوى بها منذ دخولها للمول التجاري

دخلت لأحدى متاجر العناية بالبشرة، و رغم أنها تقوم بعمل أقنعة ترطيب لوجهها - كل سنة تقريباً - إلا أنها فضلت شراءها هذه  
المرة، و كذلك بعض المستحضرات الأخرى

خرجت من المتجر بحقائب تملأها المنتجات، و بسملة صغيرة زينت ثغرها، و يالحظها ، فقد مرت بمقهى في منتصف الممر، فاحت  
منه رائحة قهوة ذكية، أشتاقت هي لشربها، رغم أنها بالفعل تشربها بمنزلها، إلا أنها كانت تزيد من حرارة النار حتى تفور سريعاً،  
فيفسد طعمها ، لتنهض و تكمل تنظيف المنزل و الألتفات لأطفالها و مشاكلهم، لكن الآن الوضع مختلف

أتسعت بسمتها و هي تسرع الخطى نحو المقهى قائلة :  
\_ربنا يديمك ليا يزن

~~~~~

_نقول ثاني، ...

قاطع {ريان} {يزن} بملل و هو يردد تعليمات {يزن} :
_منتحركش، منسبش بعض، مناخدش حاجة من حد

أسترسل {أركان} قائلاً :
_ لو حد قرب مننا و شدنا نصوت

و تبعه {شهم} الذي قال بحماس :
_ أو نضربه

بينما ختم {سهم} الحديث بضيق :
_ مناخذش أكل أو عصير من حد، ولو حد قالنا أنا صاحب بابا منروحش معاه و ننده عليك

أضاف {يزن} و هو يضع {ليان} فوق مقعد بين أربعتهم :
_ ناخذ بالنا من ليان كويس عشان هي لسة صغيرة

ثم وضع حقائب بلاستيكية فوق المنضدة و هو يقول :
_ جبتلكم حلويات و مخبوزات عشان لو جوعتو

ثم نظر لهم بقلق، يخشى تركهم حقاً، لكن لا يملك سوى ذلك، تحرك نحو أحد رجال الأمن، و قال :
_ أزيك يا سمير

أبتسم رجل الأمن وقال :
_ الحمد لله يا كابتن

_ سمير بقولك ايه، شايف العيال ال هناك دول

ثم أشار نحو الأطفال، فهز رجل الأمن رأسه، فتابع {يزن} :
_ معلش خلي عينك عليهم لحد ما أخلص التدريبات بناعت أنهاردة، دول ولاد أختي و خايف ليتحركوا و مخدش بالي

_ متقلقش، كل شوية هبص عليهم، روح أنت شوف شغلك

أبتسم {يزن} و حرك رأسه، ثم تحرك نحو مسبح، و وثب نحوه في مرونة، أثارت أنتباه أحدهم :
_ يزن جه!

نظرت {سارة} لـ {فريال} بعدم اهتمام و هي تقول :
_ حمد لله على سلامته، أبقى سلميلي عليه

نظرت لها {فريال} بضيق، فتابعت {سارة} بحنق :
_ يعني عايزاني أعمل ايه؟؟
بقالنا ساعة متحمصين في الشمس على ما الأستاذ جه

_ بكرا أتجوزه و تفهمي أنني كنت صح

_ صح ايه؟! ده بيجي بأتوبيس! ده مش من مستوانا نهائي
ما هو لو معاه فلوس و مش جايب عربية تبقى مصيبة لأنه بالمنظر ده بخيل

_ مين قالك أنه مش جايب عربية؟!
ما يمكن جايب و مخبي

_ و حضرتك هتعملي ايه بقى مع الأستاذ غامض!؟

غمزت لها {فريال} و نهضت و هي تقول :
_ هقولك دلوقتي

ثم تحركت نحو المسيح، و سارت جوار حافظه، ثم تصنعت التعثر و سقطت داخله!

أو كادت تسقط، لولا يد أمسكت بها، فنظرت بحنق لصاحر اليد، و الذي لم يكن سوى {سمير} الذي سألتها :
_ حضرتك كويسة؟!!

أفلتت يدها منه بغضب و قالت و هي تتحرك نحو صديقتها :
_ كويسة، كويسة

بينما نظر لها {سمير} بتعجب، لكنه سرعان ما هز كتفيه و هو يقول :
_ الستات دول عليهم حجات غريبة

ثم عاد لموقعه، بينما ضحكت {سارة} بشدة و هي تقول :
_ مش قادرة ،أنت كنت فكرة أنك هتقعي و ينقذك و الجو ده

زفرت بحنق و هي تقول :
_ ده أنا كنت جايبة هدموم زيادة عشان هدمومي لما تيل

عادت {سارة} لتضحك بقوة على عقلية رفيقتها و قالت :
_ يا بنتي الكلام أتهرس في ألف فلم قبل كدا، جددي

أشاحت {فريال} بيدها في ضيق، و ظلت صامتة

~~~~~

كان {يزن} يُلقى تعليماته على المتدربين، بينما كان يتحرك مشرف الحضور الخاص بالمتدربين مر على {أيهم} و تلاه {يزن} ، و بدأ بأخذ أسماء المتدربين، و قبل أن يخطو، شعر بأحد يصطدم به ،ليسقط هو في الماء فرغاً، و للحظ، هذا المشرف لديه خوف فطري من حمامات السباحة، و لقدره اللطيف، هذا المغطس قاعه يبعد عن السطح أربعة أمتار

تحرك الجميع، لأنقاذ ذلك المشرف، و ساد الهرج و المرج، و كان من أولهم {يزن}، و كذلك {أيهم}، إلا أن أحد المتدربين، كان أسرع من الجميع، و وصل للمشرف أولاً، و جذب جسده إليه، ثم حرك قدميه دافعاً المياه، و في خلال دقائق، كان المشرف ميتل و هو يجلس فوق أحد المقاعد، و الجميع حوله يحاولون التخفيف عنه، بينما نظر {يزن} لكوارثه المتنقلة، فوجدهم جالسين مكانهم، إلا أن {أركان} و {ريان} كانا يلهثان، فتنهد و هو يتوعد لهما

\_ ايه ال حصل ده ؟!

ألقت الجميع لصاحب العبارة، و الذي كان من اللجنة الآتية، فتحرك أحد الرجال و هو بيتلع لعباه :  
\_ يا فندم أقدر أو...

قاطعته الرجل بغتة :

\_ ازاي المدرب ملحقوش الراجل و حد من المتدربين لحقه؟! حضراتكم عارفين ده اسمه ايه؟!!

لم يجبه أحد، فتابع هو :  
\_ ده شئ رائع و هایل بكل المقاييس

نظر له الجميع ببلاهة، بينما أقترب الرجل من الشاب الذي أنفذ المشرف و ربت على كتفه و هو يقول :  
\_ أنت سبحا تفوقت على كل السباحين ال هنا، قولي، مين ال بيدربك!؟

أشار الشاب نحو المدربين و هو يقول :  
\_ كابتن يزن

أتسعت بسمة الرجل و هو يقول :  
\_ واضح أنك شايف شغلك يا كابتن

حسنًا، هذا آخر ما قد يتوقعه {يزن}  
حاول الأبتسام و هو يجيب بخفوت :  
\_ ده واجبي يا فندم

أنفض الجمع، و عاد كل سباح لفريقه، بينما ظل رئيس اللجنة مع {يزن} يتحدث معه عن مستوى الشباب، و منذ متى بدأ أحتراف  
هذا المضمار، و مرت ساعة، قبل أن يتركه {يزن} ليعود لفريقه، من بعد توصية الرجل لزيادة رتبه بالطبع، حسنًا، في نهاية  
المطاف تلك الكائنات ليست بهذا السوء

~~~~~

كان {يزن} قد بدل ثيابه، و بدأ بالتحرك للعودة للمنزل، لولا يدا {سهم} و {أركان} النان تعلقنا بيده، و هتف الثاني بعد تخطيطات مع
الأول :
_ خالو خالو

نظر له {يزن} بتعجب و أرهاق، فأشار الصغير نحو مقهى يجاور النادي و هو يقول :
_ عايز آيس بوبي

عقد {يزن} حاجبيه و هو يردد :
_ آيس بوبي؟! هى الكلاب بقت بتتشرب!؟

_ لا لا، آيس بوبي، ال هو بيبقى قهوة ساقعة

نظر له {يزن} بصدمة و هو يقول :
_ آيس كوفي؟! آيس كوفي بقت آيس بوبي
و بعدين أنت عرفته منين؟! أنا معرفتش أن في حاجة اسمها قهوة غير في تالته ثانوي

ذم {سهم} شفتيه و قال بانزعاج :
_ يعني مفيش آيس بوبي!؟

هز {يزن} رأسه نفياً و هو يقول :
_ لا خلاص، أنا هلكان و يدوبك هطلب أكل من براء، على ما أبوكم يرجع من الشغل عشان نتغدى كلنا و...

صاح {أركان} عنوة متظاهرًا بالبكاء :
_ أَلحقونا، عمو عايز يخطفنا

و في ثواني، تجمعت الناس حول {يزن} من حيث لا يدري، فأبتلع لعبابه و هو يقول :
_ في ايه يا جماعة، ابن أختي بيهزر معايا...

قاطععه صياح {سهم} الذى أفلت يده و ركض نحو أحد الرجال :

_أنا عايز ماما و بابا، أنا خايف من الراجل ده

_خد يالا هنا

و لكن فات الأوان، لقد أنقض الصياد على فريسته، و سيصبح {يزن} وجبة شهية الليلة..

~~~~~

كانت الساعة تشير لمنتصف الليل، عندما رأى {قديري} رفيقه يدفع باب الصيدلية، فأندفع نحوه بترحاب و سعادة قائلاً :  
\_يزن ،كنت عارف أنك ج...\_

بتر عبارته فجأة عندما أبصر هيئة {يزن} هذه

كان وجه المسكين ممثلي بالجروح، و ملابسه كملابس المتشردين، و الدماء عرفت طريقها على وجهه  
و حوله تلك الملائكة الصغيرة، ترفرف بأهدابها في براءة مثيرة للريبة، عاد {قديري} ينظر لـ {يزن} و سأله بقلق :  
\_يزن ، ايه ال حصل؟!  
وشك عامل كدا ليه؟!\_

ألقى {يزن} حقيبته التي أثقلت كاهله أرضاً ، و ألقى بجسده فوق أحد المقاعد و هو يطلق آهات الألم بشدة، فجلب {قديري} حقيبة  
الأسعافات، و جلس أمامه بقلق، و بدأ بتطهير جروحه و هو يسأل بقلق أندفع لقلبه بقوة :  
\_ ايه ال حصل يا بني؟!\_

أجابه {يزن} بألم متهمك و هو ينظر لأطفال شقيقته الذين بدئوا بالعبث في الصيدلية :  
\_أختلاف في وجهات النظر

ضم {يزن} حاجبيه بعدم فهم و هو يقول :  
\_مش فاهم، أختلاف في وجهات نظر ايه ال يشلفط خلقتك كدا؟!\_

سرد عليه {يزن} ما حدث، فنظر {قديري} لتلك الكوارث قائلاً بدهشة :  
\_هما دول أحباب الله؟!  
دول أخبث من أخبث عميل مافيا  
شوف شوف عاملين هبل ازاي!\_

كان {ريان} و {أركان} ينظرون لمعلبات طعام الأطفال متظاهرين بعدم سماع حديث {قديري}، بينما أمسك {سهم} أحد مستحضرات  
العناية بالبشرة، و سأل {سهم} ببلاهة :  
\_ سهم، هو ايه ده؟!\_

تمعن {سهم} النظر بالمنتج، ثم قال :  
\_أكيد ده أكل ليان ال ماما بتجيبه، دخلت معاها قبل صيدلية و جابت منه حاجة شبه كدا

هز {قديري} رأسه بقلّة حيلة، ثم عاد ليظهر جروح رفيقه المسكين و هو يقول :  
\_أنت ايه بس ال رماك على المر ده

أجابه {يزن} بألم و حسرة :  
\_أترحلقت يا بني و محدش لحقتي

ضحك {قديري} رغماً عنه، ثم عاد يسأل :  
\_طب أنت هتعرف تروح كدا؟!\_

\_ مش دي المشكلة، المشكلة في شدى، ده أنا واخد العيال عشان وشوشهم مضروبة و لو شافتهم هنتفخهم

قال {قدرى} بتهكم :

\_ أديك أنت الـ أنتفخت يا فالج

قطع حديثهما صوت رنين هاتف {يزن}، فأخرجه من جيبه - و الذى للعجب نجى من تلك الحادثة - و لكن تبذل ملامحه بهذا الشكل المفزع، دفع {قدرى} لسؤاله :  
\_ في ايه؟!!

أدار {يزن} هاتفه نحو رفيقه تزامناً مع قوله :  
\_ شـ.. شدى!

أبتلع {يزن} لعابه و هو يقول :  
\_ أ. أعمل ايه؟!!

جاراه {قدرى} في رعبه هذا ممثلاً للقلق :  
\_ أهدى كدا و متتوترش، أنت معملىش حاجة غلط، أنت أتجوزت و كان في شهود و مآدون و...

ضربه {يزن} بوهن و هو يقول بغضب متوتر :  
\_ ناقص خفة دمك يا قدرى!

\_ أعملك ايه يعنى؟! محسسنى أن مراتك قفشتك مع مراتك الثانية، رد عليها و قولها أنك عندي أنت و العيال

\_ و بالنسبة للبونىة ال واخدها في وشي؟!  
مش حاسس أن صوتي متسفلت تحت فطر؟!!

حك {قدرى} شعره الأسود و هو يقول :  
\_ لا في دي عندك حق

ثم جذب الهاتف منه، و قبل أن يستفسر {يزن} عما سيفعل صديقه، وجده فتح الأتصال و قال :  
\_ أزيك يا مدام شدى

قطبت {شدى} حاجبيها بتعجب ، و نظرت لهاتفها لتأكد من هوية المتصل به، إلا أن بالفعل أضاء باسم شقيقها، فعادت تضع الهاتف على أذنها و هى تقول بحرج :  
\_ أرى حضرتك يا أستاذ قدرى، معلش بتصل في وقت متأخر، بس مش ده تليفون يزن؟!!

\_ آه ما يزن عندي هو و الولاد

\_ عندك في البيت؟!!

\_ لا في الصيدلية

أنتفضت {شدى} من فوق مقعدها و هتفت بهلع :  
\_ في الصيدلية؟! ليه؟! حد من العيال جراه حاجة؟!!

أبتسم {قدرى} بتهكم و همس لنفسه :

و دول حد يقدر يهوب نحيتهم أصلاً؟!!

ثم عاد يقول مطمئناً {شذى}:  
\_ لا العيال بخير يا مدام، الفكرة بس أنني واخذ شفتين في الصيدلية، فيزن جه يونسني

أشار له {يزن} بعدة إشارات بيديه، فتابع هو :  
\_ و بيقولك متستنهوش عشان ممكن يرجع الصبح

عادت تلك المسكينة لتجلس فوق مقعدها بعدما أطلقت تنهيدة راحة، ثم قالت :  
\_ طبيب يا دكتور، طمنتني، تصبح على خير

ثم أنهت المكالمة، و وضعت هاتفها جوارها ، و تراخت في جلستها و هى تحمد ربها، فأخيراً، ستنعم بليلة هادئة، رغم القلق الذى أستحوذ عليها عندما قامت بـ اتصالات عدة بشقيقتها عندما أدركت أنه ليس بالمنزل فور عودتها من الخارج، لكن لا بأس، كل شئ على ما يُرام، و..

مهلاً! لماذا أجب {قدري} على هاتف {يزن}؟!  
هل حدث له مكروه ولا يريد أن تعلم هي؟!  
أدهسته سيارة و نُقل للمشفى؟!  
أم تم خطفه من عصابة ظننه غنياً مطالبة بقدية لأرجاعه؟!!

و الكثير و الكثير من الاحتمالات، التى لا تراعي سن شقيقتها صاحب الثماني و عشرين عاماً  
لكنه في نهاية الأمر صغیرها الأول  
لطالما كانت تتألم لألمه و تفرح لفرحه  
لم تكن تعامله كأخت، بل كأُم!

زفرت و حاولت التخلص من تلك الأفكار السوداوية و هى تقول مقتعة نفسها بما لم يُتبع عقلها :  
\_ ممكن يكون في الحمام و قدري رد عليه، أهدي مفيش حاجة

سمعت عنوة صوت فتح الباب و غلقه، فنهضت و هى تحاول تلبس الهدوء و الود، تدرك أن زوجها قد عاد كعادته في مثل هذا الوقت المتأخر، و لابد من شجار حماسي يزج سكان البناية بعد منتصف الليل

حاولت جاهدة رسم بسمة على ثغرها و هى تقول :  
\_ حمد لله على سلامتک يا شادي  
أحطلك العشا؟!!

إلا أنه تجاهل حديثها و هو يسألها بتعجب :  
\_ هما الولاد ناموا ؟!

قبضت على كفيها بقوة محاولة سلب غضبها الذى بدأ بالأشتعال رويداً رويداً، ثم أجابت :  
\_ لا ، الولاد مع يزن بـ..

بترت عبارتها عندما ألتفت لها {شادي} عنوة و هو يقول بنبرة تحث على أشتعال شجار :  
\_ مع مين؟! بيعملوا ايه مع يزن لحد دلوقتي؟!  
و سايباهم مع يزن ليه أصلاً?!!

بدأت نبرتها تحدد و هى تجيب بعينين تطاير منهما الشرار :  
\_ في ايه يا شادي؟؟ محسسنى أنني سيباهم في الشارع!  
خالهم و قال عايزهم معاه شوية عشان يريحني و..

قاطعها {شادي} بنبرة صائحة غاضبة :

\_ آه عشان يربحك! ما هو لو أنت شايقة شغلك يا هانم مكنش حس أنك تعبانة و عابزة ترتاحي من العيال زى أى أم فاشلة

نظرت له {شذى} بصدمة و هى تتراجع للخلف مشيرة لنفسها :

\_ أنا أم فاشلة! بعد كل ال عملته و ال بعمله أنا أم فاشلة!

\_ ايوا فاشلة!

لما كل أسبوع يجيلي أستدعاء ولى أمر من أثنين ولا ثلاثة من عيالك تبقي أم فاشلة، لما كل يومين الأقي الطبيخ محروق تبقي أم فاشلة، لما عيالك كل يوم يرجعوا بمصيبة من مدرستهم تبقي أم فاشلة، لما عيالك ينجحوا في مدارسهم مرة بالعافية و مرة بدرجة معقولة شوية تبقي أم فاشلة

أندفعت {شذى} و هى تصيح و قد دفعها {شادي} لحافة الجنون :

\_ و لما أنا أم فاشلة مستحملني ليه!؟

أقولك أنا ليه!؟ عشان لقيت حد تعلق عليه شماعة أخطائك، أصل أكيد هيبقى أسهل انك تهمل عيالك و تيجي تزق و تلبس القدامك غلط، من أنك تهتم بيهم

يا شيخة مفكرتش مرة تسأل واحد فيهم عامل ايه مدرسته!؟ مفكرتش تسأل عن سهم ال أنا عمالة ابني في شخصيته المهزوزة؟ مفكرتش كم التمر ال بيتعرضه يوميًا و أنا بطبطب و هدهد، و ليان ال لسة مكملتش تلت سنين، أنت عارف أنا بنام كام ساعة في اليوم!؟

أنا بنام تلت ساعات يوميًا بالعافية بسبب عياطها طول الليل و سهرها، و لازم أصحى الصبح أصحى عيالك ال بيقوموا من النوم بالعافية، و أفطروهم و ألبسهم و أنزلهم ، و فطارك ال كل يوم بعمله و تنزل من غير ما تدوق منه لقمة، و الشقة ال عابزة عشر خدمات عشان يعرفوا ينضفوها

\_ ما هو كل السنين بتعمل كدا، زيك زيهم، شوقتي واحدة فيهم عاملة زيك ولا بتصوت طول اليوم

\_ زى زيهم!؟ طيب يا شادي، والله ما أنا قاعدالك في البيت ده

ثم أندفعت خارج المنزل بملابس منزلها، و أخرجت مفتاحها الخاص بمنزل {بزن}، فمنزل {بزن} منزل والدهما من الأساس، و لديها نسخة من المفتاح، حتى تستطيع الدخول لطهى طعامه أو لتنظيف منزله أو لغير ذلك

دفعت الباب و أغلقته، و سرعان ما تحول هول غضبها، لحزن، حزن مريع، حزن أثقل كاهلها لدرجة أنه أسقطها أرضًا أمام الباب تكي و تنتحب بحرقة

لما وصلت مع زوجها لتلك المرحلة من الفتور في العلاقة!؟

أليس هذا ابن عمته الذى نشأت بينهما قصة حب أسطورية!؟

أليس هذا كان يعمل عوضًا عن العمل أثنين من أجل تجهيز منزلها بما تريده هي!؟

أليس هذا من كانت تتمنى أن تكمل معه حياتها!؟

ماذا حدث!؟

إلى ما وصل كلاهما!؟ و لىما!؟

بينما، و على الجانب الآخر، تهاوى {شادي}، فاقداً القدرة على الوقوف، لا يصدق ما سمعت أذناه، ولا يصدق ما حدث لهما!؟ كيف بدأت تلك الحرب التى كان يخطط منذ رحيله من المشفى عدم حدوثها و تجنبها!؟

لما أنهارت حياته على هذا النحو!؟

ألم يكن يعد الساعات ليأتي لزيارتها بعد الخُطبة!؟

و بعد زواجهما كان يحاول أنهاه عمله ليعود لمنزله، منتظرًا منها أن تستقبله بترحاب و حفاوة

أين تبخر كل هذا!؟

أين .. !؟

~~~~~

كان الصُّبحُ قد أنبلج، و أزاحت الشمس تلك الليلة التي حدث فيها عدة كوارث

كانت الساعة تشير للسادسة و النصف، عندما تتأنب {يزن} و هو يقول مصافحاً {قدري} الذي كان شبه واعى :
_ طيب يا قدرى، هطير أنا بقى عشان مدرسة العيال و شغلي

نظر {قدرى} بعينين نعستين للأطفال المترامين أرضاً، يغفون بعدما كادو أن يقيموا خسارة فادحة للصيدلية أمس بسبب رغبتهم في
كسر كل ما تمس أيديهم
ثم نظر لـ {يزن} الذى فرك عينيه في تعب و قال :
_ مدرسة ايه ،مش شايفهم حبايبي، مصايب نايمة زى الملايكة، هيقوموا ازاي دول ؟!

_ يا سيدي يبقوا يناموا في المدرسة، قال المدرسة بتخلي بالها منهم أوي

و بالفعل، تحرك {يزن}، حاملاً {ريان} و {أركان} بمرفقيه ،و فتح حقيبته واضعاً {ليان} بها دون أغلاق السحاب، و {شهم} و {سهم}
يسيران معه كالمنومان

أستقل الحافلة، و وضع الأطفال فوق المقاعد الفارغة، دون أن يغلق عينيه أو يغفل عنهم ، فما يدريه لعل أحدهم يقرر تجربة القفز
من النافذة - رغم أغلقها إلا من فتحة صغيرة - كأبطال الرسوم المتحركة، أو أفعال أى كارثة قد تؤدي لمصرعهم في النهاية
توقفت الحافلة لدقائق، أندفع داخلها جمع من الناس من فئات عمرية مختلفة، و ما هى إلا دقائق، حتى عادت الحافلة للتحرك، و
خلالها، شعر {يزن} بأرهاق شديد يتنزف كل طاقة فيه، فما كان من ذلك النوع الذى يفضل السهر ليلاً؛ لأدراكه إلى ماذا سيوصله
هذا من تعب

شعر فجأة بعضلاته تتراخى - رغمًا عنه - و بيده التي تمسك المقبض الحديد المعلق بسقف الحافلة تتركه
و قررت عينيه أن تغفل لقليلة صغيرة ..

_ يا قليل الأدب!

سبة؟!!

أنتفض {يزن} المسكين عندما شعر بصفعة على وجهه، و قررت عينيه العمل، لتضح أنه تلقى صفعة من كف أنثوي
هذا كل شئ، لم يستطع تحديد هوية الفتاة التي صفعته، لكنه أدرك أنه ألقى بجسده فوقها بغير وعى، فظنته..

عند هذه النقطة و شعر بالحرج الشديد، و تمت معتذراً بخجل و ضيق من نفسه :
_ أنا.. أنا.. أنا أسف مكنش قصدى، أنا ..

قاطععه صوت رجل ينهض من مكانه و هو يحدجه بنظرة نارية :
_ في حاجة يا أنسة؟!!

هزت الفتاة رأسها ،و أشارت نحو {يزن} و هى تصيح بغضب :
_ الكائن ده كان رامى نفسه عليا و..

قاطعها {يزن} و هو يشعر بتهالك شديد بجسده :
_ يا أنسة قسماً بالله ما حسيت بنفسى، أنا كنت نا..

قاطعته لكمة من الرجل و هو يصيح بانفعال :
_ ال أختشوا ماتوا صحيح، فإكر أن محدش هيصدك عن الأنسة الغلبانة دي؟! لا يا خويا، لسة في رجالة في البلد

و أنهال عليه رجال الحافلة يكيلون له اللكمات و الركلات، حتى صار كاللحم المفرد

تركه الرجال على مضض عندما توقفت الحافلة، بعد نصف ساعة من الركل و اللكم، فنهض هو زحفاً ، يريد الرحيل بأى ثمن، حتى لو لم يعرف أين ستتركه الحافلة، المُراد أن يهرب قبل أن يلفظ أنفاسه الأخيرة

هبط من الحافلز مع أطفال شقيقته الذين أستيقظوا بعد سماعهم لضجيج مزعج جوارهم ،و كذلك هبطت الفتاة، لكنها لمحت {يزن} أمام مدرسة الأطفال، و التي تعمل فيها كمعلمة رسم، نعم، هي {نازلي}

كادت أن تصيح به و تسمعه من العبارات أسوئها، لكنها توقفت عنددما تعرفت على تلك الكوارث، نعم، هم نفسهم تلك العصابة الصغيرة التي كادت أن تقتل ثلاثة أطفال

سمعت {يزن} و هو يقول بصوت مبوح :
_بابا هيجي ياخذكم بعد المدرسة

نظر له {شهم} بعدم رضى و هو يقول :
_يا خالو أحنا واخدين أستدعاء ولى أمر
هنخش المدرسة ازاي؟!

نظر {يزن} لهيئته ،و لأماكن اللكمات، ثم قال :
_والله ما هينفع أخش للمدير بالمنظر ده، مش بعيد المدير يعملني أنا أستدعاء ولى أمر

ثم عاد يقول :
_و بعدين ما أنتو ياما أخذتوا أستدعاء ولى و كنتم بتروحوا المدرسة، و بعدها بشهر، تكونوا حوشتوا حبة أستدعاءات حلوة ،تجيب أجل أمكم و أبوكم

سأله {ريان} :
_ و أنت؟!

_ ما أنتو جبتو أجلي خلاص، هتعملوا ايه أكثر من كدا؟!

و بعد مناقشة لمحاولة ردع {يزن} عن ترك الأطفال بالمدرسة، تركهم و رحل عائداً لمنزله بالصغيرة بينما نظرت {نازلي} لأثره بضيق ، لا تدري مالذي منعها للذهاب و أسماعه أذع العبارات، لكنها لن تركض خلفه بالتأكيد لفعل ذلك،لدى أكتفت بمراقبة الأطفال أمامها و هم يدخلون المدرسة

فتحركت خلفهم، و أسرعت لصفها الذى تأخرت عنه

دفعت الباب المهترئ، لتقابل فوضى و صياح و بكاء و شجار، فألقت أغراضها أعلى المقعد، و ظلت واقفة دون إصدار صوت، ترمق الأطفال بتهكم و رويداً رويداً هدأ الصف بعد ملاحظة التلاميذ لها، فرفعت حاجبها و هي تقول :
_قطعت عمل مهم و لا حاجة؟!؟!

لم يجيبها أحد، فتابعت و هي تتحرك بينهم :
_مش عشان مدرسة رسم تبقى حصتي فوضى، و لا تفكروها حصه ألعاب

أنقض الصغار على صيحتها :
_لا! هتبقوا محترمين الحصه هتبقى لذيدة و فيها فعاليات، ه..

بترت عبارتها عندما رأت {سهم} و {شهم} نائمان فوق، هذا فوق كتف الآخر، و هذا فوق رأس شقيقه

تحركت نحوهما و هي تصيح :
_عشان نبقي عارفين برضو ،المدرسة مش مكان للنوم
_أحنا جايين نتعلم و نستفيد

كانت بعبارتها تريد إيقاظ الأخوين ظناً منها أنهما يغلقان عينهما لا أكثر ، لا تدرك أنهما بالفعل غطسا في نوم عميق
فهزت {شهم} الجالس على الطرف و هي تحاول إيقاظه، إلا أن كل ما أتى منه :
_يا تيتا سبيني ألعب مع السمك شوية

صدرت بعض الضحكات الخافتة من التلاميذ، بينما عادت {نازلي} لتهزه و هي تصيح به، فاننفض هو و نظر حوله و هو يتمتم :
_أنا مين؟! أنا فين!؟!

نظر حوله يحاول أستيعاب أين هو، حتى وقع بصره على {نازلي}، فقال هو في استنكار :
_أنت تاني!؟!

صاحت {نازلي} و هي تشير صوب الباب :
_لما تتعلم تصحى في الفصل أنت و أخوك و تقول حضرتك أبقى أحضر الحصة، غير كدا برا
و كم كانت عبارة أسعدته، فسينام الآن في سلام بالخارج، جذب شقيقه الذى لم يعي ما يحدث حوله، و خرج الاثنان
بينما رفعت إحدى التلميذات يدها و هي تقول :
_مس ،ممكّن أروح الحمام!؟!

أشارت لها {نازلي} ، فتحركت الفتاة خارجاً ،حتى وقعت عينها على غايتها، فاندفعت نحوها و هي تسأل :
_شهم ،أنت كويس!؟!

رفع {شهم} الجالس أرضاً مع شقيقه المستند على كتفه، و ما أن رأى الفتاة، حتى أنتفض و أستقام ،تاركاً رأس شقيقه تصطدم أرضاً
بقوة، فنظر لـ {شهم} و هو يقول بانزعاج :
_هو كل ما تشوفها تنتفض كدا زى فرقع لوز
بينما تجاهله {شهم} و هو يقول فارغاً عينيه :
_شهد!
_أنا.. أنا مشفتكيش و أنا داخل

_أنت كنت تعبان و أنت داخل و مخدتش بالك مني و بشاورلك

_أنا آسف والله، منمتش كويس و تعبان

ثم أبتمس ببلاهة و هو يقول :
_بس بقيت كويس لما شوفتك

و رغم عدم فهمه للعبارة تقريباً، لكنه كان يرى والده يقولها لوالدته، و كان هذا يبهجها بشدة

نظرت الصغيرة للأرض بخجل و هي تقول :
_ش.. شكراً

ثم أخرجت شيئاً من خلف ظهرها و هي تقول بالهفة :
_أنا.. أنا رسمت رسمة و عايزة أوريها لك قبل ما أخش للمس

نظر {شهم} للرسمه بانبيهار ، حسنًا ،لقد كانت الرسمه بشعة في الواقع و لم تكن لها ملامح محددة، لكن {شهم} قال بأعجاب :
_ حلوة أوي الشمس و الشجر ده

_ دي مش شمس، دي وردة

_ حلوة أوي الوردة و الشجر ده

_ ده مش شجر ،ده ناس

قطع {سهم} حوارهما الغرامي و قال بسخرية :
_ والله يا شهد ما باين ده شجر ولا ناس ولا ملوخية

لكن أى من الصغيران لم يهتم لحديثه
و أنتهى الأمر على أخذ {شهم} للرسمه ،و بسمة بلاهة تعلو ثغره عندما رحلت {شهد} من أمامه

ظل يتأمل الرسمه بسعادة، رغم أنه لم يفهم أى شكل من أشكالها المرسومة، لكنه كان سعيدًا بها على أى حال

نظر له {سهم} بسخرية، فها هو ، الصائح الثائر الغاضب، ينظر للفتاة التى يحب بكل بلاهة، بل و يمدح رسمتها التى لا تمت بصله
للرسم

أشاح {سهم} بوجهه بعيدًا عن شقيقه بملل، و أراح رأسه على الحائط، و أسبل جفنيه ، إلا إنه شعر بمن يجلس جواره، ففتح عينيه
بانزعاج، لكن سرعان ما توسعت عندما رأى {أركان} و {ريان}، فسألها :
_ أنتم كمان أطررتم؟!

هز {أركان} رأسه ،و قال و هو يتثائب :
_ مسنر أسماعيل زعق عشان نمنا في الفصل

نظر لهما {شهم} بسخط و هو يقول عبارة والده الدائمة، التى يتحدث بها كلما أيقظه أحد :
_ هو أحننا نايمين على نفسهم!

نظر له {ريان} بتعجب و سأل مشيرًا للورقة التى بين يدي {شهم} :
_ ايه ده ؟؟ دي تعاويد ؟!

ضحك {سهم} بشدة، بينما أعتاظ {شهم} و هو يقول :
_ دي مش تعاويد ، دي رسمه جميلة

لم يفهم {كنان} و {ريان} سبب غضب {شهم} و ضحكات {سهم} في الواقع، إلا أن {ريان} تجاهل الأمر برمته، و قال بخبث :
_ طب ايه رأيكم نعمل عملة جديدة؟!

أنتبه الثلاثة له، و سأله {شهم} باللهفة :
_ هنعمل ايه؟!

نظر {ريان} حوله يتأكد من عدم وجود مشرفين الطابق، و عاد لأشقائه و هو يقول :
_ بس لازم نبقى كويسين طول اليوم عشان محدش يحس بينا

أبتسم {سهم} بسخرية و هو يقول مشيرًا لثلاثتهم :
_ ريان أحننا المدرسين كلهم مراقبيننا طول اليوم، دول مسامينا فرقة الكوارث متحركة

_ابوا لازم نمسك نفسنا شوية عشان نعر....

_يا حبايبي! أخواتكم وحشوكو فروحتو تتعقبوا معاهم!؟

كانت كلمات ذلك المدرس المزعج {أسماعيل} للتؤام الصغير، فقد أنهت الحصّة الأولى بالفعل و خرج المُدرسون من صفوفهم في حركة تبديلية روتينية

كاد {شهم} أن يجيبه بكلمات شرسة لا أحد يعلم من أين يأتي بها مدافعاً عن شقيقه، لكن {سهم} وضع يده فوق فمه كي لا تفسد خططهم، بينما طأطأ الطفلان الآخران رأسهما أرضاً و قالوا :
_أحنا أسفين يا مستر

و في الواقع لم يعلم الصغيران ما الخطأ الذي أرتكباه، أكان بسبب نومهما بالصف!؟
لما إذن ينام ذلك المتسلط بعمق بعد أن يُسمع التلاميذ وصلة عن مكانته بالمدرسة، و كيف يمكنه أرسابهم أجمعين و عدم نقلهم للسنة المقبلة، و عن أهمية الانتباه لشرحه، ثم يجلس أعلى مقعده، ليغط في نوم عميق!

تراجع الرجل خطوتان للخلف بريية من هذه الطاعة العجيبة، و ذلك يرمق الاثنان بشك، إلا أنه رفع رأسه في غطرسة و هو يقول :
_لو أتكررت ثاني الموضوع هيوصل للأدارة

هز الطفلان رأسهما ، و ما لبث أن ذهب {أسماعيل} لصف آخر، يكمل فيه فيلولته

خرجت {نازلي} من صف {شهم} و {سهم} بعدما أنهى وقتها فيه، إلا أنها تصنمت عندما رأت فرقة الكوارث المتحركة تقف أمام الصف، فنظرت لهم قليلاً، قبل أن ترحل

نظر لها {شهم} بانزعاج و هو يقول :

_مش عارف مين دي!؟
و بصتلنا كدا ليه!؟

تذكر {أركان} وجهها، فقال مفرقاً أصابعه مثل خاله :
_دي المس ال فصلت بنا و بين زياد و صحابه

انتبه الجميع فجأة إلى {زياد} الذي كان يتحرك بحذر و تسلل عندما خرج من صفه ذاهباً للمرحاض، لكنه ما لبث أن تلبسه الرعب عندما رأى أشقاء {سهم} الذي شعر بالقوة عندما كان يقف مع أشقائه، فرمقه بشر، و كذلك النسخ الأخرى، فهرول هو مبتعداً عن المكان

تحدث {شهم} و هو يحك رأسه :
_و ده هنعمل معاه ايه!؟

هز {أركان} كتفيه و هو يقول :
_سبيه، كدا كدا معموله أستدعاء ولي أمر

نظر له {سهم} عنوة بتعجب و سأله :
_ليه!؟

_عشان أتخاف مع عثمان و ضربه قدام مكتب المديرية

_قدام مكتب مس ميرفت!

_اها

_ مبيعر فش يخطط لخناقاته

هز {سهم} رأسه و هو يوافقه الرأي، فتلك العصاية الصغيرة لا تفتعل كارثة دون تخطيط دقيق من العقل المدير {سهم}، و أحياناً يشارك {سهم} ببعض الخطط الأمنية حتى لا يمكن لأحد أن يعلم أنهم السبب وراء أحد الكوارث - و التي في العادة تفشل فشل ذريع - التي يفتعلونها

تحرك الجميع لصفوفهم، و مرت الحصص بثقل، حتى أتت الأسترحة، لكن {سهم} فضل البقاء بصفه للنوم، و كذلك فعل {سهم}، إلا أنه ذهب للمرحاض بعدما أنهى طعامه و طعام شقيقه كالعادة، و الذى كالعلة لم يكن كافيًا ، و ما أن عاد مقترّبًا من صفه، حتى أوقفته "مريم" - زميلته بالصف - و هى تناديه،فالتفت لها لها بتعجب، لكن سرعان ما تهللت أساريره عندما قالت بخجل :
_أنا.. أنا عرفت أنك بتحب سندوتش الحلاوة، فخليت ماما عملي واحد كمان عشانك

أزداد خلجها عندما أخذه {سهم} و قال بسعادة :
_شكرًا يا مريم،كنت جعان أوي

و تركها ليلتهم شطيرته بنهم داخل صفه، إلا أن صوت آخر تسلل لأذنه مناديًا إياه، فتوقف و أنتفت لصاحبه، و التي لم تكن سوى "يارا" التي تقدمت منه، و أعطته عصير معلب و هى تقول رافعة مشروبها :
_سهم أنا جبنتك عصير زى بتاعي عشان نبقى شبه بعض

توسعت عينيّ الطفل بسعادة و قال و هو يختطفه منها :
_عصير التوت! ده ال بحبه!

هزت {يارا} رأسها و هى تقول بسعادة لسعادته :
_أخذت بالي لما شوفتك بتشربه كل يوم في المدرسة

_سهم مين دول؟؟

أنتفت الصبي و الفتاتان لتلك الفتاة التي كانت تحمل لوح الشوكولاتة الكبير و هى ترمق الفتاتان بتعجب من حديثهما مع {سهم}، لكن {سهم} لم يجبهما، بل أسرع نحوها و هو يقول :
_ليال!

تناست الطفلة تواجد الفتاتان التان شعرتا بالغيرة لترك {سهم} لكناهما و ذهبه لأخرى، و نظرت لـ {سهم} بلطف و هى تقول :
_جبنتك شوكولاتة ال قولتلك عليها امبارح عشان تجربها

ثم مدت يديها نحوه، لتزيد حصيلة الفتى و هو يقول فرحًا بكل هذا الطعام :
_شكرًا يا ليال ، أنا بحب الشوكولاتة أوي و..

قطع حديثه نداء فتاة رابعة، بدت غاضبة بشدة، و إن لم يكثرث الفتى في الواقع، بل صب اهتمامه على ذلك الشئ الغريب بين يديها، لكن يبدو أنه قابل للأكل، و ذلك ما يهم

تحدثت الفتاة و هى تشير للفتيات الأخريات بأصبع الاتهام :
_أنت بتأخذ حلويات من كل دول يا سهم!

و لم يفهم {سهم} في الواقع سبب غضب الفتاة، حسنًا، هو لا يفهم أن تلك الفتيات يحبونه لذلك يحضرون كل تلك الحلوى يوميًا له، و لكن في أوقات متناقضة، فلا ترى أحدهن الأخرى، و إن لم يدري {سهم} شيئًا عن ذلك، لا يفهم أن هذا هو تعبيرهن عن الحب، لا يدركن أن أقصى مرحلة توصل لها الفتى عن الحب، هو حب الطعام في الواقع

تحركت الفتاة من أمامه بحنق و حزن و هى تردد :

__كنت فاكرة أي مميزة

تحرك {سهم} خلفها بسرعة و لهفة لتذوق ذلك الشيء الذي لا يدرك هويته بالتحديد، و قال في محاولة لتهدئة رفيقته التي لا يعلم لما هي غاضبة من الأساس، لكنه ترجل مع حديثها :
__ ما أنت مميزة يا منة

توقفت {منة}، نظرت له بطرف عيناها، فقال مكملًا :
__ أنت مميزة يا منة و قلبك جميل زيك

حسنًا، أستطاع في ثواني معدودة أعضابها، و أستطاع في ثواني معدودة رسم بسملة طفولية على ثغرها و إن لم تكن تلك كلماته في الواقع، بل كلمات {شذى} التي تلقبها عل مسامحه كلما رأته حزينا، مما يبهره بالفعل، فأستخدمه مع تلك الفتاة لتعطيه مبتغاه دون أن يدرك أن كلماته حولت غضب {منة} لخرج و سعادة و هي تمد الصندوق الزجاجي الصغير نحوه قائلة :
__روحنا أنا و ماما مول أمبارح، و أكلنا موشتي، و عجبني فجبنتك واحدة

أخذ {سهم} الصندوق منها و هو يتفحص ذلك الـ "موشتي" بفضول ، بينما راقبته {منة} و هي تقول شارحة محتوى الحلوى، غير عابئة بتلفظها الخاطي لها :
__ ده آيس كريم

__بس ده مش شبه الآيس كريم

هزت الصغيرة رأسها و هي تقول :
__ايوا ،ده شكل جديد هيعجبك

ضم {سهم} غنائه، و منح {منة} بسملة لطيفة و هو يشكرها، ثم تحرك نحو صفة سعيدًا فرحًا بما ناله، غير منتبه لتلك المشاجرة العنيفة التي بدأت توا بين الفتيات بينهما

~~~~~

كان {شادي} يتحرك بتعب، كمن فقد الحياة بين الطرقات، لا يدري إلى أين يذهب، لكنه لا يستطيع البقاء في المنزل بعد الذي حدث

شعر بالكثير من المشاعر المتضاربة داخله، و أصوات تصيح معترضة على فعلته تلك، و أنه من بدأ الشجار، و أصوات أخرى تصيح أن زوجته المخطنة و ما كان عليها أن تترك أطفالها لخالهم، ما ذنبه أن يتحمل تلك الكوارث؟! و صورته التي ستتهز أمامه عن كونه أب فاشل و هنا، أرسمت بسملة متهمكة منكسرة على ثغره و هو يقول :  
\_\_قال يعني دي مش حقيقة

و وسط ضجيج أفكاره، أنتفض عندما سمع صوت أحدهم يناديه من خلفه :  
\_\_يا أستاذ .. يا أستاذ .. يا أستاذ أستنى قطعت نفسي!

ألنفت {شادي} لمناديه ، و لم يلبث أن تصنم عندما رأى وجهه، و كذلك مع الآخر الذي هتف :  
\_\_شادي!

\_\_شاكر!

\_\_عاش من شافك يا بني، دي مصر أوضة و صالة صحيح ، ده أنا بقالي سنين بحاول أوصلك من بعد الجامعة

أبتسم له {شادي} بانكسار - رغماً عنه - مما جعل {شاكر} يسأله بقلق :  
\_\_ايه ده مالك؟! شايل طاجن ستك ليه!?

{شاكر} كان من أصدقاء {شادي} في مرحلته الجامعية، و كان يعلم مدى تعلق {شادي} الشديد بـ {شدي}، فسأله فجأة :  
\_ أوعى تكون السنين عدت و متجوزتش بنت خالك!

أطلق {شادي} ضحكة قصيرة مقهورة، مما أشعر {شاكر} بالريبة، فقال :  
\_ طيب تعالى نروح أى كافيه نقعد فيه و تحكيلى مالك

و رغم عدم اعتياد {شادي} على التحدث عن أموره الشخصية مع أحد، إلا أنه يشعر أنه كالتائه، فتبع رفيقه في أستسلام

و بعد مرور الوقت، كان {شاكر} يجلس أمام {شادي} بعدما سرد عليه ما حدث، فنظر له {شاكر} بصدمة و قال :  
\_ من أمتى و أنت كدا معاها؟!  
ده أنت روحك فيها يا جدع!

زفر {شادي} و هو يشعر أن علاقته بزوجته باتت على المحك :  
\_ مش عارف ايه ال حصل، ميقتش عارف مين الصح و مين الغلط

نظر له {شاكر} بحزن، فقال ناصحًا اياه :  
\_ أقولك مين الغلطان و متزعلش!؟

\_ بعد كل ال قولته و أنا ال غلطان!؟

\_ ابوا غلطان، أنت رامي مراتك مع عيالك و مريح دماغك منهم، و خمس عيال مش قليل برضو

\_ يعني أنا بلعب!؟ ما أنا شغال بدل الشيفت أتنين، و يوم الأجازة بدي دروس أحياء، كل ده عشان ايه!؟  
مش عشانهم!

\_ شادي، أنت عمرك شوفت حد بيبيني سور على خرابة!؟  
السور مهما كان قوي، و مهما كان جامد و متين، ملوش لازمة مدام الأرض خرابة، هيجمي ايه!؟ شوية تراب!؟ أفهم و فتح مخك،  
لازم تقعد مع العيال، تشوف طلايتهم، نفسيتهم، شيل شوية من عليها بدل ما أنت عمال تتهمها بالتقصير، أحمد ربنا أنها مأغماش  
عليها لحد دلوقتي ولا دخلت المستشفى

صمت {شادي} قليلاً، يراجع حساباته، و تذكر يوم أخبره {ريان} أن والدته كانت ممددة أرضًا في إحدى المرات، و أن خاله أخذها  
لأقرب مشفى، و رغم ذلك لم تخبره، و لم يسأل هو عنها، يالحماقة!

و قبل أن يكتمل شعوره بالذنب، عاد شيطانه يوسوس له، فاندفع يقول بغضب و توتر :  
\_ يعني أسيب شغلي عشان نشحت!؟

تنهد {شاكر} و هو يقول :

\_ يا بني أنت بتحرف في الكلام ليه!؟

أنا قصدي تخف الشغل شوية بدل ما أنت ساحل نفسك فيه بالمنظر ده!

يعني خلي شغلك في المستشفى شفت واحد، روح بيتك و شوف أهلك، آخر مرة خرجت كانت أمتى يا شادي!؟

أشاح {شادي} بوجهه بحرج و هو يقول :

\_ م.. مش فاكر..

تنهد {شاكر} و عقد كفيه و هو يقول :

\_ بص يا شادي عشان بيتك ميتخربش، أنت محتاج أجازة

\_أجازة ايه يا شاكر! هو الشغل هـ..

قاطعهُ {شاكر} بحدّة :

\_أنت متجوز مراتك ولا متجوز شغلك؟!  
يا بنى ادم أفهم، بيتك هيتخرب لو مأخدتش فترة هدنة

تردد {شادي} قليلاً ، ثم تمتم :

\_طب و العيال؟؟

\_سبهم مع حد من قاريكو، خد مراتك أسبوع و سافر في أى مكان، حاول تفنكر كنت بتعمل ايه معاها في أول جوازكو و أعمله تاني، أعتبرها فترة خطوبة ياخي!

شرد {شادي} للحظات، قبل أن يقاطعه {شاكر} :

\_أمسك

نظر له {شادي} عنوة و هو يقول :

\_ايه دي؟!!

\_محفظتك، وقعت منك في الشارع، عشان كذا كنت بجري وراك

اخذاها {شادي}، و دسها في جيبه، قبل أن يسمع رنين هاتفه يصدح في المكان، فجذبه و رأى اسم المتصل "أبو نسب"  
فأجاب و هو يقول :

\_ايوا يا يزن أنـ..

قاطعهُ {يزن} بصيحة لم يصدق {شادي} أنها خرجت من {يزن} :

\_عملت ايه في أختي يا شادي!

\_دي .. دي كانت خناقة امبارح و..

\_أختي في المستشفى يا شادي!

هببت ايه!

أنقض {شادي} من مقعده و هتف بنبرة جذبت الأنظار إليه :

\_مستشفى!

~~~~~

كان {شادي} يهرول في طُرقات المشفى كالمجنون، و قلبه كاد أن يقفز من قفصه الصدري عندما أخبره {يزن} أن زوجته بالمشفى!

وجد {يزن} جالساً فوق أحد المقاعد و هو يهتز بعنف، و بدى أن {يزن} ليس بحالته الطبيعية، لكن {شادي} لم يكثرث، إذ توقف أمامه و سأله بهلع :

_شذى فين يا يزن!

رفع {يزن} بصره له بحدّة، و نهض منقضاً عليه و هو يمسكه من تلاباب ملابسه صائحاً :

_عملت فيها ايه يا شادي؟! دي الأمانة الأمنتك عليها!!

أروح البيت، ألقى أختي في شفتي قاطعة النفس!
ليه؟! عملتلك ايه؟! دي شغالة طول النهار ليك و لولادك!
هو ده رد الجميل يا شادي! هي دي الأصول يا ابن عمتي!

_ أستاذ يزن

أنتفت {يزن} للطبيب، تاركًا {شادي}، فتابع الطبيب حديثه و هو ينظر لكلايهما بريية :
_ الأنسة شذى م..

صحح له {شادي} حديثه بغیظ :
_ المدام

لم يكثر له الطبيب، و إنما تابع :
_ حالتها النفسية و الصحية مش كويسة، واضح أنها مبتتغداش كما ينبغي، خصوصًا مع المجهود ال واضح أنها بتعمله، ده غير أن
نفسيتها شكله مدمرة و أنها أتعرضت لضغط نفسي شديد، لو أستمرت على الحالة دي ممكن لا قدر الله يحصلها حاجة

ثم تنفس و هو يعقد حاجبيه :
_ أتمنى تاخو بالكو من صحتها، و تبعدو عنها أى ضغط

تحدث {يزن} باللهفة :
_ طب ينفع أهداها معايا البيت!؟

_ أنهاردة بليل لو بقت كويسة تقدر تروح البيت

ثم أنصرف، بينما تهاوى {شادي} فوق مقعده و هو يتذكر حديث رفيقه، لقد بنى سور حصين، توارى خلفه خراب، خراب جعله
يدرك كم أنه أحمق، و غبى ولا يقدر قيمة ما بين يديه!

انتبه فجأة لـ {يزن} الذى تحرك نحو غرفة شقيقته، فتحرك خلفه ليطمئن على زوجته، إلا أن {يزن} سأله بحدة :
_ رايح فين!؟

_ رايح أطمئن على مراتي

_ دلوقتي أفكرت أنها مراتك!؟
و بعدين الدكتور قال بلاش ضغط نفسي عليها

ثم تابع بتهكم :
_ و أنت ما شاء الله، ضغط نفسي لا جه زيه ولا هيجي

ثم تركه متصنمًا كالتمثال، ماذا يعني حديثه!؟
أن يطمئن على زوجته!؟ أن يجلس جوارها ليتأسف لها و هو يعانقها كطفل باكي، و يخبرها كم أنه أحمق و أخرج ليفعل ما فعل!؟

بينما دفع {يزن} الباب، و تبدلت ملامحه كُليًا لللين و هو يقول في محاول لممازحة شقيقته :
_ ايه يا شوشو، بتدلعي علينا!؟

نظرت له {شذى} نظرة من عاد لـ وطنه، مما جعله ينكسر لما تحملته شقيقته!

جلس جاراها و أمسك كفها بلطف، و قيل أن يتحدث، تحدثت هي بنبرة هامسة :

هو ليه مش شبهك يا بزن؟! ليه مش بيحس بتعبي زي ما أنت ما بتحس من غير ما أتكلم؟! ليه مش بيضطرب عليا عشان يهون عليا صعوبة اليوم؟! ليه مبيحضنيش كل ما يشوفني زيك؟! ليه مبيأخدش العيال يفسحهم بعيد عني شوية عشان أهدى و أشحن تاني؟! عشان شغله؟! ما أنت شغال طول اليوم و مع ذلك أخذت أجازة عشان تريحني

أمتلئت عينيها بالدموع و هي تسأل سؤال ،حطم قلبه لأشلاء :
_ هـ.. هو أنا وحشة يا بزن؟! طب مهملة؟! طب..

قاطعها و هو يجذبها لأحضانه بحنان :
_ ما عاش ولا كان ال يقول على أختي نص كلمة، ده أنا أقطعه لسانه و لسان ال جابوه

ثم ربت على رأسها بحنان و هو ينزع حجابها للتنفس بحرية أكبر :
_ أنت جوهره ،جوهرة غالية أوي، أوي يا شذى

بكت في صمت و هي تشعر أن جزءاً روحها رُد إليها
بينما ظل هو يربت على كتفها بحنان و هو يتوعد لذلك الأخرق

و على ذكر الأخرق، كان يقف أمام باب الغرفة من الداخل، بعدما تجاهل حديث شقيق زوجته و كاد أن يتحرك مطمئناً عليها، لولا تلك الكلمات التي طعنته حتى كادت أن تُزهِق روحه

خرج من الغرفة، و أتصل على رفيقه، فمن غيره سيستطيع مساعدته؟!
~~~~~

كان {ريان} قد أخبر أشقاه بالخطة، و بالفعل بدأت الخطة من عند {أركان} الذي كان يقف أعلى المبنى المدرسي، و أسفله جمع من التلاميذ و المدرسين

خرجت المديرية "ميرفت" من مكتبها على صوت الجلبة بالخارج، و صاحت عندما رأت هذا الجمع :  
\_ ايه ال بيحصل هنا؟! ك..

بترت عبارتها عندما أقتربت إحدى المدرسات منها، هامسة ببضع كلمات، رفعت {ميرفت} رأسها نحو سطح المبنى في سرعة، و جحظت عينيها عندما رأت {أركان} يتحدث بصوت مرتفع :  
\_ الحياة في المدرسة بقت شبه سجن توم و جيرري، و حصة مستر أسماعيل رخمة، فقررت أرجع لأهلي الفضائين، عشان يجوا يضربوه بالمراكب الفضائية

ثم أشار لسماء مكملاً بمعتقده هذا :  
\_ هما هناك، مستنيني أروحلهم و..

تحركت {ميرفت} سريعاً و هي تقول للمُدرسين بقلق أختلط مع حزم :  
\_ العيال دي تروح، مش مهم الحصة الأخيرة، و أسماعيل و نازلي و رامي يجوا ورايا

و تحركت للمبنى، لتصعد لسطح

بينما، و على الصعيد الآخر كان {ريان} يتذمر في المرحاض مع شقيقه :  
\_ أنتو فرقعتو حنفيتين، أنا عايز أفرقع واحدة

حسناً، لقد خرجت الأمور عن السيطرة، فبدلاً من فتح صنابير المياه و تركها، خلعوها من مكانهم تماماً، محدثين بركة مياه بتلك المطرقة و المفك، فقد أخذهما {سهم} من مكان مجهول في المدرسة

نظر له {شهم} بضيق، و أعطاه المطرقة و هو يقول :  
\_ ششش، هنتفش، أضرب و أنت ساكت

و بالفعل، ضرب {ريان} الصنبور المستقر أمامه، لتنفجر المياه بشكل عشوائي

و أنتهت المهمة خلال دقائق، و ألقوا المعدات من فوق السور، و خرجوا من المرحاض دون أن ينتبه لهم أحد

كانت المديرية تتحدث مع {أركان} بلطف، في محاولة لردعه عما يقترف، بينما أفسد {أسماعيل} كل شئ عندما أشاح بيده في أهمال واضح قائلاً :

\_ يا مس ميرفت ده بيلعب بينا عشان نعمله ال هو عايزه  
ده شغل عيال أنا عارفه و..

بتر عبارته، مصدرًا تأوه قوي عندما شعر بالصخرة التي ألقاها {أركان} نحوه بغيظ، حسناً، هي فرصة لتنفيس عن حنقه من ذلك المتسلط

تحدثت {نازلي} بروية و هي تقترب منه بحذر :  
\_ حبيبي ال بنعمله ده غلط

هز الطفل رأسه و هو يقول :  
\_ لا مش غلط، أنا أطير لعند بابا و ماما

\_ يا حبيبي لو نطيت من هنا هنتكسر و مفيش دكتور هيعرف يجيبك، أهدى كدا و تعالى

لمح {أركان} أشقائه في الساحة، فعلم أن العملية أتممت، فعاد ينظر للمديرة و هو يشير لذلك المدرس السليط قائلاً بتساؤل :  
\_ يعني لو منتطش، مستر أسماعيل هيمشي؟!!

نظر له {أسماعيل} بتوعد، إلا أن {ميرفت} أسرعت تقول :  
\_ ابوا يا حبيبي همنشيه و نجيب غيره، تعالى بقى

لكن {أركان} وجدها فرصة رائعة لتحقيق غايته، و مقابلة والداه الفضائيين، فلم ينصت للمديرة، و قفز من السطح، و بدأ الهرج و المرح بالأشتعال، و صرخات تعلقو و تعلقو

لكن في سرعة مدهشة، أمسكه {رامي} من قميصه، و كاد جسده أن يلحق بجسد الصغير، لولا {أسماعيل} الذي تحرك ليمسك به بعد صباح {ميرفت} له

وضعت {نازلي} يدها فوق قلبها و هي تحاول تذكر كيفية التنفس، بينما أقتربت {ميرفت} فجأة من {أركان}، و أمسكته من ملابسه من الخلف صانحة في ثورة :

\_ أنت أتجننت؟! ازاي تعمل حاجة زي دي؟!  
أنت عارف كان ممكن يحصل لك ايه؟!  
ولا سمعة المدرسة!

أختطفت {نازلي} الفتى من يدي {ميرفت} و قالت :  
\_ خلاص يا مس ميرفت، حصل خير و عرفنا ننفذه و..

صاحت {ميرفت} مبينة عن وجهها الحقيقي :  
\_ أنقذنا ايه و زفت ايه! سمعة المدرسة هتبقى عاملة ازاي دلوقتي؟! أولياء الأمور ال هيجو يقرفوني، أقولهم ايه؟!  
الفيديوهات ال هتنزل على النت أعمل فيها ايه?!



و بعد وصلة صياح بلا هدف، تركت {ميرفت} الجميع، هابطة بغیظ، بينما أنزلت {نازلي} {أركان} من أحضانها، و أنخفضت لمستواه و هي تربت على شعره سائلة بقلق :  
\_ أنت مضايق من مستر أسماعيل لدرجة أنك تموت نفسك!

ذم الصغير شفتيه، و قال مصححًا :  
\_ مكنتش هموت، أنا بعرف أطيير

همست {نازلي} في تهكم :  
\_ دي روحك ال كانت هطيير

شعرت فجأة باقتراب {أسماعيل} منهما، فجذبت {أركان} لأحضانها بقوة، و قبل أن يصيح {أسماعيل}، تحدثت هي بحدة :  
\_ أعتقد أن حضرتك ملكش حق تزق في الطفل دلوقتي، واضح أنك عامل للعيال رعب لدرجة أنهم يفكرو ينتحروا يا مستر، و ده هيضرك أكيد يا..

تابعت ساخرة :  
\_ يا ال مفروض بطلع أجيال سوية نفسية

أحتقن وجه {أسماعيل} بشدة، و رحل و هو يكاد يسحق الأرض بقدميه، بينما تقدم {رامي} من {أركان} و ربت على رأسه و هو يسأله :  
\_ أنت كويس يا حبيبي؟!

هز {أركان} رأسه، و سأل ببراعة :  
\_ مستر أسماعيل هيمشي؟!

أجابته {نازلي} و هي تنهض :  
\_ إن شاء الله يا حبيبي، يلا، روح خد شنطتك عشان تروح

و بالفعل، تحرك {أركان} راکضًا، و سرعان ما وصل لبوابة المدرسة، و وجد أشقائه ينتظرونه، ألقى {ريان} حقيبة شقيقه إليه و هو يقول بحنق :  
\_ خد شنطتك وجعتلي أيدي

أمسك {أركان} حقيبته قبل أن تسقط، و قال و هو يدفعهم للخارج :  
\_ يلا قبل ما حد ياخذ باله

~~~~~

حل الليل بظلامه ، و كذلك حل الأنكسار به
لم يرحل من المشفى - سوى لمدرسة الأطفال و تركهم عند والدته لحين عودته - و لم يدخل {شادي} لغرفة زوجته حتى الآن، لم يكن لديه الجرأة ليقف أمامها بعد ما سمع منها

رأى باب غرفتها يُفتح، فأنفض فور رؤيتها، أبتلع لعابه ، و أبتعد عن الباب بعدة أمتار كي لا تتأثر حالتها النفسية، و رغم أنه يود الركض نحوها، و يخبرها كم كان معنوهاً عندما تجاهل كل ما تفعل من أجله و من أجل أطفاله، إلا أنه تمالك نفسه، و راقبها من بعيد و هي تتسند على شقيقها في وهن، بعدما أصرت على الرحيل من المشفى رغم أن صحتها لم تكن بأفضل حال

لاحظ توًا انخفاض وزنها بشكل مخيف، و شحوب وجهها، و أنغلاق عينيها بعض الشيء، حبوب وجهها التي ظهرت بسبب حالتها النفسية، كم كنت مغفل يا {شادي}

~~~~~  
كان {بزن} يداعب شقيقته و هو يصعد معها لمنزله، لولا توقفهما عند الطابق الثاني عندما صدرت ضوضاء مزعجة من منزل  
عمتهما، و والدة {شادي} أيضًا

نظرت {شذى} للمنزل بتردد، قبل أن تقول :  
\_بزن .. تعالي نخبط نظمن على عمّو .. الدوشة ال ج..

قاطعها فجأة صوت تكسير أشياء متتابعة، و تلاها صوت {فتحية} و هي تصبح بجنون :  
\_خد يا واد أنت و هو!  
بتكسرولي فآزة تيتا روحية يا و لاد شادي!

توسعت عينى {شذى} بدهشة عندما علمت سبب تلك الضوضاء، بينما هز {بزن} كتفيه في لا مبالاة و هو يقول بثهمك :  
\_هيكون مين يعني ال عند عمّو و يعمل الحرب القايمة جوا، هما الملايكة الصغيرة مفيش غيرهم

ثم تقدم نحو الباب و طرقه عدة مرات، لكن لا رد، و ما زاد قلق الاثنان ذلك الهدوء الذى غلف المنزل بغته، فتبادل {بزن} و {شذى}  
نظرات قلقة، قبل أن يطرق الباب بقوة و هو يصيح :  
\_عمّو، عمّو أنا بزن، العيال عملوا فيكي حاجة؟!  
طب أنت لسة عايشة يا فتحية?!  
طب لسة فيكي نفس?!

لوى ثغره بقلق و هو يقول لشقيقته :  
\_عيالك شكلهم عملوها و حطوا فتحية في سجادة و لفوها بجد

عاد صوت الضجيج بقوة أكثر من ذي قبل، و ملئ المنزل صوت صيحات الأطفال، و جدتهم تصيح و قد طفح الكيل :  
\_بتكسرولي كوبيات النيش يا ال مشفتوش نص ساعة تربية زى أبوكم، عابزين تجيبوا أجلي?!  
أنتو مش خارجين من الشقة دي غير على المستشفى منك له

حسنًا، لقد تطور الأمر بشكل يجب السيطرة عليه، لقد وصل لأكواب ال "نيش" ، و قرر {بزن} كسر الباب، لولا أنه فُتح بواسطة  
تلك الصغيرة ذات الشعر الأحمر، بعدما قفزت فوق الأريكة لتصل لمقبض الباب، أبتسمت بسملة لا تمت بصللة لتلك الحرب بالداخل  
و هي تقول :  
\_ي..ين.. ما.. ماما

أندفع {بزن} للداخل لينفذ الأطفال من حُف {فتحية}، بينما دلفت {شذى} بأرهاق للداخل، و أغلقت الباب خلفها، ثم جلست بتعب و  
حملت ابنتها و هي تسأل :  
\_ايه ال حصل يا ليان؟! تيتا ز علانة ليه?!

بدأت {ليان} بنشر أذاعتها المفضلة بفضح أشقائها :  
\_شم.. سم.. كس.. روا

ثم أشارت لزجاج الذى أنتشر في كل مكان، و تابعت مشيرة للنوافذ التى تحطمت زجاجها، و مُزقت ستائر ها :  
\_ري.. ريان.. أركان.. كسروا.. كسروا.. كسروا

صاح {ريان} و هو يركض بجوار {أركان} :  
\_كفافية يا ليان أبوس إيدك، تيتا هتضر بنا كلنا

ثم أختبئ أسفل الطاولة التى كُسر أحد أقدامها بشكل مجهول، و كذلك تُوأمه، أندفع {شهم} و {سهم} خارج غرفة جدتهم، بعدما فروا  
منها بأعجوبة، و تحركوا نحو والدتهم، مستغيثان بها، بينما خرج {بزن} و هو يقيد حركة {فتحية} التى صاحت بانفعال هادر :

\_\_كستولي الشقة و مسابتوش فيها حاجة سليمة يا ولاد شادي، بقولكو ايه ،أنا آه مريتش أبوكم ،لكن أنا واحدة عندي سبعين سنة، يعني فترة التجنيد خلصت من زمان، و مفيش صحة أربي حد تاني، روحوا دوروا على أبوكم ال مشفش بربع جنيه رباية خليه يربيكو

\_\_في ايه يا ماما! ده أنا لو من الهكسوس مش هتشتميني بالمنظر ده

نظر الجميع لـ {شادي} الذى ظهر من العدم، ولكن سرعان ما أشاحت زوجته بوجهها عنه دون أن يلاحظ أحد، أما عن والدته، فالتوى ثغرها و قالت بتهكم :

\_\_ما هو لو أنا رببتك، كنت رببت عيالك، لكن أقول ايه

تحدث {سهم} بغياء دون أدراك لم يتفوه به :

\_\_يعني كدا أنت ال غلطانة يا تيتا ،عشان لو رببتي بابا كنا زمانا مؤدبين

نظرت له {فتحية} بصدمة، و حاولت التملص من ابن شقيقها و هى تصيح به :

\_\_سبني يا بزن، سبني لما أروح أرقعه حتة علقة ،بقى أنا غلطانة يا شبر و نص أنت؟! كنت خلفتك و نسيتك؟! أبوك ال مكنش راضي يتربى، أعمله ايه??

و بعدين أنت بتحاسبني يا شبر و نص أنت!?

ده أنا عمري قد عمرك بيجي خمسين مرة

\_\_ما أنا لما أقولك أنك عجوزة بتزعلي يا تيتا ،أعترفتي دلوقتي??

دفعت {فتحية} {بزن} ملقبة إياه فوق الزجاج المحطم، ليصدر آهات ألم، و أنخفضت تجذب خفها لتصلقه بثغر {سهم} كى يتوقف عن حديثه الذى يلقي به في مصائب كارثية، فأسرع {شادي} يحمل {سهم} و {شهم} ، و هرع للخارج، قبل أن يصطدم خُف والدته بأطفاله

نهض {بزن} و هو يتأوه، و قال :

\_\_في ايه يا فتحية بس، ده أحنا راجعين من المستشفى و..

أنفضت عمته بعتة، و نظرت له بقلق رامية بغضبها تحت أقدامها و هى تسأل بهلع :

\_\_مستشفى?? مستشفى ليه؟! أنت حصلك حاجة!?

ثم نظرت عنوة لـ {شذى} بفزع و هى تسأل :

\_\_شذى فيكي حاجة?? حصلك حاجة! وشك باهت كدا ليه؟! أنت خاسة كدا ليه يا حبة عيني!?

أقتربت منها سريعاً، و تفحصت وجهها بقلق، {فتحية} تحب {بزن} و {شذى} بشدة ، تحبهما بشكل قد يُخيل لك أنها والدتهم لا عمتهم، و فكرة أن يتأذى أحدهما فكرة مميتة بالنسبة لها، لطالما كانت تحب والدتهما، و عندما أنجب هذان الملكان، ذاب قلبها حباً لهما، خاصةً بعد وفاة والدتهما المبكر

لاحظت أبتسامه {شذى} المنكسرة، فشهقت و هى تضع كفها أعلى وجنة {شذى} :

\_\_في ايه يا بنتي؟! ايه ال حصلك؟! ايه ال واجعك بس!?

تحدثت {شذى} بألم و هى تشير لقلبها :

\_\_ده، ده وجعني ،هو ليه كلكو شافين ال هو مش شافيه، ليه أول ما شوقيني حسيت أني تعبانة ،و بزن بيحس بيا من غير أبين حاجة،ليه كل ال حواليا بيشفوا تعبني و هو بيتعمد يتجاهله، ليه كل ما أحاول أتجنب خناقة يروح مقتعل أى خناقة من العدم، هو ده دوره كزوج و أب!?

أدركت {فتحية} أن المقصود هو ولدها، فجدبت {شذى} لصدرها بحنان، و ربنت على رأسها و هى تقول :

\_\_حقك على قلبي أنا يا حبيبتي ،ما عاش ولا كان ال يكسرك ولا يحسسك أنك مش مهمة، هطلع دلوقتي أكسرك دماغه و أنزلك تاني

تحرك {يزن} نحوهما و هو يتألم لألم شقيقته، فجلس جاراها و هو يقول :  
\_ أنتِ غالبية يا شذى، و لو هو محسش بكدا يولع، لكن أنتِ متضاقيش ، شذى أنتِ عارفة أنك عظيمة ولا ؟!

نظرت له {شذى} بعدم فهم، فتابع هو :

\_ أنتِ عظيمة أوي يا شذى، عارفة يعني ايه بتعملي فطار لئتمن أفراد؟! عارفة يعني ايه تعلمي ايه ايه تعملني غدا لئتمن أفراد؟!  
عارفة يعني ايه تروقي شقتك ال عيالك ببهدلوها، و تدخل شقتي تروقيها و تمسحها و تكنسها رغم أنني منبه عليك منجهديش  
نفسك، و كل عيل عندك و عنده مشكلة شكل، و مذاكرتهم و مواعيد المدرسة و الرجوع من المدرسة، النزلة ال بيتنزلها عشان  
تجيبني احتياجات البيت لوحك، و ترجعي بشنط قد كدا لأجل أنك بتحاولي متتعبيش حد، كل ده ممكن يقول أنك مش عظيمة؟!  
شذى أنتِ أعظم حد ممكن أنسان يعرفه

أضافت {فتحية} و هى تمسح دموع {شذى} التى هبطت دون أن تشعر :

\_ طب تصدقي و تؤمني بالله ، شادي ده ما يستاهل ضفرك  
يا بنتي أفهمي ، ده أنتِ أميرة جميلة تستاهلي كل خير

أفتربت {ليان} التى نسى الجميع وجودها من والدتها، و قالت بنبرة حزينة :

\_ ماما .. لا .. عيط

أبتسمت {شذى} ، جذبت ابنتها لأحضانها و هى تقول :

\_ مش بعيط يا حبيبتي ، مش بعيط

~~~~~

دقت الساعة، مشيرة لمنتصف الليل، و بينما الجميع نائم في هدوء ببيت {يزن} ، تحركت تلك الكوارث بهدوء فوق فراش {شهم}، و
أقاموا مربع صغير، أغلقوه من كل الجهات، كان {شهم} يحتضن شقيقته النائمة بلطف و يهددها كما تفعل والدته بعدما جاءت إليهم
تخبرهم أن كبوسًا قد راودها

بدأ {ريان} بالحديث :

_ بابا زعلان من ماما

و تابع {أركان} :

_ و ماما زعلانة من بابا

بدأ {سهم} يحلل الموقف بعقله الصغير و هو يقول :

_ بابا بيزعق كثير بلبل، ممكن ماما زعلانة عشان كدا؟!!

أجابه {شهم} و هو يقول :

_ ممكن

قال {سهم} و هو يصفق فجأة :

_ ممكن يروحوا شهر بصل!

نظر له التوأم الصغير بفضول، و سأل {أركان} :

_ يعني ايه شهر بصل؟!!

أجابه {شهم} موضحًا بثقة :

_ تبتنا قالتلي أنه بيركبو طيارة و بيطيروا لحتة تانية حلوة

حك {ريان} رأسه و هو يسأل :
_ طب مش ده فيه فلوس؟! _

هز الجميع رؤسهم، و قال {شهم} :
_ أنا معايا خمسين جنيه

شهو التوام الصغير من هول الرقم، و نظروا لشقيقتهم الأكبر بأعجاب شديد، بينما قال {شهم} باللهفة :
_ و أنا معايا خمسين و عصير توت و شوكلاتة

نعم، تلك التى أخذها من الفتيات بعدما تركهم ليتشاجروا دون أن ينتبه

نظر له التوام الصغير و هما يفتحان فمهما ببلاهة و ذهول، فقال {شهم} :
_ و أنتو معاكم كم جنيه؟! _

أجابه {أركان} بعدما عد على أصابعه :
_ عشرة جنيه

بينما أخرج {ريان} عدة عملات من جيب سرواله الصغير، و أخذ يعدهم، حتى قال :
_ سبعة جنيه

ذم {شهم} شفتيه بحزن و هو يقول :
_ جنيهاكو قليلة اوي

_ م.. معايا.. جنيه.. جنيه

كانت {ليان} صاحبة العبارة، قالتها و هى تفتح يدها لأخرهما لدلالة على كثرة النقود معها بعدما سمعت حديثهم و هى تستيقظ

فسألها {شهم} :
_ معاك كام؟! _

أجابه {ريان} :
_ أكيد متعرفش، لسة مخدتش A B C و one two

_ معاك حق، طب حطاهم فين؟! _

نهضت {ليان}، و تحركت ببطئ نحو حافة الفراش، فنهض {شهم}، و وثب من فوق الفراش، ثم حملها بصعوبة كى لا تهبط متأذية، و تحركت هى ببطئ، و هم خلفها، حتى وصلوا للخزانة، جذبت غلبة إحدى مستحضرات العناية بالبشرة الفارغة، الخاصة بوالدتها، و فتحتها فتبين للأربعة عدد من العملات الكثيرة، فنظروا لشقيقتهم بصدمة، و سأل {أركان} :
_ أنت حوشتي كل ده منين؟! _

وضعت {ليان} عملة أرضاً، ثم ألقتها و وضعتها في الغلبة مرة أخرى في محاولة لشرح، فترجم {أركان} حديثها :
_ كانت بتلاقيها على الأرض و تاخذهم

هزت {ليان} رأسها باللهفة، بينما عاد {شهم} يحملها ليضعها فوق الفراش، و صعد الجميع بعدها، جمع {شهم} النقود، و بدأ بعدها، بينما كان الأطفال الآخرين يتحدثون و يتشاورون فيما سيفعلون

أنقض الجميع فجأة عندما فُتح الباب، فجذب {شهم} الغطاء الخاص به سريعاً، مخفياً تلك الثروة المهولة، و نظر لمن دلف و الذى لم يكن سوى {يزن} الذى رمقهم بريبة و سأل :

_ في ايه؟؟

أنطلقت تنهيدات راحة من الجميع، و قال {ريان} بحق :

_ خوفتنا يا خالو!

أفكرنا ماما أو تيتا صحوا

رفع {يزن} حاجبه، و أغلق الباب خلفه، ثم صعد فوق فراش {شهم}، و جذب {ليان} لأحضانه و هو يقول :

_ أنتو مش بتخافوا مني ليه؟؟

لا بجد يعني مفيش أعتبار أني كبير و تخافوا مني و تخبوا المصايب ال بتعملوها عليا، يا شيخة أنتو بتيجو تحكوهالي

هز {أركان} كتفيه في بساطة، و قال :

_ ما هو عشان لو أتكشفتنا تنفذننا زى باتمان

_ مصلحة يعني

ثم أنتبه لذلك الغطاء الذى أخفوا تحته شيئاً لم يره، فسأل :

_ أبخططوه لمصيبة جديدة؟!

ذم {سهم} شفنيه و هو يقول :

_ في ايه يا خالو؟! على طول ظالمنا كدا؟!

أبتسم {يزن} بسخرية و هو يقول :

_ ما هو لو أنتو زى الأطفال الطبيعية، كنت قلت شوية شقاوة و شوية يتهدوا و يتعبوا، لكن أنتو ما شاء الله، لاسعين أربعة و عشرين

ساعة، بتهببوا ايه بعد نص الليل؟!

سحب {شهم} الغطاء من فوق النقود، فتبين {يزن} النقود، و قال بدهشة مصطنعة :

_ بتجاروا في العُملة بعد نص الليل؟؟

و لم يفهم أحد الصغار معنى ذلك المصطلح، لكن لم {يزن} لم يهتم بشرح الأمر و قال :

_ أنتو بتعملوا ايه برضو؟؟

تحدث {سهم} مشيراً للتؤام الصغير :

_ ريان و أركان بيقولوا أن ماما عيطت عشان بابا وحش

تجمد جسد {يزن} فجأة و هو ينظر لهم بصدمة، ثم قال ببطئ :

_ أنتو .. أنتو عرفتو منين؟!

أرتابوا من تحوله هذا، و إن أجاب {أركان} :

_ أصل بابا لما خد شهم و سهم و جريو من تيتا فتحية، كنت أنا و ريان مستخبين تحت الترابيزة، و سمعنا ماما بتعيط

أبتلع {يزن} لعابه و هو يشعر بالتوتر، لم يرد أن يعلم الأطفال بالأمر بأى شكل، لكنه فشل، و علموا..

تابع {شهم} حديثه مشيراً للنقود :

_ و دي جنهيات عشان ماما و بابا يركبوا طيارة و يروحوا شهر بصل

نظر له {يزن} بتعجب، و قال و هو يحاول أبعاد تلك الهواجس المتعلقة بأولاد شقيقته بعيداً :

_ ايه شهر بصل ده؟!

ثم أستدرك فجأة ما يعني ابن شقيقته، فقال بدهشة :
_شهر عسل؟! قصدك شهر عسل!؟

هز {سهم} رأسه و هو يقول :
_ايوا ايوا، هو ده

_شهر عسل بقى شهر بصل؟! أنتو بتخشوا في أى حاجة بتشو هوا ملامحها؟! و بعدين أنتو عرفتوه منين أصلاً!؟

_تيتا قالتنا عليه

ضرب {يزن} كفه بالآخر و هو يقول :
_يادي النبيلة يا فتحية، مبتسمعش الكلام و برضو بتقولكو حجات مش سنكو

توقف فجأة عما يفعل، و نظر للأطفال برهة، قبل أن يسأل بعدم تصديق :
_ثانية كدا، أنتو قاعدين بتخططوا ازاي تصالحوه شدى و شادي، و عايزين تسافروهم بفلوسكو؟؟

هز الجميع رؤسهم، بينما ظل هو يحدق بهم بذهول، ربما لأن ما يفعلوه يعد شئ عقلاي، متعارض مع الكوارث التي يحدثوها عادةً، أو لأنهم مازالو أطفال، و تفكيرهم بهذا المنطلق يعد شئ غريب

رمقهم {يزن} بحنان، و فتح مرفقيه ، في إشارة للهجوم عليه، فتدافع الأطفال نحوه في قوة، قبل أن يعانقهم جميعاً بحب شديد، رغم ما يحدثوه من كوارث، إلا أن تفكيرهم هذا، وضح كثيراً أن {شدى} أستطاعت، و بجدارة، أخرج جيل سوي، يدرك معنى وجود مشكلة، و يدرك أن عليه إيجاد حل، أخرجت أطفال على وعى بما حولهم، ربما تصرفهم هذا لن يفلح فيما أرادو، لكنه كافي لأسعاد قلب {شدى}، و أسعاد قلبه كذلك

~~~~~

مر أسبوع منذ ذلك الحادث، دون أحداث تذكر، سوى محاولات {شادي} معها لتعود معه

أستيقظت {شدى} ، و فركت عينيها بنعاس، لكن سرعان ما عادت تفرك عينيها مرة أخرى عندما أدركت مكانها، أنها بمنزلها!  
أو منزل زوجها لتدقيق

أنتفضت من فوق الفراش، و كادت أن تفتح الباب لتخرج ذاهبة لمنزل عائلتها، لولا يد {شادي} التي سبقتها من الخارج، و دلف مع وجبة الإفطار و هو يقول :  
\_يلا يا شدى ..

قاطته بصيحة أفزعته :  
\_أنا بعمل ايه هنا؟! أنت أتجننت؟! أزاى تجبن..

قاطعها هو بهمس :  
\_شش، الله يكرمك ما صدقت العيال ناموا، و بعدين ماما و أخوكي برا و..

أندفعت تاركة إياه ليتحدث وحده، فترك هو ما بيده، و تبعها عندما قالت بانهايار :  
\_يزن ألحقتي، شادي عاي..

جذبها {يزن} لأحضانه، و ربت على كتفها و هو يقول :  
\_ممكن تهدي؟؟ أهدي بس و هو ضحك كل حاجة

زفرت بضيق، بينما جلس {شادي} أمامها و هو ينظر لها نظرات لم ترها منذ سنوات

تحدثت {فتحية} بهدوء تُحسد عليه :  
\_ بصي يا بنتي ، شادي غلط و عايز ضرب الجزمة على دماغه، بس أعتبريه شهيم ولا سهم، هترميهم لو زعلوكي؟؟

تحدثت {شذى} بحدة :  
\_ شادي عكنن حياتي من ساعة ما جيت العيال، طلبات، و اتهامات، و نكد بلا سبب

تحدثت {فتحية} بسرعة و لهفة :  
\_ ليك حق أنك تهزقيه و تبهدليه ،بس..

صمتت و هى تنتظر لـ {يزن} الذى تنهد، و نظر لـ {شادي} بحنق :  
\_ مع أني مش طايق خلقتك، بس مينفعش خناقتكم دي تحصل قدام العيال

سرد عليهم ما حدث تلك الليلة ، و ختم حديثه قائلاً :  
\_ لازم تروحوا أى حنة اليومين دول، عشان تعرفوا تتعاملوا، يعني أتعاملوا كأنكم أول مرة تشوفوا بعض

ربت على شعر شقيقته التى نظرت له بحزن و همس :  
\_ صدقيني لو كان شادي قليل الأصل، أو شكيت أنه هيرجع يزق و يتخانق تاني ما كنت وافقت تتصالحوا ولا قعدنا القعدة دي،  
شادي مشكلته بس أنه كان حاسس أنه لما يشتغل أكثر ده هيسعدكو، و ده كان على حساب نفسيك أنتِ و العيال، فأعتبري السفرية  
دي هدنة شوية، ترتبوا أولويتكم بعيد عن العيال، و صدقيني أى قرار هتخديه أنا معاك فيه

ظلت نحق بزوجها الذى نظر لها بنظرات ملهوفة لسماع رأيها، و الذى كاد أن يكون رافضاً قاطعاً، إلا أن صورة لأطفالها أرتمت  
في مخيلتها، ما ذنب هؤلاء المساكين في كل ذلك؟! والله ما كان لهم ذنب في تصرفات ذلك الأخرق، لذى لما ستعاقبهم بالأبتعاد عن  
والدهم؟! و

تنهدت و ظلت شاردة في الحديث، حتى قالت :  
\_ موافقة بس بشرط

أجابها {شادي} باللهفة :  
\_ ال أنتِ عايزاه هيتنفذ

\_ كل واحد هيبقى في أوضة منفصلة عن التاني، عشان أعرف أصفالك من غير ضغط  
\_اي..

بتر عبارته المعترضة، و التى لم تبدأ، بعدما لكزته و الدته خفية و هى تقول :  
\_ طبعاً يا حبيبيتي ،ال أنتِ عايزاه

نظر لها {شادي} بحنق ،بينما حدجته و الدته بنظرات نارية

و هناك، حيث ينظرون من خلف باب حجرة التوأم الصغير، أمتعض وجه {شهم} و هو يقول :  
\_ خالو ده فتان

هزت الفرقة الصغيرة رؤسهم بحنق، غير مدركين نتيجة هذا المجلس

~~~~~


وصلة بكاء و نواح صدرت من الكوارث الخمسة عندما علموا أنهم لن يذهبوا مع والداهم لتلك الرحلة مجهولة الهوية بالنسبة لهم،
أستمر البكاء حتى المطار، كان {شهم} و {سهم} يمسان يدئ {شذى} بشدة ،رافضان فكرة رحيلهما ،بينما كان {أركان} و {ريان}
يمسان بسروال {شادي} الذى أمسكه من الأعلى و هو يقول بضيق :
_يا ولاد هتوقولي البنطلون في نص المطار و هنعرونا قدام الأجانب

بينما كانت {ليان} تبكي بعدم فهم فوق أكتاف {يزن} لما يحدث، لكن الجميع يبكي، فيتأكد هناك ما يستدعي ذلك

أنخفضت {شذى} و عانقت صغيريها بحب شديد و هى تقبل رأس كل منهما :
_يا حبايبي هما كام يوم و راجعين، متصعبوش الموضوع أكثر ما هو صعب

لكن الاثنان زادا بكاءً و نحيباً، و قال {سهم} بصوت مزق قلب والدته :

_م.. ماما هعمل ايه في المدرسة بعد ما تمشي؟!!

محدث هيقولي أنت حلو و شاطر تاني غيرك

هيب هيرخموتدا عليا تاني يا ماما

مسحت {شذى} دموع صغيرها و هى تقول محاولز التحكم في دموعها :

_لا في، في خالو، و في تيتا، و كفاية أنك عارف أنك شاطر و جميل و تستحق كل حاجة حلوة، مش محتاج حد يقولك أصلاً

ربما {سهم} له اهتمام خاص من قبل والدته بسبب حالته الأنطوائية بالخارج، و ثقته التى تنزعزع كلما حدثه أحدهم بكلمة سيئة، و
ذهابها يعنى أنتهاء الأمان بالنسبة له!

بعد نواح و صراخ، أستطاع {شادي} الفرار بزوجته بعيداً عن تلك الكائنات ،بعدما ودعها {يزن} بعناق حار، تجرعت هى من خلاله
كم اللطف و الحنان الذى خلق شقيقها منهما، كم هو شعور مريح أن تشعر أن هناك من يساندك، و لو زلزلت الأرض زلزالاً شديداً،
ما تركك لتسقط أرضاً، و إن حدث ،لفضل أم تسقط فوقه على أن يخذلك

~~~~~

كان الأطفال طوال اليوم هادين في غرفهم بمنزل {يزن} الذى حاول أخراجهم من تلك القوقعة، لكن يبدو أن تأثير غياب {شذى}  
و {شادي} شديد

تنهد و تحرك ليجلس جوار عمته التى قررت عدم تركه مع تلك الكوارث وحده، و سألها بحيرة :

\_طب أعمل دلوقتي؟!!

العيال زعلانين مني عشان مقولتلهمش أن شذى و شادي مش هياخدوهم معاهم، و الهدوء ال هما فيه ده موترني

ضحكت {فتحية} و هى تقول :

\_مش قادر تقعد و البيت هادي يا بني

\_مش الفكرة ، بس يكون هادي و هما كويسين، مش و هما زعلانين بالمنظر ده، محدش أكل لقمة من ساعة ما شذى و شادي مشبوا

\_خدمهم السوبر ماركت يجيبوا حلويات و هينسوا مين شذى و شادي دول أصلاً، و بالمره هات طلبات البيت

أستحسن {يزن} فكرة عمته، و ذهب لغرفة {شهم} و {سهم} - التى كانت غرفته و هو صغير - و دفع الباب، ليجد {شهم} و {سهم}  
جالسان بصمت فوق الفراش، و قد تألفت بعض الدموع بعينيهم، بينما كان {ريان} و {أركان} ينظران للسماء من النافذة و الأول  
يسأل بحزن :

\_يعني ماما و بابا طايرين في السما؟!!

هز {أركان} رأسه ، و قال :

\_\_تينا فتحية المفترية قالت كدا

كتم {يزن} ضحكة كت أن تقلت منه عندما سمع لقب عمته هذا، بينما عاد {ريان} يقول بحزن :  
\_\_بس ماما وحشتني أوي يا أركان

عانقه {أركان} و هو يقول :  
\_\_و أنا كمان، بس تينا قالتلي أن ماما كدا مبسوطه

أبتسم {يزن} بسمة لطيفة، و قال :  
\_\_يا ولاد

نظر له الجميع ، فتابع هو :  
\_\_يلا عشان نازلين نجيب طلبات البيت

ثم غمز بعينه و هو يتابع :  
\_\_و نجيب حجات تانية

علم الأطفال ما يعنيه {يزن}، و سرعان ما أرتسمت البسمات، و تحرك الأطفال ليرتدوا ملابسهم، لكنهم توقفوا فجأة و نظروا لـ  
{يزن} الذى رمقهم بريية و هو يقول :  
\_\_في ايه؟!!

أجابه {ريان} و هو يحك رأسه :  
\_\_ماما كانت بتلبسنا

و للمرة التى لا يعلم عددها، يدرك أن مع كم المصائب المقترفة بسببهم، إلا أن في نهاية الأمر هم أطفال

دلف {يزن} للغرفة، و فتح الخزانة و هو يسأل :  
\_\_هدوم مين دي؟!!

هز الأطفال أكتافهم بجهل، فزفر هو و بدأت أول مهامه

~~~~~

كانت {فتحية} قد بدلت ملابس {ليان}، فبدأت جميلة في فستانها الأبيض، و ذلك المشبك المتشكل على هيئة زهرة صغيرة ، و حذائها
الأبيض الصغير الذى تعلقت به تلك الفراشة الحمراء الصغيرة

قبلتها {فتحية} بلطف و هى تقول :
__كوتي كوتي، ايه الحلاوة دي؟! ايه الطعامة دي؟!!

__تينا

أنتفضت {فتحية} على أثر تلك الكلمة التى خرجت من أحفادها الأربع الذين ظهرها من العدم

نظرت لهم بتعجب، سرعان ما تحول لذهول و هى ترى هيئة أحفادها

كان {سهم} يرتدي سروالاً قصيراً عليه بشدة، و يرتدي القميص بشكل خاطئ، بينما كان {سهم} يرتدي سروال باللون الأخضر، و قميص باللون الأحمر، في هيئة جعلته أشبه بإشارة المرور، أما عن {ريان}، فكان يرتدي سرواله بشكل خاطئ، و قميصه غير مغلق الأزرار بهيئة مزرية و لم يقل توأمه في حالته المزرية عنه، فقد كانت ملابسه تمسح الأرض مسحاً

تحدثت {فتحية} بذهول :

_ أنتو جاين من الشارع؟؟ أنتو عاملين كدا ليه!؟

أشاروا نحو ذلك المسكين الذى قال بحرج :

_ ملبستش عيال قبل كدا يا فتحية، أعمل ايه يعني

_ متعملش ياخويا ، أنا ال هعمل ،أصلي الحيطه المايله ال بتسندو عليها

أعطته {ليان} التى بدأت بالبكاء بغته، و أخذت أحفادها لتعدل من هينتهم تلك، بينما نظر {بزن} لـ {ليان} و أخذ يهددها و هو يقول
برجاء كأنها ستفهم :

_ خليك أنت جدعة يا ليلو، متخليش شكلي وحش قدام فتحية أكثر من كدا

ظل يهددها متحركاً بها ذهاباً و إياباً عليها تهدأ، إلا أنها ظلت تبكي بشدة، و كاد {بزن} أن يبكي معها لقله حيلته، لولا صوت عمته
الذى جاء من الداخل :

_ ليان جعانة يا بزن، أكلها هتلاقيه في المطبخ، أكلها على ما أجي

تحرك {بزن} نحو مطبخه، و أخذ صحن الطعام المخصص لهذا السن، و خرج ليجلس مرة أخرى، و أخذ يطعمها بصعوبة بسبب
هزها لرأسها يميناً و يساراً، و تحرك يديها العشوائي، إلا أنه - بأعجوبة - أستطاع أطعمها، و رغم ذلك ، لم يهدأ نحيبها

خرجت عمته مع أحفادها بعدما ألبستهم، و سرعان ما ألتوى ثغرها عندما سمعت صوت بكاء حفيدتها الصغرى، فزفرت و أخذتها و
هى تقول :

_ أفضل أنت كدا محتاس على طول و مبتعرفش تتصرف

رفع {بزن} حاجبه و هو يقول :

_ كنت خلفت قبل كدا أنا؟!؟

_ أكلتها!؟

_ آه

بدأت {فتحية} بالتربيب على ظهر {ليان} برفق، حتى تجشنت الصغيرة، و سرعان ما هدأ نحيبها، أعادت لها لخالها و هى تقول :

_ يا عيني عليك يا فتحية ، هتفضلي طول عمرك كدا الناس محتاسه من غيرك

هز {بزن} كتفيه و هو يبتسم بقله حيلة، و تحرك مع كوارثه ليخرجوا، تاركين {فتحية} وحدها في المنزل

~~~~~

كان {بزن} قد جلب كل ما قد يحتاج في منزله من احتياجات، بعدما نظر لتلك القائمة التى كتبتها له {فتحية}

نظر لأولاد شقيقته و هو يقول :

\_ خلاص جينا طلبات البيت، تعالو نشوف الحلويات بتاعتكم

أسرع {سهم} يقول :

\_أنا عايز موشتي

قطب {بزن} حاجبيه و هو يقول بتعجب :  
\_موشتي؟! ايه موشتي ده!؟

\_آيس كريم

\_ما تقول آيس كريم و خلاص، روح هاتوه من التلاجة

\_لا ، مش ده مش ده

\_هو الآيس كريم له أشكال تانية!؟

قاطعهما {شهم} بحماس :  
\_و أنا عايز مكشكشة

نظر له {بزن} باستنكار و هو يقول :  
\_دي هدومك ال مكشكشة يا حبيبي ، عايز تاكل هدومك!؟

أنكشيت ملامح الصغير بضيف و هو يقول :  
\_يا بزن عايز مكشكشة، دي حلويات

\_بزن! بقيت بزن!؟

نظر له {شهم} بعدم فهم و قال :  
\_مش اسمك بزن!؟ ولا اسمك فتحي!؟

\_ولدا!

\_ما هو يا بزن في حد يستغرب اسمه!

\_أنا مش مستغرب اسمي، أنا مستغرب خالو راحت فين

\_آه، أصل ماما كانت بتقولنا عيب نناديك باسمك، بس ماما مشيت فخلاص بقى

نظر له {بزن} بذهول و استنكار ،بينما عاد الطفل يقول :  
\_مكشكشة ، عايز مكشكشة يا بزن

\_يا بني مكشكشة ايه، مفيش حاجة حلوة اسمها مكشكشة، المكشكشة تبقى هدومك يا حبيبي

قاطعها {ريان} في سرعة معلناً عن رغباته :  
\_و أنا عايز مكرون

أجابته {بزن} و هو يخرج كيس المعكرونة من السلة التي يحملها قائلاً :  
\_ما أنا جبت مكرونة يا حبيبي خلاص

\_لا يا بزن مش دي، مكرون مكرون، حلويات فرنساوي

ألقي {يزن} كيس المعكرونة في السلة بعنف، و قال :  
\_ لا كذا كثير، أنا على أيامي كان الجيلي اخترع و مكشش أى حد بياكله ، كان ولاد الذوات هما ال بياكلوه

زفر {ريان} بتذمر من تصرفات خاله التي لا يفهم سببها

و لم يهتم {أركان} لصراخ {يزن} مع أشقائه، و قال بحالمية :  
\_ و أنا عايز المدلعة

حسنًا، طح الكيل، أنحنى {يزن} معطيًا {ليان} لـ {شهم} ، ثم خلع خفه وسط ذهول المتسوقين بالمتجر، و ما أن رأى {أركان} ذلك ،  
حتى علم ما القادم، و في ثانية ، كان {يزن} يركض خلف {أركان} و هو يصيح بانفعال :  
\_ عايز ايه يا قليل ابن شادي يا ال مشقتش بربع جنيه تربية!

صاح {أركان} بعدم فهم لعضب {يزن} المفاجئ :  
\_ في ايه يزن؟! أنا عملت ايه!؟

\_ مش عارف عملت ايه ، عايز مدلعة!؟  
عرفتها منين و ازاي يا ولد!؟

\_ هي مين دي يا يزن!؟

\_ المدلعة

توقف {أركان} خلف رجل يقف مع زوجته و أمسك سرواله بشدة محتميًا به و قال :  
\_ ألحقتي يا عمو

نظر له الرجل بتعجب ، لكن سرعان ما أنتفض عندما سمع {يزن} يصيح :  
\_ تعالى هنا يا شبر و نص أنت، ولا شبر و نص ايه، ما خلاص ، بقبت في سن المراهقة و ماشي تعاكس في البنات و تقول مدلعة و  
مترقعة، جبت الكلام ده منين يا ولد!

صاح {يزن} بأخر عبارة و الرجل يحاول أبعاده عن الصغير، بينما ظن {أركان} أن "سن المراهقة" سببة، فقال بأمتعاض :  
\_ منتشتمش يا يزن!

أبعدته زوجة الرجل قليلاً و هي تقول بقلق :  
\_ منتشتمش ايه بس، أسكت يا بني ده هياكلك ، أنت هبتت ايه مع أبوك!؟

أجابها {أركان} و هو يرفع كتفيه :  
\_ قولتله عايز أكل مدلعة

شهقت المرأة و هي تقول :  
\_ يا بني أنت لسة صغير على الكلام ده، مدلعة ايه و مرقعة ايه بس

نظر لها الصغير بعدم فهم، لكنه أنتفض عندما سمع صيحات {يزن} خلفه ، فاخبتى خلف المرأة التي قالت :  
\_ معلش يا أستاذ، لسة طفل، تلاقيه سمع الكلام ده هنا ولا هنا و قاله من غير ما يفهم يعني ايه

تحدث أحد المشاهدين للموقف - البالغ من العمر عشرين عام - شارحًا الموقف :  
\_ يا أستاذ المدلعة دي حلويات

هز الطفل رأسه و هو يقول :  
\_ايوا، بالمانجا و القشطة و..

\_كمان! بتعاكس قدامي يا ابن شادي! جبت الكلام ده منين؟!

تحرك الشاب نحو {يزن} و رفع هاتفه في وجهه و هو يقول :  
\_دي المدلعة يا أستاذ، أهدى

تراخت عضلات وجه {يزن} عنوة ، و أبتعد عن الرجل الذى كان يحيل بينه و بين ابن شقيقته و أمسك هاتف الشاب يمعن النظر فيما هو أمامه، قبل أن يهتف بحذر :  
\_هى دي المدلعة؟!

أجابته الشاب و هو يحاول بث الهدوء بـ {يزن} عله يرحم ذلك الصغير :  
\_ايوا والله

نظر {يزن} لـ {أركان} و قال و هو يدير الهاتف لـ {أركان} :  
\_هى دي ال قصدك عليها؟!

أخرج {أركان} رأسه من خلف المرأة بحذر، قبل أن يهز رأسه سريعًا، بينما ألتوى ثغر المرأة و هى تقول :  
\_يعني من قلة الاسماء

تتهد {يزن} و أعاد خصلات شعره للخلف، و للتو أدرك أنه يحمل خفه و يسير بشكل مريب، و أدرك أيضًا سبب نظرات الناس له، أسرع يفلته من بين يديه، ثم أرتداه على عجل قبل أن يقول :  
\_احم .. بعنذر يا جماعة .. حصل سوء فهم

ثم أشار لـ {أركان} ليأتي، لكن الآخر ظل منتسماً مكانه، مما زاد حرج {يزن} في وسط هذا الجمع الذى لا يدري من أين أتى، فقال :  
\_تعالى يا حبيبي خلينا نروح

نظر له {أركان} بشك و قال :  
\_أمان؟!

أبتسم {يزن} و قال :  
\_أمان

أبتسم {أركان} ، و هرول نحوه ليلتفقه خاله و يتحرك متذكراً أن هناك كوارث أخرى في الأرجاء قد نسيها تمامًا، لكنه تصنم عندما سمع صياح أحدهم :  
\_حرامي ... حرامي!

~~~~~

كان {شادي} يتحرك بغرفته في الفندق الذى سيقضي به فترة الهدنة مع زوجته، إلا أن قرار زوجته بالبقاء في غرفة منفصلة عنه بحجة أنها تحتاج فرصة لاسترجاع شتات نفسها تثير ضيقه، بل و الأدهى أنه قد مضى يومان لم يرها بهما، و لم تجب اتصالاته، و لم تفتح له باب غرفتها عندما طرقه حتى!

توقف أمام شرفته المجاورة لشرفتها، و علت بسمه خبيثة فجأة ثغره، و تمتم :
_ال ميجيش بالذوق، يجي بالعافية

ثم تحرك نحوها، منتوياً أنها تلك اللعبة التي تلعبها زوجته

~~~~~

رغم أن كل ما مر يومان فقط منذ سفرها، إلا أن نفسيته تحسنت كثيراً، و كان له {بزن} الفضل في ذلك، فقد كان يتحدث معها خلال هذان اليومان باستمرار مساءً ليظمن عليها بعد خلود الأطفال للنوم

كانت ترتدي ملابس زرقاء منزلية مريحة، و قد وضعت قناع ذات لون بوني عيب فوق وجهها، و ها هي تضع بعض المرطبات فوق جلدنا

أخذت تدندن بكلمات لا محل لها من الأعراب - إن اعتبرنا أنها كلمات أساساً - لكن ذلك يساعدها على الأسترخاء و هذا هو المراد

أنهت وضع المرطب، و أغلقت علبته، لتنهض و تقوم بتجفيف شعرها المبتل هذا بأحدى آلات التجفيف الحديثة

و نظراً لقصّر خصلاتنا المشابهة لخصلات شقيقها، لم يستغرق تجفيفه وقت طويل

كادت أن تمشطه، لولا أختفاء المشط من جوارها، فزفرت و بدأت بالبحث عنه، إلا أنها أنتفضت عندما سمعت صيحة أسقطتها أرضاً، و جعلتها تطلق صيحة مفروعة من وجود أحدهم هنا

ظلت تصيح بفزع و هي تنظر لزوجها غير مستوعبة هويته، و ظل هو يصيح بفزع و هو يتراجع عندما رأى وجهها، أو لنكن صادقين، ظن أنه أقتحم غرفة أخرى عبر الشرفة، و كاد أن يرحل سريعاً، قبل أن تقول {شذى} و هي تضع يدها فوق صدرها في محاولة لتهدأت نفسها :

\_ أنت .. أنت .. أنت دخلت ازاى !?

أبتلع {شادي} لعابه و هو يحاول تدارك ذلك الشئ اللزج الذي تضعه فوق وجهها :

\_ م.. من البلاكونة، أنت حاطة چيلي على وشك ولا ايه البتاع ده يا شذى!?

نهضت و هي تستند على طاولة قصيرة جوارها، ثم قالت بغضب :

\_ أنت .. أنت ازاى تدخل الأوضة بدون إذنني!?

لم يجراً {شادي} على الأقتراب منها و هو يجيب :

\_ يعني كنت عرفت أخده و قلت لا!

نظرت له {شذى} بحق و قالت بهجوم :

\_ شادي بطل همجية و سبني أعرف أنتفس بعيد عنك شوية

نظر لها بصدمة، و قد جُمد جسده كُلياً، تتنفس بعيداً عنه! منذ متى و {شذى} تنطق كلمات بهذه اللذاعة!?

تحدثت و هو يحاول أستيعاب ما قيل له :

\_ ب.. بعيد عني!?

\_ ابوا بعيد عنك، أنا من ساعة آخر مرة أتخانقنا و أنا مش طابقاك، شوفت أنت أتجرحت ازاى من كلمات بالنسبة لكلامك ولا

حاجة!؟ مش فاكراً آخر مرة قلت ايه!؟

أم فاشلة، ها! أنت عارف أنت جرحت ايه! أنت مدرك تأثير كلامك ده كان عامل ازاى!?

\_ ده كان وقت غضب ..

قاطعته بانفعال :

\_ نفس المبرر، كان وقت غضب، نفس الشماعة ال بتعلق عليها أخطائك

تحرك نحوها في خطوات سريعة و هو يقول بندم لا جدوى منه الآن :  
\_ كنت حمار و غبي و مبفهمش، شذى أنتِ ال زيك ميتعوضتش، أنا .. أنا مستحقكيش .. و عارف أنك نفسك تسيبيني .. بس .. بس  
عشان خاطري..

\_ نعم!

\_ عشان خاطر الولاد طيب، حاولي تصفيلي، بس و أنا معاك، بالله عليك يا شذى ما تخلينا نبعد و يحصل بينا جفى

كانت نبرته باكية مترجية، و كادت {شذى} أن تضعف، لكن شريط ذكرياتها عاد ليقلبها على زوجها، ذلك الجفاف العاطفي الذي عاشته بسببه، تركه لأطفاله معها طول الوقت، تجاهله لها عمدًا، كل ذلك أدى لإشاحة رأسها عنه و هي تقول محاولة التحكم في نبرتها لتجعلها أكثر هدوءً :  
\_ شادي لو سمحت، أرجع أوضنك، و لما أقدر أتعامل معاك هكلمك

جحظت عينيه، و لمحت هي الانكسار بهما، لكنها كبحت رغبتها في الذهاب نحوه، و عناقه و أحتواءه، و ظلت مكانها، فأجاب هو بصوت متحشرج :  
\_ ح.. حاضر يا شذى، هسيبك براحتك

ثم تحرك، خارجًا من غرفتها، و ما أن أغلق باب الغرفة، حتى أنفلتت منها تنهيدة، و تحركت نحو أريكتها، لتجلس فوقها و هي تتمتم :  
\_ يا ربي، يا ربي أعمل ايه بس

~~~~~

_ أهدى طيب، لقيتلك حل

كانت كلمات {شاكر} الذي كان يجلس مع {شادي} في غرفة مكتبه، نعم، {شاكر} صاحب الفندق الذي جاء له {شادي} و زوجته، كان {شادي} يشكو قلة حيلته لرفيقه، و بدى منهارًا بشدة، لكن بعد عبارة {شاكر}، رفع {شادي} وجهه و سأل بلهفة :
_ حل ايه؟!

_ بص، المفروض أن في رحلة سفاري طالعة بعد شوية كدا، هبعث حد من المشرفين يبلغ المدام، من غير ما نعرفها أنك جاي، المفروض أن متبقاش غير واحد بس عشان الرحلة تكمل، فبتالي مفيش غير بيدج باجي واحد

_ فأنا و هي نركب فيه!

_ بظبط!

_ بس هي مش هتوافق!

_ ما أنا جايلك في الكلام اهو، المكان بتاع البيدج باجي بعيد عن هنا، و مفيش غير الباص بتاع الفندق ال بيوصل الزوار، يعني مينفعش ترجع ولا تقعد لوحدها

نظر له {شادي} بتردد، قبل أن يقول :

_ طب كدا مش ضغط عليها، يعني مش ممكن هي محتاجة وقت تبعد فيه عني و ..

قاطعته {شاكر} و هو يقول بحزم :

_ البعد بيولد الجفى يا شادي، يومين كفاية عشان تريخ أعصابها، لكن أكثر من كدا هتنبذك، فخليك معاها من غير ما تضغط عليها، بس خليك حواليتها، من أفسد شيئاً فعليها أصلاحه، و أنت غلط، لكن ده ميمنعش أنك لازم تعافر عشان ترجع مراتك

ثم تنهد، و أبتسم و هو يربت على كتف رفيقه :
_ و مع محاولتك إن شاء الله هتتصالح

هز {شادي} رأسه ،و تمنم بأمل :
_ إن شاء الله

~~~~~

كان {بزن} يتحرك كالمجنون بالمتجر يبحث عن تلك الكوارث، أختفائهم مع وجود سارق ليس بالأمر الجيد، ليس كذلك سمع فجأة صوت تكسير أواني، و ضوضاء شديدة ، وتلاها صوت أهات و صيحات، و عم الصمت بعد ذلك

نظر {بزن} لـ {أركان} و قال :  
\_ السفاحين عملوها و لفوا حد من الناس في المحل في سجادة زى ما بتتمنوا

تحرك سريعاً يحاول التحرك مع الجمع الذى أندفع في فضول لمعرفة سبب تلك الضوضاء، و التى أتضح أنها آتية من قسم المطابخ

تحرك {بزن} وسط هذا الزحام بصعوبة، قبل أن يصل لمراده، ليتجمد فجأة عندما رأى رجل يخفي وجهه بغطاء وجه، شدد عليه {سهم} الجالس فوق أكتافه ليخنقه ظناً منه أنه يلعب معه، بينما كان {ريان} يرقص بشكل عشوائي فوق ظهر الرجل، و يقفز ليلقي جسده كله باندفاع فوق ظهره، فيطلق الرجل تأوهات مستغيثة، بينما كان {سهم} قد قيده بحبل رياضي، لم يكن تقيداً يصعب فكه مطلقاً، لكن مع ضرب {ليان} بالمقل على رأسه، و بدى أنها كسرت صحن أخرى على رأس الرجل على الأغلب ، و بالإضافة لأختناق الشديدي، و الأم ظهره، و تلك العضات التى يمنحها {سهم} له، أدت لفقدانه عقله و أخذ يصيح بدون أن يفهم أحد منه كلمة، لكن لم يمنع ذلك تحدث أحدهم عنه بشماتة و هو يقول :  
\_ أحسن، عشان تحرم تسرق تاني

و عبارات مماثلة أنهالت على رأس ذلك الرجل، الذى أتضح فيما بعد أنه السارق!

تدخل رجال الأمن، و أخذوا السارق، تاركين الأطفال يبكون لسلب صديقهم الذى كانوا يلعبون معه بكل لطف!

نظر {بزن} لهم بريية، و أقترب منهم غير مصدق لما فعلوه، و قبل أن يتحدث، رأى من يندفع نحو الأطفال بشكل جعل عضلات جسده تتحفز، إلا أنه تفاجئ بالرجل يقول بسعادة :  
\_ أنت والد العيال دي؟!!

هز {أركان} رأسه نفيًا و هو يقول :  
\_ لا، ده بزن

بينما أجاب {بزن} :  
\_ لا، أنا خالهم

أبتسم الرجل بسعادة و عرف عن نفسه :  
\_ أهلاً بحضرتك، أنا المدير ..

و لم يستمع {بزن} لباقي عبارته، بل نظر لتلك الأواني المنكسرة بخوف، فقد ظن أن المدير جاء ليغمره على كسر تلك الأواني و...

سمع فجأة صيحات الأطفال الفرحة، فنظر لهم بصدمة و قال :  
\_فرحانين فيا يا ولاد شادي

تحدث المدير ميتسماً :  
\_أعتقد ده أقل حاجة ممكن أقدمها ليكم

ثم أنصرف، بينما نظر {بزن} لأثره بريية غير مدرك لعبارته الأخيرة تلك، لكنه سمع {أركان} يسأل :  
\_يعني أحنا كدا ممكن نشتري أى حاجة من غير فلوس؟!!

هز {سهم} رأسه إيجاباً قائلاً بحماس :  
\_ايوا، عمو قال كدا

و قبل أن ينتشروا، أمسكهم {بزن} و هو يقول :  
\_من غير فلوس ايه؟! هو مال حرام؟!!

تملص {شهم} منه بضيق و هو يقول :  
\_يا بزن عمو قالنا عشان مسكنا حرامي فهناخد أى حاجة نشترها ببلاش، مسمعتش ولا ايه؟!!

\_من غير فلوس؟!!

\_ايوا

\_يعني مش هدفك تمن الأطباق ال كسرتوها دي؟!!

\_كنا بنغلب يا بزن!

تركهم و هو يهز رأسه بعدم تصديق ، ثم نظر لهم و هو يقول :  
\_إذ كان كدا ماشي

~~~~~

كان العامل يضع الأشياء التي اشتراها {بزن} في حقائب بلاستيكية، و عامل آخر يساعد {بزن} في وضع المشتريات في سيارة التسوق ليخرج بها، منشغلاً عن تلك الكوارث!
و ما أن أنتهى، حتى قال :
_يلا يا ولاد عشان نم..

بتر عبارته عندما لم يرى ولا كارثة من تلك الكوارث حوله، فتجمد أرضاً، و أسرع يتلفت حوله و هو ينادي :
_شهم .. سهم .. ريان .. أركان ... ليان ... يلا يا ولاد عشان نروح

لكن ما من رد، فهورول كالمجنون يبحث عنهم و هو يصيح باسمائهم، و قد شحب وجهه تماماً ، و مع ارتفاع صوته، أتى المدير و هو يسأل بتعجب :
_في ايه يا أستاذ بزن؟!!

نظر له {بزن} و هو يقول :
_الولاد، الولاد مش لاقبهم

_طيب أهدى بس و تعالى

ثم أشار لعدد من رجال و الأمن و أمرهم بتفتيش المتجر، و أخذ {بزن} لمكتبه، بعدما أمر بمنادة الأطفال في أجهزة الصوت المنتشرة في المكان

سأل المدير :

طيب آخر مرة كانوا معاك أمتي؟!_

عند الكاشير _

هز المدير رأسه، و أجرى اتصالاً سريعاً، لم يهتم {بزن} به ،بل ظل يهز ساقه بتوتر ملحوظ و هو يتمتم :
_ هيبقوا كويسين، هما كويسين، متقلقش، أهدى، محد..

_ أستاذ بزن!

نظر {بزن} للمدير الذى أشار له بالنهوض، و سرعان ما تحركا صوب غرفة كاميرات المراقبة كانت الشاشات ثابتة عند لقطة محددة، و دون أن يتحدث المدير، أقرب {بزن} منهم، و بدأ بتدقيق النظر ،حتى جحظت عيناه، و هتف في هلع :
_ خرجوا!

~~~~~

بعدما فرت من المتجر دون أن يلحظها أحد، سارت في الطرق و هى تنتظر حولها باندعاش و فضول، حتى توقفت أمام مدينة ملاهى صغيرة جعلتها تبتسم و تحركت نحوها في سعادة و هى تصفق، عابرة الطريق!

كادت أن تصطدم بها سيارة من سيارات نقل البضائع الضخمة، لولا أن سائقها ضغط فرامله سريعاً، و أدار المقود بشدة، مؤدياً بارتطامه لأحدى المباني!

و نتيجة لذلك، كان المارة و أمن مدينة الملاهى منتبهين للحادثة، مما ساعد الصغيرة في الدخول دون أن يوقفها أحد

شعرت بقشعريرة تسري بجسدها، مع دفعة الهواء الباردة التى داهمتها تلك عند دخولها، و أتسعت عينيها و كذلك بسمتها عندما رأت جميع تلك الألعاب أمامها

تعالت ضحكاتهما و هى تتحرك في المكان بحرية دون أن يجذبها أحدهم خوفاً أن تضيع أو يحدث لها مكروه

لفت نظرها قاعة مغلقة، و نظراً لكونها طفلة، حركها فضولها نحوها، و التى أتضح أنها قاعة لعب (بولنج) و إن لم تفهم الصغيرة ذلك، كل ما جذب نظرها هو تلك الكرات الملونة هناك

وقفت أمامها و هى ترفع رأسها للكرات التى كانت تبعد عنها مسافة مهولة - بالنسبة لقامتها - و إن لم يمنع ذلك محاولات قفزها المنكررة لتحصل على مرادها

كان أحد الرجال قد دفع ثمن الرميات، و بدل حذاءه ،متجهاً نحو الكرات، و دون أن يلحظ، أصطدمت ساقه بـ {ليان}، لتسقط الصغيرة على وجهها، و خلال ثواني، كانت سرينة الأسعاف تصرخ بالمكان، لافتة أنظار الجميع، بما فيهم الرجل الذى انتبه لما فعل، و نظر لها فزغاً، و أسرع يجلس القرفصاء و هو يحاول تهدأت الصغيرة، التى ظلت ملتصقة أرضاً تصرخ و تبكي

نظر له جميع من بالقاعة بأشفاق، و سمع عبارات مترامية مثل :

"يا عيني على الرجل، محتاس مع بنته"

"ما يتلحح و يعمل أى حاجة بدل ما البنات عمالة تصوت و تعيط كدا"

"ازاي مراته سايباله البنت كدا، أكيد دول مطلقين"

و عبارات أخرى مزعجة، و إن لم يهتم الرجل بذلك، بل حمل {ليان} التي تعالت صراخاتها بشكل مزعج، فأخذ الرجل يهددها و هو يقول :

\_ ششش .. أهدي يا حبيبيتي .. بابا و ماما فين طيب؟!\_

ظل يسير بها ذهابًا و إيابًا، و نظرًا لعضلاته المفتولة و طول قامته، منحه حمله لتلك الصغيرة مظهرًا عجيبيًا

شعر بها فجأة تجذب شاربه بعدما هدأت من نوبة بكاءها بشكل آلامه ، فقال :

\_ ايه ايه ايه، براحة بس فهميني عايزة ايه؟!\_

أشارت لتلك الكرات الملونة و أبتسمت و هي تقول بلهفة :

\_ كورة .. كورة

تحرك بها الرجل نحو مرادها، إلا أنها وجدت شئ آخر أكثر متعة، فعادت تجذب شارب الرجل و هي تضحك بصوت مرتفع، مما دفع الرجل لقول :

\_ يا بنتي أعتقيني بقي، ده أنا محدش بيجي نحيتي في الجيم، تيجي أنت يا شبر و نص تشدي في شنبلي!

و لأنها لم تفهم شيئًا، ظلت تجذب شارب الرجل، حتى تركها أرضًا، و كاد أن يجذب إحدى كرات الـ (بولنج)، إلا أن يده توقفت في الهواء و هو ينظر لـ {ليان}، ثم عاد ينظر للكرة و هو يقول :

\_ دي الكورة قدك مرتين

و رغم أنها لم تفهم حديثه هذه المرة أيضًا، إلا أنها مطت شفيتها منذرة عن بكاء عاصف، فأسرع يجذب الكرة و هو يقول :

\_ لا و على ايه

أعطاها الكرة، لتسقط بها أرضًا - رغم خفة وزنها - مصطدمة بالأرض، إلا أنها، و للعجب، نهضت دون بكاء، و دحرجت الكرة، لتقف أمام إحدى الممرات، ظلت تحدد بالكرة، قبل أن تدفعها إلى أحد الجانبين المنخفضين ظنًا منها أن هذا هو المقصد من اللعبة، و عندما سقطت الكرة، صاحبت بفرح، و عادت تركض للرجل الذي كان يراقبها بذهول من فعلتها تلك، لتتسلق ساقه - علمًا أنه جالس أرضًا - و تجذب شاربه بفرح، فضحك هو و قال :

\_ يا نهار أبيض على النجاح الساحق ده

نهض و حملها معه بعدما أخذ إحدى الكرات، و ألقاها نحو المجسمات التي ينتهي بها الممر، لتصطدم بها الكرة، مسقطه جميعها

نظر لها الرجل و هو يبتسم و قال :

\_ شوقتي؟!\_

هزت الصغيرة رأسها و هي تصفق كتشجيع للرجل كما يفعل والديها معه، فضحك الرجل و سأل و هو يداعبها :

\_ هو أنت اسمك ايه؟!\_

\_ يان!

\_ يان!

عاد الرجل يهز رأسه و هو يقول :

\_ هو أكيد مسمكيش يان لأن ده مش اسم بنى آدم، بس ماشي، نمشيها يان

حاولت التملص منه و هي تقول :

\_ كورة .. ألعب .. كورة

أنزلها الرجل و هو يبتسم، و سرعان ما سمع من يقول :  
\_ ايه ده ياسين؟!

ألتفت {ياسين} لمناديه، و سرعان ما أبتسم و هو يقول :  
\_ رامز!

\_ فينك يا بني مختفي كدا ليه؟!

ظل الاثنان يتسامران، قبل أن يسأل {رامز} :  
\_ أنت أتجوزت و خلقت في الشهر ال مشفتكش فيه؟!

ضحك {ياسين} و هو يقول :  
\_ لا والله، دي بنت خطبها و كانت عايزة تلعب مـ..

قاطع {رامز} فجأة :  
\_ هي راحت فين؟!

تلفت {ياسين} حوله بغنة يبحث عنها، قبل أن تجحظ عينيه و هو يراها تتدحرج مع كرة الـ {بولنج} صوب المجسمات في نهاية  
الممر!

~~~~~

كان {شهم} قد وصل بطريقة ما إلى مركز ألعاب الفيديو، أبتسم و هو يركض للداخل، و سرعان ما بدأ بالجلوس أعلى أحد المقاعد
أمام الشاشة، إلا أنه فوجئ بمن يدفعه ليسقط أرضاً بعنف، فنظر لمن فعل ذلك بغضب، متبيناً أنه شاب في السادسة عشر أو الخامسة
عشر

نظر له الشاب بشماتة، قبل أن يقول :
_ روح أعب بعيد يا شاطر

ثم عاد ببصره لشاشة أمامه

زفر {شهم} بضيق ، و تحرك ليلعب على آلة أخرى، و عندما أستقر فوقها، شعر مرة أخرى بمن يجذبه من ثيابه ملقياً إياه أرضاً،
ليطلق {شهم} تأوه خافت ، ثم سمع صوت مليئ بالاستهانة :
_ ايه ال جايبك هنا يا صغرن، روح دور على مامي ولا بابي بدل ما أنت تايه كدا!

كان شاب في مقتبل العشرينات تقريباً

ظل الحال هكذا، كلما جلس {شهم} في مكان، ألقى به أحدهم أرضاً مستغلاً فارق القوة الجسدية

كان آخر شخص أهانه أكبر منه بست سنوات على الأغلب
رمقه {شهم} بغیظ ، و كاد أن ينقض عليه شاعراً بالضيق من الجميع، لولا لمحاه لتلك الأسلاك خلف الآلة، فأبتسم بخبث ، و نظر
حوله، ليجد أن الجميع منشغلون فيما معهم، فتحرك هو، منتوياً أن يثار من الجميع!

~~~~~

كان {شهم} قد دلف لأحدى المطاعم، مربتاً على معدته بجوع لا يهدأ

نظر حوله، باحثًا عن طاولة ليجلس، غير عابئ إلى أنه لا يملك مالا!

وثب فوق مقعد، و ظل يحرك قدميه في الهواء، منتظرًا ذلك الشخص الذى يراه يأتي بشئ مربع لا يفهم منه شئ، ثم يعود ليأخذه و يأتي بالطعام

و بالفعل، جاء النادل نحوه يرمقه بتعجب قبل أن يقول :  
\_حبيبي، فين بابا و ماما؟!\_

نظر له {سهم} بسعادة لأنه أخيرًا سيتناول ما تشتهي معدته، قبل أن يقول :  
\_بابا مزعل ماما، و راحوا لشهر بصل، و سيوني أنا و أركان و ريان و شهيم و ليان مع يزن و تيتا فتحية المفترية و شمندورا ، بس أنا مبحبش شمندورا عشان مبتلعش معانا  
و تيتا فتحية المفترية بحبها بس هى بتجري و رانا بالشبشبت كثير، بس بحب عمو قدرى أكثر عشان بيحبلى أكل كثير و يقعد ياكل معايا

نظر له النادل بذهول، لا يعلم لما سرد الصغير تفاصيل حياته تلك، قبل أن يقول :  
\_طب مين معاك؟!\_

\_أنت

\_أنا؟!\_

قالها النادل و هو يتراجع بدهشة، فنظر له الصغير بعدم فهم و قال :  
\_ايوا أنت معايا اهو!

نظر له النادل بتشنج، و قال بضيق :

\_شكلك هتتعبنى معاك يا بني، معاك فلوس للأكل ال هناكله؟!\_

هز {سهم} رأسه، فزفر النادل و مد قائمة الطعام نحو الفتى، منصرفًا و هو يزفر مغمغمًا بكلمات لم يسمعها الصغير، إلا أنه عاد عندما سمع {سهم} يناديه :  
\_عمو!

عاد النادل يلتفت لـ {سهم} الذى لوح له بيده، فتنهد النادل، و عاد له مرة أخرى، و قبل أن يتحدث، أشار {سهم} لصور بقائمة الطعام و هو يقول :  
\_عايز ده ،و ده و ده

رفع النادل حاجبه و هو يقول :  
\_معاك تمن كل ده؟!\_

هز الصغير رأسه، فجذب النادل قائمة الطعام و قال :  
\_ايه الأهالي ال رامية عيالها دي؟!\_

~~~~~

تراخى {سهم} فوق مقعده بالمطعم، قبل أن يأتي النادل واضعًا شيئًا غريبًا لم يفهم {سهم} ماهيته، ثم قال :
_الحساب يا حبيبي

نظر {سهم} لذلك الشيء بتعجب، فلمسه، ثم أمسكه بقلبه بين يديه، لكنه فوجئ به يُفتح، كاشفاً عن ورقة بيضاء طويلة، بها عدة أرقام و حروف

صفق {سهم} بيديه و هو يقول :

_أنا عارف الأرقام، أخذتها في المدرسة

نظر له النادل بتهكم، قبل أن يقول :

_طيب ياخويا أخلص و هات 650 جنيه

لم يفهم {سهم} الرقم نظراً لـ كبره، لكنه فهم كلمة "جنيه"

فأخرج من جيبه عدة عملات، ثم وضعهم بكف الرجل و أبتسم بيلاهة و هو يقول :

_حلو كدا؟!!

نظر النادل لتلك العملات بين كفيه، و بدأت ملامحه تتشنج بشكل جعل {سهم} يرتاب، فتلك الحركات تفعلها {شذى} بوجهها، قبل أن

تتفجر ساخطة غاضبة منهم

و يبدو أن النادل لم يخيب آمال الصغير، بل أنفجر صارخاً في وجه الفتى، جاذباً انتباه الزبائن :

_أنت هتهزر معايا؟! أنت مش قلت أنك معاك فلوس ال هتطفحه ده!

بدأت الهمسات بالعمل بين الزبائن، بينما بدأ الصغير يتراجع، و هو يقول :

_ما أدبتك الفلوس يا عمو!

صاح النادل بانفعال، خوفاً من أن يغرمه المدير تكاليف طعام هذا الصبي :

_دول 650 جنيه؟! أنت هتستهيل؟!!

نظر {سهم} حوله، يبحث في وجوه المتواجدين عن أشقائه ليحتمي بهم، لكنه لم يجد أحد منهم، فعاد ينظر للنادل و هو يقول بعدما

أبتلع لعابه :

_دي الفلوس ال معايا كلها يا عمو

_يعني ايه؟! فهمني يعني ايه؟!!

_ألعب باليه

خرجت الكلمتان من فم {سهم} بدون وعى، و للمرة الثانية، يعيد له عقله الصغير مشهد جدته و هي تركز خلفه بخُفها، صانحة "ما

أنا لو كنت ربيت أبوكم، كان زمانكم اتربيتو" بعدما يلقي بهاتان الكلمتان في وجهها

و في ثانية، كان {سهم} يركض كالصاروخ من النادل الذي تبعه بصياحه الساخط، إلا أن الفتى تعجب أنه لم يردد عبارة جدته

الشهيرة، لقد خالف الأمر..!

~~~~~

كانت أقدام {أركان} قد قادته لمكتبة صغيرة، و إن لم يكن يوماً من هواة القراءة، لكن بدافع الفضول، أراد معرفة ماهية المكان، دلف

للمكتبة، و نظر حوله قليلاً، قبل أن يجذب انتباهه تلك المجسمات الخاصة برواية حديثة الأصدار، تتحدث عن فضائين، و كم ضغطت

تلك المجسمات على نقطة ضعف {أركان} المقتنع أنه كان فضائي و أنه مخطوف من قبل خاله الشرير، و الجدة "فتحية المقترية" و

والديه، وُلد هذا المعتقد في رأسه عندما رأى {شذى} تنزع أحد أقنعة الوجه المرطبة من أعلى وجهها، كما ينزع الفضائيون الوجه

البشري الخاص بهم، كاشفين عن حقيقتهم المريعة

و يعلمنا هذا أعزائي عدم وضع الأقنعة المرطبة أعلى وجوهنا أثناء تواجد الأطفال بالمنزل، تجنباً لأي ظن أحمق قد يؤدي بحياتهم

للهلاك كما يود ذلك الصغير الطيران لوالديه الحقيقيين، غير مقتنع أن روحه من ستطير إن أقدم على ما يريد

ركض {أركان} نحو إحدى المجسمات و هتف بلهفة :

\_بابا .. بابا فضائي .. أنا جيت يا بابا!

ثم عانق المجسم و هو يكمل بسعادة :

\_كنت عارف أنك مش هتسبني يا بابا، و هترجع تاخدني و تجبلي كاندي عشان يزن مش عايز يجبلي، كنت عارف أنه خال مزيف

لمح بغتة تجمع لأطفال بأحدى الزوايا، فترك والده الحقيقي، متجهًا نحوهم بفضول ، و سرعان ما توسعت عينيه عندما رأى تلك الرسوم المتحركة الخاصة بالفضائيين، معروضة على الحائط، و جمع من الناس جالسون أرضًا منتبهين لتلك الرسوم التي خرجت من آلة العرض، أرتسمت بسمة بلهاء على ثغر الصغير و هو يقترب من الجمع، ليرى والده الفضائي و هو يتجهز لركوب مركبته الفضائية، ليقول و هو يجلس أرضًا جوار أحد الأطفال :

\_بابا .. بابا جاى عشائي!

~~~~~

كان {ريان} يتحرك في موقف السيارات الخاص بالمركز التجاري الذى ذهب إليه مع {يزن} و أشقائه ، كان يتجول بملل، حتى رأى {يزن} يندفع خارج المتجر كالصاروخ، فاخترى خلف أحد السيارات قبل أن يجده، و أرتسمت بسمة سعيدة على ثغره و هو يقول :
_مقفشنيش!

خرج من خلف السيارة، و لكنه توقف عندما وجد أحد عربات التسوق أمامه، لينظر لها طويلًا، قبل أن تتسع بسمته بشكل مخيف

~~~~~

كان {ريان} يأخذ ورقة نقود من فئة عشرة جنيهات من طفل يقف في ذلك الطابور الذى صنعه، ثم أخذ من طفل آخر، و أشار لكلايهما صوب العربية، قبل أن يدفع ذلك الحاجز الحديدي، و يجلسا داخلها، وضع {ريان} نقوده بجيبه، و بدأ يدفع العربية في الممر، جاعلاً الصغيران يضحكان بشدة و الرياح تداعبهما ،نعم، لقد حول الأمر لتجارة، بما أن الركض بعربة التسوق إحدى أمانى الأطفال، فأستغل أمنيته ليربح منها، جاعلاً الركض في الممر الخاص بالسيارات ذهابًا و إيابًا مرة بعشرة جنيهات، و إن أردت أن تكون وحدك، فستدفع الضعف

و نظرًا لقصّر قامته، كان يدفع العربية من الأسفل

عاد مرة أخرى لطابور الذى صنعه، و قبل أن يكمل تجارته، سمع صوت المدير و هو يقول :  
\_أنت هنا؟!

ألقت له الصغير في سرعة، بعدما شعر أنه مأزق، فترك المكان و ركض فجأة و هو يقول :  
\_لا أنا هناك

~~~~~

كانت {شذى} قد حضرت نفسها لرحلة السفاري، و بدى أن الأمر خفف من حدة تلك اللحظة التى قابلت بها {شادي}

تتهددت و هى تهز رأسها في محاولة لنسيان ذلك، و أرتدت قبعتها لتحتمي من أشعة الشمس فوق حجابها

نظرت لنفسها في المرأة برضى، و جذبت حقيبتها ،و خرجت من غرفتها، لكنها توقفت عندما رأت باقة الزهور البيضاء أمامها

ظلت تحديق فيها لثواني، قبل أن تنظر يمينًا و يسارًا ،ثم تنخفض لتأخذها بتعجب، سرعان ما أختفى عندما رأت تلك الزهرة الحمراء مستقرة بمنصف الباقة

هو، تعلم أنه من أرسل لها هذه الباقة، لا أحد يقوم بعمل باقة من الزهور، منمقة بهذا الشكل، و تلك الزهرة الحمراء التي تتوسط الزهور البيضاء غيره، أعتاد أخذ مثلها كلما زارها أيام الخطوبة

أرتسمت بسمه صغيرة على ثغرها إثر تذكرها لتلك الأيام، لكن سرعان ما أنكمشت ملامحها، و قذفت باقة الزهور أرضاً، قبل أن تتحرك بعصبية في الممر و هي تغمغم مبتعدة عن غرفتها

تنهد {شادي} الذي كان يختبئ في نهاية ممر الغرف من الجهة الأخرى، قبل أن يعتدل، و يعيد خصلات شعره السوداء، أبتسم بسمه هادئة و هو يراقب زوجته تبتعد، ثم قال :
_ هنتعيني أنا عارف

أتسعت بسمته و هو يقول :
_ بس من حق الجميل يتدلع برضو

~~~~~

كانت الحافلة الخاصة بالفندق، عائدة مرة أخرى للفندق بعدما أنزلت المسافرين لرحلة السفاري

كانت {شذى} آخر من هبط الحافلة، نظراً لجلوسها في نهاية الحافلة، مما ترتب عليه امتلاء عربات الشاطئ كلها (بيتش باجي)، تحركت نحو المشرف الخاص بالرحلة، و قالت بتعجب :  
\_ لو سمحت

ألقت لها المشرف، و أبتسم بسمه صغيرة و هو يقول :  
\_ أتفضلي يا فندم

\_ أنا كنت حاجزة في رحلة السفاري دي، بس مفيش ولا بيتش باجي فاضي

نظر المشرف للعربات نظرة سريعة، قبل أن ينظر لقائمة الاسماء بتعجب و هو يقول :  
\_ ازاي ده؟!

نظرت له {شذى} بترقب و هي تقول :  
\_ في ايه؟!

\_ العدد زايد نفر

\_ يعني ايه؟ هروح كدا؟!

هز المشرف رأسه نغيًا و هو يقول :  
\_ مش هينفع ، الفندق بعيد عن هنا، و مفيش وسيلة مواصلات لهننا غير الباص

تحدثت {شذى} بانفعال :  
\_ ابوا يعني المفروض أعمل ايه دلوقتي؟!

\_ حضرتك ممكن تركبي مع حد من هناك، و أوعدك لما نرجع الفندق، هقدم شكوى و الفندق هيردلك فلوسك

زفرت {شذى} بضيق ، و نظرت للعربات باحثًا عن فتاة لتركب معها، و وجدت بالفعل، لكن كلما ذهبت لأحدهن، رفضت أن تركب معها، و بالطبع لن تركب مع أحد الرجال أو المشرف، و لم يبقى لها سوى حل واحد حاولت تجاهله، لكن يبدو أنه لا مفر

تحركت نحو {شادي} الذي تظاهر بالدهشة عندما أقتربت منه :

\_ ايه ده شذى!

أنكشتمت ملامحها و هي تقول بحق :  
\_ حصل مشكلة في العدد، و مفيش بينش باجي فاضي، و محدش عايز يركبني معايا، و أكيد مش هركب ورا راجل يعني

أبتسم {شادي} بسمة بلهاء و هو يقول :  
\_ فجبتي عشان تركبي مع جوزك حبيبك

أشاحت {شذى} بوجهها عنه في ضجر ، و صعدت خلفه ، و قد حاولت الأبتعاد عنه قدر أستطاعتها

بدأ المشرف بسرد تعليمات الأمان على الجميع، قبل أن ينطلق الجميع خلفه، بما فيهم {شادي} الذي تحرك بأندفاع بغتة، مرغماً زوجته على التمسك به بخوف من أن تسقط، فأمسكت بملابسه من الخلف و هي تهتف بضيق :  
\_ في ايه يا شادي؟! براحة!

أبتسم {شادي} و هو مسلط نظره على الطريق دون أن ينبس ببنت شفة، بينما شددت هي من ضغطها على ثيابه و هي تقول بخوف حقيقي :  
\_ يا شادي هدي السرعة الله يكرمك، هنتقلب على وشنا

تحدث {شادي} بنبرة لينة حنونة، لم تسمعها منه منذ زمن :  
\_ لو كان عندي شك واحد في المبة أنه الموتسيكل ممكن يتقلب بينا و أنت معايا ،مكنتش هزود السرعة، متقلقيش

نظرت {شذى} لظهره قليلاً ، قبل أن تتشنت أفكارها، و تتبعثر بشكل مزعج ،دفعها لقول :  
\_ مبقتش عارفة أصدقك يا شادي، هتفضل تا عيني كدا كتير؟!

~~~~~

كادت {ليان} أن تنزلق مع كرة الـ (البولنج) إلى تلك المنطقة التي تسقط بها كرات بعدما تصطم بالمجسمات لولا أن أحد الرجال لمحها و لحق بها

هرول جمع من الناس نحوها في قلق، من ضمنهم {ياسين} الذي أقتررب منها و هو يسألها بقلق :
_ أنتِ كويسة يا حبيبتي؟!

و هكذا أنهالت الأسئلة على رأسها الصغيرة :
"حصلك حاجة؟! "

"في حاجة بتوجعك؟! "

"عارفة تحركي إيدك و رجلك؟! "

"أنتِ أتدحرجتي مع الكورة ازاى كدا؟! "

إلا أن كل ما قالته :
_ أنا.. أنا.. جعانة

حدق بها الجميع غير مستوعبين حديثها، فعادت تقول و هي تشير لفمها :
_ يان جعانة.. جعانة.. أك.. أكل

نظر لها {رامز} باستنكار و هو يقول :

__ حبيبتي أنت المفروض تعيطي ركزي

ذمت الصغيرة شفتيها و عادت تقول :
__ جعانة

نظر {رامز} لـ {ياسين} و هو يقول بدهشة :
__ ايه رد الفعل ده؟! العيال بتصوت و تعيط لو حصلها حاجة، و دي بتقول أنا جعانة بعد ما أتشقلب مع الكورة!

تجاهل {ياسين} حديث رفيقه، و حمل {ليان} بتفحصها بقلق، قبل أن يتنهد و هو يقول :
__ الحمدلله، جت سليمة

نظر له {رامز} بدهشة و استنكار و هو يقول :
__ جت سليمة بعد ما أتكعورت مع الكورة بالمنظر ده!

لكزه {ياسين} و هو ينهض بحقن :
__ يعني ربنا سترها و البننت كويسة، بتقر عليها ليه!؟

__ جعانة

قطعت {ليان} حديث الاثنان، فنظر لها {ياسين} بحيرة و قال :
__ والله ما عارف السن ده بياكل ايه، المفروض تاكل حجات لينة، مش كدا!؟!

قالها و هو يفتح فمها ليرى إن نبتت لها أسنان أم لا

أجابه {رامز} :
__ تقريباً ،متعملتش مع كائن مجبش السنين سنتي

ثم تدارك شيئاً للنتو :
__ هي أهلها فين!؟!

تفاجئ {ياسين} أنه نسي الأمر برمته، فسألها :
__ بابا و ماما فين!؟!

__ جعانة

__ هجبلك أكل حاضر ، بس ماما و بابا ف..

قاطعته بصياح منبئ عن موجة بكاء من الوزن الثقيل :
__ جعانة!

زفر {ياسين} و هو يقول :
__ تعالي نشوف هتاكلي ايه

~~~~~

أرتسمت بسمة نعسة على ثغر {ليان} التي تناولت طعامها، و نظرت لـ {ياسين} الذي كان يراقبها بقلة حيلة و هو بيتسم، نهضت من مقعدها، و قفزت، ليلتقطها {ياسين} في سرعة قبل أن تسقط أرضاً و قال :  
\_\_ يا حبيبتني أنتِ بتموتي في المشاكل، عايزة تعوري نفسك بأى طريقة، مينفعش نقعد هاديين

كانت تريد أن يحملها أحد، و يهددها لتتعم بنوم هائى، لكن يبدو أن ذلك الضخم، لا يفهم ذلك، لكنها تجاهلت عدم علمه بكيفية التعامل مع الأطفال، و بدأ في اتخاذ وضعية نومها و هى تقول :  
\_توتة

عقد {ياسين} حاجبيه بعدم فهم، لتعيد الصغيرة كلمتها بامتعااض من ذلك الأعجمي الذى لا يفهم كلمات بسيطة كتلك :  
\_توتة!

نظر {ياسين} لـ {رامز} الذى بدأ بالنوم، ثم لكزه و هو يقول :  
\_ياخي ركز معايا في أم القاموس ال غير مفهوم ده

زفر {رامز} بضيق، و قال بامتعااض :  
\_أديني أتزفت صحيت، نعم؟!

نظرت له الصغيرة بضيق و هتفت :  
\_توتة توتة توتة!

شهق {رامز} و قال بطريقة شعبية :  
\_ بنتشيميني يا شبر و نص أنت؟! أنت عارفة أنا مين ولا ابن مين؟!

أخرجت الصغيرة لسانها له، ليصيح بها هابداً بيديه على طاولة المطعم المتواجدة بمدينة الملاهي :  
\_ لا بقولك ايه ،أقفي معوج و أتكلمي عدل، ده أنا من السيدة زينب يعني ميهمنيش حد!

جذبه {ياسين} بحنق ليجلس مجدداً و قال :  
\_تقف معوج و تتكلم عدل ايه، دي بتمشي بالعافية ، و كلامها تلتت تربعه هيروغليفي، و بعدين السيدة زينب مين، أنت من المعادي أصلاً!

حك {رامز} رأسه و هو يقول :  
\_ ايه ده تصدق صح!

أشاح {ياسين} بنظره عن رفيقه الذى لن يفيدده في شئ، إلى تلك التى تملصت من بين يديه بحنق، بعدمت رفض ذلك العملاق أن يمنحها تلك الـ "توتة" التى لا يعلم عنها شيئاً

وضعتها أعلى الطاولة، و قال :  
\_أفضلني يا ست هانم

وضعت {ليان} يديها حول خصرها، و قالت :  
\_مش تكولي توتة ... أكول توتة

قال {رامز} ساخراً منها :  
\_يعني شبر و نص، و لدغة في القاف، و بنتأمري علينا كمان، أتفضلني يا أميرة الأندلس

عادت {ليان} لتخرج لسانها لذلك الرجل التى شعرت بضيق من جهته، و كاد {رامز} أن يقوم بفعل أحمق، واضعاً عقله في مقارنة مع عقل الصغيرة، لولا {ياسين} الذى حدجه بنظرات محذرة، ردعته عن فعلته، ليعود لمقعده و هو يزفر، بينما نظرت الصغيرة لـ {ياسين} و قالت :

\_كان .. مكان .. حلو .. نبي .. سلام

لم يفهم {رامز} ما تقول، بينما قال {ياسين} و هو يفرقع أصابعه :

\_ كان يا مكان و ما يحلي الكلام إلا بذكر النبي عليه الصلاة و السلام!

رمقه {رامز} باستخفاف و هو يقول :  
\_ مش عيب على سنك و عضلاتك ال بتقوله ده

\_ يا شيخة وجعت دماغي و دماغ البنيت!

قالها {ياسين} و هو يدفع {رامز}، ليسقط من فوق المقعد الخاص به، بينما نظرت له {ليان} من أعلى الطاولة، قبل أن تصفق بفرحة

عادت لـ {ياسين} الذى قال :  
\_ أنت عايزة أحكي حدوتة؟!

هزت الصغيرة رأسهت بلهفة ، بينما ذلك {ياسين} عنقه و هو يقول :  
\_ والله يا بنتي أنا آخر مرة سمعت أن في حاجة اسمها حدوتة كنت في تالته ابتدائي بسمع أبله فضيلة

لم تفهم الصغيرة حديثه، فأختصر الأمر لكلمات بسيطة يستوعبه عقلها :  
\_ مفيش حدوتة

أشارت {ليان} نحوه بغضب و هى تقول بتلعم :  
\_ أنت .. بابا .. ازاي .. مفيش .. توتة!

\_ يا بنتي بابا ايه، أنا من صباحية ربنا و أنا عايز أعرف أنتِ بنت مين أساساً

لم يدرك أن {ليان} تستنكر كونه أب في يوم من الأيام دون أن يستطيع أن يخبر أطفاله بقصص ما قبل النوم!

يا الله، كم سيكون بشعاً!

مطت شفيتها، بضيق، بينما عاد يسألها :  
\_ بابا .. بابا اسمه ايه؟!

تعجبت {ليان} من هذا السؤال، فاسم والدها معروف في كل أنحاء العالم :  
\_ بابا

\_ ابوا بابا اسمه ايه؟!

\_ بابا

قال {رامز} الذى نهض من الأرض :  
\_ ابوا يعني أنتِ بنت مين؟!

\_ أنا .. أنا ..

\_ ابوا ابوا ،جاية أهي

\_ أنا .. بنت .. بابا

ضرب {رامز} وجهه بكفه في يأس، و أعاد {ياسين} ظهره للخلف و هو يزفر، أما الصغيرة ،فقالته :  
\_ أكول .. أكول توتة

تنهد {ياسين} ببأس، و قال مشيرًا لها :  
\_كولي توتة، ما هو ده ال واخدين منك

~~~~~

كانت {نازلي} مع جدها في إحدى مراكز التسوق، تحدث جدها {منذر} بملل :
_يا بنتي خلينا نروح ناكل حاجة، رجلي مش شايلاني

تحدثت {نازلي} و هي تنتظر داخل إحدى الحقائب التي تحمل ثيابها الجديدة :
_خلاص يا حبيبي خلصنا، تعالى نروح ناكل حاجة و نروح

تنهد {منذر} بارتياح و هو يقول :
_أخيرًا

تذكرت {نازلي} بغتة أن المركز التجاري لا يوجد به مطاعم، فقالت و هي تتجه مع جدها صوب المخرج :
_طب تعالى نخرج بس و..

نظر لها جدها بسخط و هو يقول :
_نخرج فين يا بنتي، أنا هقع منك في نص الشارع كدا!

أسرعت {نازلي} تقول :
_بعد الشر عليك يا حبيبي، بس مفيش مطاعم هنا، فهنخرج عند الملاهي ال جنب المول، فيها مطاعم نروح نقعد و ناكل هناك

تقدمها {منذر} بسخط و هو يغمغم :
_كان مالي و مال مشاوير البنات دي يا ربي!

~~~~~

جلست {نازلي} مع جدها، بعدما تناولا الطعام، و شعر {منذر} بالثخمة، فقال بضيق :  
\_هقوم أريح بعد الأكل فين بقى يا ست نازلي؟!

أبتسمت {نازلي} بقلة حيلة و هي تقول :  
\_يا جدو غلط كدا، مينفعش تاكل و تخش تنام بعدها على طول!

أشاح {منذر} ببديه و هو يقول :  
\_يا شيخة روعي أئشطري على غيري، ده أنت بتاكلي حواوشي و كباب و كفتة، و بتخشي تدلقي زى الخروف في أوضتك

وضعت {نازلي} وجهها بين كفيها بحرج، و تمتمت :  
\_صوتك يا جدو، فضحتني

نظر {منذر} للناس الذين نظروا لحفيدته، ثم زجرهم و هو يقول :  
\_في ايه منك له؟؟ بتتفرجوا على مسلسل؟؟

عاد الناس ليشيحوا ببصرهم عنه، ناظرين لما جذبهم من جديد، ذلك الجمع هناك، حيث جلس الكثير و الكثير من الرجال حول طاولة، حتى أنهم كانوا ملتصقين ببعضهم البعض

نهضت {نازلي} و هي تقول :

\_ طب جدو أنا شعري فك من تحت الحجاب، هروح أعدله بسرعة و أجيلك

هز {منذر} رأسه و هو يتابع ذلك الجمع العجيب، متغاضيًا عن أنه كان يزجر الناس لتحديقهم به، و ها هو يفعل الشيء ذاته

ظن {منذر} أن هناك مباراة كرة القدم أو ما شابه، فنهض في لهفة، تاركًا حقائب حفيدته وحدها دون رقيب

~~~~~

أبتسمت لنفسها بالمرأة، قبل أن تخرج من المرحاض، متجهة نحو طاولتها هي و {منذر}، لتجدها فارغة إلا من حقائبها و هاتفها الذي يعتلي الطاولة، لتجحظ عينيها و هي تقول :
_ يالهي يا جدو ! سايب الحاجة لأى عابر سبيل يسرقها!

بحثت عن جدها الذى كلما خرجت معه حدثت كارثة حتى كادت أن تفقد عقلها و تظن أنه ذهب ليلعب مع الأطفال بمدينة الملاهي!

كادت أن تتجه صوب الألعاب، لولا سماعها لصوت {منذر} و هو يقول بأمتعاض :
_ ده أبوكي ده عايز الحرق!

ألتفتت {نازلي} تحاول أتباع الصوت، حتى وجدته مندث بين ذلك الجمع من الرجال!

مطت شفتيها و هي تقول بحنق :
_ يعني يا جدو يوم ما تعمل مصيبة، تعملها وسط الشُحطة دول! أدخل ازاى أنا دلوقتي!

حاولت مناداته، إلا أن صوتها أختفى ما صياح الأطفال الذى أشدت من مدينة الألعاب

زفرت و حاولت الدخول بين ذلك الجمع و هي تربت بأحدى حقائب التسوق على كل رجل يعترض طريقها، و للحق، أفسحوا الطريق لها عندما لاحظوا وجودها، لتبصر {منذر} الجالس جوار {ياسين}، و أمام {ليان} التى كانت جالسة فوق الطاولة، لتسرد على الجميع كوارث أشقائها، و حُف "فتحية المفترية" الذى يلتصق بأحدهم كل مرة تركض خلفهم بها، و شجار {شادي} و {شذى}، حسناً، لقد قامت بعمل وصلة فضائح لعائلتها، و للعجب، كان جمهورها العريض متفاعل بشكل لا يدل على أنهم ينظرون لطفلة صغيرة، بالكاد تعلم كيف تتحدث

نظرت لها {نازلي} قليلاً، تحاول تذكر أين رأتها قبلاً، قبل أن تنتظر لها {ليان}، و تشير لها هاتفة بغضب :
_ ريرة... ش.. ريرة.. ين.. واوا.. ين.. واوا

كانت {ليان} قد تذكرت وجه {نازلي} عندما صاحت بخالها، ظناً منها أنه شخص منحرف، و أنهال عليه الرجال ضرباً بعد ذلك

و لم يفهم أحد شيئاً من حديثها في الواقع، فنهضت من جلستها، ثم قفزت فوق الطاولة و قد ضمت قبضتها - إن اعتبرنا أن تلك اليد قبضة - مصطدمة بالطاولة، ثم أشارت لـ {نازلي} و هي تعيد حديثها :
_ ش.. ش.. ريرة

كان هذا أقصى تعبيرها عن الغضب بالنسبة لكائن لم يتجاوز المائة سنتيمتر بعد

توسعت حدقتي {نازلي} متذكرة {بزن} الذى تم طحنه من قبل رجال أشداء في الحافلة تلك المرة بسببها، و تلك المرة التى كان يحمل {ليان} أمام المدرسة، و هو يلقي التعليمات على أشقائها، ثم أخذها و تركهم

هتفت بعدم تصديق :

_ أنتِ بنت الـ..

قاطعها {ياسين} و هو ينهض فجأة :

_حضرتك والدتها!

تراجعت {نازلي} ذاهلة من حديثه، ليحمل {ليان} و يعطيها لـ {نازلي} بغضب :
_ايه الأهمال ال حضرتك فيه ده؟! عارفة بنتك كانت ممكن تقع مع قتال قتلة أو حرامي بسبب أهمالك ده!

ظلت {نازلي} تحق بالرجل في ذهول، ثم نظرت للصغيرة بدهشة و هي تتمتم :
_والدتها!

تحدث {ياسين} بحق كأنه يتحدث عن ابنته هو او ما شابه :
_خلي بالك منها و أكلها، عشان واضح أنكم مجوعنها في البيت، و متسيبهاش لوحدها تاني!

ثم تبذلت ملامحه كلبًا للين، قبل أن ينخفض بجزعه، ليوأجه الصغيرة و هو يقول بلطف :
_أنا ماشي يا يان .. نسمع كلام ماما و منسبش إيديها

ثم لوح لها و هو يسحب {رامز} معه الذي أخرج لها لسانه لها ليغيطها، إلا أن الأخرى أخرجت لسانها و هي تهتف :
_ش.. رير.. وحت!

أشاح بنظره عنها، مترفعًا عن الرد، و كأنه لم يكن يناقرها منذ لحظات

أنفض الجمع بعدما عثروا أخيرًا على والدة الطفلة، تاركينها ذاهلة من هذا الهجوم الذي أنهال فوق رأسها لأهمالها لطفلة لم تتجاوز
الثلاث سنوات، و بالكاد تسير

نظرت فجأة لـ {منذر} الذي كان يتناول مثلجات لا تدري من أين جلبها، و كأنه سد أذنيه عن أى شئ حوله، لتقول بحق الدنيا :
_يعني سايبني أتهزق كذا يا جدو!

نظر لها {منذر} في لا مبالاة و هو يقول :
_حد قالك أرمي عيالك في الشارع!؟

_جدو!

_طيب طيب، أهدي بس، و بعدين يعني كنت هعمل ايه، أنت مش شايقة الواد اللهم مبارك عضلاته هتفرقع، ده لو نفخ فيا هطب
ساكت!

أشاحت بوجهها عنه في ضيق، بينما أخذ {منذر} الصغيرة التي كانت تتلمص من حفيدته، كارهة أن تضمها من أذت خالها الحبيب،
أو كما تطلق عليه "ين"

أخذ {منذر} يهدد الصغيرة بحنان، حتى هدأت تلك الأنكمشات بملامحها، لتحل محلها ملامح الهدوء و السكينة، بعدما غطست في
سبات عميق

نظر {منذر} لحفيدته سائلًا :
_أنت تعرفيها!؟

هزت {نازلي} رأسها و هي تسرد عليه ما حدث في الحافلة، و مشاجرة أشقائها

نظر {منذر} لـ {ليان} و هو يقول :
_دي هربت منهم ازاي، دول أربع جنود مسلحة!

هزت {نازلي} رأسها و هي تقول :
_مش ده المهم، المهم هنرجعها ازاي!؟

_معتقدش أنه فكرة كويسة أننا نسبها للأمن، مش هيخلوا بالهم منها كويس

نظرت {نازلي} لتلك الملاك النائم، قيل أن تقول :
_خلينا دور في المحلات القريبة من هنا، أكيد مبعدنش أوي عن خالها

~~~~~

كان {يزن} يسأل كل من يرى عن أولاد شقيقته، كاد أن يفقد عقله، إن كاد يجن من أفعالهم داخل المنزل، ففي نهاية الأمر أماكنهم محدودة، و لكن الآن الوضع صار خطرًا ..

حاول التنفس بشكل طبيعي و هو يتحرك بين الطرقات، محاولاً التخلص من فكرة أنهم على الحدود المصرية السودانية، و إن ظن البعض أنه يببالغ، فيسرني أخباركم أنهم أختبئوا إحدى المرات في حقيبة جنتهم التي كانت ذاهبة لـ "مكة المكرمة" و كادت أن تحدث كارثة، ظنًا من أمن المطار أنها خاطفة أو ما شابه، و في مرة أخرى تاه أحدهم في مدينة "الشيخ زايد" بعدما كانوا مع والديهم بمنطقة "الرحاب" ، لذلك فأحتمال {يزن} لم يكن ليُسْتَبَد

أبتلع لعابه و هو يركض بالطرقات، منادياً جميعهم، حتى أن حنجرته أستغاثت ، ظل على حالته تلك، قبل أن يسمع صياح {شهم} القادم من خلفه، فألقت سريعاً و هو يهتف :  
\_شهم!

إلا أن وجهه شحب عندما رأى ذلك الجمع خلف ابن شقيقته، يركض خلفه، و قد جمعوا جميع العبارات الساخطة في العالم، بسبب ذلك الصغير الذي لم يصدق أنه وجد طوق نجاته!

إلا أن سعادته لم تكتمل عندما وجد {يزن} يفر من مكانه، و كان الوضع كالأتي

جمع من الناس يركضون خلف {شهم}، و {شهم} يركض خلف {يزن} الذي صاح :  
\_هبيت ايه يا بلوة أنت!

لكن صوته لم يصل لـ {شهم} بسبب الضجيج المقتعل خلفه

حسنًا، تتذكرون عندما نظر {شهم} لأسلاك الكهرباء خلف آلة الألعاب بخبث!؟

هو لا يفقه شيئاً في الكهرباء في الواقع، لكنه يدرك أنه إذا أقرب منها، ستحدث كارثة، و لم يكن ليريد أكثر من ذلك!

و بالفعل، بدأ باللعب في أسلاك الآلات، إما مخرباً للآلة كلها، و إما أن يصعق أحدهم بشكل لا يدري كيف فعله في الواقع، و إن أثار أعجابه!

و دون أن يقصد، قطع الكهرباء عن المتجر كله!

و لسوء الحظ، كانت أحد المسؤولين عن المكان لمحبه يفعل ذلك، ليصبح :  
\_الواد ده بيبوظ الأجهزة و بيطفش الزباين، هاتوه!

و ها هم يركضون خلفه، يتوعدون له بالويلات

صاح {شهم} مستنجدًا بخاله :  
\_يا يزن أَلْحَقْنِي!

أجابه {بزن} و هو يسرع من ركضه، تاركًا ابن شقيقته لتلتهمه تلك الوحوش :  
\_ ألق مین یا بنی، أحنا عابزين حد يلحقنا أحنا الأثنين!

\_ بزن متبقاش جبان!

\_ الجرى نص الجدعنة يا حبيبي، أجري أجري

كان الصغير بدأ يتعب بالفعل، و بدأت ساقيه تتخاذلان، و كاد أن يلقي مصرعه اليوم، لولا صباح أحد المارة و هو يشير لمكتبة ما برعب :  
\_ ألقونا!

توقفت الناس عن الركض خلف {شهم} الذى أقترب من خاله الذى توقف أيضًا ، و ألتصق بساقه و هو يلهث :  
\_ أنت ندل يا خالو

لكن {بزن} لم يسمعه، بل أبتلع لعابه و هو يحدق بتلك المكتبة المشتعلة هامسًا :  
\_ يا رب ما يكون ال في بالي صح

و لكن تأتي الرياح بما لا تشتهي السفن ..

~~~~~

كان {أركان} يحدق بتلك الرسوم المتحركة، التى بدأت تنتشوش رويدًا رويدًا قبل أن تنقطع تمامًا، ليتحرك نحو الحائط في فرع و لهفة :
_ بابا .. بابا متسبنيش .. بابا!

و للتو، لاحظ أن المكتبة تشتعل، لينتفض الصغير و هو ينظر لتلك النيران التى كانت تلتهم كل شئ و أى شئ يعترض طريقها نظر حوله، يحاول إيجاد مخرج أو أى مساعدة، لكن الجميع فر بروحه بالفعل، تاركينه ينظر حوله بخوف و أنكماش، ليراقب النار و هى تركض نحوه في سرعة، ليتمتم بخفوت و صوت مرتعش :
_ بزن ..

~~~~~

حمل {بزن} {شهم} أعلى ظهره، ليتمسك به الآخر، و قبل أن يقتحم المكتبة، بعدما سمع من من فروا منها أن هناك طفل عالق بالداخل، إلا أن أحدهم منعه قائلاً :  
\_ مينفعش تدخل جوا، خطر عليك!

صاح {بزن} دافعًا المتحدث بقوة بعيدًا :  
\_ ابني جوا!

عاد الرجل مرة أخرى و هو يقول :  
\_ المطافي و البوليس جابين دلوقتي و..

دفعه {بزن} هذه المرة بقوة شديد، و قد بدى مخيفًا و هو يصيح بغضب هادر :  
\_ ابني جوا بقولك! مبتفهمش!

و أقتحم المكتبة في سرعة و قد بدأ عقله بنسج أسوء السيناريوهات، ماذا يمكن أن يكون حدث للصغير!؟

هل جرح أو سقط أسفل احد الأعمدة الخشبية المنهارة!؟

و ظل عقله ينسج و ينسج المزيد من الأفكار التي أصابته بالهلع و هو يصيح :  
\_ريان! أركان! سهم! ليان! في حد هنا!؟\_

\_خالو ألحق!

هتف {سهم} بالعبارة، عندنا كاد خشب المكتبة المشتعل، يسقط فوق كلاهما، لولا تحرك {يزن} السريع، لكنه لم يسلم تمامًا، إذ أن الخشبية أسقطته بعدما أصطدمت بساقه، ليحاول النهوض سريعًا و صياح {سهم} الباكي يرن في أذنه، لكنه أستطاع التحرر، بعدما نالت شعلة من النار من ساقه و بدأت في ألتهام بنطاله، فأسرع يخلعه كي لا يتأذى

رغم أنه ليس متأكد أن أحد أولاد شقيقته هو الطفل العالق هنا، إلا أن في النهاية هناك طفل، سواء أكان من دمه أو لا، ولا بد من أنقاذه بأي ثمن

ظل يركض هنا و هناك، قبل أن ينخلع قلبه عندما رأى {أركان} ممد على الأرض، و قد أقتربت النيران منه!

تحرك سريعًا نحوه، قبل أن يحمله، و هو يقول بفزع :  
\_ريان .. ريان ... أصحى يا حبيبي

فتح {أركان} عينيه بثقل، ليبصر خاله، قبل أن يغلقهما و هو يتمتم :  
\_أنا أركان ..

ضمه {يزن} لصدره بلهفة و خوف و هو يتلفت حوله، قائلاً :  
\_صح أنت أركان، أنت صح، خليك معايا بس يا حبيبي، متمش، خليك معايا

كان يدرك أن عليه التحرك بأسرع ما يمكن، قبل أن يختنق الصغيران، و بالفعل، لمح باب طوارئ في إحدى أركان المكتبة، قبل أن يندفع نحوه، لكن القدر أراد شيئًا آخر، فأغلق الباب، إثر سقوط الكتب المحترقة و خشب المكتبة كذلك، لكن {يزن} أزاح الخشب الملتهب بأحدى يديه و هو يقول :

\_بسم الله، بسم الله، يا رب ما تسبني، يا رب أنا حبيبيك، يا رب، يا رب خرج العيال طيب، يا رب أنا مش عايز أكثر من أنهم يطلعو سلام، مش مهم أنا، يا رب عشان خاطري يخرجوا، بسم الله الرحمن الرحيم، بسم الله الرحمن الرحيم

كان يدعو ربه و هو يزيح الأخشاب بيده، رغم تلك الآلام الحارقة، و ساقه المصابة، إلا أنه تجاهل كل ذلك، حتى أنه تجاهل دموعه التي هبطت بسبب عدم احتمال جسده لكل ذلك، إلا أنه تجاهل، تجاهل من أجلهم فقط، فقد ليخرجوا بسلام، و لينهار هو حتى لو لم يخرج

و أخيرًا نجح في فتح الباب، مندفعًا لخارج المكتبة، مستنشقًا دفعة من الهواء النقي، قبل أن تغيم الدنيا حوله و تسود ..

~~~~~

أندفع {سهم} هاربًا من النادل إلى المرحاض ، لولا أنه رأى {منة} و هى تخرج من المرحاض مع والدتها التي تفاجئت بـ {سهم} يختبئ خلفها و هو يقول :
_ألحقيني يا طنط!

نظرت والدة {منة} لـ {سهم}، ثم نظرت للنادل و هى تقول بتعجب :
_في ايه!؟

رمى النادل الصغير بغضب و هو يصيح متجاهلاً حديث والدة {منة} :
_هات الفلوس بقولك

توسعت عينى والدته {منة} قبل أن تصيح بشكل أفزع النادل :
_ في ابيه؟! بتزعق لعيل مجيش العشر سنين ليه!؟

نظر النادل لها بتوتر خوفاً من أن يأتي المدير في أى لحظة على صوتها :
_ أ. أكل و مدفّش الفلوس

_ و ده يجيب فلوس منين أصلاً!

_ هو .. هو قالي أنه معاه فلوس و..

قاطعته السيدة بهجوم :
_ و أنت فاكّر فكرة طفل زى ده فكرته ابيه عن الفلوس!؟

كان حديثها صحيحاً، فماذا سيكون أكبر مبلغ قدر يراه طفل كهذا في حياته!؟

صمت النادل بحرج، بينما تأففت والدته {منة} بضيق و هى تقول :
_ أكل بكام!؟

أسرع النادل يقول :
_ 650 جنيه

لم تهتم في الواقع بالمبلغ بسبب غضبها من تصرفات هذا النادل الخرقاء، و أخرجت مالاً واضعة إياه في يد العامل، ثم جذبت طفلتها
و هذا الصغير الذى أرتمت على وجهه كل معالم البلاهة و هو يقول :
_ أزيك يا منة

أبتسمت {منة} زميلته بالمدرسة و هى تقول :
_ أزيك يا سهم

مر الوقت، بعدما شرح {سهم} ما حدث لوالدة {منة}

أرتفع حاجبها و هى تقول :
_ يعني أنت سهم!؟

هز الصغير رأسه، فأبتسمت والدته {منة} و هى تقول :
_ منة حكّلي عنك كتير

نظر {سهم} لـ {منة} بعدم فهم، بينما أشاحت الأخرى بوجهها في خجل

مرت نصف ساعة، قبل أن يسمع {سهم} صوت يعرفه جيداً :
_ شبر و نص!

نظر {سهم} لمن ناداه بهذا اللقب بسعادة، مدرّكاً هويته من قبل أن يراه، فهكذا ينعته و ينعته أشقائه ، وثب {سهم} من فوق المقعدة
راكضاً نحوه :
_ عمو قدرى!

أنخفض {قدرى} قليلاً بجزعه و هو يقول بدّهشة :

_ أنت بتعمل ايه هنا لوحدك؟! _

ثم نظر لطاولة التي كان يجلس فوقها، لتتوسع عينيه و يعود ببصره لـ {سهم} قائلاً :
_ أنت بتشفت بنات! _

لم يفهم {سهم} معنى هذا المصطلح الغريب، إلا أنه قال :
_ أنا عايز أروح ليزن و تبتا فتحية المفترية

رفع {قدري} حاجبه و هو يقول :
_ أنت أمك و أبوك أتبروا منك ولا ايه؟! رايح عند يزن تعمل ايه؟! و بعدين طنط فتحية لو سمعت فتحية المفترية هتجري وراك بالشبشب

_ ابوا ما أنا عارف، عشان كذا ميقولش كذا قدامها

نظر له {قدري} قليلاً، قبل أن يسأل :
_ أنت شهيم ولا سهم؟! _

_ مش هقولك غير لما تشلني

ألتوى ثغر {قدري} و هو يقول :
_ يا حبيبي أنا عايز ال يشلني، ده أنا صقر سابلي الصيدلية لحد ما بقيت عامل زى الخفافيش، ده حتى الخفافيش بتنام الصبح، لكن أنا لا صبح ولا ليل

و بدى ذلك في وجهه، بدى شاحباً منهكاً بالفعل، يبدو أن ذلك الرجل كثف العمل حتى يهلكه

تحرك {قدري} بحرج نحو زميلة {سهم} و والدتها بعدما أخبره الصغير بما حدث، و أعطاهها المال الذي دفعته بعد معاناة لقبوله، ثم أخذ {سهم} و رحل بعدما ودعته {منة} بحرارة تعجب لها {قدري}، فتح {قدري} هاتفه، ليتصل برفيقه، يخبره أن إحدى الكوارث معه، لولا سماعه لهاتف {سهم} :
_ عمو قدري عمو قدري ،ليان هناك اهي!

نظر {قدري} حيث يشير {سهم}، قبل أن تجحظ عينيه و هو يقول :
_ أنتو أنتشرتوا في البلد؟؟ تلاقي يزن مش قادر يصلب طوله من الرعب ال هو فيه !

تحرك {قدري} نحو {نازلي} و هتف :
_ يا أنسة يا أنسة

ألتفتت {نازلي} الحاملة لـ {ليان} لـ {قدري} بتعجب، قبل أن تلمح {سهم} الذي أبتسم ببلاهة و هو يقول :
_ أزيك يا مس!

نظرت {نازلي} لـ {قدري} فجأة بشكل جعله يرتاب منها، و سألته بحدة :
_ هو أنت أبو العيال دي؟؟

هز {قدري} رأسه سريعاً ينفي عنه تلك الشبهة المريعة و هو يقول :
_ لا، ده أنا صاحب خالهم.

صاحت {نازلي} بانفعال :
_ هو أبو العيال دي فين؟؟ سايبهم يلطشوا في خلق الله كذا ليه؟! _

نظر {قدري} لـ {ليان} بتعجب، فتلك الصغيرة لا تفعل ما يشين أو تفتعل كوارث كباقي أشقائها

جذب {منذر} الطفلة من حفيدته التي كانت تصيح، مخرجة غضبها من {باسين} الذي أهانها ظلمًا في {قدري} الذي ظن أنها مجنونة
ثم أعطاه لـ {قدري} و همس له :
_ خذ العيال و أهرب يا بني

و لم يتعجب {قدري} من عبارة {منذر} أو يرتاب، بل هرول بالصغيران بعيدًا ،ناظرًا لهما و هو يقول :
_ أدي فردتين، فاضل ثلاثة

نظر له {سهم} بعدم فهم و هو يقول :
_ هو أحنا شباشب يا عمو؟؟

أبتسم {قدري} بتهكم و هو يقول :
_ لا يا حبيبي شباشب ايه، أنتو فيران بتهرب من الققص عشان تشلوا خالكو

تذكر شيئًا فجأة قبل أن يقول :
_ اومال شذى و شادي فين؟! أنتو يزن أخذكو يفسحكو لوحده!؟

هز {سهم} رأسه نفيًا، و كالعادة عزيزي القارئ، أفصح بكل ما حدث في المنزل، حتى قال {قدري} رافضًا معرفة خصوصية منزل
رفيقه :
_ بس بس ، ده أنت لو قاصد تفضحهم مش هتعمل كدا ،عيب كدا مينفش تقول لكل من هب و دب قصص بيتكو

_ بس أنا قلت لعمو بتاع الأكل و مقاليش حاجة

تجمد {قدري} مكانه، و نظر لـ {سهم} بدهشة أمتزجت باستنكار ،لكن {ليان} التي أستيقظت منحته ذبحة صدرية و هي تقول :
_ و أنا .. و أنا

رمقها {قدري} بتشنج ،قبل أن يقول بحزن على رفيقه :
_ فضيحتك بقت بجلاجل يا يزن أنت و ابن عمك و أختك

أخرج هاتفه الذى صدح رنينه بصوت مزعج ،و أجاب و هو يقف جانبًا :
_ ايوا يا يزن س...

قاطعته صوت غريب يقول :
_ حضرتك تعرف صاحب التليفون ده!؟

أنعقد حاجبي {قدري} بشدة ،و عاد ينظر لهاتفه، يتأكد أن هذا هاتف رفيقه، قبل أن يعيد هاتفه فوق أذنه و هو يقول :
_ ايوا، مين حضرتك!؟

أرتد {قدري} للخلف كالمصعوق و هو يسمع محدثه، و ما أن أغلق الخط، حتى أندفع كالصاروخ متحركًا بالطفلين و هو يهتف بقلق
:
_ يا رب سلم، يا رب سلم، يا رب!

~~~~~

كان {قدري} يحاول التحدث مع موظف الاستقبال الخاص بالمشفى التي تم نقل {يزن} بها

أتى مهرولاً دون سيارة للمشفى بعدما أخبره أحدهم أن صاحب الهاتف تعرض لحروق إثر اشتعال إحدى المكاتب، و تم نقله إلى المشفى

و ها هو يحاول ألتقاط أنفاسه ليستطيع الحديث :  
\_ف.. في مريض هنا اسمه يزن القرشي

تحدث موظف الأستقبال و هو ينقر فوق أزرار حاسوبه :  
\_الاسم الثلاثي لو سمحت

\_يزن أنس القرشي

مرت ثواني كالجحيم على {قديري}، قبل أن يقول الرجل :  
\_أوضة 180 الدور الثاني شمال

هرول {قديري} نحو الدرج، و رغم أن جسده لم يكن ليساعده على التحرك بتلك السرعة، إلا أنه تحامل على نفسه، حتى وصل لغرفة رفيقه

دفع الباب مندفعاً للداخل، و صاح بهلع :  
\_يزن!

ألتفت {أركان} و {شهم} لـ {قديري} بفزع ، و كذلك أستيقظ {يزن} و هو ينظر حوله قانلاً :  
\_في ايه؟؟ في ايه!!

ترك {قديري} الصغيران بعدما أغلق الباب، و أندفع فوق المقعد المجاور للفرش و هو يسأله :  
\_ايه ال حصل؟! حاسس بايه؟! في جزع!!

نظر لساق رفيقه التي بدى عليها بعض الحروق، و كفه التي كان يزيح بها الأخشاب المشتعلة، رغم أن جروحه ضُمدت، إلا أن {قديري} شعر بمدى سوء الأمر، فعاد يسأل :  
\_ايه ال حصل؟!!

تأوه {يزن} بخفوت، قبل أن ينتفض بشكل ألمه و هو يهتف بفزع :  
\_العيال .. العيال فين؟! حصلهم حاجة؟! العيال فين ي..

قاطعته نبرة شبه باكية من {أركان} الذي وقف جوار الفرش هو و {شهم} :  
\_يزن .. أنت .. أنت كويس؟!!

نظر لهما {يزن} يتفحصهما بقلق، قبل أن يتنهد براحة و هو يعيد ظهره للخلف و هو يتمتم :  
\_الحمدلله يا رب

ثم نظر لـ {أركان} بلطف و هو يربت على رأسه بيده السليمة :  
\_أنا كويس يا حبيبي، متخافش

ثم قال ممزحاً بصوت خرج منه الأنهاك رغماً عنه :  
\_بس متوديش نفسك في داهية تاني الله يكرمك لحسن أنا صحتي على قدي يا بني

و رغم أنه كان يمزح، إلا أنه أنتفض عندما بدأ {أركان} و {شهم} في البكاء، و تلاهما {سهم} الذي ظن أنه السبب فيما حدث لخاله، و كالعادة كانت {ليان} تبكي معهم دون معرفة السبب لهذا، لكن بالتأكيد الأمر يستدعي البكاء

دلقت إحدى الممرضات للأطمئنان على المريض، قبل أن تصدم من تلك الموجة الحارة من البكاء، فأشارت لـ {قديري} و هر تقول :  
\_لو سمحت خذ ولادك و أخرج يا أستاذ، كذا ميصحش، المريض محتاج يرتاح

تحدث {يزن} بتعب سابقًا {قديري} :  
\_معلش سيببهم، هما خايفين عليا مش أكثر

\_مينفحش و..

قاطعها {يزن} مغيرًا دفة الحديث :  
\_أنا هخرج من هنا أمتي؟!!

توسعت عيون الممرضة، و قالت باستنكار :  
\_تخرج من هنا أمتي؟! يا أستاذ حضرتك عندك كمية حروق غير طبيعية، منها السطحي و منها العميق، ده غير أن..

قاطعها {قديري} بضيق :  
\_خلاص خلاص، كفاية، شوفي كنت هتعملي ايه عشان المريض عايز يرتاح

رمقته الممرضة بضيق، قبل أن تتجه نحو {يزن} لتطمئن على الحروق و المعدلات الحيوية، ثم أنصرفت مغممة بكلمات لم يسمعها  
أحد، ليزفر {قديري} قائلاً :  
\_يا الله

ثم عاد ينظر لرفيقه و هو يسأل :  
\_ايه ال حصلك يا يزن؟! أنا حد كلمني قالي أن صاحب التليفون أتتقل على المستشفى

سرد عليه {يزن} ما حدث، و ما أن أنهى، حتى انفجر {قديري} ضاحكًا بشدة و هو يقول متناسيًا هلعه على رفيقه :  
\_يعني خرجت من المكتبة من غير البنطلون!

نظر له {يزن} بصدمة و هو يقول :  
\_بقولك كنت هموت ، تقولي خرجت من المكتبة من غير البنطلون

عاد {قديري} بظهره و هو يحاول تمالك ضحكاته التي لم يفهم الصغار سببها :  
\_مش قادر، شكلك أكيد كان مسخرة !

نظر له {يزن} بغیظ ، سرعان ما تحول للين عندما سمع {شهم} يقول :  
\_خالو .. أحنا أسفين ..

تبعه {أركان} و هو ينظر أرضًا بحزن :  
\_مكش قصدنا نتعور

أردف {قديري} بتهكم :  
\_من ناحية أتعور فهو أتعور

تجاهله الجميع و تابع {شهم} بعدما أخبره {أركان} بما حدث :  
\_أحنا كنا بنلعب .. مكش قصدنا ..

قاطعهم {يزن} و هو يفتح لهم ذراعيه، لينظروا لبعضهم، قبل أن يهجموا و هم يبكون و يعتذرون، و رغم آلامه التي أشتدت به من  
ضغطهم عليه، إلا أنه تجاهلها، فما كان على قلبه أصعب من رؤية الأطفال يبكون، ربت عليهم و هو يقول :  
\_خلاص يا ولاد، جت سليمة المرة دي



تحدث {قديري} بتهكم و هو يمرر عينيه على جسد رفيقه :  
\_ ما هو واضح

ثم تتهد و هو يقول للأطفال مشيراً لهم بأصبعه في تحذير واضح :  
\_ بس مش كل مرة تسلم الجرة، منعلمش كدا تاني لخالكم يموت ولا يقطع الخلف ولا..

قاطعته {يزن} بحنق :  
\_ ما خلاص يا قديري ، ما تجيب سكينه و تغزني بيها و نخلص

\_ يزن!

أنتفض الجميع على صباح آخر من تمنوا أن تعلم الأمر  
و تتمم {يزن} بخفوت و قلق :  
\_ فتحية!

~~~~~

كادت الشمس أن تغرب ، عندما توقفت جميع العربيه الشاطنيه الخاصه بـ {شادي} و {شذى}، وكذلك بعض العربيات الأخرى، نظرت
{شذى} لـ {شادي} الذي عاد بعدما ذهب لمشرف الرحله، و ما أن أستند على العربيه، حتى سألته :
_ هنعمل ايه؟!

تحدث {شادي} و هو يعيد خصلات شعره بضيق للخلف :
_ هياخذ الناس المونتسيكلاتها شغالة و يروحوا الفندق يجيبولنا مساعدة، لأن مفيش شبكه ، و أكيد محدش هيعدي من هنا

لم يكن يشعر بالضيق لأنه عالق في وسط الصحراء، لكن الأمر أقتصر على زوجته، خوفه عليها كان الشعور المسيطر عليه في
الواقع، و ضايقه أنه يستطيع فعل شئ حيال الأمر

تحدثت {شذى} بعد فترة عندما رمقت ذلك التجمع الخاص بالفتيات :
_ شادي أنا هروح أقعد مع البنات هناك

نظر لها باستنكار، و كاد أن يتحدث معترضاً، خوفاً عليها ،لأنه بطبيعة الأمر لا يعلم شيئاً عنهن ،إلا أنها لم تمنحه فرصة و تركته
ليقف وحده

زفر و هو يمسخ وجهه، متمتماً بحنق :
_ طب أفهمها ازاي دي أي خايف عليها!
مش بعيد تتف في وشي و تسبني و تمشي

صمت قليلاً و هو ينظر جانباً و قال :
_ رغم أنني أستحق

عاد يبصره لها، ليجدها تجلس مع الفتيات، إلا أنه لم يرى ولا واحدة منهم، لم يرى سواها في الواقع
همس بعدم تصديق :

_ يا شبيخة الواحد كان حمار و مبيفهمش بربع جنيه، بقي أنا كنت بزعل دي! أنا كنت بزعل مع دي! دي تتحط المفروض تتحط في
صندوق فولاذ عشان يتحافظ عليها والله

أبتسم دون وعى و هو يميل برأسه قليلاً عاقداً مرفقيه أمام صدره

كانت {شذى} تتحدث مع فتاة، قبل أن تلمح {شادي} الذى كان يرمقها بحب، لتشيح وجهها عنه سريعاً، سامعة لضحكاته التى لم تعتد سماعها كثيراً

جذب {شادي} حقيبته و معطفه الذى أحضره نظراً لميلان الطقس للبرودة، فقد شارف الشتاء على الدخول

اتجه نحوها، قبل أن يناديها من بعيد، فالتفتت له بضيق، ليشير إليها بالأقتراب، إلا أنها لم تفعل، و أشاحت بوجهها عنه، فرفع هو حاجبه، قبل أن يعيد نداءه باستمرار حتى أزعجها، فنهضت بتأفف، و أتجهت نحوه و هى تصيح :
_ ما قلت مش عاب..

دفع معطفه نحوها و هو يقول مقاطعاً إياها :

_ الجو هيبرد قريب، خلي الجاكت معاك، و أقفلي السُستة عشان متاخديش برد

و قبل أن تعترض، كان هو قد رحل، ليجلس بتجمع رجالي بعيداً عن تجمع النساء بقليل

نظرت لمعطفه قليلاً، قبل أن تعود لمجلسها مرة أخرى

كانت قد تعرفت على فتاة مصرية - المصرية الوحيدة بهذا التجمع - تدعى {دهب}، جلست جوارها و هى ما تزال شاردة في معطف زوجها، لما قد تشعر بالتعجب من أفعال زوجها التى باتت حنونة مؤخراً رغم أن هذا هو المفترض حدوثه؟!
لما قد يجعلها تشعر كانت تطلب منه ما ليس من حقها؟!
لما خلق هذه الفجوة!

زفرت بحزن، فسألتها {دهب} :

_ ده جوزك؟!

هزت {شذى} رأسها، فأبتسمت {دهب} و هى تقول :

_ شكل حنين عليك

أبتسمت {شذى} بتهكم و هى تشدد قبضها على معطف زوجها، و قد شعرت {دهب} أن الأمور بين {شذى} و زوجها متأزمة، فقررت أخراجها من حالتها تلك و هى تصفق بيدها لجذب انتباه الأجنب، مقترحة على الجميع لعب لعبة كى يمر الوقت سريعاً دون ملل، و قد وافق الجميع على الأمر، و وقع الاختيار على لعبة الزجاجة، تلك اللعبة الخاصة بالأسئلة، أمسكت {دهب} زجاجةها و قامت بإدارتها بعدما شرحت اللعبة للأجانب، و وقع الاختيار على فتاة من أصل روسي، ربما في بداية العشرينات، نظرت لفتاة أخرى و سألتها بالإنجليزية :
_ ماذا تعني كلمة أمان بالنسبة لك؟!

أجابته الفتاة و هى تنظر للسماء التى أوشكت على تلبس الظلام :

_ تعني أن يكون لي شخص، لا أشعر معه أنه قد يتم فهمي بطريقة خاطئة، تعني ألا أشعر أن هناك من ينتظر أن أقع ليصبح بي لأنما سقوطي، تعني أن مهما أخطأت في أنتقاء مفرداتي لن يظن بي سوء، ليس شرطاً أن يتعلق أمانى بشخص، لكن ذلك ما جاء بخاطري

عادت تنظر إليهن و هى تقول ببسمة صغيرة :

_ هذا ما يعنيه الأمان بالنسبة لي

عادت الزجاجة لتلتف، ليقع الاختيار على {شذى} و امرأة من أصل إيطالي :

_ ايه أكثر حاجة ممكن تفرحك؟!

أرتفع حاجب {شذى} بدهشة و هى تقول :

_ بتعرف في تتكلمي مصري

أبتسمت المرأة التي بدت في مثل عمر {شذى} و هي تقول :
_ يعني ،شوية شوية

أبتسمت {شذى} لها، و بدأت تدير السؤال برأسها، قبل أن تقول :
_ أني أروح مكان معزول هادي، مفهوش حد، مكان لو رميت فيه أبرة أسمع صداها

أبتسمت المرأة بحزن و هي تقول :
_ أعتقد أن ده مش يفرحك

رقتها {شذى} بتعجب ، قبل أن تتابع المرأة :
_ كثير يحسدوني أني مش متجوزة أو مخلفة و عايشة لوحدي .. بس .. العيشة لوحدي صعبة و مميتة .. أنك ممكن تموتي و محدش يعرف عنك حاجة .. أنك تشتغلي و ترجعي البيت تنضيفيه و تعلمي الأكل لنفسك و ممكن يطلع محروق بس مجبرة تاكليه عشان مفيش غيره

بدأت نبرة المرأة تهتز و هي تكلم :
_ مفيش حد يطمئن عليك .. مفيش زوج أو أخ أو طفل أو أي حد يناولك كوباية مائة.. الفراغ مش حلو .. الفراغ مميت

كانت {شذى} تستمع لها بأعين ذاهلة، ربما لأنها ظنت أن بعدها عن بيتها و أطفالها سيكون أفضل و أرحم، لكن لا والله و تالله و بالله هي تحترق ألمًا في بعدها عنهم، تحترق ألمًا في بعدها عن شقيقها، تحترق ألمًا في بعدها عن زوجها .. لا .. لا تشعر أنها تحترق ألمًا من أجله .. هي كاذبة.. تتمنى لو عاد زوجها لها مرة أخرى، ذلك الزوج الحنون، الذي كان لو سمعها تسعل لجلب لها طبيبًا في الفور، رغم كونه طبيب، إلا أن الهلع الذي يلتبسه لا يساعده على فحصها

تنهدت و نظرت له من بعيد، قبل أن تنهض مستنذنة من الجميع

أبتعدت عنهن، تسير بلا هدى، حتى توقفت فوق تل مرتفع، جلست فوقه بعدما أرتدت معطف زوجها مع تيار الهواء البارد الذي حل

تذكرت بداية المشكلة، لم يكن بدايتها مع أنجابها للتوأم الكبير في الواقع، بدايتها كان مع أنجابها لـ {ريان} و {أركان}، فبعد أنجابها مباشرة، بدأ {شادي} بالعمل نهارًا و ليلاً لتوفير احتياجات الأسرة نظرًا لقلة الراتب الذي يحصل عليه، كان بداية تجاهله للعائلة، حسناً لم يكن يتعمد ذلك في الواقع، لكن عمله كان شديد الضغط عليه، فقد كان يرحل للمنزل منهكًا متعبًا ، متمنيًا أن ينعم بوجبة ساخنة و نوم هادي، لكن ما كان يحدث ذلك كثيرًا، نظرًا لتقارب سن التوأم الكبير و التوأم الصغير، فكانت من الصعب الطهي بشكل جيد مع صراخ الأطفال ، و لم تكن لتتحكم بصياحهم بعد منتصف الليل، رغم أنه كثيرًا ما كان يحاول مساعدتها قدر ما أستطاع ، ليتفاجئ الاثنان بعد سنوات بحمل {شذى} بالطفل الخامس !

لم يكن ذلك في الحسبان، و مع ذلك بدأ {شادي} في إعطاء حصص أحياء للمرحلة الثانوية بعدما درس تلك المادة ،ليدرسها يوم أجازته الوحيد، كى يوفر للمنزل احتياجاته، و بسبب ذلك، أبتعد عن المنزل بشكل كبير، و مع ضغط مديره المستمر، و خصم راتبه بلا سبب، كان يخرج ذلك رغبًا عنه بالمنزل، و هنا بدأت العلاقة تتدهور بالفعل، كانت هي تحاول جاهدة الموازنة بين أطفالها و زوجها و في بعض الأحيان شقيقها، و تارة تنجح و تارة تفشل، بينما لم يستطع هو النجاح في ذلك

أهتز بدنها إثر بداية نوبة بكاء حادة، و أخذت تغمغم بتعب و قلة حيلة، لا تدري من المخطئ، أكان هو أم هي؟!
من سبب خراب هذه العلاقة؟!

أحسد بكاءها بغتة، و هتفت بصوت مرتفع بعض الشيء :

_ يا رب مين الغلطان؟! أنا حاولت .. حاولت أوازن بينه و بين ولادي .. بس طاقتي خلصت .. والله خلصت .. أنا فاهمة أنه كان بيرجع هل كان بعد شغل 13 ساعة و ما بيصدق ينام .. بس .. بس والله أنا طاقتي خلصت و حاسة أن روحي أتهلكت

شعرت فجأة بمن أحاط بها من الخلف، و تمتم بخفوت :

_ بالله و تالله و والله ما كان قصدي، قسمًا بالله ما كان قصدي الدنيا تدهور بالشكل ده، أنا كنت خايف أنت و الولاد يبقى نفسكو في حاجة و متقدروش تجيبوها عشان نقص الفلوس، قسمًا بالله ضغط الشغل ال كان بيطلع عليك و أنا عارف أنك ملكيش دعوة كان

ببقي غصب عني، والله كل يوم كنت بسمع تهزيق بلا سبب و مصايب بتنزّل على دماغي في المستشفى ، أنا كل يوم و أنا مروح كنت بقول أنني مش هتخافك معاك و معرفش ايه ال كان بيحصل بعدها

نهض و جلس أمامها ،ثم أمسك كفيها و هو يقول بعدما قبل باطنهما :
_مش ميرر لل كنت بهيبه معاك أنا عارف، و أنا ما بفهم بربع جنيهه عشان أسبيك تعيطي كل يومين من غير ما أصلحك، بس والله ال راح حمادة، و ال جاي حمادة تاني خالص

نهى حديثه بمزاح، عل حدة الموقف تهدأ، فما كان على قلبه أصعب من أن يرى دموعها تلك تهبط بسببه ، لكنها قالت بنبرة مرتعشة :
_أنا .. أنا أتجرحت يا شادي .. كلامك كان بيقطع قلبي!

أسرع {شادي} يقول و هو يضمها له :
_حقك على قلبي يا قلب شادي، يتقطع لسان ال يقولك كلمة تجرحك ولا تزعلك!

_أنت .. أنت .. أنت تعبت روحي

أغمض {شادي} عينيه بندم شديد و قال :
_متقوليش كدا يا شدى، ده أنا روحي فيكي

ثم أبتعد قليلاً و مسح دموعها بكفه في لطف متابعاً :
_و أنا عارف هصالحك ازاي، مش طالب منك غير فرصة واحدة، فرصة واحدة بس، و أنا أوعدك أن خوفك ده مش هيبقى موجود تاني

_هتوجع قلبي؟!

_ابدأ و لله

أبتسم لها و هو يتأملها :
_حد يقدر يوجع قمر كدا

أبتسمت {شدى} بسمة صغيرة، شعر هو بأمل بعد رؤيتها، ليتابع :
_هنتخطب

عقدت حاجبها بتعجب و رددت :
_نتخطب؟!

_ايوا ، يعني هنتعرف على بعض من أول و جديد، هعاكسك و أنت تنشنيني ، هبعثلك جوابات من البلاكونة، هحطلك بوكيه ورد قدام أوضنتك، هقعد أظفر معاك في المطعم و أنت تهزقي بكرامة ال جابوني الأرض

ضحكت {شدى} مع نهاية حديثه، لبيتسم هو ببلاهة و هو يقول :
_ترى والله ما شوفنا ستات قبل كدا

تزايدت ضحكاتهما مع تعابير وجه زوجها تلك، و ما أن هدأت، حتى شعرت بزوجها يقبل جبينها و هو يقول :
_ما عايز حاجة في الدنيا غير الضحكة دي والله
حقك على قلبي يا ن عيني، أنا هجبلك حقك من الأهل ال مبيفهمش ده

عانقها و قد شعر بدموعه تهبط من أعلى وجنتيه، رغم أنه من رسم ضحكاتها منذ ثواني، لكنه كان يحترق رعباً من فكرة بعدها، ما كان لأحد في قلبه معزة مثل معزتها، و ما كان ليحب أحد كحبه لها، هو من هام بها عشقاً أيام جامعه، و هو من جاهد لشراء منزل جوار منزل والدها كما كانت تريد، قام بكل شيء لتكون معه، و في نهاية الأمر، كاد أن يضيعها كالأحمق من بين يديه

شعرت بانقفاضة جسده، و سخونية دموعه فوق حجابها، لترفع رأسها تنظر له بصدمة و هي تهمس بعدم تصديق :
_ شادي أنت بتعيط !؟

تحشرج صوته و هو يعيد رأسها ليستقر أعلى صدره قائلاً :
_ أنا كان في حد بيببحني بسكينة تلمة يا شدى و أنت مش في البيت، أنا لا كنت عارف أركز في شغل ولا مع عيال ثانوي ولا مع نفسي

زادت أنقفاضة جسده و هو يتابع بهلع و قد تسارعت دقات قلبه بشكل أثار قلقها :
_ أنا كل ما أفكر أنه كان ممكن تنفصلي عني بحس أنني خلاص، روجي طلعت لربنا، لأني كنت عارف أنك معاك حق، و ده كان راعبني، والله كذا مرة ماما نقفشني و أنا بنط من البلاكونة عندي لبلاكونة أوضتك، مكننتش قادر أقعد في البيت و أنت مش فيه

_ شادي أهدى .. خد نفسك براحة

لكنه تجاهلها و هو يسترسل بعدما أبتعد عنها قليلاً، محيطاً وجهها بكفيه :
_ شدى عشان خاطري .. عشان خاطر ماما طيب حاولي متسبنيش .. أنا.. أنا هخف الشغل و هحاول أوازن بين البيت و بينه.. بس خليك في البيت .. ه.. هساعدك و هذاكر للعيال و أكلهم ب...

قاطعته و هي تجلس على ركبتيها، لتعانقه هي و قد بدأت تقلق من حالته تلك :
_ شادي ممكن تهدي عشان خاطري .. براحة عشان نفسك هيبدا يروح كدا .. خد نفس كدا و خرجه بهدوء

لكن أنقفاض جسده ذلك لم ينم أنه يستمع إليها، لم ترى حالته تلك منذ وفاة زوج عمته، أبتلعت لعابها و هي تتمتم :
_ شادي ..

ظلت تمسح على شعره و تربت على ظهره، متبادلين الأدوار، حتى مر الوقت، قبل أن يهدأ {شادي} من تلك الحالة التي تلبسته، و تعود {شدى} لتجلس أمامه و هي تمسح على شعره :
_ أحسن!؟

هز رأسه إيجاباً، بينما أبتسمت هي بسمة صغيرة و هي تمسح آثار دموعه على وجهه :
_ بص يا شادي ، أنا كنت ناوية أطلق و أخذ العيال و أمشي

لاحظت تلك الانقفاضة التي أحتلت جسد زوجها، لكنها عادت تقول :
_ بس أنا لما رجعت فكرت زى ما بزن قالي، كان لازم يحصل فترة هدنة بيني و بينك، و مكنش عشانك، كان عشان العيال، لأن قرار الأنفصال ده مينفعش أخده من غير تفكير في الحالة النفسية عشان الولاد

عادت تمسك يد {شادي} التي أهترت بشدة و أكملت :
_ بس لما هديت ، لقيت أنك مضربنتيش في مرة و أحنا بنتخانق ، أه كنت بتجرح فيا جامد بكلامك ، بس لما كنت بتشوف العيال كنت بتغير الموضوع عشان ميحسوش بحاجة، ال كان واخذك مني كان الشغل، مروحتش خنت، و إن لم يكن ده مبرر للحصول بينا، أحياناً كنت بتحاول تصلح الدنيا معايا، أه كثير كانت بتبوظ منك، بس كان في محاولة، فقررت أديك فرصة نتفاهم عشان الولاد

_ عشان الولاد!؟

_ أنت و شطارتك، ممكن تخليها عشانك

و كان ذلك تصريحًا له، ليبدأ محاولاته في إعادة العلاقة، عل الأمور تهدأ و يعودا كما السابق

~~~~~

كانت {فتحية} تعانق {يزن} بقوة و هي تبكي و الصغار كذلك ، حتى صاح هو بإنهاك :  
\_مساحة للمريض ال يكرمكو، عايز أنتفس!

لم يتحرك أحد متجاهلين صياحه المنهك، و عظامه التي تهشمت بسببهم، حتى دلف الممرض الذي كان يحرك عربة الطعام، و ما أن رأى ذلك المشهد ،حتى صاح بنبرة أفزعت الجميع بما فيهم {يزن} :  
\_ايه ال بيحصل هنا!

نظر له الجميع بتعجب، قبل أن يصيح بعدم تصديق :  
\_مينفش تكبسوا على نفسه، كدا خطر!

أشاحت {فتحية} بيدها بعدما مسحت دموعها :  
\_حرام عليك أفكرت في مصيبة

\_و هو ال أنتو كنتو عاملينه ده مش مصيبة؟؟

تحدث {يزن} و هو ينظر للممرض برجاء :  
\_بقولك ايه ،ما تاخذ المهرجان ال أنا فيه ده معاك الله يكرمك عشان لو فضلوا دقيقة كمان هيحصلي حاجة

و بالفعل ، أخرج الممرض الجميع من الغرفة، نظرًا لانتهاؤ وقت الزيارة، و لم يبقى معه سوى {فتحية} التي رفضت تركه بالمشفى

حقق {قدري} بالأطفال ،قبل أن يقول مشيرًا لـ {ريان} و {أركان} :  
\_أنت كنت شبر و نص واحد، جبت الثاني منه

كان يقصد بحديثه {ريان} الذي برز من العدم، فتحدث بتذمر :  
\_كنت بلعب قدام السوبر ماركت، لحد ما عمو جه و سألني على رقم حد من أهلي، فقلت رقم تينا فتحية المفترية عشان مش حافظ غيره

\_و أنت كنت بتعمل ايه قدام السوبر ماركت أصلاً؟!

سرد عليه {ريان} ما حدث، لينظر {قدري} لهم بتشنج قبل أن يقول :  
\_ده كويس أن يزن لسة عايش و متجلطش منكم

زفر ثم قال :  
\_يلا نروح، هتباتو معايا أنهاردة

تحدث {شهم} بحزن :  
\_و هنسبب يزن؟!

دفعهم {قدري} برفق و هو يقول :  
\_خالو محتاج يرتاح شوية صغيرين عشان محتاج يبقى كويس و يرجع معانا البيت

نظر الأطفال لبعضهم، و تمتم {شهم} بندم :  
\_أحنا السبب ..

و أنفجر الجميع في نوبة بكاء حادة إثر عبارة شقيقهم  
مما أدى لنظر {قدري} لهم بحيرة، نحن مازالنا على خط البداية، نعم، سترى الويلات يا {قدري}

~~~~~

أغلق {قدري} باب منزله و هو يتحدث مع {فتحية} في الهاتف، يُعلمها أن الأطفال معه كي لا تقلق عليهم، و كذلك كانت توصيه
بأطعامهم و بشئ غاية في الغرابة، أخبرته أن يحبسهم في غرفهم قبل خلوده للنوم لتجنب حدوث مشاكل، كان ذلك أغرب ما قد يسمع
في حياته في الواقع

أنهى الأتصال، و ألتفت لمصدر البكاء و النحيب، قبل أن يقول :
_ يلا يا ولاد عشان تاكلوا

على ماذا كانوا يبكون؟! لا يتذكرون في الواقع
نظر له {سهم} و هو يمسخ دموعه :
_ أنا عايز سوشي

نظر له {قدري} لثواني، قبل أن يقول ظنًا منه أنه أخطأ السمع :
_ عايز ايه يا حبيبي!؟

_ سوشي

_ ال هو قطعة بتمن مرتب ده؟؟

لم يفهم {سهم} مخزى حديث عمه {قدري} في الواقع، لم يفهم أحد عبارته الساخرة من الأساس، فما كانوا ليفهموا معنى مرتب
ليفهموا ثمن قطعة السوشي تلك

نظر له {شهم} و هو يفرك عينيه :
_ و أنا عايز أستكوزا

رقمه {قدري} بصدمة و عدم أستيعاب، ليردد بذهول :
_ أستكوزا!؟

و لم يكذ يستوعب صدمته، حتى ألقى له {أركان} أخرى في وجهه :
_ و أنا نفسي في ناجتس

عقد {قدري} حاجبيه و هو يتراجع خطوتين للخلف :
_ ده مرض جديد!؟ أوعى يكون مُعدي!

نظر {ريان} لـ {قدري} بملل و هو يقول :
_ و أنا عايز أسكلوب بانیه

رفع {قدري} حاجبه و هو يقول :
_ و ده من ايه إن شاء الله!؟

و ختمت {ليان} حديثها و هى تلوح بيدها لتجذب انتباه {قدري} :
_ موس .. موس .. موس

حاول {قدري} أستيعاب كلماتها، قبل أن يسأل :

مش فاهم، عايزة تلعبى بموس الحلاقة؟!

هز {ريان} رأسه نفيًا و هو يقول :
_لا .. هى قصدها موز .. بس الزين مش حلوة عندها

تظاهر {قدي} بالدهشة و هو يقول :
موز؟! ايه الاسم الغريب ده؟!

ثم نظر لتلك الكوارث قائلاً :
_بصوا يا حبايب عمو، عمكو مستنى القبض ال ميقاش فيه حاجة، و عايش على الجبنة البراميلي الناشفة و الخيار و شوية خضار، ده الأكل ال في بيت هنا، لكن الأكلات ال لو بيعت كليلتي متجيش تمنها دي عند شادي أبوكو، مش هنا

نظر له {شهم} بعدم فهم و هو يقول :
تبيع كليلتك ليه يا عمو؟!

مسح {قدي} وجهه بيده، قبل أن يقول :
_أنا داخل أسخن عيش عشان تتعشوا

ثم رفع أصبعه و هو يقول :
لو حد حرك حاجة من مكانها ولا لمس حاجة مش هعتقه!

~~~~~

كان الوقت تأخر دون أن تأتي مساعدة لمن بالصحراء، و قد حل الليل ببرودته القارصة، و أظلمت الدنيا من حول الجميع  
كان الرجال قد أشعلوا نارهم ليدفنوا، بينما كانت النساء تحاولن أشعالها بطرق مثيرة للريبة..

لم يرد {شادي} أن يترك {شذى} في ذلك التجمع، لكن كان ذلك أفضل، فالإنفصال عن التجمع ليس بالفكرة الجيدة  
انتبه هو لعدم أشعال النار بجهة النساء، لينهض هو رغبة في الأطمئنان على زوجته التى تركها منذ ساعة تقريبًا!

أقترب من التجمع و هو يسمع صوتها تقول بقلة حيلة :  
\_أشمعنا ولعت معاهم يعني!\_

تقدم ليصبح جوارها، ثم همس جوار أذنها :  
\_هى ايه دي؟!\_

و للعجب لم تفرع أو تجزع من مجيئه، بل تابعت و هى تلتفت له سريعًا :  
\_شادي جيت في وقتك! الجو بقى ساعة أوي و مش عارفين نولع النار

\_طيب خليم يوسعوا عشان أعرف أتعامل

أبعدت {شذى} الفتيات عن الحطب الذى أتى به الرجال، بينما أقترب {شادي} منه

كانت {شذى} تتابع ما يفعل زوجها ، حتى أنتهى، و نهض تاركًا النار لتشتعل ،ليعم الدفى، مزيًا ذلك البرد جائبًا

أبتسم و هو يقول ناظرًا لزوجته :



\_ لو طفت أندھيني عشان أولعها تاني عشان متيرديش

أقترب منها، و قبل رأسها، و أغلق معطفه الذي ترتديه كي لا تصاب بزكام، و خلع قفازه من يديه، ليلبسه لها، و لو وجد شيئاً آخر ليدفئها به ما تردد في جلبه، ثم رحل، تاركاً النساء كلها تنتظر إليه بذهول، و لم تنتبه هي لهن، لولا {دهب} التي لكزتها في مرفقها مازحة :

\_ ألحقي جوزك عشان عينيهم هتطلع عليه

لم تفهم {شذى} حديث {دهب}، حتى رأت ذلك التحديق الذي كان يحوم حول زوجها، لتعقد حاجبها و هي تردد بحلق :  
\_ اومال لو كان شعره أصفر و عينييه خضرا و عنده عضلات كانوا عملوا ايه؟! هما سابوا المستورد و مسكوا في المحلي ليه!

ضحكت {دهب} و هي تضع يدها فوق فمها، بينما مررت {شذى} نظراتها على النساء من حولها بضيق، لتتمتم بينها و بين نفسها :  
\_ ده شعره أكرت!

لكنها عادت لتبتسم بسمة جانبية و قالت :

\_ بس عيونه رمادي ..

بينما كان {شادي} يجلس بين الرجال، يتحدث مع هذا، و يستمع لهذا، لكنه شعر بالملل، و زفر بقلق، فلم يعد أحد المشرفين لأنقاذهم، و قريباً تستيقظ حيوانات الصحراء الليلية

ظل ينظر لللا شيء، حتى سمع فجأة صوت محرك سيارة، ليتلفت هو و من معه حولهم، حتى أبصروا حافلة تتحرك وسط الرمال نحوهم، و ما كاد الجميع أن يطلقوا صيحات فرحة، حتى أنخرسوا عندما سمعوا طلق عيار ناري!

~~~~~

كان {ريان} قد أختلى بأشقائه في الشرفة، و أخرج أمواله الطائلة التي جمعها من عمله أمام المتجر، فتوسعت أعين الجميع بدهشة، بينما قال هو بخبث :

_ أحنا ننزل واحد فينا في السبت، و الباقي يمك الحبل لحد ما نوصل لمحل تحت، و نجيب حلويات بالفلوس دي مش عايز أكل جينة رملي خنفة بتاعت عمو قدي

كانت أمواله كلها من فئة العشرة جنيهاً، و كان حاصل كل تلك الأموال 300 جُنيه !

بدت كثيرة بشكل مبالغ فيه، مما أسال لعاب الجميع

نظروا لبعضهم البعض، قبل أن ينظروا لـ {ريان} الذي قال باستنكار :

_ أنا جبت الفلوس .. مش نازل!

نظروا لـ {أركان} الذي هز كتفيه و هو يقول :

_ ماشي

و بالفعل ، تحرك {أركان} نحو المسلة، و حاول دس جسده بها، لكنه - رغم صغره - لم يفلح، فعاد ليجلس جوار {ريان} الذي قال مشيراً لـ {ليان} القابعة بين أحضان {سهم} :

_ ممكن ننزل ليان

هز {سهم} رأسه نفيماً و هو يشدد على أحتضانه لها، بينما تحدث {سهم} بجديّة من تحمل المسؤولية في سن صغير :

_ مش ينفع يا ريان، ليان ممكن تقع من السبت، و هي صغنة أوي فممكن تتعور أو تتخبط

و لربما هذا هو الشيء الوحيد الذى ينصتون لحديث والدتهم بشأنه، فمهما أفتعلوا من كوارث و مصائب، تتوقف كل شئ من أجل سلامتها، بالإضافة إلى أن {شهم} يكن لها هو و توأمه مكانة خاصة، ربما لفارق السن ، فشعروا أن عليهم الأعتناء بها بشدة، عكس {ريان} و {أركان} الذان يثيران بكاءها طوال الوقت

و بعد جدال طفيف، قرروا أفتعال خطة، أشركوا صغيرتهم بها

~~~~~

\_عمو قدري

ألتفتت {قدري} إلى {شهم} الذى كان يحمل {ليان} و قال :

\_خبير

\_ليان عايزة تقعد معاك

رفع {قدري} حاجبه بريية و هو يقول :

\_يعني أنت جاي عشان تقولي أن ليان عايزة تقعد معايا؟!

هز {شهم} رأسه ، فزادت ربيية {قدري} اتجاهه ، فترك ما بيده ليخرج من المطبخ، ليلقي نظرة على الكوارث الأخرى، ربما يكون هذا ساتر عما يفعلون أو ما شابه، إلا أنه تعجب جلوسهم الهادئ المنظم، حتى أنهم لم يرفعوا أقدامهم فوق الكراسي، عقد حاجبيه و نظر حوله ،بالتأكيد هناك شئ مريب حدث، أو يحدث أو سيحدث

\_ا..امو.. كدري

كانت كلمتا {ليان} التى تركت أحضان شقيقها، لتلتصق بساق {قدري} تحاول تسلقها في مشهد خفق له قلب {قدري} بشدة ،فمع عدم نطقها الصحيح للكلمات، و خصلات شعرها الصغيرة ذات اللون البرتقالي، و تلك العيون البريئة، كان الأمر مهلك بشكل شديد لقلبه، فأنحنى يلتقطها من الأرض، و قبلها من إحدى وجنتيها و هو يقول :

\_ والله شكلك قطة بريئة، ايه ال وقعك مع العصابة المسلحة دي

ثم أخذها معه المطبخ، بينما قال {أركان} بحنق :

\_ هو عمو شرير كدا ليه؟!

هز {شهم} كتفيه و هو يقول :

\_يلا نجيب الحلويات

كان {شهم} من وقع عليه الاختيار للتسلل خارج المنزل، بينما سيراقب {ريان} {قدري} الذى وضعوا له {ليان} لتجذب انتباهه عنهم، أما عن {شهم}، فكان ينتظر في الشرفة {شهم}، ليراقبه من الأعلى، كى يشير له إذا ما خرج {قدري} من المطبخ، و ظل {أركان} يصدر ضجيجاً كى يحمو ربيية {قدري} اتجاههم ،بأختصار ، لقد كان جميع أفراد العصابة في أماكنهم ينتظرون أن تُرفع راية البداية

فتح {شهم} باب المنزل برفق و هدوء، و خرج ليغلقه خلفه بنفس الهدوء، ثم أخذ المصعد و هبط به، و ما أن خرج من البانية، حتى رفع رأسه للأعلى، يحاول رؤية شقيقه بالشرفة، لكنهم لم يضعوا في الحسبان أنه من المستحيل رؤية أحد من فوق ثمان طوابق!

لكن الأمر لن يفشل كُلياً، فقد رأى {شهم} شقيقه بالأسفل، أو رأى قميصه الأصفر بمعنى أدق

دلف {شهم} للمتجر الصغير، و بدأ بأخذ كل ما لذ و طاب ،قبل أن ينتفض عندما سمع صوت صياح مألوف :

\_ هو أنت تاني!

ألتفتت {شهم} لمن يقف أمام آلة النقود، و ما أن تعرفه، حتى تراجع عدة خطوات و هو يقول :

\_يا عمو خضتني، أنا ك...\_

صاح الرجل و هو يتحرك من مكانه نحوه، ليتابع {سهم} تراجعهم :  
\_كنت هتوديني في داهية في المطعم، و دلوقتي جاى عشان تخرب أكل عيشي هنا كمان!

نعم، هو ذاته النادل الذى ركض خلفه اليوم في المطعم، هو يعمل على مكينة الصرف المالي في متجر صغير، جوار بانينة {قديري}،  
و من بين جميع أشقائه، أختير هو ليجلب لهم الحلوى، و ليقابل الرجل نفسه الذى لم يصدق أنه نجى أخيراً منه، ظناً أن مصرعه  
سيكون على يد الرجل

عقد {سهم} حاجبيه بعدم فهم و هو يرى شقيقه يخرج من المتجر بظهره، و هناك أحد يتقدم نحوه، و كاد أن يهبط للأسفل ليرى من  
يزعج شقيقه، قبل أن تجحظ عينيه و هو يرى أحد راكبي الدرجات النارية يختطف شقيقه، و..  
و يرحل بعيداً..

~~~~~

كانت {فتحية} تطعم {بزن} الذى كان يرفض الأمر، لكن ما كانت له قدرة على مجادلة أحدهم

تحدثت و هى تضع الطعام بفمه كأنه أحد أحفادها :
_يعني مش هتقولى ايه ال حصل برضو!؟

مضغ {بزن} الطعام و أبتلعه، و قال بأنهاك :
_يا فوفا أنت بتدوري على أى حاجة تفلتك و خلاص
متشغليش دماغك، المهم أن العيال كويسة

وضعت {فتحية} الصحن جانباً، و أمسكت آخر، و ما كادت أن تدس الملعقة به، حتى هتف {بزن} :
_يا فوفا كفاية حاسس أن أنا هفرق منك والله، ده خامس طبق تأكليهنوني، مش قادر

عقدت {فتحية} حاجبيها و قالت :
_مش مهم أنت حاسس ب ايه، المهم أنا حاسة ب ايه، و أنا حاسة أنك هفتان و ضعفان و لازم تزُم عضمك

_ما هو أترم خلاص، ده أنا واكل فرختين و ست صوابع كفتة، و سمكتين ،ده غير الرقاق و طبق الفتة، و بعدين أنت سربتني الأكل
ده ازاي!؟

_و انت فاكروني هعتمد على أكل المستشفيات التعبان ده!؟
دول لو بيأكلوا كتاكيت كان جبلهم أكثر من كدا

_معلش يا حجة، خليك أنت الكبيرة العاقلة

كانت تلك كلمات تلك الممرضة التى أنت و {قديري} موجود

شهقت {فتحية} و هى تقول :
_خضتيني! مش بنخبط ولا أنتو حاطين الباب ديكور!؟
و بعدين أنت كل شوية هتطبي هنا!؟ ما أطمنتي على المريض من ساعتين و نص و خلصنا

لم تتحدث الممرضة، و أقتربت من {بزن}، لتزيل ضمادات مرفقه و يديه، مبدلة إياهم و هى تسأل :
_حضرتك حاسس بحاجة في رجلك الثانية!؟

كانت تعني ساقه السليمة، فهز {يزن} رأسه نفيًا و هو يقول :
_ لا الحمد لله

هزت الممرضة رأسها، و أنهت عملها، ثم أنصرفت، تاركة {فتحية} ترمق أثرها بضيق و هي تقول :
_ معرفش الممرضة دي كل ما تيجي الأكسجين بيروح من المكان ليه

ضحك {يزن} و هو يقول :
_ حرام عليك دي بتشوف شغلها

رمقته {فتحية} بطرف عينيها في صمت أثار رييته، فقال بحذر :
_ ايه؟!!

_ ايه؟!!

_ ايه البصة دي؟!!

_ مش ناوي؟!!

_ هو بغض النظر أني مش قادر أنوي على أى حاجة دلوقتي، بس قصدك على ايه؟!!

_ يا واد!

_ أنا خايف والله، في ايه؟!!

_ مش تتلحح و تتجوز بقى؟!!
و بعدين واضح أوي أنك أعجبت بيها

نظر لها {يزن} بغباء و سأل :
_ هي مين دي ال أعجبت بيها؟!!

_ يزن بقولك ايه، متلفش و تدور، واضح أوي أن الممرضة عجبتك

نظر لها {يزن} بصدمة و هو يردد :

_ الممرضة عجبتني؟! عمتو أنا من أمتى ببص على ستات؟! و بعدين هو عشان قولتك أنها بتشوف بيقي وقعت في ددبها؟!!

_ يعني مش واخد بالك أنها كل شوية بتخش تتظمن عليك أكمنك مدغدغ و شعرك أكرت و عينيك محولة

_ أنا عيني محولة يا عمتو؟ و بعدين ال بتقوليه ده يطفشها مش يـ..

بتر عبارته عندما عادت الممرضة مرة أخرى و هي تقول :
_ بعنذر عن الأزعاج، بس نسيت تليفو..

تجمدت يدها أثر نظرات {فتحية} التي جعلتها تشعر بالرغبة و الخوف، فسرعان جذبت هاتفها و رحلت دون أن تنبس ببنت شفة،
خوفًا من نظرات تلك المرأة المجنونة

بينما تحدث {يزن} بحنق :
_ حرام عليك والله، رعيتي البننت

_ مش شايف بتتلكك عشان تيجي ازاى؟!_

_ دي نسيت تليفونها يا عمتو!

_ لا ، هي كانت فاصدة تسيبه عشان ترجع ، أنا عارفة حركات البنات دي

أراح {يزن} رأسه للخلف و هو يقول :

_ أطمني يا عمتو ، أنا مش ناوي على جواز أصلاً

_ و ده ليه إن شاء الله!_

_ يا عمتو هو أنا لاقى أكل لما أتجوز، ده أنا الفلوس ال حوشتها كلها من أول شغلي كانت مية ألف، يعملوا ايه دول؟! ميجيبوش شبكة و مهر حتى

ثم قال مماًزحاً :

_ و بعدين أخاف أتجوز لأقي احفادك دول ولعوا في شعرها، ولا رقدوها في المستشفى زى كدا

تنهدت {فتحية} و هي تقول :

_ مش عارفة الولاد عاملين ايه دلوقتي

أشاح {يزن} بمرفقه و هو يقول :

_ تلاقهم ماسكين في شعر قدري ولا ولعولوه في البيت

~~~~~

هرول الأطفال نحو المطبخ و هم يصيحون بهلع، أنتفض على أثره {قدري} الذي هتف :  
\_ في ايه؟!\_

كان الثلاثة يتحدثون في نفس الوقت بصوت مرتفع و سرعة، مما قاد {قدري} للصياح و هو يقول :  
\_ براحة و واحد بس يتكلم!

صمت الجميع، و تحدث {شهم} و هو يشير للخارج :

\_ سهم .. سهم .. سهم أتخطف

أنتفض {قدري} و هو يقول :

\_ بنقول ايه؟؟\_

\_ سهم حد خطفه على موتسيكل

\_ سهم لو ده هزار م..

قاطعته {ريان} و قد بدأ في البكاء :

\_ سهم نزل يجبلنا حلويات، بس في حد وحش خطفه من الشارع

جحظت عيني {قدري} برعب، و جذب {ليان} و أشقائها خارج المنزل، و قد سقط قلبه بين قدميه حرفياً..

~~~~~

أمتعض العم {جابر} من ذلك الأزعاج الصادر من طرق باب منزله، فصاح بسخط :
_ أنت يا بني .. يا مازن روح أفتح الباب شوف مين ال هيكسره كدا

كان {مازن} حفيد العم {جابر}، و يعيش معه في المنزل، بغض النظر عن معاناته في التكيف مع مرض (الزهايمر)
المصاب به جده، لكن في نهاية الأمر يبقى حفيده و عليه الأعتناء به

نظر {مازن} لساعة الحائط بتعجب، فيها هي تشير للواحدة بعد منتصف الليل، من قد يطرق الباب بهذه القوة سوى الشرطة؟!!

صاح {مازن} بهلع من تلك الفكرة :
_ جدو أوعى تكون عملتها بجد و بلغت عني في القسم أني حرامي!

صاح العم {جابر} بحنق :
_ يعني يوم ما أبلغ، هبلغ الساعة واحدة بليل؟!
و بعدين أنت بتشتغل حرامي بعد الضهر يا مازن من ورايا؟!!

حمد {مازن} ربه في تلك اللحظة على تذكر جده له، فتوجه نحو الباب، و هتف من خلفه :
_ مين؟!!

سمع صوت {قديري} المرتعب يجيب :
_ أفتح يا مازن أنا قديري

عقد {مازن} حاجبيه ،و فتح الباب و هو يقول :
_ في ايه يا قديري؟! الساعة واحدة و .. عيال مدام شذى بيعملوا ايه معاك؟!!

دفع {قديري} {البيان} لصدر {مازن} على عجل و أدخل الأطفال و هو يقول :
_ في واحد فيهم أنخطف و مينفعش أسبهم في البيت لوحدهم، خليه معاك على ما أشوف هعمل ايه

جحظت عيني {مازن} و هو يهتف بقلق :
_ لا قديري متهزرش ،أنت مش هتسيب العي..

لكن {قديري} كان قد تحرك من أمامه بالفعل، تاركًا كوارث رفيقه مع أحد جيرانه، بينما خرج العم {جابر} من غرفته و هو يمسك
المكنسة قائلًا بحنق بعدما سمع صوت {قديري} :
_ أنا سمعت صوت الواد قديري هـ...

بتر عبارته فجأة عندما أبصر تلك الكوارث التي كانت تبكي و تتحب على ضياع إحدى كوارثهم، بينما أغلق {مازن} الباب و هو
يتنهد قائلاً :
_ قديري ساب الـ...

توقف عن الحديث و هو يسمع لتلك القنبلة التي ألقتها جده بعدما شهق :
_ قديري سابك عيالك ال كنت سايبهم عند مراتك ال أنجوزتها من ورايا يا مازن!
خلاص، معدش ليك كبير و نفخت ريشك!

_ اسمها نفشت ريشك

_مدخلنيش في مواضيع جانبية!

_أنا آسف

_كنت بقول ايه؟! آه.. و العيال دي من الست رقم كام؟!!

نظر له {مازن} و الأطفال بعدم فهم، و تحدث {مازن} :
_يعني ايه من الست رقم كام؟!!

_يعني من الزوجة رقم كام يا بيه؟!!

نظر له {مازن} بذهول، قبل أن يدفع الأطفال لغرفته و هو يقول :
_يا جدو مش قدام العيال

رفع {أركان} رأسه لـ {مازن} و هو يقول :
_ما أحنأ عارفين أن عم جابر عجوز و بيخرف يا عمو مازن

تحدث العم {جابر} و هو يشهق بغضب و استنكار :
_هو مين ده ال بيخرف يا شبر و أقطع!

ألتفت {ريان} لذلك العجوز، مدافعًا عن توأمه :
_أركان مش شبر و أقطع، أركان شبر و نص يا عم جابر

ألتوى ثغر العجوز، و كاد أن يجادل الأطفال، لكن {مازن} قطع هذا النقاش و هو يغلق باب غرفته، دون الانتباه لأن {ليان} ما تزال
تحقق في وجه العم {جابر} بفضول، لم تره من قبل

تابع العم {جابر} وصلة اتهامه لحفيده مشيرًا نحو الصغيرة التي مالته برأسها قليلاً تحاول فهم كلماته :
_و أم دي غير أم المتشردين التانيين، ما هو باين على البننت، وارثة كل صفات أمها الأجنبية

رددت {ليان} عبارته الأحيرة بتلثم :
_بببب.. نبي.. نبي

نظر لها {مازن} ، و كذلك فعلت هي، مشيرة لجدده، فhez رأسه و هو يربت على على صدره :
_حقك عليا .. راجل قد جدتك و أكبر، هنعمل ايه

_مين ده ال قد جدتها!!

_جدو حبيبي أنت صحيت ليه؟! خش نام يا حبيبي و متضيقتك نفسك

_و هو أنا لسة هضابق؟!!

قالها و هو يتجه نحو غرفته، صافعًا بابها خلفه نزق

ظلت {ليان} تنتظر لباب غرفة العم {جابر} في تعجب، إلا أن {مازن} تنهد و هو يقول :
_يلا نشوف أخواتك هببوا ايه المرة دي؟!!

دلف لغرفته، قبل أن يتصنم و هو يرى ما يفعل {أركان} المجنون

كان يحاول القفز عبر النافذة و هو يقول بعناد :
_ هروح لماما و بابا الحقيقين، هما هينقذوا سهم من الأشرار!

هتف {شهم} و هو يجذبه مع شقيقه الآخر في محاولة لردعه :
_ يا أركان مش بتعرف تطير، ماما و بابا و تيتا فتحية المفترية قالوا أن روحك ال هطير

هرول {مازن} صوبه و جذبه من ملابسه في هلع، ليسقط {أركان} على ظهره فوق الفراش، و يردد بحنق :
_ بابا هيعرف يتصرف، سبوني أروحله!

هتف {مازن} في خوف :
_ يا حبيبي أتهد بقي، أنا ملحقش، ده أنتو لسة داخلين!

~~~~~

كان {قدري} يستمع لنادل الذى كان يتحدث و هو يرتجف، غير مصدق أنه السبب في أختطاف طفل بريئ

زفر {قدري} بتوتر ، قبل أن يقول :  
\_ لازم أروح القسم دلوقتى، يا رب ما يكون حصله حاجة

تحدث الرجل المائل أمامه بنبرة مهزوزة :  
\_ .. بس مينفعش تبلغ عن أختفاء حد قبل ما يعدي اربعة و عشرين ساعة

رمقه {قدري} بحدة و هو يقول :  
\_ دي في حالة الأختفاء مش الخطف

ثم نظر للمتجر و هو يسأل :  
\_ الكاميرات دي شغالة؟!

هز الرجل رأسه، فدفعه {قدري} للدخل و هو يقول :  
\_ عايز تسجيلات الكاميرات كلها

و بالفعل، حصل {قدري} على مبتغاه، و أخذ الرجل معه نحو مركز الشرطة للأبلاغ عن حالة خطف {سهم}

~~~~~

كانت {قدر} تسير مع {قاسم} الذى قال بنذمر :
_ يا قدر الوقت أتأخر أوي و أنتِ عندك شغل الصبح بدري، بلا نروح عشان تنامي كويس و..

قاطعته و هى تجذبه ليتابع سيره معها، و أبنتمت و هى تقول :
_ قاسم مش لازم تثبت قدامي أنك كويس و الدنيا قل، أنا أختك

تنهد {قاسم} و أمسك يد شقيقته و هو ينظر بعيداً في صمت، يدرك أن شقيقته تعلم أنه يشعر بالخوف و الأرتباك هذا العام، نظراً لثقل
مواده الدراسية، و قلة المال الذى يجنيه هو و شقيقته، بالإضافة لعمله الذى يترأسه مدير ساخط غاضب، كل ما يهمه هو راحة
زبائنه، لكن العمال لا قيمة لهم في نظره

كان يشعر بالضغط من جميع الاتجاهات، و لم يفصح لشقيقته عن خوفه و تعبه هذا، فهذا العام عليه الدراسة ضعف ما كان يدرس فيما سبق، لا يريد أحدى كليات القمة، هو يريد أن يدرس بكلية (الحاسبات و الذكاء الاصطناعي) بجامعة القاهرة، لكنه يخشى أن يخذله حاصل مجموعه من الدرجات

شعر بـ {قدر} تتأبط مرفقه، لينظر لها، و قد نمت بسمه صغيرة على ثغره، فيها هي شقيقته الكبيرة ،التي لطالما كافحت من أجله، و لطالما عانقته و مسحت دموعه، صارت أقصر منه، و أضئل منه، و رغم ذلك ،مازالت تقوم بدورها، تربت على قلبه لا على ظهره

أبتسمت {قدر} دون النظر إليه و هي تقول :

_ أعتقد أن من حقي أطبب عليك وقت ما تحتجني، و أخرجك من مود الأكتئاب ال أنت رافض تدخلني فيه لما ألقىك بتقع مني، مش معنى أنك أخشيت و طلعتك دقن و بقيت طولي تلت مرات أنك تنسى أني أختك الكبيرة يا أهيل

ضحك بخفة على حديثها، و ضم كتفيها له و هو يقول :

_ هتفضلي عارفاني أكثر من نفسي كذا كثير!؟

توقف كلاهما أمام النيل، ليقول {قاسم} و هو بيتعد :

_ ثانية و راجعك

نظرت له {قدر} بتعجب أختلط به الحب، فيها هو صغيرها كبر، و صار رجلاً يُعتمد عليه، و كثيرًا ما تبدلت الأدوار، ليطيبب هو جراحها بدلاً من العكس، كثيرًا ما كانت تعود للمنزل و هي تمسح دموعها من ضغط عملها، و عدة مرات تسقط مغشى عليها بسبب نسيانها لدواء السكري الخاص بها، لتعود للمنزل بوجه شاحب، ظنه شقيقها أثر حديث مديرها اللادع، لم تتألم كلما تذكرت أنها لم تكمل تعليمها الجامعي بكلية التمريض في عامها الثالث بسبب الأزمة المادية التي حلت بهما، لتسحب أوراقها من الجامعة، رافضة أن يتخلى شقيقها عن أكمل تعليمه، و ها هو على أعتاب مرحلته الجامعية

أتسعت بسمتها عندما رآته عائداً بمثلجات، ليتوقف جوارها ،مادداً يده إليها ،أخذت حصتها و هي تقول :

_ مش قولنا هنمسك إيدينا شوية عشان الدروس!؟

هز {قاسم} كتفيه و هو يقول :

_ أنا هوقف حوار الدروس ده ، باستثناء درس الكيمياء و الفيزياء

عقدت {قدر} حاجبيها و هي تردد :

_ توقف دروس!؟

نظرت له بقلق و هي تكمل :

_ ه.. هي الفلوس ال أدتهالك مش كفاية!؟

نظر لها {قاسم} سريعاً و هو يهز رأسه نفيًا قائلاً :

_ لا يا حبيبتي كفاية و نص ، الفكرة بس أني هكمل من اليوتيوب لأن قاعة الدرس بيبقى فيها بتاع 600 طالب، و مبعرفش أركز مع المدرس كويس، فهي مضیعة فلوس و خلاص

_ طب و الأسئلة ال هتقف معاك!؟

_ أنا مصاحب كذا أسيسنتت و عارفهم معرفة شخصية، مش هيترددوا أنهم يساعدوني، و صحابي موجودين برضو

_ أجبلك مدرس في البيت طيب مدام ال في السنتر مش حلو

أبتسم {قاسم} لقلق شقيقته عليه، و قال و هو يربت على حاجبها مماًزحاً :

_ ايه يا ديدي، خايفة أزوغ من المذاكرة فيتحاصريني

__مبهرش على فكرة

__و أنا بقولك مش محتاج مدرسين، أنا أدري بنفسى و قدرتي و هذاكر لوحدي ،و اليوتيوب مسبش حاجة يعني

حسناً ،ربما كان إحدى الأسباب و ليس السبب الحقيقي، هو بالفعل يود توفير بعض المال لشقيقته، فها هي صارت عروس، ولا بد أن هناك من سيطرق بابهم يوماً، رغبةً في أنتزاعها منه، و كم يشعره هذا بالضيق، فهي عالمه و كل شئ له، لكنه لا يريد أن يكون أنانيًا، لا يريد أن تكس حياتها له فقط، يكفي ما عانت به بسببه

__مش عايزاك تخاف من حاجة يا قاسم، هتجيب المجموع ال أنت عايزه ،و هتخش الكلية ال نفسك فيها

كانت كلمات {قدر} التى قالتها عندما شعرت بشروده، هز رأسه و هو يقول :

__أنا مش خايف

ثم تابع و هو ينظر للمياه أسفله :

__أنا مرعوب

و كم مزق بحديثه قلب {قدر} التى أقتربت منه قائلة بتوبيخ :

__أنا ابني مبيخفش، أنا ابني بيفوت في الحديد

__خايف، مش من تالته ثانوي ولا الكلام ده

رفع نظره لشقيقته و هو يهمس بصوت كان بالنسبة لـ {قدر} كصوت كفل صغير يستنجد :

__خايف ثقته ال حاطها فيا مكنش قدها، خايف أخذك بعد ما تعبتى عشان خاطري و مكملتنيش تعليم، و نزلتي أشتغلتي لوحديك و

رفضتي أني أشتغل أنا كمان

خايف كل ده ميكنش منه فايده و أجيب مجموع ..

قاطعته {قدر} بحدّة طفيفة :

__هتجيب المجموع ال نفسك فيه ، و هتنجح ،و هتخليني فخورة ببيك و أمشي في الشارع راسي مرفوعة وسط الناس

هدأت حدّة نبرتها، لتتبدل كلياً للين و هى تتابع :

__قاسم حبيبي، أنت مش بتأخذ فلوس الدروس تصيب بيها ولا تقعد على القهاوي زى ما أغلب الناس بتعمل، أنت بتقعد على الكتاب

بالخمس ساعات من غير ما تقوم و كثير بتنام عليه، و أقولك على حاجة؟!!

حتى لو مجبتش المجموع ال نفسك فيه و مدخلتش حاسبات و ذكاء أصطناعي ،هفضل فخورة ببيك و مش هحس أنك خذلتني ،عارف

ليه؟!!

هز رأسه نفياً و هو ينظر لها ببسمة واسعة ظهرت إثر كلماتها، لتكمل هى :

__عشان أنت عملت ال عليك، و تعبت و سهرت، و ربنا أستحالة يشوف حد بيبدل مجهود و ميدهوش ال هو عايزه ،و لو حصل فده

من رحمته، لأنه سبحانه عارف ال ينفعنا و إيه ال مينفعناش، إيه الأصلح لينا و الأحسن

، الخلاصة، طول ما أنت بتعمل ال عليك فأنا مش هاممني مجموعك ولا كليتك، أنا كل يهمني نفسيتك و أنك تفضل كويس

لم يتمالك {قاسم} نفسه و جذب شقيقته نحوه، ليعانقها و هو يقول :

__أنا .. أنا بحبك أوي يا قدر .. أنا بحبك أكثر من روجي

كان المارة ينظرون لهما بشدة، و بعضهم متعجب مستنكر لفعالتهما ظناً منهم أنهما حبيبان أو ما شابه، و البعض الآخر ينظرون

لأزواجهم بضيق رغبةً في بعض من تلك المشاعر الجياشة

ضحكت {قدر} و هى تربت على ظهره قائلة :

_ طب أبعد بقى لحسن هتقطع أكل عيشي ، و أنا لسة صغيرة ياخويا عابزة أفرح بشبابي مع جوزي ال معروفش

تعالت ضحكات {قاسم} بشدة، بينما أبتعد عنها هو يقول :

_ ده بعينك أنك تتجوزي ولا تروحي يمين ولا شمال

هتعنسي جنبي يا قطة

ذمت {قدر} شفيتها و قالت :

_ طب روحني بقى ،أنا غلطانة أني نزلتلك من قوقعتك دي

_ قدر أنا ال دافع تمن الأيس كريم

_ بس أنا ال..

قاطعهما صوت صياح طفل مر سريعاً فوق دراجة نارية، يستجد بأى أحد حوله قد ينقذه من ذلك المختطف الذى كان يحاول تكميمه

ترك {قاسم} {قدر} فجأة و تحرك خلف الدراجة النارية، مستغلاً زحام السيارات بالطريق، لكن نظراً لصغر حجم الدراجة النارية، كانت تتحرك بين السيارات بخفة و مرونة شديدتان، و أستطاعت الخروج من بين الزحام، إلا أن راكبها تفاجئ بسيارة أتية نحوه في اتجاه معاكس، ليصطدم راكب الدراجة بالسيارة في عنف ..

و معه {سهم} ..

~~~~~

كانت النساء تصرخ بهلع و يتحركن بعشوائية بعدما سمعوا صوت طلق العيار الناري!

كان {شادي} يهتف باسم زوجته في جزع و فزع شديدان، يبحث عنها هنا و هناك، و قلبه يخفق في عنف

حتى وجدها أرضاً بعدما سقطت إثر التدافع المباغت

ركض نحوها، و أنحنى جاذباً إياها صوب صدره، و كاد أن يتحرك مبتعداً بها عن المكان، لكنه تجمد، و شدد ضمه لها عندما

أنطلقت رصاصة أمامه تماماً، كادت أن تصيبه لولا تراجع المباغت، نظر لصاحبها الذى أقرب منه هو تحديداً قائلاً :

\_ حركة كمان و قول على نفسك يا رحمن يا رحيم

أنتفض جسد {شادي} الذى خبئ {شذى} خلفه غضباً، لكن ظل صامت كى لا يثير غضب الرجل، ففي نهاية الأمر الرجل مسلح، بينما هو فلا

كانت النساء تصيحن برعب و هن يضعن أيديهن فوق رؤسهن، و بعضهن كن يحتمين ببعض الرجال

جلس الجميع أرضاً تحت تهديد الأسلحة، و برز رجل قوى البنيان، متشح بالسواد و هو يقول بصوت غليظ :

\_ أنتو رهاين لحد ما الحكومة تدينا ال أحنا عابزينه، و ال هيحاول يتذاكى و يهرب، يبقى ميلومش إلا نفسه

نظر لـ {شادي} الذى كان يرمقه بغیظ، و أبتسم بسمة صفراء و هو يكمل :

\_ بس هو مش هيموت لوحده ، كل واحد هيفكر يهرب هيتقتل و في واحد تاني هيتاخذ في الرجلين، فنلم نفسنا

ثم عاد يقول تهديده هذا بالإنجليزية الركيكة

أبتلعت {شذى} غصتها و هى تحاول التفكير في حل، بينما كان {شادي} يراقب الحافلة التى هبط منها المسلحون

~~~~~

كانت الدراجة النارية أصطدمت بقوة بالسيارة، فطار صاحبها من فوقها، ليسقط أرضاً في في عنف شديد، بينما طار {سهم} و هو يصرخ، قبل أن يتلقفه {قاسم} الذى كان يلهث بتعب ، فنظر له {سهم} قليلاً، لتتبدل ملامح الهلع التى كانت على وجهه، لأخرى ضاحكة و هو يصفق بكلتا يديه :
_تاني تاني

نظر له {قاسم} بذهول و عدم تصديق، ثم نظر للمخطف الذى سُحق تحت ضرب و ركلات الرجال، تنهد {قاسم} و هو يتمتم :
_ربنا لطف

ثم نظر للصغير و هو يقول :
_تعالى أنت بقى لما تشوف أتخطفت منين

أجابه الصغير ببلاهة :
_من عند عمو قدرى

_و عمو قدرى عايش فين؟!

_عايش جنب خالو

_طب خالو عايش فين؟!

_عايش قدام بيتنا

ضرب {قاسم} وجهه بيده في قلة حيلة، و نظر للصغير الذى بدى غير مدرك لما عاشه من لحظات

~~~~~

كان {قدرى} يتشاجر مع أحد العساكر الذى منعه من دخول مكتب الشرطى

حتى سمع صوت جلبه جواره، ليتفاجئ بعدد غير طبيعى من الرجال يسحبون أحدهم من ملابسه في قسوة، و قد أتضح أن وجهه مشوه، حسناً لكن منصفين، الرجل مشوه من رأسه لأخصص قدميه

لكن كل ما جذب انتباهه كان {قاسم} الذى كان يحمل {سهم}

هرول نحوه و هو يهتف :

\_سهم!

نظر له {قاسم} بتعجب، بينما توسعت عينى {قدرى} التى خشيت على شقيقها من ذهابه لمركز الشرطة وحده تتذكر {قدرى} جيداً ، ففي نهاية هو من أنقذها ذلك اليوم

تحدث {قاسم} و هو يضم {سهم} له أكثر :

\_مين حضرتك؟!

أجابه {قدرى} و هو لا يصدق ما يرى :

\_أ. أنا أبقى صاحب خال سهم .. الولد و ... أنت كنت مع بزن مرة عندي في الصيدلية تقريباً، مش كدا ؟!

حاول {قاسم} تذكره ، إلا أنه لم ينجح في ذلك، لكنه سأل :

\_أنت تعرف بزن القرشي؟!

\_ابوا ، ما هو خال ال في ايدك ده

توسعت عيني {قاسم} بدهشة و هو ينظر لـ {سهم} الذى أبتسم ببراءة كأنه لم يفعل كارثة منذ دقائق :  
\_أزيك يا عمو قدري

أخذه {قدري} و هو يقول بعدم تصديق :  
\_أزيك يا عمو قدري؟! أنت.. أنت.. أنت.. أنت عايز تجيب أجلي زى ما جبت أجل خالك!

أنتفض {قاسم} و هو يهتف :  
\_يزن؟! ماله؟!

قطعهما صوت الشرطي و هو يصيح بالرجال أن يهدئو من روعهم و واحد فقط من يدخل ليفهم ما يحدث  
و بالفعل، قدم {قدري} بلاغاً ضد المخطئ، و مع شهادة الشهود حوله، تم حبسه و أنهى الأمر أسرع مما قد يتخيله أحدهم

خرج {قدري} و هو يوبخ {سهم} بشدة، قبل أن يسأله {قاسم} بقلق :  
\_ه.. هو يزن كويس؟!

توقف {قدري} عن الحديث، و نظر له قائلاً :  
\_أبقى كلمه

لم تظمنه كلمات {قدري}، لكنه لاذ بالصمت، بينما هتف {قدري} بغتة منتبهاً لتلك الفتاة :  
\_هو أنت؟!

ألقت له {قدر} بخجل و هى تضم شفيتها، فرفع {قاسم} حاجبيه و سأل:  
\_أنت تعرف قدر؟!

أشاح {قدري} ببصره عنها و هو يجيبه :  
\_تقريباً ..

تحرك الثلاثة بين الطرقات ، حتى توقف {قدري}، و شكر {قاسم} و {قدر}، ثم أنصرف ، و ما أن رحل، حتى ألقت {قاسم} لشقيقته  
بحدة جعلتها تتراجع بريية، و سأل بضيق :  
\_مين ده؟!

جذبتة و هى تتحرك مجيبة :  
\_ده صيدلي كنت عنده من فترة ..

سردت عليه ما حدث ذلك اليوم، ليندفع {قاسم} ضاحكاً و هو يقول :  
\_يا الله يا قدر، مندفعة كدا على طول!

تحدثت {قدر} بغیظ :  
\_أضحك أضحك، علموك كدا بلادكو

ضمها إليه و هو يغمز :  
\_طب ايه؟؟

رفعت حاجبها و هى تقول :  
\_طب آه

عاد ليضحك و هو يقول :  
\_مش ناوية؟!\_

توسعت عينيها بعدم تصديق و هي تقول :  
\_ده أنا مشفتوش غير مرتين!  
ايه جو الأفلام ده!

هز كتفيه و هو يقول مرتباً عليها :  
\_طب أهدي بس، أنا بنكشك

تنهدت و هي تنظر أمامها بشرود :  
\_أنهارة كان يوم غريب أوي

~~~~~

كان {بزن} قد خرج من المشفى بعدما مر عليه الطبيب، ليتفاجئ أن أوراقه تبذلت مع أوراق مريض آخر، فعاد ليفحصه، و لم تكن حروقه خطيرة في الواقع، باستثناء حرق يده، عدا ذلك فالأمر كان بسيطاً

زفرت {فتحية} و هي تقول بقلق :
_يا يزن ما كنا نروح الصبح، ده أنت لسة داخل المستشفى أنهارة و عايز ترتاح

هز {بزن} رأسه نفياً و هو يسير لسيارة أجرى :
_أنا كويس يا عمته، حرق أيدي بس ال واجعني مش أكثر
و مش قادر أسيب العيال عند قدرتي بصراحة، ممكن يعملوا مصيبة يجيبوا أجله بيها، و هو مبيتعملش مع أطفال

جلس جوار السائق، و جلست عمته خلفه بمضض

مر الوقت، حتى ترجل الاثنان من السيارة، ليُصادف {بزن} {قدرتي} الذى تصنم عندما رأى رفيقه، و هو من كان يريد ألا يعلم {بزن} بأى شئ؟!
حسناً ، للقدر رأى آخر كعادته

أبتلع لعابه ، و تحرك نحو {بزن} الذى سأل بقلق :
قدرتي أنت ايه ال منزلك دلوقتي من بيتك؟!

حاول {قدرتي} التحدث بنبرة ثابتة و هو يسأل :
أنت ال ايه خرجك من المستشفى دلوقتي؟!

تحدثت {فتحية} بضيق و هي تقول :
_قوله يا بني لحسن غلبت معاه

نظر {بزن} لـ {سهم} النائم ، ثم عاد ينظر لـ {قدرتي} سائلاً إياه :
هيب ايه؟!

ه.. هو مين؟!

_ال في أيدك يا قدرتي، أنا مش عبيط ، مفيش حاجة هتنتزلك من البيت دلوقتي بواحد من المصابيح دول غير لو عمل كارثة

زفر {قديري} و سعد مع رفيقه بانيتة و هو يخبره بما حدث، لتتحدث {فتحية} بخوف :
_ الواد كويس؟! _

هز {قديري} رأسه ،و قال :
_ متخافيش يا طنط فتحية المف.. متخافيش يا طنط محصلوش حاجة ،هروح أنا بقي و أجبلكوا الولاد بكرا

_ أنهاردة

هكذا قال {بزن}، ليحاول {قديري} رده ،إلا أنه قال :
_ لو فضلوا معاك أكثر من كدا هيصلك حاجة، أو هيعملوا مصيبة ،هاتهم عشان أبقى مطمئن عليك يا بني

و رضخ {قديري} في النهاية لقرار رفيقه

ذهب لمنزل العم {جابر}، و طرق الباب، و مرت الثواني، حتى فتح له {مازن}، فترجع {قديري} بحدة و هو يحق في وجه {مازن}،
قال بعدم تصديق :
_ م.. مازن؟! _

كان وجه {مازن} ملطخ بالدقيق، و الزيت والبيض ، و ثيابه مبللة، و عدد لا بأس به من المشايك عالق بها، بالإضافة لمنظاره الذي
كُسر ، و آثار عضات على مرفقيه، خصلات شعره التي بدى و كأن هناك من جذب بعضها منتزعا إياها من رأسه، لقد كان مدمرا
..

ما أن رأى {مازن} {قديري} ،حتى أندفع للداخل، و جذب الأطفال من ثيابهم، و ألقى بهم في وجه {قديري} و صفع الباب في غيظ و
هو يحذره من الأقتراب من منزله هو و كوارثه تلك

نظر {قديري} لمظهر الأطفال المزري ،قبل أن يقول :
_ بزن جه.. أطلع..

و لم يسمعوا ما تبقى من حديثه، بل هرولوا جميعا للأعلى و هم يتهافون باسمه ، بينما نظر {قديري} لهم ببسمة خفيفة، فرغم كل ما
يقومون به من كوارث، إلا أنهم يكونون لخالهم كل الحب، فسبحان من جعلهم يشعرون بمشاعر من أمامهم، و يبادلونه نفس المشاعر،
و ما كان احد أحن عليهم من خالهم بعد والديهم

~~~~~

كان ذلك الرجل الذي قال تهديده يعن النظر في وجوه الجميع بشكل أثار ريبتهم، و عندما أقترب من {شذى}، جذب {شادي} وجهها  
لصدره و ضمها حتى لم يكذب يبرز منها شيء، كأنه أبتلعها كلياً!

أبتسم بسمة سمة و هو ينظر للرجل الذي رفع حاجبه و هو يقول :  
\_ و ده مين ايه بقي؟! \_

لم يجبه {شادي}، و إنما أتسعت بسمته أكثر، و ما كاد الرجل أن يرفع سلاحه نحوه، حتى سمع نداء أحدهم، ليلتفت له، كان أحد  
رجالها، وقف جواره و همس ببضع كلمات في أذنه، أتسعت على أثرهم عيني الرجل، و صاح بغضب :  
\_ يعني ايه الكلام ده؟! أنا مش نبهت أنه يتأكد من ال بيقوله!

لم يجب رجله و لم ينبس ببنت شفة، فزفر هو، و نظر لـ {شادي} الذي كان يُخبئ زوجته من نظرات ذلك الرجل - إن أعتبرناه رجلاً  
- و قال :

\_ مطلعتش المقصود ، بس متفرحش أوي

ثم أشار لرجاله إشارة متفق عليها، و تحرك هو مبتعداً نحو الحافلة، فترك {شادي} {شذى} و قال :

شذى حبيبتى، هنقوم دلوقتي انا و أنت نجري ناحية الأتوبيس ده و ناخده و نتحرك به ، و أكيد هنلاقي قبيلة هنا، أو ممكن نلاقي الفندق، المهم لازم نخرج من هنا قب..

بتر عبارته عندما دفعته {شذى} بغتة، ليسقط هو على ظهره، و تتلاقى هي ضربة قوية على رأسها كانت من المفترض أن تكون من نصيب {شادي}

جحظت عينيّ {شادي} ، و أنتفض برعب عندما سقطت هي فوقه، و .. و بدأت دماؤها بالجريان على ثيابه!

نظر لها ثواني لا يصدق ما حدث، قبل أن يعتدل و هو يسندها بمرفقه قائلاً في خوف :  
\_ شذى.. شذى.. شذى.. مالك يا حبيبتى قومي.. شذى أحنا أتفقنا أنك هتفضلني معايا.. مش مهم عشاني ولا عشان الولاد.. أنت.. أنت وعدتيني متروحيش و تسبيني.. شذى أنا قولتلك أنك. لو بعدتي عني روعي هنتسحب مني.. مش أنت سمعتيني؟!

لكن دماؤها التي أنسالت على يديه جعلته يفقد عقله كلياً  
و نظر لصاحب الضربة، و نهض في سرعة، ليسدد له لكمة في وجهه و هو يصيح بهياجان :  
\_ أنت أتجننت! أنت عارف مين دي!

أرتد الرجل للخلف، لكنه لم يسقط، ليهجم {شادي} عليه في عنف و هو يصيح بغضب هادر، مسدداً إليه لكلمات لا يعلم أين موضعها :  
\_ دي مراتي! و أنا مبرحمش ال يجي ناحية مراتي!

بدأت دموعه تهطل و هو يصيح بجنون :  
\_ ملحقتش أصلحها! ملحقتش أصلح ال كسرتة!  
ملحقتش أخليها تسامحني!

تجمع الرجال حوله، بعدما أمر زعيمهم بقتل الجميع، فقد أكتشف أن تلك المجموعة السياحية لم تكن المنشودة كانت هناك مجموعة سياحية، بها سيده أعمال، تمتلك الكثير و الكثير من الأموال و النفوذ، كانت هي المنشودة لكن يبدو أن رجاله أخطئوا في تحديدها

و أنقضوا عليه، مبرحينه ضرباً، قبل أن يقول أحد المسافرين المصريين :  
\_ مدام كدا كدا ميت، يبقى مموتش سُكاتي

و نهض تاركاً المجموعة خلفه ليزيح الرجال من فوق {شادي}، و بدأ الجميع بالشعور بالخزي من أنفسهم و هم جالسون مكتوفي الأيدي، فنهض واحداً تلو الآخر

كان عيب المختطف أنه صرح بقتلهم علناً، مما أعطاهم دافع للهجوم، دام الأمر محسوم، فلنمت و نحن ندافع

و أشتبك الجميع، حتى سمعوا فجأة صوت سيارات الشرطة التي لا يعرف أحد من أين أتت، أو كيف علمت بما حدث

و في ثواني، كان المختطفين يركضون صوب حافلتهم، لكن طلقات النار التي ثبتت في أجزاء مختلفة من أجسادهم أعجزتهم عن الحراك، ليترجل رجال الشرطة عن سياراتهم، آخذين هذا الكم من المجرمين، ليلقوا جزائهم العادل

كان {شادي} قد لُكم و رُكل بشكل مزرى، لكنه رفع رأسه بصعوبة من الأرض، و نظر حوله و هو يتمتم :  
\_ شذى.. شذى.. شذى

كان يبحث عنها بعينه في تهالك، قبل أن يلمحها على مقربة منه، فزحف نحوها بضعف، و ما أن صار جاراها، حتى جذبها نحوه و هو يتمتم قبل أن تتلاشى الدنيا من أمام عينيه :



\_آ.. آسف شذى

~~~~~

فتح عينيه بتعب، و شعر بجسده محطم، حاول معرفة أين هو، قبل أن يسمع صوت أنثوي يقول :
_يا دكتور الحالة فاقت ... الحالة فاقت

نظر {شادي} للطبيب الذى دلف بلهفة لغرفته ،و هو يقول :
_أستاذ شادي، حمد لله على سلامتكَ

تحدث {شادي} بثقل :
_أنا.. أنا فين؟!!

_أنت في المستشفى و..

و أندفعت الأحداث بغتة بعقله بشكل جعله يغمض عينيه بالم، و هو يضع يده فوق رأسه، قبل أن ينتفض و هو يهتف :
_شذى.. شذى فين؟! مراتي فين?!!

كان يتحرك بانفعال فوق الفراش، و قد بدأ بنزع تلك الأسلاك من فوق جسده، ليقف على ساقيه، و ما كاد أن يركض بحثًا عن زوجته
في هلع، حتى سقط أرضًا في عنف، فهرول الطبيب نحوه و هو يقول ساندًا إياه :
_أستاذ شادي كدا مينفعش!
انت بقالك يومان نايم و م..

قاطعهُ {شادي} فجأة :
_يومان؟!!

هز الطبيب رأسه و هو يقول :
_ايوا و د..

قاطعهُ {شادي} مرة أخرى بانفعال :
_مراتي فين؟! شذى أنس القرشي!

_مش هينفع أوديك ليها دلوقتي و..

دفعهُ {شادي} و هو يقول :
_خلاص هروح أنا

خرج {شادي} و هو يتسند على الحائط، فأسرع الطبيب خلفه، و أسنده و هو يقول :
_طيب طيب طيب، براحة بس عشان جسمك ،اسمها ايه مراتك?!!

أجابه {شادي} بأنفاس مضطربة :
_ش.. شذى أنس القرشي

هز الطبيب رأسه و تحرك نحو إحدى الغرف، و دفع الباب، ليقع بصر {شادي} على زوجته التي كانت تنظر حولها بعدم فهم و
تشوش

دفع الطبيب جانبًا و أندفع نحوها و هو يهتف :
_شذى أنتِ كويسة م..

كاد أن يعانقها ليهدأ و يستقر مكانه، إلا أن نظراتها تلك بدت .. بدت مريبة .. شعر أن هناك خطب ما بها
فجلس جوارها و أمسك كفها بخفة و هو يسألها :
_ شذى حبيبتي ح..

بُهِت وجهه عندما جذبت كفها من بين كفيه ، و نظرت له بصدمة و هي تردد :
_ حبيبتي؟!!

كاد {شادي} أن يتحدث ،لولا تدخل الطبيب الذي سألها بحذر :
_ أستاذة شذى.. حضرتك تعرفي مين ده؟؟

ألتفت له {شادي} بحدة و قال بهجوم :
_ أنا جو...

_ ده ابن عمتي

قاطعته {شذى} بتلك الكلمات، لتتسبب في شحوب وجهه، و أنتفاضة جسده، ألتفت لها بحذر و هو يهمس :
_ بس؟!!

كانت تنظر له بتهية و عدم فهم متحدثة :
_ ايوا.. شادي أنت فيك حاجة؟؟

حطمته ،حطمته كما حطمها هو سابقًا، هتف و قد بدأت دموعه تهطل مرة أخرى :
_ شذى متعاقبتيش بالطريقة دي و بطلي هزار بقي
أحنا مش أتفاقنا أنك هتحاولي معايا تاني؟!
شذى بلاش تعمل..

قاطعته الطبيب في صرامة بعدما تأكدت ظنونه :
_ أستاذ شادي!

نظر له {شادي} و هو يهز رأسه بهستيريا، ليشير له الطبيب للخارج، و بالفعل خرج {شادي} كمن فقد روحه، بينما سأل الطبيب
{شذى} في هدوء :
_ أستاذة شذى، ايه آخر حاجة فاكراها بظبط؟!!

تأوهت {شذى} و هي تضع يدها فوق رأسها، ثم أجابت بعد صمت :
_ أنا .. أنا كنت بذاكر عشان أمتحاني بكرة .. و .. و شادي كان بيذاكرلي عشان آخر سنة بكالوريوس

_ حضرتك كلبة ايه؟!!

_ طب بشري

_ يعني حضرتك آخر سنة ليك السنة دي

_ ايوا، هو حضرتك بتسأل ليه؟!!

_ مفيش، أرتاحي دلوقتي

تركها الطبيب، و خرج لـ {شادي} ،و بدأ يقول :

_ المدام عندها فقدان ذاكرة، بس واضح انه مش كُلي
هي آخر حاجة فاكرها أن حضرتك كنت بتذاكر لها عشان أمتحانها بكرة في آخر سنة ليها طب

تنهد و هو يربت على كتفه :
_ لو سمحت متضغطش عليها في موضوع ذاكرتها عشان متحصلش نكسة، خلي بالك منها الفترة الجاية

تحدث {شادي} بشرود :
_ هترجعلها أمتي؟!!

_ ممكن تقعد. شهر أو أكثر، بس مش هطول عن سنة متخافش

هز {شادي} رأسه، و ترك الطبيب، ليدلف للداخل، حيث {شدي} التي قالت :
_ شادي هو في ايه؟! أنا ايه ال دخلني المستشفى؟!
و.. و فين يزن?!!

أقترب منها قليلاً، و قد دمعت عينيه :
_ شدي..

كانت نبرته لينة حنونة بشدة، مما تعجبت له {شدي}، لكنها نظرت ليديها و هي تتمتم :
_ ش.. شادي، وجودك معايا لوحدنا مينفعش، لو.. لو سمحت أمشي

تطرده؟! نعم فهي تراه الآن شخص أجنبي، لا يحل له الأختلاء له بها

نظر لها بضعف، و كاد أن يخضع لرغبته في الهرولة نحوها، ضمها لصدره، صائحًا بأنه زوجها، لكن عقله عاد ليردعه عن تلك
الفكرة، مذكرًا إياه بعدم الأنانية، فهي من ستتأذى في نهاية الأمر

جر ساقيه للخارج، و هو يشعر بالهواء يُسحب من حوله، و كأن هناك من يشدد خناقاه

جلس أمام غرفتها و هو يردد بدموع ساخنة :
_ هرجعها، قسمًا بالله لأرجعها ليا تاني

أقسم، فلا سبيل للفرار الآن، سيفعل كل شيء لتعود له مرة أخرى، كل شيء

~~~~~

كان {بزن} يغلق أزرار قميص {ريان} الخاص بالمدرسة، قبل أن ينهض، و يضع شطائر الأطفال بحفائهم :  
\_ ناكل سندوتشاتنا و منسبش منها حاجة عشان نفضل كويسين طول اليوم

ثم وضع يده بجيبه، و أخرج أربعة أوراق من فئة العشرة جنيهات، و أعطى لكل واحد منهم ورقة و هو يكمل :  
\_ ده مصروفكم ال بابا سايبه، نجيب به حاجة حلوة بعد ما ناكل سندوتشاتنا كلها

أنهى عبارته بتحذير، لكنه دُهِش من تقدم {أركان} منه، و عناقه له و هو يقول :  
\_ أنا بجبك يا خالو

حذق {يزن} بصغير قليلاً، يحاول فهم سبب هذه المبادرة، إلا أن تعجبه زاد عندما فعل أشقائه الأمر نفسه، فنظر لهم بريية و هو يقول :  
\_ هببتوه ايه المرة دي؟! \_

رفع {شهم} رأسه سريعاً و هو يقول :  
\_ معملناش حاجة والله \_

ثم عاد يعانقه :  
\_ بس .. أنت وحشتنا يا يزن لما فضلت في المستشفى \_

ربما لم يتوقع ذلك، لم يتوقعه مطلقاً، خاصةً أنه لم يرغب عنهم، لكنه نال اهتمامه و ضاعف حبه للأطفال بشكل مهلك لقلبه

أنحنى و جلس أرضاً، و ضم الأطفال له بقوة و هو يقول :  
\_ ربنا يديمكوا ليا يا حيايبي \_

أنتبه لشيء فجأة ، و نظر حوله ، قبل أن يسأل :  
\_ هي ليان فين؟! \_

أجابه {ريان} :  
\_ مجتش معنا \_

عقد {يزن} حاجبيه و هو يقول :  
\_ ليه؟! وراها مشوار ولا ايه؟! \_

رفع {ريان} كتفيه بعدم علم ، بينما تنهد هو و قال :  
\_ شكل قدري نسيها عند عم جابر \_

نهض ليبدل ثيابه سريعاً، و خرج مع الأطفال

توقف أمام منزل العم {جابر}، و دق الباب بخفة، قبل أن يسمع صياح العم {جابر} بحفيده، و مرت دقائق، حتى فتح {مازن} الباب و هو يقول :  
\_ ايوا مـ.. \_

لكنه ما لبث أن أنتفض و هو يقول :  
\_ أنتو تاني؟! لا يزن بقولك ايه .. العيال دي مش هيخطوا باب الشقة دي تاني .. دي عيال عـ.. \_

قاطعته {يزن} و هو يرمق الأطفال بنظرة جانبية :  
\_ لا أنا مش هسبلك العيال متخافش \_

تنهد {مازن} و هو يده فوق صدره ، قبل أن يقول مليئاً ملامحه :  
\_ خير \_

\_ في فردة نسيهاها عندك \_

ضم {مازن} حاجبيه و هو يقول بعدم فهم :  
\_ فردة؟! فردة جزمة بتاعت العيال يعني؟! \_

هز {يزن} رأسه نفياً و هو يصحح عبارته :

\_قصدي عيل، ليان عندك جوا

\_لا معنديش عيل جوا

\_متأكد؟! ممكن أدخل أشوف أنا طيب عشان بيستخبوا في أماكن غريبة

أشار له بالدخول و هو يقول :

\_هتخش لوحدك!

مط الصغار شفتيهم بسخط، فها هو يفسد خططهم ذلك الرجل

تركهم {يزن} و دلف للمنزل يبحث عن أميرة العائلة، بينما ظل {مازن} أمام الباب، يراقب تلك الكوارث بنظرات شريرة كما يلقبونها الأطفال

فتش {يزن} المنزل كله في قلق، و لكنه لم يجدها، ظل ينادي عليها، قبل أن يتصنم أمام المطبخ و هو يسمع صوت خافت يقول :

\_ين .. ين .. ين

عقد حاجبيه، و تقدم نحو المطبخ، قبل أن تتسع عينيه و هو يحاول طرد تلك الفكرة من رأسه، وقف أمام صنبور المياه، و فتح الأرفف العلوية الخاصة بالصحن ، لتتوسع عينيه و هو ينظر لـ {ليان} التي كانت تكتشف ذلك الشئ المستدير ، ذات الزخارف الزرقاء البسيطة - صحن - لكن {يزن} قطع تلك اللحظات، لتتنظر له و هي تضحك ملوحة بذلك الصحن في يدها، ليلتقطه خالها قبل

أن يصطدم بالأرض، ثم عاد ينظر لها بعدم تصديق :

\_أنتِ طلعتي في المطبخ و قفلتي على نفسك ازاي؟!

أنتِ أخواتك طبعوا عليك ولا ابيه؟!

بتجربي تقمص شخصية الكوباية يعني؟!

مدت له يديها و هي تضحك، لينظر لها بقلة حيلة و يحملها بين مرفقيه

خرج على صوت العم {جابر} و هو يصيح بحفيده كالعادة :

\_و دول من الزوجة الكام يا محترم يا شريف؟!

نظر له {يزن} بعدم فهم لمخزى عبارته ،بينما صاح {شهم} بضجر :

\_يا عمو جابر زهقنا من حدوتة كل يوم، هات واحدة جديدة!

بينما ردد {أركان} بغياء :

\_ده عمو مازن مش شريف يا عمو جابر

بينما سأل {سهم} بغياء :

\_هو عمو مازن أتجوز و مدناش جاتوه؟!

أما عن {ريان}، فأخرج لسانه و هو يقول :

\_متر و أقطع

جحظت عيني {مازن} الذي قال :

\_يزن خد ولاد أحتك قبل ما جدو يمسك في خناقهم و يقتلهم بجد!

و بالفعل، تحرك {يزن} بغتة و دفع الصغار خارجًا و هو يتمتم :

\_أنتو حالفين لتجبولي مصيبة، صح؟!

~~~~~

هبط الصغار من الحافلة العامة، و قيل أن يتحدث {بزن} فر {شهم} من مكانه، لينظر له {بزن} بتعجب، قبل أن يراه يتوقف أمام فتاة في مثل عمره، و أرسمت بسمه واسعة بشكل مريب على ثغر الصغير، قيل أن يسمع الصغيرة و هي تقول بحزن و تشيح بوجهها عن {شهم} :
_ أنت بقالك كثير مش بيتجي، و أنا زعلانة منك و مخصماك

أنتفض {شهم} و هو يقول بفزع :

_ لا متخصمنيش يا شهد!

خالو مكنش راضي يجيني المدرسة

_ لا، أنا مش مسمحاك و زعلانة منك

_ أنا آسف

_ لا أنا زعلانة

ثم رفعت خنصرها في وجهه، قبل أن تتركه و تذهب، تاركة إياه و قد شحب وجه الصغير

بينما كان {بزن} يرمقه من بعيد بصدمة، هو من رفض ذهابه للمدرسة؟! ما هذا الأتهام ال غير مبرر؟! و .. و من تلك الفتاة على أي حال؟!!

جلس القرفصاء جوار {سهم} و همس :

_ واد يا سهم، مين دي؟!!

أجابه {سهم} و هو يأكل شطيرة {شهم} بعدما أنهى شطيرتاه في الطريق :
_ دي صاحبة سهم

أرتفع حاجبا {بزن} بصدمة و هو يردد :

_ صاحبة سهم؟! أنتو جاين المدرسة تصاحبوا ولا تتعلموا؟!!

لم يهتم {سهم} بحديث {بزن}، و ركز انتباهه على تلك الشطيرة بين يديه، لكنه سمع صوت أنثوي صغير يقول بلهفة :
_ سهم سهم!

أنتفت {بزن} و {سهم} لمصدر الصوت، ليجدو {مريم} تعدو نحو الصغير و على ثغرها بسمه واسعة

ردد {بزن} بصدمة :

_ لا يا راجل متقولش!

توقفت {مريم} أمام {سهم}، و أخرجت من حقيبتها علبة صغيرة، مدتها لـ {سهم} و هي تقول بسعادة :
_ ماما عملت كيكة بالشوكولاتة أمبارح، فخببت واحدة و جبتها لك أنهاردة

أنتقلت بسمتها لثغر {سهم}، ليقول لخاله :

_ بزن ، أمسك

نظر له {بزن} بعدم فهم، لتتسع عينيه و هو يرى الصغير يضع شطيرته بين يديه، ليأخذ تلك العلبة من الفتاة، و يخرج قطعة الكعك منها ليلتهمها و هو يقول بتلذذ :

_ حلوة أوي الكيكة يا مريم، شكرًا

ضحكت {مريم} بفرحة ،بينما رمق {يزن} الاثنان بعدم أستيعاب، لتلحظ الصغيرة وجوده تَوًا ،فضمت حاجبيها و أشارت لـ {يزن} و هي تسأل :
_ هو ده باباك؟! _

هز {سهم} رأسه نفياً و هو يقول :
_ لا، ده يزن

لم تفهم ماهية {يزن} ، لكنها نظرت له و هي تقول ببسمة صغيرة :
_ أزيك يا يزن

أجابها {يزن} و هو ينظر لابن شقيقته بصدمة لم ينتزع نفسه منها بعد :
_ أزيك يا حبيبيتي ،أنت مين؟! _

_ أنا صاحبة سهم

ألتفت لها بغتة مردداً باستنكار :
_ صاحبة سهم؟! أنتو بتتصاحبوا في تانية أبتدائي؟! _

نظرت له الصغيرة بعدم فهم، و قالت :
_ ايوا، أنا عندي صحاب كثير، زى أحمد و سهم و فاطمة و جميلة و نور

_ آه، دي صداقة بريئة لسة

ثم أستطرد و هو يشير لآلة الأكل جاره :
_ هو أنت جايبة حلويات لسهم ليه؟! _

_ عشان هو بيحبها و أنا بحبه

تصنم {يزن} و هو ينظر لنقطة مبهمه، تحبه؟!
تحب ماذا؟! ما الذى قد يجذب أحدها لـ {سهم}؟!
يكاد يجزم أن {سهم} لا يعرف عن الحب شيئاً سوى حب الطعام، عدا ذلك فلا يفقه معنى تلك الكلمة

و لم تكفي {مريم} بهذا، بل عادت تقول، مانحة {يزن} ذبحة صدرية :
_ ماما بتقول أن أسهل طريق لقلب الراجل معدته

ثم أشارت لـ {سهم} الذى كان يلعب أصابعه :
_ و هي شغالة معاه

حسناً، لديها وجهة نظر، و الطريقة تعمل مع {سهم} بالفعل، أو هكذا تظن هي،حيث أنها لا تدرك أن الصغير لا يراها سوى منبع لطعام، مثلها مثل غيرها من الفتيات
في الواقع، أقصى ما توصل له عقل {سهم} عن كلمة الحب، هو حب الشطائر ، حب الحلوى، حب المشروبات، أى شئ صالح للطعام فهو مغرم به حد النخاع

شرد {يزن} قليلاً في حياته، ها هو قد شارف على عقده الثالث، و ما يزال أعزباً، و تلك الكوارث التى لم تكمل العاشرة من عمرها، لديها من المعجبات الكثير
و هو، لم تُعجب به أى كائن مؤنث سوى {شمندور}!

حسناً، إن كان هذا يجعلك تشعر بالصدمة عزيزي {يزن} فأنت لم ترى شيئاً بعد

ما كانت سوى لحظات، حتى رأى عدد من الفتيات يركضن نحو {سهم} و هن يتاهتنن باسمه، ليتراجع {يزن} بصدمة، غير مصدق لما يحدث، أنى له بحب كل تلك الفتيات و هو لا يفعل شئ في حياته سوى تناول الطعام بشراهة مثل عمه {قدري}، غير واعٍ بالدنيا

نظر لذلك التجمع الذى أبتلع {سهم} بذهول، و قال و هو يحاول أستيعاب الأمر :
_ سهم بقى شغال دونجوان في المدرسة!
تعالى يا شذى أتحسرى على تربيتك!

ثم نظر للتوأم الصغير بغتة، قائلاً بتهكم متحسر :
_ و أنتو مش ناوبن تطلعوا ببنت كدا ولا كدا؟!
ولا مستنينى أمشى!؟

أشاح {ريان} بذارعه في سخط طفولي :
_ لا يا يزن، البنات بيتكلموا كثير، و مبيعر فوش يلعبوا بالكورة حلو، و بيز علوا بسرة زى ما شهد زعلت من سهم دلوقتي

_ شهد مين!؟

_ البنات ال كانت مع سهم

_ هى اسمها شهد!؟ يعني منقى الاسم لايق على اسمه كمان!

ثم نظر لـ {أركان} و هو يرفع حاجبه، فرقع {أركان} يديه و هو يقول :
_ لا أنا مليش دعوة، أنا مبحبش حد، أنا عايز أروح لماما و بابا الحقيقين

كاد {يزن} أن يشعر بالأرتياح قليلاً، لولا عبارة {أركان} الخافتة :
_ و أكيد في بنات فضائيات أحلى هناك!

هز رأسه بقلة حيلة، قبل أن يشعر بمن يجذب بنطاله من الأسفل، فنظر بتعجب لصاحب اليد، و الذي بدى في سنوات عمره الأولى، فنظر له {يزن} بلطف و هو يقول :
_ عايز ايه يا حبيبي!؟

أشار الصغير لـ {ليان} التى كانت تنظر نحوه بفضول و هو يقول :
_ دي .. دي

ماذا يحدث هنا بالله عليكم!؟ ما هذه المراهقة المبكرة!
ألم يكن الأطفال قديماً أبرياء لطفاء!

ضم {يزن} {ليان} إلى صدره أكثر و هو يقول بتشنج :
_ بس يا حبيبي أمشى يلا هس

لكن الصغير هز رأسه برفض و هو يقول :
_ دي دي

بينما أشارت {ليان} نحوه و هى تردد :
_ دي دي

رفع {يزن} حاجبه و هو يقول :
_ بنت !

_ يزن

قالها {أركان} و هو يجذب بنطاله، فنظر له خاله بضيق و هي تقول :
_ أصبر بقى ده عيل عايز ي.. أنت!

قالها و هو يلح {نازلي} التي كانت تقف أمامه بهدوء ،ليترجع بريبة و قلق ، متذكراً آخر مرة رآها بها
فتحمت هي قائلة :
_ أستاذ يزن أنا..

صمتت {نازلي} و هي تنظر لـ {أركان} و {ريان} الذان جذبهما {يزن} خلفه بقلق ، حسناً ،بدى أنه لا يشعر براحة نحوها، عادت
تقول سريعاً :

_ أستاذ يزن، سهم معموله أستدعاء ولى أمر من فترة
و لازم حد يروح عشان مبحصلش فصل من المدرسة

نظر لها {يزن} بتعجب و هو يقول :
_ سهم؟!

هزت {نازلي} رأسها ،قبل أن تنصرف من أمامه سريعاً

تنهد {يزن} و نظر لـ {سهم} الذى وقف وحده، و قد أمثلت يده الصغيرتان بكل ما لذ و طاب، ليقول {يزن} جاذباً إياه :
_ ده أنت لو كنتت حرامي، ما كنتت عرفتت تسرق الكمية دي من الحلويات

~~~~~

كان {يزن} يحمل {ليان} بيد، و يمسك يد {سهم} باليد الأخرى أمام مديرة المدرسة التي قالت بسخط مشيرة لأولياء الأمور الجالسين  
جانباً :

\_ ابن أخت حضرتك سبب خناقة بين بنات فصله و بنات الفصل الثاني، و البنات شدوا شعور بعض و واحدة مسكت الثانية أدتها قلم  
على وشها، ده غير أن في واحدة حصلها كسر في إيديها بسبب ضرب زميلتها، و غيره و غيره

نظر {يزن} بصدمة لابن شقيقته الذى كان يلتهم ما تبقى من شطيرته في براءة و عدم أكثرات لما يحدث حوله، فعاد {يزن} يرفع  
بصره نحو المديرة و هو يقول بصدمة :

\_ ليه؟! هو ده بيعرف يعمل حاجة ده؟! ده يوم ما يتخانف مع حد بيتف في وشه و بيقوله أنت وحش

صاحت المديرة بحق :

\_ لم ابن أختك و أبعده عن البنات، كذا مش نافع

حركت {ليان} رأسها يميناً و يساراً و هي تردد :  
\_ فع.. فع.. فع

نظر لها {يزن} برجاء و همس :

\_ أبوس إيدك أركني أنت دلوقتي ،مش وقت موسيقى تصويرية بتاعت حضرتك

ثم نظر للمديرة التي تابعت صباحها :

\_ البنات كلها بيحبوه أكل و حلويات ، و هو ما شاء الله، فاتح بطنه على الرابع!

نظر {يزن}- {سهم} بحنق و هو يقول :  
\_ مش تنصص مع خالو يا سهم !

\_ أستاذ يزن !

\_ آسف، كملي

\_ أبعد سهم عن البنات، و لمة بدل ما تحصل مصيبة!

\_ طب و بعدين؟! هو لما يبطل يكلمهم هيهوا؟!  
أبدأ والله دي هتشعل أكثر و كل واحدة فيهم هتقول أنه يبطل يكلمها بسبب التانية

ثم همس لنفسه :

\_ قسمًا بالله حاسس أني بتكلم عن ستات أرشونات مش بنات في تانية ابتدائي

كان يحاول إزاحة {سهم} من تلك الكارثة، فتحدثت إحدى أمهات الفتيات :  
\_ طب نعمل إيه؟! البنات ماسكين في بعض بشكل مخيف!

أجابها {يزن} ببساطة :

\_ فهموهم أن كلنا صحاب و مينفعش نخلي حد ميلعبش مع التاني، و أن كدا مش هنبقى صحاب و سهم هيبعد عننا، أو أى حد عمومًا  
مش هيجب يصاحبنا

راقت لهم الفكرة، فنظر لهم باستحسان، ثم وجه بصره للمديرة التي بدت مرعبة حقًا، يبدو أنها كادت أن تخرج غضبها و سخطها به  
، و لم تكن تنوي حل المشكلة

تحدثت و هو يبتسم بسملة صغيرة :

\_ أعتقد أن المشكلة أتحت الحمد لله، همشي أنا بقى و..

قاطعته المديرية بصرامة :

\_ أستنى عندك!

رفع {يزن} حاجبه و هو يقول بحدة طفيفة، معترضًا على أسلوبها :  
\_ أفندم

ضيق عينيها و هي تقول عاقدة كفيها أمامها :

\_ المدرسة غرقت مائة من كام يوم عشان حنفيات الحمامات كانت مكسورة

نظر لها {يزن} باستنكار و قال بحدة :

\_ حضرتك شايفاني سباك يعني ولا إيه؟!!

عادت بظهرها مستندة على مقعدها :

\_ متعرفش مين ال عمل كدا؟!!

هز {يزن} كتفيه و هو يقول :

\_ أعرف منين ، مش المدرسة فيها كاميرات؟!!

شوفوا مين ال عمل كدا

متلاعب بالكلمات؟! نعم، يدرك ماهية الفاعل، و أخبرها بتفتيش الكاميرات لعلمه أنها معطلة منذ قرون و لن تكلف المدرسة نفسها  
ثمن أصلحها

أبتسم بمسة سمة و هو يقول :  
\_ عن أذنك

ثم جذب الصغير الذى نظر للمديرة بحنق، ثم ألقت أمامه، بينما نظرت {ليان} لـ {ميرفت} و قالت و هى تضم حاجبها بشكل لطيف  
:  
\_..ن..نك

رمقت المديرية أثر {بزن} بغيظ، و ضربت مكتبها بسخط صائحة :  
\_ لو حصلت مشكلة ثانية بسببه هو أو أخواته هيتفصلوا!

و لم يهتم {بزن} بحديثها ، يدرك أنها لن تجرؤ على ذلك، و ما هى إلا كلمات تخرج من فمها لا أكثر

توقف {بزن} أمام صف {سهم}، و نظر له و هو يرفع حاجبه :  
\_ مقولتوش على حوار الماية ده ليه؟!

رفرف {سهم} بأهدابه و هو يقول :  
\_ ماية ايه؟!

\_ سهم أنا بزن مش ميرفت

\_ يا خالو مكناش عايزين نروح المدرسة فغرفناها

\_ هو مع كامل أحترامي لقرارات حضراتكم، بس لو أتكررت هقول لأبوك، و هو مش ناقص أصلاً

\_ حاضر، مش هنعمل كدا تاني

هز {بزن} رأسه برضى، بينما دلف {سهم} لصفه

~~~~~

توقف {بزن} عند الموقف الخاص بالحافلات، منتظرًا أن تأتي حافلة لتقله للمنزل

سمع الصغيرة و هى تقول :
_دورا..دورا..

تحدث {بزن} و هو يداعبها :
_ شمندورا في البيت و..

بتر عبارته عندما رأى {شمندورا} تتحرك بالشوارع وحدها، و قد تلتخ فراؤها بالأتربة و الأوساخ
و دون سابق إنذار، سقطت متسطة الأرض، مما دب الرعب في قلب {بزن}، فعبير الطريق، و أتجه صوبها، و جلس القرفصاء و
هو يقول هازرًا إياها بهلع :
_ شمندورا.. حبيبيتي قومي

حملها بقلق، و أتجه بها صوب إحدى العيادات الخاصة بالطب البيطري

~~~~~

كان {شادي} يحمل {شذى} النائمة بين مرفقيه بحنان بالغ، و هو يدفع باب غرفتها في الفندق بهدوء كي لا ييقظها، لا يمكن أن يتوقع ماذا ستفعل إن أستيقظت لتجد أنها بين ذراعيّ ابن عمته و هو يتجه بها نحو فراشها، و هما وحدهما بالغرفة، لابد أنها ستكون كارثة بكل المقاييس

أغلق باب الغرفة بأطراف أصابعه، ثم أتجه نحو فراشها، ليتركها تتسطح عليه برفق، خفف من أحكام حجابها قليلاً كي تنعم بنوم مريح

ظل يتأملها قليلاً، يتمنى لو أستطاع أن يخبرها بما يعتلي صدره من مشاعر نحوها، لو يخبرها أنه زوجها على الأقل

تنهد، و تحرك ليخرج قبل أن تستيقظ، إلا أن بعض الأوراق المتناثرة أرضاً جذبت انتباهه، فأنحنى ليجمعها، ملقياً إياها في القمامة، إلا أنه تجمد عندما قرأ ما بأحداها :

"ليه يا شادي ممكن تكون وصلتنا لكل ده؟!"

ليه تخلي روحي تتفتت مني رغم أنني جاهدت عشان العلاقة ترجع بينا لأطف و أحسن، ده أنت كنت بتقولي أنني حتة منك و متقدرش تفرط فيه، هان عليك تفرط فيا و تجرحني بالشكل ده!

مش أنت ال كنت بتقول أنني وصية الرسول و أنك مش هتتيمني يوم زعلانة؟!

نيمتني ليالي مقهورة مش زعلانة، كان صعب عليك توفي بوعدك للدرجة دي؟! "

و آه من تلك كلمات، أشد عذاباً من الجلاد، لو كوى قلبه لكان أهون عليه من قراءة ذلك

أبتلع غصته، و مسح دموعه التي كانت تهطل على الورق دون توقف، أأخلف وعده حقاً؟! تَبَّأ لك {شادي}، تَبَّأ لك ..

سمع فجأة صوت تئانب زوجته، ليتنفض هو و يتحرك سريعاً، ليخرج من الغرفة، و يغلق الباب خلفه، ثم تنفس الصعداء، إلا أن صيحة كادت تغلق منه عندما سمع صوت فتح الباب خلفه، فهرول مبتعداً، لكن صوت {شذى} أوقفه، ليلتفت و هو يحاول الأبتسام لها :

\_ص.. صباح الخير يا شذى

فركت عينيها و هي تقول بقلق :

\_صباح الخير يا شادي، أنا حسيت أن في حد في أوضتي

و.. أحنا فين؟!

أبتلع لعابه و هو يحك رأسه قائلاً :

\_لا حد مين ال يتحرك في أوضتك، الفندق ده متأمّن كويس، يمكن أتهيألك ولا حاجة

هزت رأسها و هي تردد :

\_جايز، بس لسة مجاوبنتيش، أحنا فين؟!

أجابها دون ذرة تفكير :

\_في دهب

عقدت حاجبيها و هي تتمتم :

\_دهب؟! بنعمل ايه في دهب؟! و .. و فين بابا و يزن؟!

يا الله، كيف سيخرج من ذلك المأزق؟!

أبتلع لعابه قبل أن يقول :  
\_ ا. ا. خالو و يزن ف.. في مصر ،ع.. عش.. عشان ع.. عشان الغسالة عطلت

زاد انعقاد حاجبيها و هى تقول باستنكار :  
\_ الغسالة عطلت فرقعوا مشوار من ذهب للقاهرة و سابوني؟! و بعدين أنا عندي أمتحان أنهاردة و لازم أروح الكلية

\_ أصل الغسالة عطلت و التلاجة وقفت تبريد، و التكيف متوره وقع على دماغ حد في الشارع، و حلف ما هو ماشي غير لما  
يتعوض

\_ و فضل قاعد أكثر من خمس ساعات مستنيهم!؟!

\_ ما هو عشان كدا سابوكي معا .. سابوكي في الفندق عشان متعبيش في السفر

\_ بس أنا عندي أمتحان!

\_ ما.. ما أنت أمتحانتى و نجحتى الحمدلله، فخالو و يزن جابوكي هنا

\_ و أنت ايه ال جابك!؟!

ظل يحدق بها بصدمة، بينما عت هى لما تفوهت، ليمتقع وجهها بحرج و هى تنظر بعيدًا :  
\_ ق.. قصدي.. عمتو مجتش معاك ليه!؟!

عبارة غيبية خرجت منها في غير وقتها، لكن لربما يخفف عنها الحرج قليلاً

لم تدرك أن {شادي} حفظ طبعها، و يعلم تصرفاتها أثناء وقوعها بتصرفات حمقاء كذلك، لذا فقد تحدث متجاهلاً محاولة إلهاء :  
\_ ماما مبتحبش تخرج من البيت، أنت عارفة

هزت رأسها ،و سألت :

\_ طب بابا و يزن هيرجعوا أمتى!؟؟

\_ معرفش لسة ، محدش فيهم كلمني و.. تعالي عشان تظطري

فركت عينيها بتعب و هى تقول :

\_ لا مش قادرة ، عن أذنك

وأغلقت الباب في هدوء، بينما عض هو على شفثيه، تذكر تَوَا معدل الضغط لديها ينخفض كثيرًا، و أهملها لوجبة الأفطار سيزيد  
الأمر سوءً

نظر حوله ،و أشار لأحد العاملين، و طلب منه أحضار وجبة الفطور لغرفتها، قبل أن يتجه لمكتب رفيقه  
~~~~~

وضعت يدها أعلى رأسها، تشعر بتشتت ،و بعض الأرهاق، و .. لما يهتم {شادي} بها بهذا الشكل!؟!

عادت لتستقر حالتها ، فنظرت حولها، تبحث عن هاتفها، حتى وجدته فوق فراشها، لكن.. بدى غريبًا.. أهذا هاتفها!؟?
متى قامت بشراء جديد!؟!

لكن صورتها موجودة بالخلفية الخاصة به، و معها طفلة صغيرة!

ظلت تحديق في {ليان} التي كانت ترتدي ملابس تشبه ملابس والدتها، و ضعرت باضطراب ، من.. من هذه؟؟

جلست فوق فراشها سريعاً عندما شعرت بدوران الأرض تحت أقدامها، و تشوشت الرؤية قليلاً، فأغمضت عينيها بتعب، قبل أن يستقر كل شيء فجأة، كما بدأ فجأة

كادت أن تلقي هاتفها بعيداً، متخيلة عن فكرة اتصالها بشقيقها لتوبيخه على تركها وحدها، لكن أهتزاز الهاتف فجأة، جذب انتباهها، خاصة أن المتصل رقم غريب

عقدت حاجبها و هي تجيب :

_ال..

قاطعها صوت المتصل باللهفة :

_شذى؟؟

_ا. ابوا، مين معايا

_أنا مش مصدق نفسي، أنا كنت قالب عليك الدنيا!

أتسعت بسمة {شذى} و هي تتذكر صوت المتصل :

_سراج؟!

_ابوا أنا سراج ، فينك يا بنتي؟!

عقدت حاجبها فجأة و هي تقول :

_فيني؟! سراج أنت كنت عندنا أمبارح بتقرأ الفتحة!

أنعقد حاجبي {سراج} و هو يردد بصدمة :

_فاتحة مين؟! شذى أنا كنت متصل أتأسفك على ال حصل زمان

بدى الأمر مريباً، و تحدثت بصوت خافت :

_س.. سراج أنت مش كنت في البيت أمبارح و قرئت فاتحتي مع بابا و يزن و لبسنا الدبل؟!

_دبل؟! شذى الحوار ده قديم أوي .. أنتِ سبتيني. بعد ما لبسنا الدبل بيومين عش..عشان..

سمعته يزدرد ريقه و هو يقول بصوت مبجوح :

_عشان عرفتي أنني رجعت لمراتي الأولانية و كنت عايزك الثانية

أحياناً لا يدرك الإنسان مدى تواقحه مع الآخرين، لا يدرك أن الكلمات كثيراً ما كانت تشبه الخناجر التي تُصيب الجسد في المركز، في القلب ..

{سراج} كان يُدرس {شذى} في جامعتها، و بدى شديد الاحترام ، و لم يخاطبها يوماً في ما لا يليق، لم يخاطبها سوى في المادة العلمية الخاصة به

و مع عامها الأخير في الجامعة ، تقدم لخطبتها، و لم تعترض هي، ظلماً منها أنه شخص جيد، لديه أخلاق رفيعة و بالفعل جلس معها مرتين، و في الثالثة ذهب معها ليشترروا الذهب، و أقتصرت الخطبة على أسرتها و أسرته فقط، حتى تلك اللحظات كانت الأمور بخير - إلا أمور {شادي} آنذاك - قبل أن ينفلت لسان والدته يوماً و هي تحدثها، لتخبرها أنها الزوجة الثانية لابنها

ذهب {سراج} يوماً لها رغبةً في توضيح الأمور - كما زعم - إلا أن {يزن} رفض أن يطئ منزله مرة أخرى، و أعدد له ذهبه دون أن يرى هو خطيبته، و مرت الأيام و الشهور، و هو يحاول بكل الطرق الوصول لها، رغب في الأعتذار منها، و كم كان عذر أقيح من ذنب، كرهته بشكل تصور والدها و شقيقها أنها كانت تحبه

لكن في الواقع، هي تكره فعلته و بشدة، تكره أن يخذعها أحدهم بهذا الشكل، لما قد يسبب أحد ضرراً لأنساناً بهذا الشكل!؟

عادت تسمع صوت {سراج} في الهاتف :

_ أنا بقالي سنين بدور عليك، أنا سبت مراتي و عابزك ترجعيلي و..

قاطعته بنبرة حادة :

_ أستاذ سراج، من فضلك ألترم حدودك، معدش في حاجة رسمية بينا زى ما قلت، أرجوك متتصلش هنا تاني

و أغلقت الهاتف، ملقية إياه بعيداً، و هي تنظر أمامها بصدمة ، متى تم فسح خطبتها بهذه السرعة!؟

لقد كان أمس .. أقال سنين!؟

و .. و متى ظهرت زوجته تلك!؟

أبتلعت لعابها و هي تشعر بعدم الأتزان، نظرت حولها، و دموعها وجدت طريقها على خديها، خانها؟

متى فعل ذلك؟؟

لما فعله من الأساس؟؟

ماذا يحدث هنا!؟

نهضت متسندة على الحائط، حتى سمعت صوت طرق الباب، هتفت بصوت جاهدت لتخرجه :

_ أدخل

لا تدري ماهية الطارق، لكنها تريد الأستنجاد بأى أحد، ذلك الدوار الذى أجتاح عقلها بعنف

دلف العامل، لكنه تصلب عندما سقطت {شذى} على ركبتيها، قبل أن تقول بصوت بالكاد وصل للعامل :

_ ش... شادي ، عابزة شادي

~~~~~

كان يحملها و هو يصيح بالطرقات في المشفى بجنون، قلبه الذى كاد يخرج من بين أضلعه

مازالت عبارة العامل ترن في أذنه :

\_ الأنسة ال في أوضة مائة و تمانين مش قادرة تصلب طولها و..

و لم ينتظر {شادي} أن يكمل العامل حديثه، بل أنطلق نحو غرفة زوجته في هلع، ليجدها ممددة أرضاً

وجد الطبيب المتابع لحالتها، ليندفع نحوه و هو يهتف بفزع :

\_ مراتي، مراتي مغمى عليها، مراتي، مراتي.

كان يهتف بتلك الكلمة بشكل غريب، كأنه يصف حالتها بها، و لم يدري، أن التى بين يديه، كانت في حالة اللاوعى، تسمع كلماته،

لكن لا تستطيع أبداء ردة فعل على حديثه

~~~~~

مرت نصف ساعة، حتى خرج الطبيب، و بدى على وجهه الضيق و هو يقول :
_ واضح أن المدام أخذت صدمة جامدة أوي ، حد قالها حاجة أزعتها، و واضح كمان أنها حاجة مش فاكراها

نظر له {شادي} بحيرة و عجز قائلاً :
_ والله ما قولت حاجة، ده أنا حتى مقولتتش أن أنا جوزها

_ بس حالتها بتقول عكس كدا

_ يعني هي دخلت كدا في أنتكاسة!

أشار له الطبيب أن يهدأ و هو يقول :
_ لا، ربنا لطف بيها بشكل غريب و محصلتتش أنتكاسة الحمد لله ،بس واضح أن في ضغط عليها في موضوع التذكر، ممكن. تكون شافت حاجة صريحة ليها علاقة بزمان، عيل من عيالكو، حد قديم ظهر في حياتها اليومين دول

_ أ .. أنا سبتها ربع ساعة بس بعد ما رجعنا، أكيد ملحقتش تنزل و تشوف حد !

_ أتمنى ميحصلش ضغط عليها أكثر من كدا، وجود حد مهتم بيها هيحسن نفسيته برضو

زفر {شادي} و هو ينظر لباب غرفتها، قبل أن يقول :
_ مفيش حد غيري معاها دلوقتي، و مينفعش أقولها أني جوزها..

قاطعته الطبيب ،ليعطيه بصيصاً من الأمل :
_ مين قال أن مينفعش تقولها أنك جوزها؟!!

نظر له {شادي} بتعجب قائلاً :
_ مش أنت قولت مينفعش ..

قاطعته الطبيب مرة أخرى و هو يقول :
_ زى ما قولت وجود شخص يهتم بيها مهم جداً، ممكن تألف أى حكاية تقولها فيها أنك جوزها، بس ده يعتمد على مدى قربك منها في الفترة ال هي عابشة فيها
عشان تقدر تستوعب الموضوع

_ بس ده متعارض مع كلامك، مش منطقي، ازاي أقولها حاجة قديمة ممكن تفكرها ...

قاطعته الطبيب للمرة الثالثة :
_ الضرورات تبيح المحظورات، لو في احتمال أن أنتكاسة تحصلها لما تقولها أنك جوزها بنسبة 45 في المية، فمحاربتها لوحدها، و الصدمات ال هتاخذها من غير ما حد يلحقها، مينفعش تتلاقها وحدها، هيزيد احتمالية أنتكاستها لـ 75 في المية، لازم حد يكون معاها، يمهد المواضيع لها براحة، و يكون متواجد لو حصلها حاجة عشان يلحقها

_ يعني أقولها؟!!

هز الطبيب رأسه، و ربت على كتفه، قبل أن يغادر، تاركًا {شادي} يحاول أستيعاب الأمر ، أزرد لعابه ، و تحرك بخطوات بطيئة من غرفتها، قبل أن يدفع الباب الغرفة برفق ، و يغلقه بهدوء

توقف أمام {شدي}، و هو بيتلع لعابه ،لتنظر هي له بتشوش قائلة :
_ ش.. ش.. شادي

لا ، لا تفعلها ، لا تنطقي اسمي بهذه النبرة، لا تخسفي بي الأرض بهذا الشكل، لا تمزقي قلبي لفتات..

~~~~~

دلف {يزن} بقلق و هو يحمل {شمندورا} لطبيب البيطري، و تركها فوق الفراش، ليرفع بصره لطبيب و هو يشرح له ما حدث، قيل أن يفحصها الطبيب

مرت دقائق، قبل أن يقول الطبيب بعملية :  
\_دي على وش ولادة!

فتح {يزن} عينيه على آخرهما و هو يردد :  
\_ولادة !

~~~~~

نظر {يزن} للهرر الثالث، و {شمندورا} النائمة جوارهم، ثم نظر للطبيب و هو يقول بعدم تصديق :
_دكتور قولي أنك جبتهم من الشارع عشان خاطري

ضحك {منذر} و هو يخلع قفازاته :
_يا بني حد يقول للنعمة لا!

_دي.. دي أتجوزت من ورايا يا منذر!!

زادت ضحكات {منذر} و هو يجلس جوار {يزن} :
_يا سيدي فرقت، ما هو في الآخر أتجوزت و خلفت تلت ققط يملوا فراغك

كاد {يزن} أن يبكي و هو يقول :
_فراغ ايه يا منذر، دي هي و أخواتها عامليني سيرك في شقتي!

قالها و هو يشير نحو {ليان} التي كانت تجلس جار {شمندورا}، تنتظر لأولادها بفضول

نظر لها {منذر} قليلاً، قبل أن يقول متذكراً:
_دي البننت بتاعت الكافيتريا

نظر {يزن} له بدهشة و هو يقول :
_أنت تعرف ليان؟!

ضحك {منذر}، و سرد عليه ما حدث، لينظر لها {يزن} قائلاً بحسرة :
_تعالى يا شادي شوف بنتك و هي عاملة نشرة أذاعية على حياتك

خلع {منذر} منظاره الطبي و هو يسأل :
_دي تقريلك ايه؟!

أجابه {يزن} و هو ينظر :
_بننت أحتي

أبتسم {منذر} و هو يقول :
_جميلة ما شاء الله

ثم أستطرد و هو يحمل كوب القهوة الخاص به :
_قولي صحيح، مش بطولتك قربت !؟

هز {يزن} رأسه و هو يقول :
_ايوا، بس بابن مش هروح

رفع {منذر} حاجبيه بدهشة و هو يقول :
_ليه يا بني ، ده أنت متمكن و تستحق تاخدها

داعب {يزن} فراء {شمندورا} و هو يجيب :
_عندي شوية ظروف في البيت

أبتسم {منذر} و هو يجلس فوق مقعده :
_فكرتني بنازلي، بتفكر على طول في ال موقفها، و بتتعامل على أساس أن الموضوع منتهي

رفع {يزن}بصره و هو يسأل :
_بنتك!؟

ه
_حفيدتي

_ربنا يديمك ليها

_فكر تاني في موضوع بطولتك، أنت تعبت عقبال ما أتأهلت، مضيعش مجهودك على الفاضي

نهض {يزن} و هو يقول بمرح :
_هبقى أشوف الحوار ده، المهم ممكن تجبلي أى حاجة أخط فيها الكائنات دي عشان همشي و أنا محتاس بيهم في الشارع

هز {منذر} رأسه و هو متأكد أن {يزن} يغير دفة الحديث، لكن في نهاية الأمر هذه حياته الشخصية

رحل {يزن} من العيادة، قبل أن يتنهذ {منذر} و هو يببسم، يدرك أن ذلك الشاب له مستقبل باهر

~~~~~

كانت {فتحية} تشاهد التلفاز، و تأكل حبوب التسالي، قبل أن ينقطع برنامجها المفضل، لتظهر نشرة الأخبار فجأة، مما أزعج

{فتحية}،و غمغمت ببعض الكلمات في سخط

قبل أن تتسع عينيها إثر حديث المذيع :

\_خبر عاجل، نبأنا خبر هروب عدد لا بأس من القروء، أثناء شحن الحيوانات لحديقة الحيوانات المفتوحة حديثاً، بأحدى مناطق مصر الجديدة، نرجو من المشاهدين التزام ببيوتهم، حفاظاً على سلامتكم

انتفضت {فتحية} و هى تنهض هاتفة بجزع :

\_الولاد!

~~~~~

كان {شادي} يقف أمام {شذى} كمن أجرم جرماً، لتنظر هي حولها، تحاول أستيعاب مكانها، قبل أن تقع عينيها على زوجها، لتقول بعدما أطلقت تنهيدة أرتياح :
_شادي!

تذكرت بغتة ذلك الأتصال، ليحتقن وجهها، و تغمض عينيها بألم، فأقترب هو منها بقلق قائلاً :
_شذى ايه ال حصل؟! في حد أز عجبك؟؟

نظرت ليدها و هي تشعر بألم يعصف برأسها، قبل أن تتحدث :
_س.. سراج أتصل بيا و..

قاطعها بغتة بحدة لم تفهم سبب :
_سراج كساب!

هزت رأسها، و هي تكمل :
_قالي أنه بيعتذر عن ال حصل زمان، و عايزني أرجع له

رفعت بصرها نحو {شادي} الذي كان يضغط أسنانه بقسوة، مما جعلها تشعر بالرغبة نحوه قليلاً، و إن أكملت حديثها بعدم فهم و تعب :

_شادي .. هو .. هو ليه قال زمان؟! هو مش كان عندنا؟! .. أشترينا الشبكة

ثم رفعت يدها التي ألتف خاتم زواجها حول أصبعها، و استرسلت حديثها :
_طب .. طب دي دبلة مين!؟

حاول {شادي} التحكم بأعصابه، فذكر ذلك الرجل يثير غضبه، لكنه تمالك نفسه كي لا يُنفرها منه و هو يقول :
_شذى .. بصي .. أنتِ فقدتي الذاكرة بسبب حادثة حصلت

_فقدت الذاكرة!

هز {شادي} رأسه و هو يحاول تمهيد الأمر لها :
_للأسف، بس الدكتور قالي أنه مفيش حاجة خطيرة، و ممكن الذاكرة ترجعلك في أى وقت

أبتلعت لعابها، تحاول ترجمة حديثه، فقدت ذاكرتها!؟
لاحظ نظراتها الزائغة، ليسرع بقول :

_أنتِ في حجة زمنية بس الواقعة منك، و ده شئ مطمئن لأنك مفقدتيش ذاكرتك كلها

لم تصدر أى حركة، بل ظلت متصنمة و هي تردد :
_فقدت الذاكرة؟؟

تحول غضبه و ضيقه في لحظة لضعف، ضعف هي سببه، عادت ترفع بصرها و هي تسأل بصوت خافت :
_دبلة مين دي ال في أيدي؟

أغمض عينيها، و تنهد، قبل أن يقول :

_أقلعي الدبلة و هتلاقي الاسم منقوش جوا

_بس أنا..

قاطعها بهدوء :

_اسمعي الكلام بس

نظرت له بتعجب، قبل أن تحرر الخاتم من أصبعها، و ما كادت أن تنتظر للاسم المنقوش، حتى فُتِح الباب فجأة، ليصاحبه صوت

{سراج} المتلهف :

_شذى!

~~~~~

كان {بزن} يسير، حاملاً {شمندورا} و أطفالها بالصندوق المخصص لهم، بينما حمل {ليان} باليد الأخرى و هو يتحدث، شاكياً همه

لها كأنها ستفهم :

\_عارفة؟! فتحية هتزعل مني لو...

قاطعته {ليان} بتلعثم :

\_ف.. فتية.. فتية.. ترية..

كانت تردد لقب جدتها الشهير المتداول بين أشقائها "فتحية المفترية" و إن تم تشويهه

هز {بزن} رأسه منسجماً معها في الحديث :

\_ابوا فتحية المفترية ، لو عرفت أنني مروحتش البطولة هتزعل لأنها عارفة أنني كان نفسي فيها من زمان

ثم هز كتفيه و هو يقول :

\_رغم أنني كنت مستنتيها بقالي كثير

نظر لها و هو بيتسم بسمة، أنتقلت لا إرادياً لثغرها الصغير :

\_بس لو أنتو السبب، فداكو ألف بطولة

نظرت {ليان} فجأة لیده، لترى بعض آثار الحروق، فمطت شفيتها و هي تشير لها :

\_واوا

ثم أنحنت نحوها، و قبلتها، قبل أن تربت عليها بخفة كما يفعل والدها كلما أصيبت بخدش صغير، ثم رفعت بصرها لخالها الذي خفق

قلبه لبراءة هذه الصغيرة :

\_كوي.. كوي.. كوي..؟!

ضمها لصدره بحب شديد، و قبل رأسها بحنان و هو يقول :

\_ملاك و نزل على الأرض والله، أه يا ليلو، واخدة قلبي من ساعة ما جيتي

أبتسم و هو يشعر بها تطوق عنقه بيديها الصغيرتان قائلة :

\_ين.. أحب.. ين

زاد ضمه لها و هو يقول بلطف :

\_و ين بيموت فيك والله، أنا لو عندي عيال، أستحالة أحبهم بالمنظر ده!

ظل يتحدث معها و هو يسير، حتى وجد هاتفه يصدح معلناً اتصال أحدهم، فأمسك صندوق القطط بيده التي يحمل بها {ليان}، و أخرج من جيبه بنطاله هاتفه، ليجد أن المتصل "فتحية المفترية"، فوضع الهاتف فوق أذنه و هو يقول :  
\_ ايه يا فو..

قاطعته صياح {فتحية} الهاتف :  
\_ بزن أنت فين دلوقتي!

أجابها و هو يغلق جفنه نصف غلقة ،منزعجاً من ارتفاع صوتها :  
\_ أنا كنت عند دكتور شمندورا و...

قاطعته بانفعال واضح :  
\_ سيبك من شمندورا دلوقتي، روح هات العيال و تعالى البيت بسرعة، في قرود هربت في مصر الجديدة

ضم {بزن} حاجبيه و هو يقول :  
\_ قرود؟! دول غير أحفادك؟؟

\_ بزن أنا مبهزرش!

\_ بجد والله؟!

\_ مفيش وقت ،أخلص قبل ما ولاد أختك يقتلوا القرود دي و يدفعونا شئ و شويات بسببهم

رفع {بزن} حاجبيه و هو يقول :  
\_ أنت خايفة على القرود يا فتحية!

\_ او مال هخاف على ولاد شادي؟؟ دول عفاريت و مش بعيد يخلوا القرود يتعانوا معاهم و يحتلوا مصر الجديدة

ثم عضت شفتيها و هي تقول :  
\_ بسرعة يا بزن لحسن يجوا يلفوني في سجادة بجد!

كتم {بزن} ضحكات كادت أن تنفلت من بين شفتيه و هو يقول :  
\_ طيب أهدي بس و أنا هلق الموقف قبل ما يوصل للسجادة

ثم أنهى المكالمة، ليسمع {ليان} تردد :  
\_ كرد .. كرد

ضحك {شادي} و هو يقول :  
\_ يالهوي على اللدغة ال عندك، مخلياك عايزة تت..

بتر عبارته ،عندما أدرك ما تعنيه {ليان}، لم تردد حديثه، بل كانت تشير لقرود منتشرة في الشوارع خلفه!

أنحرف لطريق جانبي ضيق، و أختبئ خلف عدة صناديق فارغة لبضائع، ليسمع ضجيج يزداد ، و أصوات القردة تتعالى بالطرق،  
قبل أن يشعر بمن يجذب {ليان} منه

أمسك {بزن} ساقها قبل أن تنفلت منه بالكامل، ليصير قرداً يحاول جذبها منه، فجذبها هو نحوه بقوة، ليسقط القرد أرضاً، رغم ذلك،  
كان يمسك مرفقي {ليان}، رفضاً تركهما ،ليقول {بزن} بحنق :  
\_ يعني سبت الأربعة التانيين، و مسكت في الغلابة دي

دفعه {يزن} بقدمه في معدته، لتنفلت {ليان} من بين يديّ القرد، و يسقط هو أرضًا

ضم {يزن} {ليان} لصدره بشدة، قبل أن يتحرك مبتعدًا عن المكان و هو يقول :  
\_ قال يعني أنا ملاحق على القرد ال في البيت لما ألاحق على القرد ال بجد

~~~~~

أندفعت {نازلي} لصف {شهم} و {سهم} بانفعال، لتنتظر للمُدريس النائم، ولا نحتاج ذكر اسمه بالمناسبة
قبل أن تصيح به :
_ مستر أسماعيل قوم!

أنتفض {أسماعيل} إثر صياحها، و سقط من فوق مقعده، متسببًا في ضحك الأطفال، قبل أن ينهض و هو يصيح بهم :
_ أنت بتضحكوا على ايه يـ...

قاطعته {نازلي} و قد زاد أنفعالها :
_ مستر أسماعيل عايزاك!

نظر لها {أسماعيل} بحنق، قبل أن يتحرك، مغممًا ببعض الكلمات التي لم تصل لسمع أحدهم

توقف، ليُدْهش أن {ميرفت} قد جمعت جميع المدرسين حولها، و بدأت بالحديث :
_ في قرد هربوا من جنينة حيوانات ال و رانا بشارعين
و لازم تاخدو بالكو من الولاد، الأبواب هنتقفل و الشبايك لأن..

بترت عبارتها عندما سمعت صوت القرد حولها ، فنظرت في أرجاء الممر التي أجمعت فيه مع المدرسين ، لتتفاجئ بقرد يسير، و
في يده حقيبة ممتلئة بالـ "القول السوداني" يأكل منها، ليبصر ذلك التجمع البشري هناك، ظل يحدق بهم و كذلك هم يفعلون، حتى
أعطاهم ظهره و تركهم ليتجول في المكان، كأنه نادي

ظل الجميع يحدقون به، حتى أنتفضت المديرية و صاحت مشيرة نحو القرد :
_ هاتوه!

نظر الجميع لها باستنكار ، قبل أن تعم الفوضى و يركض المدرسين، فارين من المدرسة، قبل أن تُحدث تلك القردة كوارث لهم، و
كذلك فعلت هي!

و في منتصف ذلك الهرج و المرج، تحركت {نازلي} و {رامي} نحو صف {شهم} و {سهم} ، و هموا بأخراج الأطفال من الصف،
المدرسة لم تعد آمنة، و لا يمكنهم المخاطرة بحياة الأطفال!

كان {رامي} يصيح بصوت مرتفع بالأطفال، ليتحركوا أغراضهم و يتحركوا للأسفل، و كذلك {نازلي} التي كانت تحاول مساعدة
الأطفال في التحرك، دون أن يصاب أحدهم أو يتعثر

أقتحمت القرد الصف بشكل مفاجئ، و أختطف قردان {شهم} و {سهم} النائمان ، و ركضوا بهما في المدرسة

صاحت {نازلي} و هي تخرج من الصف :
_ رامي ودي العيال للكافية ال قدام المدرسة و خلي بالك منهم!

أندفعت خارجًا، و رغم خوفها من القرد، و علمها أنهم قد ينقلبوا في لحظة لكائنات متوحشة شرسة، لا تفاهم ولا ترحم ، لكنها لم
تستطع منع نفسها من اللحاق بهما، إن كانت هي خائفة، و هي في عقدها الثاني، فماذا سيفعل أطفال مساكين - من وجهة نظرها -
ضد قردان وحدهما؟!

كان القردان قد خرجا من المدرسة بالفعل، يتحركون بعشوائية في الطرقات، و لم تتوقف {نازلي} عن الركض خلفهما، إلا أنها شعرت بمن يسقط فوق رأسها، لتلتصق بالأرض، و تشعر بمن يقفز فوق ظهرها، متسببًا في ألم في عمودها الفقري

شعرت بغتة بزيادة الألمها، عندما شعر قرد بالغيرة من ذلك القرد الذى يقفز فوق ظهر {نازلي} ، ليقرر مشاركته في القفز، فوق تلك المسكينة التى شعرت بثالث بعضها من ساقها، لتتزايد صيحاتها

~~~~~

كان {بزن} يركض نحو مدرسة الأطفال ، و قد تسلس القلق إليه، و ما أن خرج من ذلك الطريق الجانبي، حتى أبصر {نازلي} مُلقى أرضًا، و القروء تتفافز من حولها، فاندفع هو نحوها، و قد شدد من ضم {ليان} لصدره، كى لا يجذبها منه أى قرد أحمق

ركل القروء المنتشرة حولها، لتبتعد عن تلك المسكينة التى لم يعلم هويتها، حتى أنفضوا من حولها، باحثين عن خراب آخر ليحدثوه

بينما أنخفض {بزن} بجزعه في قلق و هو يسأل :  
\_يا أنسة .. يا أنسة أنتِ كويسة؟!\_

نهضت {نازلي} ، و هى تشعر بأن جسدها قد تم تحطيمه بالمعنى الحرفي، قبل أن تضع يدها على الشجرة جوارها، مستندة عليها بأجهد و هى تتمتم :  
\_الولاد .. الولاد .. القروء خطفوا الولاد .. و..

أنتبهت عنوة لمن تتحدث، قبل أن تقول بلهفة قلقة :  
\_ولاد أحتك ، ولاد أحتك في قردين أخذوهم!

بدى حديثها مضحك عجيب، لو كان في وقت لاحق، لقال {بزن} أنها تمتلك حس فكاهي، لكن الآن؟!\_

أندفع {بزن} حيث أشارت له {نازلي}، و شعر بقلبه يكاد يسقط للمرة الألف بسبب تلك الكوارث!

~~~~~

كان الأطباء يحاولون أبعاد {شادي} عن {سراج} المسطح أرضًا تحت لكلمات {شادي} الهائج

لو عدنا بالزمن خمس دقائق فقط، لوجدنا {سراج} يهتف بسعادة :

_أنا مش مصدق نفسي!

شذى أنتِ قدامي بجد، صح؟!_

يعني مكذبوش عليا في الفندق لما قالولي أن في واحدة اسمها شذى موجودة هنا، بس أنتقلت للمستشفى

صمت فجأة و هو يسأل بقلق :

بس أنتِ ايه ال وصلك لكدا؟!

ايه ال وصلك أنك تخشي المستشفى؟!_

لكن ما لبث أن تغيرت نبرته للفرحة، و هو يكمل، غير مهتم بنظرات {شذى} المدهوشة المستنكرة :

_بس مش مشكلة ، هتقومى إن شاء الله، و هرجع أتقدملك تاني من عمي، حتى لو رفضتيني، هرجع أتقدملك تاني و تالت و عا..

و بتر عبارته بغتة، عندما شعر بلكمة عنيف، تصطمم بوجهه، ليندفع جسده نحو الباب في عنف شديد

بدت لكمة عنيف قوية من {شادي} الذى أشتعلت كل عضلة بجسده في غضب، لينظر له {سراج} بآلم و هو يصيح :

_ ايه الهمجية دي؟! ازاي تمد إيدك عليا يا أستاذ أنت!
و بعدين أنت مين أصلاً؟! و...

قاطعته أندفاع {شادي} نحوه ، ليلكمه مرة أخرى، مخرجًا إياه من الغرفة، ليصطدم بالجدار في قوة، لم تتل أعجاب {شادي} ، ليكمل شجاره هذا، غير مهتم بالمكان الذي هو به، أو المرضى المتواجدين بالغرفة حوله، فقد {شادي} الذي كان طوال حياته هادئ صوابه، و ما أدراك أن يفقد الهادئ الرزين صوابه، هو يعلن بذلك فتح أبواب الجحيم!

و ها هو، يلکم {سراج} في كل مكان بوجهه، خشية ألا تطول يده مكان به، و هذا الأخير يستنجد بالأطباء من حوله، الذين كانوا يحاولون أبعاد {شادي} عنه، و بالفعل نجحوا في ذلك، مُعيقين حركته، إلا أن {سراج} الذي نهض ، لم يَرُق له ما حدث له، و بدى أنه كان يطمح للمزيد، فصاح بغیظ :
_ في ايه يا جدع أنت؟! واحد بيطلب إيد واحدة، بتضربه ليه؟! ايه الهمجية دي!؟

و رغم ما حدث له، و وجهه الذي تم تهشيمه تحت قبضة {شادي}، إلا أنه تعرف عليه و هو يقول :
_ هو أنت ابن عمته؟! كان نفسك تتجوزها و لقيت ال سابقك فغيرت!؟

عادت الدماء تندفع بين أوردته بقوة، ليصبح هو محاولاً التحرر من الأطباء الذين كانوا يقيدونه، غافلاً عن {شذى} التي خرجت من غرفتها، فلقاً عليه :
_ إياك تجيب سيرتها على لسانك تاني!
دي مراتي و ميحفش لمخلوق أنه يقرب منها!
قسمًا عظمًا إن ما مشيت من قدامي دلوقتي لكون مطريق المستشفى بالفهيا على دماغك يا ابن الكساب!

ردد {سراج} بعدم تصديق و خيبة :
_ .. مراتك!؟

صاح {شادي} بغضب أشد :
_ ايوا مراتي! و ال يأذيها بكلمة أنا أجبب أجله هو و أهله!
لو هوبت نحية مراتي تاني يا سراج ما هلك!
لو زمان أبوها و أخوها وقولك لما كسرتها و قفلوا الباب في وشك بس، فأنا هكسر عضمك لو دمعة نزلت منها بسببك!

و رغم الهلع الذي تلبس {سراج}، إلا أنه نظر لـ {شذى} المذهولة مرددًا تلك الكلمة مرة أخرى على هيئة سؤال لها :
_ مر ... مراته!؟

لم تجب {شذى} عليه، بل كانت نظراتها مركزة على من يدعي أنه زوجها، و دون وعى ، نظرت لخاتم زواجها، لتجد اسم "شادي" نُقش داخلها بخط زُخرفي راقى

بينما عاود {شادي} حديثه :
_ ملكش دعوة بيها! ولا ليك أنك تبصلها من الأصل!
و رب الكعبة يا سراج إن ما لميت نفسك و مشيت، لأكون مخلي الممرضين شايلينك على نقالة!

و رغم رغبة {سراج} الملحّة بأعادة {شذى} له، إلا أن هيئة {شادي} كانت مثيرة للرعب بحق، عينيه التان كادتا تخرجان من محجريهما، نبرة صوته التي زلزلت جدران المشفى حوله، إن تناسينا تهديده و وعيده المخيفان، فهذه الأشياء كافية بأن يفر {سراج} بروحه، و بالفعل، ركض {سراج} مبتعدًا عن المكان، بينما ترك الأطباء {شادي} الذي أستعاد بعضًا من عقله، ليصرف نظر عن فكرة قتل {سراج} ، منتبهاً فجأة لوجود {شذى}

ألقت صوبها، و قد لانت ملامحه كُليًا، بينما كانت {شذى} تحاول تصديق ما سمعته ، تقدم نحوها بقلق و خوف و هو يهمس :
_ .. شذى حبيبتي ، أ .. أنا فهيمك كل حاجة براحة، بس مت..

أندفعت نحوه بغتة ،ملقية نفسها بين أحضانه، و قد شعرت أن كل شئ غير مفهوم، و مبهم، و غير واضح، و هى .. هى فقط تحتاج لمن يخبرها أن كل شئ بخير ، ينتزعها من صراع عقلها هذا، و تلك الأحداث التى تشوش عقلها لثواني معدودة

كان ذلك آخر ما توقعه {شادي} في الواقع، لكنه أعجبه، و راق له، و شرح صدره، فأخذها عائداً بها لداخل الغرفة، و جلس بها فوق الفراش، قبل أن يحيطها بذراعيه في حنان بالغ، لم يتوقع يوماً أن تكون أقصى أمانيه عناق من زوجته بعدما تزوجها!

سمعها تغمغم ببعض الكلمات، فأخفض برأسه قليلاً و هو يسألها بلين :
بتقولي إبه يا حبيبتي؟!

شعر بها تنتفض بين ذراعيه و هى تعيد حديثها بهمس :
_أنا..أنا مش فاهمة حاجة ، و خيفة ، و حاسة أني تايهة

ربت على رأسها بلطف و هو يقول :
_واحدة واحدة الدنيا هترجع ، براحة على نفسك، أنا مش طالب منك حاجة غير أنك تبقي كويسة، متضغطيش نفسك

أبتعدت فجأة عن {شادي}، و نظرت بعيداً في خجل شديد، مدركة ما فعلته، مازالت تحاول أستيعاب الأمر، لكنه لم يفهم ذلك، بل أقترت منها و هو يسأل بقلق :
_أتنفضتي كدا ليه؟! في حاجة وجعتك؟! ف..

قاطنته و هى تهز رأسها نقياً، فعاد يسألها و يمسك كفها بلطف :
مالك طيب؟!

جذبت يدها في تلقائية، و نظرت بعيداً في خجل، ليرمقها بتعجب، يحاول فهم سبب أبتعادها هذا، حتى تذكر ردة فعلها بعد زواجهما كلما أمسك يدها أو أقترت منها، ليبتسم و هو يهمس بينه و بين نفسه :
"يا الله يا شدى ، متغيرتيش خالص ، نفس الكسوف ، و نفس التوتر، كأنك كنت لسة عروسة أمبارح"

تحدثت {شدى} و هى تحاول مواراة حرجها هذا :
ش.. شادي هو أنا فاتني كثير؟!

ود لو أخبرها أنها نسيت أكثر خمس سنوات من حياتها، لكن ما كان ليستطيع، فاكنتفى بقول :
_لا يا حبيبتي ،و لو كان فاتك فأنا جنبك

مرت نصف ساعة، تحدث فيها {شادي} مع {شدى}، مخبراً إياها أنها تم عقد قرانهما منذ فترة، و سيتم زفافهما بعد ستة أشهر، و بعض المبررات لأختفاء والدها

خرج الاثنان من المشفى، و أستقلا سيارة أجرى، ليهبطا أمام إحدى المطاعم الهندية

نظرت {شدى} لـ {شادي}، متسائلة بعينيها عن سبب مجيئها لهن، فقراً هو ذلك، و أشار نحو المطعم قائلاً :
_بما أنك مش فاكرة غير أني ابن عمك، و مفيش بيننا ذكريات، فقولت نعمل ذكريات جديدة بيننا، فجبنتك هنا بما أنك بتحبي الأكل الهندي

ثم جذبها للداخل، بينما نظرت هى لظهره، و قد برزت بسمة صغيرة على ثغرها، يبدو أن هناك شعاع أمل في نهاية الأمر يا عزيزي {شادي}

جلسا ،و ترك {شادي} مهمة طلب الطعام لـ {شدى} ، فهو لا يفقه شيئاً في هذه الأطعمة على كل حال

أنصرف النادل، بينما نظرت {شدى} لـ {شادي} الذى كان يتأملها ، أبتلعت لعابها ، و قالت بصوت هامس :

_شادي ..

همهم و هو يسلط نظره عليها، لنتابع :
_شادي متبصليش كدا .. أنا .. أنا لسة متعودتش على الوضع ده

عاد {شادي} بظهره و هو يقول :
_موعدكيش .. أنا مش هعرف أعض بصري عنك بصراحة

أتسعت بسمته و هو يقول :
_خصوصاً أن وشك البيبي فيس ده موقعني في غرامك بصراحة

زاد خجلها، لم تتوقع أن تسمع كلمات كنتك منه يوماً ما، فقد أعتادت أن تراه ذلك الشاب الخلق، الذي لا يرفع بصره لأحداهن، ولا يُمازح هذه و تلك، و لكن الآن؟!
ها هو يتغزل بها!

حاولت التحدث، ردًا على ما قال، لكن الكلمات علقته بحلقها، و أبت الخروج، فقررت ألتزام الصمت

تابع {شادي} تغيير تعابير وجهها، و ثغرها الذي كانت تفتحه، و تعود لغلقة مرة أخرى، أبهامها الذي كانت تدسه بين قبضتها، حركة أعتادت فعلها كلما توترت، أو خجلت

سألها - في محاولة لنزعها من الحالة التي تلبستها تلك - و هو ينظر للنُّذل حوله :
_طلبتى ايه؟؟

رفعت وجهها فجأة، و نست خجلها، قائلة ببسمة واسعة :
_طلبت ساموسا ليا و ليك، و تيكا ماسالا، و ريد لامب، و كيما

حذق {شادي} بها في بلاهة، و سأل بغياء :
_ابوا يعني طلبتي ولا سرحتي الجرسون!؟

كتمت {شذى} ضحكاتهما ، و قالت :
_لا طلبت، دي أسماء الأكلات يا شادي

_يعني مش بتشتميني بالفرنساوي!؟

أنفلتت ضحكات خافتة من بين شفيتها و هي تقول :
_لا مبيشتمكش يا شادي مـ..

بترت عبارتها فجأة و هي تقول :
_عرفت منين أني بعرف أتكلم فرنساوي!؟

أبتسم و هو يجيب :
_كنت كل ما أضايقك الأفيك قلبتي فرنساوي، و أنت عارفة أني أخري في الأنجليزي كلمتين أصلاً

سألته و هي تداعب باطن يدها، عادة، أكتسبتها كلما أندمجت في الحديث مع أحدهم :
_مقولتلكش كنت بقول ايه!؟

هز رأسه نفيًا و هو يجيب :

_ والله كنت بتحايل عليك أعرف بتقولي ايه، عشان أعرف أنا بنشتم ولا لا بس مش أكثر

لم تتمالك نفسها، و صارت تضحك، واضعة يدها فوق ثغرها، لتغمض عينيها بشدة

بينما نظر هو لها بحب شديد، ما ألطف على قلبه ولا أحن من سماع ضحكاتها، و أرتفاع يدها لتخفي ثغرها ، عينيها التي تغمضهما بشدة ، يا الله، تلك المرأة تنوي هلاكه لا محالة

لوهلة تذكر ما حدث بينهما، لوهلة شعر باحتقار لذاته، لماذا لم يكن يرى هذا الكم من البراءة و اللطف عندما كان يتشاجر معها؟! أي أخرج هذا الذي قد يجرح ملاك كتلك؟! ألم يكن هو من يهتم بأدق تفاصيلها؟! ألم يكن من يهيم بها عشقاً؟!

أفاق من شروده، عندما سألته {شذى} و هي تدير هاتفها نحوه :
_ شادي ، هي مين دي؟!

كانت تقصد بحديثها {ليان} التي كانت معها في صورة، بخلفية هاتفها، أبتلع {شادي} لعبه ، و هو يرمق ابنته تحتضن وجه والدتها و هي تضحك ، فقال بكل غباء :
_ دي .. دي بنت بنت خالة جدو من ناحية بابا الله يرحمه

أنعقد حاجبيها بشدة ، و قالت بتعجب :
_ و دي حضناني كدا ليه؟! و أنا عرفتها منين ؟!

حك {شادي} ذقنه و هو يجيب :
_ أصل .. أصل .. أصلها جت هي و مامتها عشان بيعزوا ماما أوي .. وقتها كنت عندها .. و أنت بتحبي الأطفال أوي .. فهي لاننت معاك بسهولة و بدأت تضحك معاك

رفعت {شذى} حاجبيها بدهشة ، فلما قد تعرف عمتها ابنة ابنة ابنة جد {شادي} من جهة والده؟!

شعر {شادي} بأنه أقنعها نوعاً ما، فالتقط كوب المياه، ليتجرعه، بينما تحدثت {شذى} مازحة :
_ أنا فعلاً بحب الأطفال جداً ، لدرجة أنني كان نفسي أجيب خمس عيال و أنا صغيرة و ...

بترت عبارتها فجأة عندما بصق {شادي} المياه من فمه

نظرت له {شذى} بقلق، و جذبت محرمة ورقية، و ناولته إياها و هي تقول :
_ أنت كويس؟!

أخذ {شادي} المحرمة، و قال :
_ آه .. آه أنا كويس .. شرفت مش أكثر

هزت رأسها ، و عادت لصمتها ، لا تعرف ماذا تقول، أتسأل عن علاقتهما فيما سبق؟! أم سيكون الأمر محرج؟!
ما المحرج في معرفة حياتك السابقة يا فتاة!
أم تسأل عن عمتها؟! لكن لما قد تسأل عنها الآن؟!
ما المناسبة التي ستتحدث فيها عن عمتها؟! ولما؟!
ماذا عن عن عمله؟! لكنها تعلم مسبقاً أنه يعمل كطبيب!
و بالتأكيد لن يفضل الحديث عن الأمر، الجميع يتسابقون لنيل عطلة، فبتأكيد لن يتسامروا عن العمل و مشاكله حسناً، ماذا ع..

_ أنا جوزك على فكرة، ممكن تشاركييني أفكارك عادي

عادت لئدس أبهامها بكفها ، فأدرك هو أنها مرتبكة ، فحاول جذب انتباهها :
_بس مستغر بتيش يعني أني جايبك تتغدي الصبح كدا

_لا عادي، ما أنت بتعمل كدا أغلب الوقت مـ...

"لماذا كلما خرجت من موقف محرج ، سقطت في آخر !"

كان هذا تفكير {شذى} التي ودت لو نهضت و تركت المجلس، لكن كل ما أستطاعت فعله هو النهوض قائلة :
_أنا .. أنا رايحة الحمام د ..

جذبها {شادي} لتجلس جاره و هو يقول بلهفة :
_لا أستتي ، حمام ايه بس، ده أحنا وقعنا بلسانا وقعة حلوة أوي ، عرفتي مينين بقى أني أغلب الوقت بتغدى بدل ما أفطر يا حلوة؟!!

أشاحت بنظرها في حرج و هي تتمم :
_عـ.. عمتو قائلتي

و عمتو قالكك ليه؟!!

أنى لها أن تخبره بأنها كانت معجبة به!
كانت معجبة به لشدة في سنوات جامعتها، وبدأت تتعلق بـ {شادي} رويدًا رويدًا ، حتى صارت غارقة بكل تفاصيله التي كانت تعلمها من عمتها بمحض الصدفة، و لكنها لم تظهر له شيئًا، و لم تتجاوز حدودها معه، فقط تمننت لو تقدم بطلب يدها، لكنها علمت أن والدها لن يوافق، لكره لزواج الأقارب، خشية أن تحدث مشكلة بينه و بين شقيقته، و هذا آخر ما قد تتمناه، ففقدت الأمل، وما كانت أن تخالف والدها في شئ قررته، حتى و إن كانت تحبه بجنون، هي لن تجرئ على معارضة والدها!
عندما تقدم {سراج} لها، وجدت أنه شخص مناسب
قد يحافظ عليها، حسب قول والدها، لكن حدث ما حدث ..

عندما أخبرها {شادي} أنه زوجها بالمشفى، أصيبت بصدمة حقيقية، ليس لفقدان ذاكرتها، لكنها لم تكن تصدق ذلك أصبحت زوجته، لم تصدق أن الأمر صار واقعًا!
ذلك العناق الذى عانقته بالمشفى، كان لأنها تشعر بالأمان في وجوده، و كم كانت تحتاج لذلك الأمان عندما شعرت بتشوش

_يعني مش هنتكلمي؟! طب كلي، كلي بدل ما أنتنقط

أبتسمت بخفة، و بدأت بتناول الطعام في تلذذ، قبل أن يسألها {شادي} بتعجب :
_أنت مقولتيش أنك طالبة سمبوسة!

نظرت {شذى} له بتعجب، قبل أن تبصر الـ "ساموسا"
بين يديه، فضحكت و هي تقول :
_لا دي مش سمبوسة، دي ساموسا

رفع حاجبه و هو يقول :
_و لما تقوليها بالأفرنجي كدا أختلفت!

_ساموسا دي حاجة شبه السمبوسة عندنا، بس البهارات ال فيها مخلياها في حنة تانية

_حرامية يعني

_هما مين دول؟!

_الهنود! سارقين فكرة السمبوسة منا، و اسمها كمان!

عادت {شذى} لتتظر لطعامها بقلة حيلة، و ما هي إلا لحظات، حتى أنتفضت على صياح {شادي} و هو يقول :
_شطة!
البتاعة ده مولع أوي و...

عاد بصيح و هو يشعر أن هناك لهبًا فوق لسانه، لم تكن {شذى} تدري - في وقتها الحالي - أن {شادي} لا يحتمل الطعام الحار، فطلبت من النادل أن يجعل الطعام شديد الحرارة، و هو من ضغط على نفسه، أتيا بها إلى هنا، ليتناول طعام غير حار بهذا الشكل!

~~~~~

ضحكت بشدة و هي تمسك شطيرتها بين يديها قائلة :  
\_يعني من ساموسا و ريد لامب، لفول و طعمية!

قضم {شادي} الذي كان يجلس جوارها أعلى الرصيف شطيرته، و قال :  
\_مش أحسن من التعاويذ ال طلبتها ال كانت هتجيب أجلي دي، جايالي شطة مولعة و أنا ميكش فوكس شطة بتاع العيال!

عادت لتضحك و هي تتظر له، ربما لو كانت شخص آخر، لاستنكرت هذه الجلسة ، وهذا الطعام ، لكنها لا تهتم أين هي، وماذا تأكل، المهم أنه معها

~~~~~

كان المقهى الشعبي (القهوة) فارغ، عندما توقف القردان الذان أختطفا التوأم الكبير عنده، وجلسا، يشربان أى شئ على الطاولة، دون فهم ماهيتها، بينما كان {سهم} يداعب شئ طويل بيده و هو يسأل {شهم} :
_شهم ، هو ايه دي؟!

كانا بالفعل لا يهتمان أنهما في مكان لا يعرفاه ، أو أن هناك قردان أمامهما ، أو أنهما ليسا في المدرسة!

أجابه {شهم} و هو يمسك ذلك الشئ :
_ده تقريبًا شاليمون طويل ، و بيشرىوا الماية ال تحت
دي

شعر فجأة بأحد القردان يجذب ذلك الشئ منه، و نظر له يتفحص ماهيته ،قبل أن يضعه في فمه و يعضه، لكنه كان سميك، فلم يستطع مضغه، فأخرجه من فمه، و ضربه في الطاولة عدة مرات

نظر له {شهم} بضيق ، إلا أن {سهم} أخرج نفس الشئ من جانبه و هو يقول :
_في واحدة تانية ..

بتر عبارته عندما رأى القرد الآخر يمسك بشئ مثل الذى معهما، و وضعه في فمه، ثم أخرجه، مخرجًا معه كمية من الدخان كثيفة

سعل التوأم، قبل أن يقول {شهم} :
_الشليمون ده ريحته وحشة أوي ، سييه يا سهم، خلينا دور على حاجة تانية

نهض الاثنان من مقعدهما، و تجولا بالمقهى الشعبي، قبل أن يتوقفا عند طاولة، عندما هتف {سهم} بسعادة :
_حليسة!

أخذ كوب حمص الشام من فوق الطاولة، و بدأ في تناوله باستمتاع، فمط {شهم} شفثيه و هو يقول :
_ و أنا عايز واحدة !

ضم {سهم} الكوب لصدره و هو يقول :
_ لا دي بتاعتي

ثم لمح كوب آخر، فأشار لشقيقه و هو يقول :
_ في واحد تاني هناك اهو

نظر {شهم} للكوب، قبل أن يجذبه و يرى ما به، أنعقد حاجبيه و هو يقول :
_ ايه ده؟!

نظر {سهم} داخل الكوب، وأنعقد حاجبيه هو الآخر و هو يقول :
_ مش عارف .. ممكن يكون هوت شوكلت

تجرع {شهم} القليل منه، قبل أن يبصقه في وجه شقيقه و هو يهتف ملقياً بالكوب أرضاً :
_ ده.. ده مش هوت شوكلت.. طعمه وحش أوي!

أنكش وجه {سهم} بتقزز من الـ (عرق سوس) الساخن، و ترك كوبه جانباً، ليمسح وجهه بقميصه ، لكنه أنتفض عندما سمع {شهم}
يصيح :
_ سيبه .. ده بتاعنا!

ألتفت {سهم} لشقيقه ،ليتفاجئ بأحد القردان يريد جذب كوب حمص الشام منه، فأسرع يمسك الكوب مع شقيقه و هو يهتف بغضب :
_ كوياتي!

أصدر القرد صوتاً، كأنه يعترض على حديثهما، فترك {شهم} شقيقه، و جذب أحد المقاعد الصغيرة، و ألقاها نحو القرد في غضب، فسقط القرد أرضاً، و هو يصدر صوتاً مرة أخرى، جذب انتباه القرد الآخر الذي كان يحاول معرفة ماهية ذلك الشئ بين يديه، إلا أنه تركه و قفز نحو القرد الآخر، ليتفاجئ به يمسك مقعد يلقيه نحوه، لم يكن هو المقصود، لكنه وقف أمام الصغيرين، فقال نصيبه من الأصطدام

و أشتعل المقهى بين الأربعة، و عمت الفوضى و بما أن الفوضى أنتشرت بسبب التوام الكبير فمن سيظهر من العدم كالمعتاد؟!
أصبتم، هو ذلك الرجل الذي كان ضحية لأولاد شقيقته

تجمد {بزن} عندما رأى ذلك الشجار ، ليقول بعدم تصديق :
_ يعني حتى القرد مش عاتقين !
مصايب ماشية على الأرض !

أندفع نحو المقهى الشعبي، و هو يهتف باسم التوام، قبل أن يصيح {سهم} :
_ أنا مش مسامحك على كويابة الحليسة ال خدتها مني!

غمغم {بزن} بعدم تصديق :
_ يعني الخناقة دي عشان حليسة!

جذب {يزن} الطفلين الذان كانا يرفضان الرحيل، دون أسترداد حقهما في كوب حمص الشام !

شعر {يزن} فجأة بمقعد يصطدم بظهره ،ليصبح بآلم و هو يسقط أرضًا، و قد بدأت الهرر الصغيرة إصدار أصواتًا عدة نظرًا لخوفهم و ذلك السقوط المباغت، و {شمندورا} المتعبة من وضعها لأطفالها، و بكاء {ليان} التي سقطت أرضًا

عاد {يزن} ينهض و جذب صندوق الهرر، و حمل {ليان}، و دفع التوام الصغير و هو يهتف بهما أن يتحركا بحدة أول مرة يخاطبهما بها

لكن القردان أرادا أخذ ثأرهما من هذان الطفلان، فركضا خلفهم و هما يطلقان أصواتًا مزعجة

فألقت {يزن} لهما عندما شعرا باقتربهما، و توسعت عينيه بدهشة من ركضهما خلفه

ترك {ليان} ليربت {سهم} عليها و يعانقها {سهم} بحنان، متنسيان الكارثة التي سببها تَوَا

جذب {يزن} مقعدان ،و ألقاهما نحو القردان ،لكن القردان قفزا من فوقهما، و وصل لـ {يزن} الذي أمسكهما قبل أن يصل للصغار، رغم خوفه منهما لجنون القردة المعروفة، لكن الأمر منتهي عندما يمس سلامة صغاره

ألقاهما بعيدًا، إلا أن أحدهما تمسكا به، و قام بعضه، فتألم {يزن}،و إن كتم ذلك، وخفض يده نحو ساقه، محاولاً دفع القرد بقدمه إلا أن القرد أبى تركه، و صعد لرأسه، متمسكًا بخصلات شعر {يزن} الذي صاح بسبب جذب القرد له

ترك {سهم} {ليان} لشقيقه، و جذب أحد الأكوام الزجاجية، ملقيًا بها نحو رأس خاله، قاصدًا أن تصيب القرد، لكنها لم تصل، و إنما أصطدمت بظهر {يزن} الذي صاح بآلم، فأنكشمت ملامح {سهم} بخوف قليلًا، لكنه ما لبث أن جذب مقعد صغير، و ألقاه مرة أخرى نحو القرد، و أصاب مراده هذه المرة، تقريبًا ..

فقد وثب القرد، تاركًا رأس {يزن}، ليصطدم المقعد برأسه، ملقيًا به أرضًا ،فصاح بآلم شديد :

_أرحم الـ جابوا أهلي .. !

ده أنا لو كنت واكل ورت أمك ما هتضرب فيا كدا .. !

نهض و هو يشعر بدوار، لكنه تحامل على نفسه، وقرر أنهاء كل هذا، فحمل طاولة ثقيلة ، و ألقاها نحو القردان و لم ينتظر ليرى ما أصابهما، بل ألقى بعده مقاعد نحوهما أيضًا، وسأل أطفال شقيقته و هو يدفعهم :

_أخواتكم فين؟!!

هز {سهم} كتفيه وقال :

_منعرفش، مكنوش معانا

حسنًا ، هذا أمر آخر مثير للربح، لكن عليه التحرك الآن بتلك الكوارث الآن، ثم التفكير بشأن الكارثتان المتبقيتان

~~~~~

كان {يزن} قد دلف للمنزل، بهيئة مهترئة، و كذلك الأطفال - عدا ليان النائمة - الذين كانوا يشعرون بتعب شديد

خرجت {فتحية} من غرفتها بعدما سمعت فتح الباب، وقالت بقلق متجهة نحو أحفادها :

\_حبايبي أنتو كويسين؟!!

أنخفضت تتطمئن على صغارها، فقال {يزن} بسخرية :

\_والله يا فتحية أنا الـ أتبهذلت مش هما

قبلت أحفادها، قبل أن يتحركوا نحو غرفهم ليرتاحوا، وأخذت {ليان} و هى تتفحص {يزن} بقلق ،قبل أن ترى كدمة خلف رأسه، و آثار عضة بمعصمه ،فهتفت بهلع :

\_ ايه ده يا بزن؟! حصلك ايه يا عين عمك!

أجابها بسخرية وهو ينظر لباب غرفة الأطفال :  
\_ أبداً ، قروود الأنس و قروود حيوانية أتكاتروا عليا

تنهد وتحرك نحو فراش {شمندورا}، وفتح الصندوق، وأخرج قطته المتعبة، و صغارها الثلاث، فتوسعت عيني {فتحية} وهي تقول :  
\_ قطط تاني يا بزن!

أبتسم {بزن} بتهكم و هو ينهض :  
\_ والله يا عمو روحت للدكتور منذر بتاع شمندورا بيها وحدها، رجعت بيها و بعيالها

مسح {بزن} على وجهه، واتجه نحو الباب، فقالت {فتحية} :  
\_ رايح فين يا بني؟! دي القروود لسة برا وممسكوهمش

أجابها {بزن} و هو يفتح الباب :  
\_ رايح ألم القروود بتاعتنا يا عمو قبل ما يفكر القروود أنهم ولادهم بجد

~~~~~

كان {قدري} في صيدليته، قبل أن ينتفض إثر صياح {قاسم} الذي دفع {قدر} داخل الصيدلية و دلف هو :
_ دكتور، دكتور لازم تقفل الصيدلية دلوقتي!

نظر له {قدري} بتعجب و هو يقول :
_ في ايه؟!!

_ في قروود!

نظر له {قدري} ببلاهة ،فوضح هو حديثه :
_ في قروود هربانة برا

تحرك {قدري} سريعاً ، و أغلق الباب الحديدي الخاص بالصيدلية، قبل أن يعود و هو يقول بقلق :
_ في حد فيكم حصله حاجة؟!!

أجابه {قاسم} في سرعة :
_ ايوا ، قدر أتعضت

لا يدري {قدري} لما شعر بقلق نحوها ،لكنه أسرع للدخل، ثم عاد بحقيبة الأسعافات الأولية، جلس أمامها و سأل :
_ العضة فين؟!!

أزاحت {قدر} كُم ثيابها، لتكشف عن مكان الأصابة التي كانت تنزف بعض الشئ

وقف {قاسم} جوار شقيقته، و ربت على ظهرها و هو يردد :
_ بسم الله الشافي المعافي، بسم الله الشافي المعافي

بينما بدأ {قدري} بتعقيم الجرح و هو يسأل :
_ ايه ال حصل؟! القروود دي هربت ازاي؟!!

أجابه {قاسم} و هو ينظر لوجه شقيقته المتألّمة بقلق :

__ كنا رايحين السوير ماركت، و أحنا مروحين لقينا قرود طالعة علينا، معرفش طلوعوا منين دول ، و لما طلعا نجري، في واحد منهم قفش في دراعي و مكنش راضي بسببه، راحت قدر شده من دراعي بعزم ما فيها، فراح عضيدها

تأوهت {قدر} عندما ضغط {قدري} على جرحها بعض الشيء، فقال بقلق :
__ معلش حقك عليا ، هوجعك مرتين كمان بس

أنهى تعقيم جرحها ، و أخذ أنبوبة المضاد الحيوي، و ذلك مكان الجرح برفق، ثم أخذ شاش و قام بلفه حول الأصابة، لتتألم هي ، مغمضة عينيها بشدة ، فقال {قاسم} بأسف:
__ حقك عليا يا قدر ، أنا السبب

تحدثت {قدر} بألم :
__ يعني أنت كنت عارف أنهم هيهربوا يا قاسم و يطلعوا علينا، أنت ملكش دعو..

بترت عبارتها عندما شعرت بألم إثر ضغط {قدري} على جرحها، فقال {قدري} :
__ حقك عليا ، بس لازم أضغط عشان أكتم الدم

ختم حديثه بعدما أنهى لف الشاش، بينما عانقها {قاسم}
و هو يشعر بالذنب، فقد تسبب القرد بجرحها لأنها كانت تحاول أبعاده عن {قاسم}، نظر لـ {قدري} الذي كان يغلق حقيبتة و يقول :
__ أنا تعاملت مع الجرح بأسعافات أولية، لكن لازم تروح للمستشفى بعد أربعة و عشرين ساعة

هز {قاسم} رأسه ، و عاد يردد :
__ أسأل الله العظيم رب العرش العظيم أن يشفيك

كان يشعر بالخوف ينهش في قلبه، شقيقته، و والدته و ابنته مصابة بسببه!
وهو عاجز عن فعل أى شئ، لا يمكنه الخروج الآن و الذهاب بها لأى مشفى، ولا يدري هل سيمكنه التحرك بعد أربع و عشرين ساعة أم لا !

تنهد و هو يربت على ظهرها بحنان، فقال {قدري} و هو يشير للداخل :
__ ممكن تاخدها جوا عشان تاخذ راحتها

هز {قاسم} رأسه، و ما كادت {قدر} أن تنهض، حتى شعرت بشقيقها يحملها متجهاً بها للداخل، فقالت بتذمر :
__ قاسم أنا ثقيلة عليك د..

قاطعها {قاسم} بهدوء، وارى خلفه قلقة عليها :
__ مش ثقيلة يا حبيبتي ، ولو ثقيلة يا قدر ، أشيل مين وأخلي بالي من مين لو مخلتش بالي منك !

__ أنا كويسة، الجرح في إيدي مش في رجلي!

__ أنا مروحتش الجيم أنهاردة و مشلتش أوزان، سيبيني أعوض يا ستي!

__ بتشيل 65 كيلو!

__ يا قدر أنت عايزة تدوشيني و خلاص!

أنزلها ، و خلع معطفه، ليضعه أرضاً جوار الصناديق الكرتونية، ثم أشار لها بالجلوس، فقالت برفض :
__ يا قاسم الجاكت ده غالي، مينفعش أقعد عليه

أجبرها {قاسم} على الجلوس، و جلس جاراها و هو يقول :

_مفيش حاجة أعلى من صحتك يا قدر، المهم أنك تكوني كويسة

أبتسمت بأرهاق، و مالت برأسها على كتفه في تعب، بينما أبتسم هو بحنان و هو يربت على رأسها

~~~~~

حل الليل، و الجميع مختبئ في منازلهم، خشية من القرد، لكن، على عكس المتوقع، كانت هناك كارتان، تجلسان مع ثلاثة قرد بسطح المدرسة

كان {أركان} يتحدث مع القرد و هو يتناول الفول السوداني الذي معه، و قد بدى أن القرد أحبه :  
\_بس أنا مسكتش، وروحت رميت طوبة في وشه

أصدر القرد صوتًا، فتابع {أركان} بتركيز :  
\_ايوا زي ما بقولك كدا، عشان يبقى يزعلي تاني!

مط شفتيه و هو يقول :  
\_بس في الآخر معرفتش أروح لماما و بابا الحقيقين

كان يتحدث بنبرة حزينة، فربت القرد على ظهره، مصدرًا أصواتًا خافتة، و كان ذلك أعجب ما قد يفعله حيوان!

بينما، و على الجانب الآخر، كان {ريان} يهتف بضيق :  
\_مش كدا، مش كدا، بصوا تاني

كان يحدث القردان الجالسان أمامه كالتلاميذ النجبية  
جلس أرضًا، ووضع رأسه أرضًا، ثم ضغط على رأسه، و رفع جسده للأعلى، و ألقاه على الجانب الآخر، معتقدًا أنه يفعل حركة أولومبية شهيرة

حاول القردان فعل ذلك، لكنهما لم ينجحا، فعاد {ريان}  
يصيح بغضب :  
\_غلط غلط

و ربما لو رأى {يزن} ما حدث للقردان، لتصنم كالتمثال، فقد أخفض القردان رأسيهما و هما يسمعان توبيخ {ريان} لهما!  
كانت الكارتان، غافلتان عن من كان يتحرك بالطرقاات بحثًا عنهما، و قد تلبسه القلق..

~~~~~

عاد {شادي} مع {شذى} للفندق، بعدما حل الظلام، صعدا لغرفتيهما، و توقفا أمام باب {شذى} التي قالت ببسمة لطيفة :
_الصبح، أنا كنت تعبانة، و الدنيا بتلف بيا، وحاسة بتشوش

أخذت نفسًا عميقًا، قبل أن تخرجه بهدوء و هي تقول :
_بس دلوقتي .. حاسة أنني مبسوفة .. شكرًا يا شادي على اليوم ده

أبتسم لها بود، ثم غمز لها بمشاكسة :
_لسة التقليل مجاش

ضحكت {شذى} و قالت و هى تفتح باب غرفتها :
_ تصبح على خير يا شادي

و مع أغلاقها للباب، تبدلت ملامح {شادي} كُلياً، متحولاً من ذلك الرجل الحنون اللطيف، لرجل آخر، برزت كل معالم الحنق على وجهه

أندفع نحو مكتب ريفه كالقنبلة، و أقتحمه دون أخذ إذن الدخول، ليرفع {شاكر} وجهه عن الأوراق أمامه بفرع و هو يقول :
_ في ايه يا شادي؟! قطعلي الخلف يا عم!

صفع {شادي} الباب خلفه ، و جلس أمام {شاكر} الذى رفع حاجبه بتعجب، و خلع منظار القراءة الخاص به متسائلاً :
_ مدام شذى حصلها حاجة ولا ايه؟!!

هز {شادي} رأسه نفياً، و قال بغيظ :
_ فإكر سراج كساب ال كان في طب أسنان؟!!

أغلق {شاكر} عينيه نصف غلقة، و قال و هو يحاول أسترجاع هيئة ذلك الشخص :
_ مش فإكر بصراحة حد بالاسم ده، بس حاسس أني سمعته قبل كدا ،ماله ده؟!!

تنهد {شادي} و هو يمسخ وجهه :
_ ده كان خاطب شذى قبل مني، و الخطوبة مكملتش أسبوع الحمدلله

أحتقن وجهه بشدة و هو يتذكر ما حدث ، و روى على {شاكر} ما حدث بالمشفى، و قد أتمنى لو رآه مرة أخرى، حتى يخرج شعلة الغضب التى تتراقص بصدرة

ضحك {شاكر} و هو يقول :
_ ده أنت مسبتش فيه حنة سليمة يا بني

_ أنت بتضحك!!

_ أحزانك مضحكة أعملك ايه؟!!

نهض {شادي} و كاد أن يرحل بضيق، لولا يد صديقه الذى جذبته، مرغماً إياه على الجلوس و هو يقول :
_ أهدى طيب، أنت كنت عايز مني ايه؟!!

_ عايز أعرف مين ال عرفه أن شذى في الفندق، و أنها راحت المستشفى!!

_ عشان تفشش دماغ ال جابوه ،مش كدا؟!!

_ عليك نور

_ روح يا شادي لمراتك، قوم روحلها، ده ايه الصحوية ال جاية عليا بخسارة دي

جذب عصير الليمون الذى كاد أن يشربه قبل مجيئ {شادي} ، و أعطاه إياه و هو يقول :
_ أشرب بس و روق كدا، و خمس دقائق و راجعلك

ثم نهض، تارگًا {شادي} يستشيط غضبًا

لم ينسى ما حدث بالمشفى، تظاهر بذلك كي لا يثير خوف {شذى} منه لا أكثر، لكنه دمائه تغلي في عروقه من شدة غضبه و ...
أقالت أنها كانت سعيدة معه أم أنها سعيدة بشكل عام؟!
هل أسعدتها تجارب اليوم أم لأنها تشاركه الأمر؟!
هل شعرت بالحنق عندما أخذها من ذلك المطعم و جعلها تأكل من عربة بالطريق؟!
يقسم أنه لم يكن ليستطع تناول ذلك الطعام الحار
حاول الضغط على نفسه من أجلها، لكن إن كان أستمتر في ذلك، لأخرج من فمه لهباً!

مهلاً مالذي يفكر به الآن؟!
ألم يكن غاضباً و يشعر بحق الدنيا تَوّاً!

أبتسم بخفة و هو يغمغم :
_ عملتي فيا ايه يا شذى، كل ما أفكرك أنسى أنا كنت مضايق ليه!

_ جبنتك شوية رحلات هتعجبك

قالها {شاكر} و هو يجلس أمام {شادي} الذى أمتعضت ملامحه، فضحك {شاكر} و هو يقول :
_ قطعت خلوتك في مكتبي؟! أني آسف

أشاح {شادي} بيده و هو يقول :
_ عملت ايه مع الموظف ال قال لسراج على مكان شذى؟!!

_ أدبته إنذار

_ بس؟!!

_ يا عم خليك في نفسك بقى وفكك من الحوار ده، و بعدين ركز معايا عشان هقولك على رحلات، شوف هنتطلع
أنهي فيهم بكر ا

_ لا يا شاكر مش هينفع

زفر و هو ينظر بعيداً بحرج :
_ أنا.. أنا هاخذ شذى و نتمشى شوية في الممشى و ..

قاطعها {شاكر} بحزم :
_ شادي أنت هنا في دهب ضيف عندي، يعني عيب تتهرب من ضيافتي ليك

_ يا شاكر والله ما ينفع، أنا مش جاى أدفعك تمن رحلتي!

_ و مين قالك أني هدفك تمن رحلتك، شايفني مدير بنك؟!!

_ يا شاكر مبهزرش، أنت عارف ال فيها

_ ما هو عشان عارف ال فيها، فأنا نظمتلك رحلة هتعجبك أوي ، و مش هتكلفك كثير ، دهب بلد مش غالية أوي زى شرم و السخنة
، و أنا أتفقت مع برنامج رحلات أسعاره كويسة، كان نفسه يتعامل مع الفندق هنا من فترة

نظر له {شادي} بامتنان و قال :

_مش عارف أفولك ايه يا شاكِر بجد

هز {شاكِر} كتفيه و هو يقول :
_متقولش، أنا معملتش حاجة ،أنا مرشد ليك مش أكثر

ثم ضربه بخفة على كتفه و هو يغمز :
_و بعدين هتروح لمين يعني، هو أنت ليك غير شاكِر حلال المشاكل

ضحك {شادي} ، بينما أبتسم {شاكِر} و هو يستند بظهره بظهر المقعد، و قال بهدوء و جدية :
_شادي ..

نظر له {شادي} و قد توقف عن الضحك بغتة، فتابع {شاكِر} :
_خلي بالك من بيتك و مراتك .. محدش بيلاقي واحدة تقف معاه اليومين دول كتير .. يعني مترجعش البيت و نقول رجعت ريما لعادتها القديمة .. خليك حنين معاها .. أو حتى متخليش عصبيتك تطولها .. والله لو مسكت نفسك عصبيتك و أنت راجع من الشغل و قولت الأكل حلو .. ولا ريحة الشقة جميلة.. أو مدحت فيها هي شخصياً .. هتنسى تعب اليوم كله .. و أنت نفسك هتتبسط لما تلاقيها فرحت .. كلمتين مش كتير على واحدة شايلة خمس عيال بأبؤهم

أبتسم {شادي} و هز رأسه ، لكن ما ليث أن سأل فجأة :
_صحيح .. أنت أتجوزت فريال ولا؟!

بسمه منكسرة، كانت رد كافي لسؤاله ..
و كم ألم ذلك {شادي} ، و إن أسر ذلك في نفسه
حاول التحدث معه في أى موضوع، لينزعه من تلك الحالة التي تتلبسه، كلما تذكر تلك المرأة، حتى الآن لا يفهم سبب حب {شاكِر} لها

كانت فتاة تدرس بكلية حقوق أثناء دراسة {شاكِر} لآخر سنوات جامعتة، أحبها لسبب لم يبيح عنه حتى الآن، لكن بسبب ارتفاع الحالة المادية لعائلتها عنه أيامها، تم رفضه من قِبلها، و من قِبل والدتها، حتى بعدما فتح فندقه و أرتفع مستواه المادي، كرر عرضه، لكن تم رفضه للمرة الثانية، و عندما كاد يكرر مطلبه، أوقفه شقيقه، مخبراً إياه أن ذلك لن يجدي نفعاً، تلك العائلة ليست من نفس مستواهم الفكري، تكبرهم و غرورهم ، ليست هذه العائلة التي من المفترض أن يناسبهم

تنهد {شاكِر} و أخذ هاتفه من مكتبه و هو يقول :
_شادي معلش ، نكمل كلامنا بكرا، هبقى أبعثك راضي بالبرنامج و تشوف هتروح فين بكرا

قالها، و تركه وحده في المكتب

تنهدت {شادي} و هو يقول بقلة حيلة :
_مش عارف يا بني ليه البهدلة، ده أنت ألف واحدة تتمناك

كان يدرك أن رفيقه لا يريد أن تحدث مشاكل بينه و بين زوجته، لخوفه من أن يبقى وحيداً مثله!

~~~~~

كان {بزن} يتحرك في الطرقات، شبه مغيب، و د لو عاد لمنزله لينال قسطاً من الراحة، لكن أنى له براحة و تلك الكوارث لا تكِل ولا تمل من أفعال الكوارث، التي كالعادة تسقط فوق رأسه في نهاية المطاف

لم ينتبه لتلك الفتاة، ليصطدم بها رغباً عنه، نظراً لعدم ارتدائه لمنظاره الذي نسيه من أول اليوم بالمنزل، و القرد أفسدوا بعض أعمدة الإنارة، فبات الشارع شبه مظلم بالنسبة له لضعف نظره، كانت الرؤية شبه معتمة بالنسبة له

تحدث بحرج :

\_أنا بعنذر من حضرتك، بس الدنيا ضلّمة و..

\_يزن!

رفع {يزن} بصره لـ {فريال} التي لم تصدق نفسها عندما رأته، لكن أنعقد حاجبها عندما غض {يزن} بصره سريعاً عنها و هو يقول :

\_احم .. عن إذنك

لم يشعر بالراحة نحوها، رغم أنه لم يرها قبلاً، و على كل حال لن يقف و يتحدث مع أحدها في طريق مثل ذلك

لكن كبرياء {فريال} الأحمق، رفض أن يتركه يذهب دون الحديث معها، بل و لم تفهم أنه نظراً أرضاً غضاً لبصره، ليس لأن ملابسها بشعة - و إن كانت حقيقة - فتحرّكت خلفه و هي تقول :

\_احم .. يزن .. ممكن تاخذني معاك؟!!

تصنم مكانه، تصنم لا يصدق ما تفوهت به تلك الفتاة تَوّاً

و هو من شعر بالحرج الشديد عندما أصطدم بها بغير قصد !

كم يكره هذا النوع من البشر الذي لا يملك حياةً

تحدث بحدة طفيفة :

\_أخذك معايا فين؟! هو أنا أعرّفك؟؟ لو سمحتي أنا مش فاضي فسيبيني في حالي

ثم تحرك، و قد توسعت خطواته، رغبةً في الأبتعاد عنها، ظناً منه أنه قال كلمات لاذعة، ستردعها عنه، إلا أن {فريال} تبعته و هي تقول :

\_أنا .. أنا بس تايهة و خايفة لقرد يطلعلي، و زى ما أنت شايف الدنيا ضلّمة

لماذا عليه أن يكون خدوماً بشكل مزعج!

تأفف و قال دون النظر إليها :

\_خلاص، تعالي أوديك الشارع الرئيسي

تألقت عينها بسعادة، فهذه أول مرة تحادثه، و أفلحت حيلتها في إبقائها جواره

سألته و هي تداعب خصلة من خصلات شعرها الداكن :

\_بس أنت ايه ال نزلك دلوقتي؟! و أشمعا الشارع ده؟!!

لم ينبس ببنت شفة، فعادت تسأل محاولة فتح حديث معه :

\_أنت عارف أن في كافييه حلو أوي على ناصية الشارع

ممكن نزوح نشرب حاجة هناك ب..

قاطعها بحدة :

\_لو سمحتي متتدمنييش أني ساعدتك، ألترمي حدودك معايا و بلاش تجاوزات

أسرعت تقول، قبل أن يطبق شفتيه عائداً لصلته :  
\_تجاوزات ايه بس يا يزن ك..

قاطعها للمرة الثانية بذات الحدة :

\_أستاذ يزن !  
و من فضلك أسكتي بدل ما أمشي و أسبيك

أطبقت شفتيها بضيق، بينما زفر هو، و قد سارع من خطواته لينتهي من تواجدها معه!

وصلا للناصية، و تحرك {يزن} مبتعداً عنها، لكنها أسرعت تسير خلفه، حتى صارت جاره و قالت :  
\_يعني مش هتعرمني على لمون؟!!

ضحكت و هي تقول :

\_أنا ممكن الـ أعزم على فكرة و..

بترت عبارتها عندما رآته يركض بعيداً بغيته، و ما كانت لتستطيع الركض خلفه، نظراً لكعبيها العالي، فاحتقن وجهها و غمغت :  
\_أهرب أهرب، بس مصيرك تحت إيدي في الآخر

بينما، و على الجانب الآخر، همس {يزن} بريية :

\_قسماً بالله حاسس أن في حد مسلطها عليا عشان تاخدني معاها و يموتوني و يبيعوا أعضائي

نظر خلفه، ليجد نفسه قد أبتعد حتى غابت عن بصره، فتوقف و أطلق تنهيدة أرتياح، لا يدرى لما، لكنه - رغماً عنه - شعر  
بالأشمزاز منها بشكل أثار شعوره بالغثيان

انتبه عنوة لذلك الصياح الحاد، لينفاجئ أنه جوار مدرسة الأطفال

مسح وجهه و تمتم :

\_هما، والله أنا عارف أنهم هما

قالها، و تحرك نحو إحدى الأشجار، ليتسلقها بصعوبة، نظراً ليده التي ما تزال متأثرة بحرقها، و ساقه التي كانت تؤلمه بعض الشيء،  
إلا أنه تسلق الشجرة في النهاية، و وثب من فوق سور المدرسة، ليسقط أرضاً على وجهه، رفع وجهه قليلاً و تمتم بسخط :  
\_أنا كابتن سباحة محترم، حرام الـ بيحصل فيا ده والله

نهض و هو يتأوه، و بدأ يتحرك بالمكان و هو يهمس باسم {ريان} و {أركان}

توقف عن الحراك و هو يسمع صوت رجل يهتف بحق الدنيا :

\_والله لأطلعكو يا شوية قروء!

خمن {يزن} أن ذلك كان صوت الحارس الخاص بالمدرسة، لكنه تسائل في قرارة نفسه، من يقصد بالقردة؟؟ أهى القروء الخاصة  
به؟؟!

أم القروء الخاصة بحديقة الحيوان؟!

حسناً، لا يهم، حيثما يكون أحدهما سيكون الآخر متواجد بالتأكيد

صعد {يزن} درجات السلم الخاص بالمبنى المدرسي في خفة، منصتاً لصوت ضوضاء بالأعلى، حتى وصل للسطح، حسناً، لن أقول  
أنه تصنم مدهوشاً، بات الأمر أعتيادياً

كان {ريان} و {أركان} جالسان مع القردة الثلاث، و كان الأول يلقي بأى شئ يجده على السطح فوق رأس الحارس، و قد عاونه القردان على ذلك، حتى كاد أحدهما أن يلقي به شخصيًا!

تدخل {يزن} سريعًا قبل أن يُقتل ذلك الصغير، و جذبه من يدي القرد بغتة، فهتف {ريان} بدهشة :  
\_ يزن ؟!

ركض {يزن} نحو توأم الصغير و هو يجيب بتعب :  
\_ آه يا غُلب يزن

كان قد جذب {أركان} من قمصيه، و أخذهُ راکضًا نحو الباب، لكن الحارس ظهر بغتة، و دُهِش عندما رأى {يزن}  
و سرعان ما هتف :  
\_ أنت بتعمل ايه...

أنحرف {يزن} بالصغيرين بغتة عندما سمع صوت القرد خلفه يقترب، ليكون الحارس هو الضحية بدلاً من {يزن} الذي قفز درجات الدرج في سرعة و هو يقول :  
\_ المرة الجاية هبقى أرميكو أنا من البلاكونة لو هببتوا بلوة تانية

عقد {أركان} المعلق في الهواء ذراعيه و هو يقول :  
\_ يوه يا يزن، ديمًا بتقطع لحظاتي المهمة

نظر له {يزن} باستنكار و هو يقول قافزًا آخر درجات الدرج :  
\_ لحظاتك المهمة؟! قاعد بتحكي للقرد فضايح أبوك و أمك و تقولي لحظات مهمة!

\_ اسمه يزن!

توقف {يزن} فجأة ، و رفع {أركان} و هو يقول بصدمة و استنكار :  
\_ اسمه ياخويا؟!

نظر له {أركان} ببراءة و حرك يديه في الهواء شارحًا :  
\_ أصل أنا حبيته، و سميته على اسم أكثر حد بحبه

عض {يزن} شفتيه بغيظ و عاد يعدو للخارج قائلاً :  
\_ مش عارف أهزقك على تشبيه القرد بيا، ولا أفرح أني من الناس ال بتحبهم، حسبى الله و نعم الوكيل

~~~~~

كانت الشمس تشرق باستحياء، عندما شعر {قديري} النائم بيد تهزه، فأنتفض و هتف بهلع :
_ في ايه في ايه؟!

تحدث {قاسم} و هو يحاول تهدئته :
_ أهدى أهدى، ده أنا

نظر له {قديري} قليلاً، ثم نظر حوله يحاول أستيعاب أين هو، و ماذا حدث، و من هذا؟!

فرك عينيه بأرهاق، و جذب منظاره الطبي، عل الرؤية تتضح أكثر، ثم نظر لـ {قاسم} و قال :
_ أنت مين يا بني؟!

كتم {قاسم} ضحكة كادت أن تفلت منه و هو يقول :

_ أنا ال جيت أمبارح مع أختي لما قولناك أن في قروود هربانة

_ آه آه ، أنت قاسم

_ أنا مش عارف أقولك ايه يا دكتور والله، لولا مساعدتك، كان زمان قدر راحت فيها

تتأنب {قدري} و هو يقول :

_ بعد الشر عليها، ربنا يديمك ليها

_ معلش عايزينك تفتحلنا الصيدلية عشان أخذها المستشفى

_ طب و القروود؟!!

_ نشروا أنهم قدروا يجمعوهم تاني الليلة الفاتت، لسة شايف النشرة من شوية

_ طب الحمدلله

نهض {قدري} صوب الباب و فتحه، و ما أن فعل، حتى قابل صياح و نواح {صقر} :

_ أيه يا بنى آدم أنت!

لاطعني من أمبارح برة و مبردش على تليفونك ليه؟!!

هي صيدلية أبوك؟!!

ولا تك... بسم الله ما شاء الله

قالها عندما وقع بصره على {قدر} التي كانت تتابع صياحه بضيق و حنق، و لم يهتم لذراع {قاسم} الملتفة حولها، أو لنظراته، بل تقدم في تبجح، و أخرج بطاقة عمله وناولها إليها و هو يبتسم بسمة بدت سمجة للجميع :

_ صقر المحمدي، دكتور صيدلي، أنا صاحب الص...

قاطعها {قاسم} بحدة و هو يخبئ شقيقته من نظرات ذلك الرجل خلف ظهره :

_ ايه ايه ايه؟! مش مالي عينك أنا ولا ايه؟!!

رفع {صقر} بصره لـ {قاسم} الذي كان يفوقه طولاً، و رفع حاجبه وهو يسأل :

_ و يطلع مين الكابتن؟!!

أبتسم {قاسم} بسماجة وهو يجيب :

_ ملكش فيه يا حلو، وملكش دعوة بقدر بدل ما أشكك نصين

ردد {صقر} اسم {قدر} في هيام، بينما لوى {قدري} ثغره و هو يتمتم :

_ أنت ال جبتة لنفسك

شعر {صقر} بقبلة أصطدمت بوجهه، ليندفع نحو أرفف الأدوية، مسقطاً جميع الأدوية فوق رأسه

بينما كان صاحب اللكمة - {قاسم} - يقول بسماجة :

_ أسمع اسمها بيتنطق على لسانك بقى يا كابتن

ثم نظر لـ {قدري} الذي تراجع عدة خطوات بريية، كأنه يخبره أن لا شأن له بذلك الأخرق، لكن {قاسم} خالف توقعه و هو يقول :

_ شكراً مرة ثانية يا دكتور، و نعتذر عن الأزعاج

نقل بصره لشقيقته بلطف و قال :

__يلا؟!!

هزت رأسها و هي تحاول كتم ضحكاتها على شكل {صقر}
المزري، قبل أن ينصرفا من الصيدلية

نظر {قديري} لـ {صقر} المتأوه و قال ملقياً مفاتيح الصيدلية :
__ تعيش و تاخذ غيرها يا صقور، هطير بقي عشان شلت شفتين و أنا صحتي على قدي بصراحة

ثم أندفع للخارج مغمغماً :
__ مش كانت القروود أكلته ولا خلصت عليه و أرتاحنا

~~~~~

كانت {فتحية} و أحفادها يقفون أمام فراش {يزن} الذي  
كان يهزي بكلمات متفرقة و هو نائم :  
"أركان .. أركان .. البلكونة .. لا"  
"شهم .. سهم .. قرد .. حلبسة .. دماغي"  
"ريان .. ريان .. قرد .. ريان .. متجريش"  
"لـ.. ليان .. قرد .. رجل .. إيد .. سيب"

نظرت {فتحية} لأحفادها الذين كانوا يرمقون خالهم كأنه مخلوق تم أكتشافه تَوَّأ، و هتفت بحنق :  
\_\_ شوفتوا عملتوا ايه في الواد الـ حيلتي!  
الواد مش عارف يتهنى في نومته حتى من مصاييكو!

نظر لها {شهم} و قال ببلاهة :  
\_\_ عمئو المفروض تقولي كدا على بابا عشان هو ابنك  
مش على خالو

نظرت لهم {فتحية} بحنق و كادت أن تلخ نعلها، لتلصقه بوجه {شهم}، لولا {ليان} التي تحدثت بتلعثم و هي تضغط على فم {يزن}،  
مسببة أحتناقه :  
\_\_ ين.. ين.. ين.. كوم (قوم)

أبعدتها {فتحية} عن ابن شقيقها و هي تقول بهلع :  
\_\_ يقوم ايه يا بنتي، أنت كدا هتتيميه لآخر عمره!

أنتفض الجميع، مع نهوض {يزن} المفاجئ و هو يصيح متصبباً عرقاً :  
\_\_ الولاد!

أقتربت منه {فتحية} و هي تربت على ظهره بقلق :  
\_\_ كويسين يا حبيبي، كويسين و زى القروود اهو

أنتفض {يزن} و نظر لعتمه قائلاً :  
\_\_ ما بلاش سيرة القروود دي يا عمئو عشان عملتلي تروما والله

\_\_ اسم الله عليك يا حبيبي

فرك عينه بتعب، قبل أن يبصر أولاد شقيقته يحدقون به بشكل أثار ربيته، لكنه قال برجاء :

\_\_ممكن بريك أنهاردة؟! عشان خاطري خلينا بريك أنهاردة، و بهدلوا ال جابوني بكرة زى ما أنتو عابزين، أنا ملحقش أخرج من المستشفى حرام عليكو والله

ربتت {فتحية} على ظهره بحنان و قالت :  
\_\_هما هيقعدوا مؤدبين أنهاردة يا يزن ، أرتاح أنت بس يا بني

عاد ليتمدد أعلى فراشه، و جذب غطاءه ،ليرتاح من عناء ما رأى فيما سبق

بينما أخرجت {فتحية} الأطفال ،و أغلقت باب غرفة ابن شقيقها برفق، ثم أشارت للأطفال و هى ترفع سبابتها :  
\_\_متعملوش دوشة و أقعدوا هاديين ..

\_\_ين .. ين

كانت {ليان} صاحبة الكلمتان، تشير نحو {يزن} الذى خرج من غرفته، و هو يمسح على وجهه، فنظرت له عتمه بقلق :  
\_\_في ايه يا يزن مالك؟!!

أجابها و هو يدلك مؤخرة عنقه :  
\_\_مش عارف أنام يا عمتو من التعب

أنخفض بجزعه، و حمل {ليان} ، ثم أتجه نحو غرفة المعيشة و هو يقول :  
\_\_تعالوا يا ولاد

أندفع الأطفال خلفه، بينما تحركت {فتحية} نحوه و هى تقول :  
\_\_يا بني خش نام ، أو أفرد على السرير حتى، أنت جسمك متكسر يا بني

جلس {يزن} فوق مقعده و هو يقول :  
\_\_والله يا عمتو العيال عملتلي تروما، طيروا النوم من عيني

\_\_بس ي..

\_\_تيتا ، بابا بيتصل ببيك

قالها {أركان} و هو يناولها هاتفها، فأخذته و أجابت مبتعدة ، تدرك أن {يزن} مهما أخفى أمام الأطفال، يشعر بالضيق من {شادي}  
إلى الآن

أغلقت {فتحية} باب غرفتها و هى تقول باشتياق :  
\_\_ابوا يا حبيبي أحنا كويسين، أنت عامل ايه أنت و مراتك؟؟

أجابها {شادي} و هو ينظر لشرفة زوجته التى جاورت شرفته :  
\_\_كويسين يا حبيبيتي، الدنيا هديت ما بينا، يزن عامل ايه؟!!

\_\_لسة شايل منك بس مبيقولش

تنهد {شادي} و مسح وجهه، فتابعت والدته :  
\_\_ما هو برضو مش طبيعي أنه يخش شفته يلاقي أخته قاطعة النفس بسبب جوزها، طبيعي يطربق الدنيا على دماغك

\_\_عارف والله، بس متعودتش مكلموش الفترة دي كلها

\_ ما أنتَ قعدتَ سنين متكلمش مراتك غير كلمة و رد غطاها

\_ يا ماما أنا عارف والله أني غلط و بتحاسب على غلطي، بس أنا بحاول أصلح

صمت قليلاً بتردد، لا يعلم أيخبرها بما حدث لـ {شذى} أم لا، لكن إذا تجاهل الأمر لربما تتصل {شذى} بوالدته و تخبرها بشأن الأطفال!

تحدث و هو يراقب شرفة زوجته بحذر :

\_ ماما .. في حاجة كدا حصلت

\_ عملت ايه يا شادي؟!!

أبتلع لعابه، ليتجهز لذلك الأعصار الذي سيبدأ، و سرد عليها ما حدث، و ما أن أنهى حديثه، حتى عم الصمت، و مرت دقيقة كاملة، قبل أن تصيح {فتحية} :

\_ يعني ايه؟! يعني بنتي خلاص مش فكراني!

\_ يا ماما لا، هي في فترة زمنية وقعت من ذاكرتها، بس هي فكريا و فاكرة بزن، بس مش فاكرة العيال، فحاولي متخليش العيال يكلموها، و أبعدني عنهم لما تكلموها

\_ ما هو لو مش عارف تاخد بالك منها يا شادي رجعها بيتها و لأخوها

أنقض {شادي} و هو يتخيل الأمر، قبل أن يقول بحدة طفيفة لم يقصدها :

\_ لا يا ماما، شذى أستحالة تبعد عني، و الـ حصل ده كان غصب عني، لكن مش هيتكرر تاني و لو على جتتي

\_ شادي مش معنى أني والدتك أني هاجي على بنت أخويا، أنا أعتبر أمها هي كمان، و الـ يجي نحية بنتي أكله بسناني!

\_ عارف يا ماما أنك بتحبيها و يمكن أكثر مني كمان

صمت قليلاً و هو يداعب خاتم زواجه، قبل أن يتابع :

\_ و أنا هخلي بالي منها يا ماما

أبتسم في محاولة لتغير الحديث :

\_ و بعدين والدتي من أي جهة بظبط، أنا لما شذى بتبقى عندنا ولا تيجي سيرتها بس بحس أنك لقيتيني قدام باب جامع

\_ ايه ده عرفت منين؟!!

\_ كنت حاسس بالغدر من زمان

\_ شادي .. لازم بزن يعرف

أغمض {شادي} عينيه و هو يهمس :

\_ عارف .. ده أخوها و لازم يعرف

\_ أقوله ولا تقوله أنت؟!!

\_ قوليله يا ماما، على الأقل لسة ليك غلاوة عنده

\_ هيسامحك لما يلاقي أخته راجعة مبسوطه، يزن قلبه أبيض و مبيشلش كتير

\_ يا رب يا حبيبيتي، أنا هفقل معاك بقى عشان ألحق اليوم من أوله مع شذى

\_ شادي!

\_ نعم يا ماما

\_ أفتح شنطة سفرك، هتلاقي في علبة سلسلة في الستة تحت خالص، أديها لمراتك

أبتسم {شادي} بسمة واسعة و هو يقول :

\_ ربنا يديمك ليا يا حبيبيتي

أنهى محادثته مع والدته، و دلف للداخل بعدما أغلق الشرفة، بدل ثيابه سريعاً، و أخذ معطفه و هاتفه، و خرج من الغرفة، ثم أتجه نحو غرفة {شذى}، طرق بابها و أنتظر قليلاً، قبل أن يعيد الكرة، لكن لم يتلقى إجابة، عقد حاجبيه و عاد يطرق بقوة بعض الشيء، لكنها لم تجب و لم تفتح الباب، بدأ يشعر بالقلق ، فأتصل بها، لكن هاتفها كان مغلق، هبط درجات الدرج في سرعة، حتى وصل لـ بهو الفندق، توجه نحو موظف الاستقبال و سأله في قلق :

\_ هي شذى أنس الفُرشي خرجت من أوصتها؟!!

نظر له الموظف و هو يقول :

\_ مين حضرتك؟!!

أخرج {شادي} بطاقة هويته، و ناولها له قائلاً :

\_ أنا جوزها

نظر الموظف لبطاقة هويته، ثم عاد ببصره للحاسوب أمامه، قبل أن يتأكد من صحة حديث {شادي}، فأعاد إليه بطاقة هويته و هو يجيبه :

\_ لا يا فندم، المدام مخرجتس من الفندق، ممكن تكون في المطعم

تركه {شادي} و تحرك بخطى سريعة نحو المطعم ، كان يتحرك بين الناس، في محاولة بانسة للعثور عليها، لكنها لم تكن موجودة!

عاد لرجل الاستقبال، يخبره أنه بحاجة للمفتاح للاحتياطي لغرفة زوجته

صعد مع أحد رجال الاستقبال الذى دق الباب للمرة الأخيرة و خو يقول :

\_ مدام شذى .. مدام شذى حضرتك لو جوا محتاجينك ضروري!

فتحت {شذى} الباب و هي تقول :

\_ ايه...

صاح الرجل بغتة عندما رآها، و تراجع بخطوات سببت تعثره، بينما أرتد {شادي} كالمصعوق ، و رفع سبابته و هو يشير لوجهها بصدمة :

\_ ايه.. ايه ال على وشك ده؟!!

عقدت حاجبيه، ليزداد رعب الرجل الذى صاح فاراً بحياته :

\_ عفريت!

حاول {شادي} الاقتراب منها، إلا أن ساقيه ألصقتا بالأرض و هو يقول :

\_ شذى.. شذى أنتِ كنتِ في الشمس و أترقتي ولا ايه؟!\_

وضعت يدها على وجهها، قبل أن تتسع عينيها بسرعة، و تركض داخل غرفتها متجهة نحو المراض، متذكرة أنها نسيت نزع قناع وجهها المرطب!

حاول {شادي} التنفس بشكل طبيعي، فنظرًا لتحكمه في تلك الصبحة التي كادت أن تفلت منه، أخذ مجهودًا جبارًا

دلف لغرفتها و أعلق الباب خلفه، قبل أن يرى {شذى} تخرج من المراض و هي تجفف وجهها، قبل أن تتوقف عندما أبصرت {شادي}

جلس فوق أحد المقاعد و هو يقول :

\_ مردتيش على تليفونك ليه لما رنيت؟!\_

جلست أمامه و هي تحاول التعامل بطبيعية، حسنًا، صدقًا الأمر مريب بالنسبة لها و إن لم ينتبه {شادي} لم تعتد بعد أن تجلس مع {شادي} بمفردها

أجابته بهدوء :

\_ موبيلي فاصل من أمبارح و مش لاقية الشاحن

\_ و لما خبط عليك؟!\_

\_ ما أنا فتحت!

\_ لا، خبط قبل كذا تلت مرات و مفتحتيش

\_ آه، أصلي كنت في الحمام فمسمعتش

تنهد {شادي} و مسح وجهه، فترددت قليلاً قبل أن تسأل :

\_ قلقت عليا؟!\_

\_ أنا أترعبت يا شذى حرام عليك، أنا قولت أنتِ وقعتي من طولك ولا حاجة لا قدر الله

\_ معلش بس أنا فعلاً مسمعتش الباب

\_ حصل خير، قومي غيري عشان نتحرك

عقدت {شذى} حاجبيها و هي تردد :

\_ نتحرك؟!\_

\_ آه ، أنا نسيت أقولك ، أحنا خارجين أنهاردة

\_ فين؟!\_

\_ خليها مفاجأة أحسن، بلا قومي ألبسي

قالها و هو ينهض متجهًا للخارج

~~~~~

_شادي لو بتهزر هز عل منك والله

قالتها {شدى} و هى تشاهد الناس المعلقين بالهواء، مرتدين مظلة تحافظ على ارتفاعهم، و قد تم أحكام رباطها بذلك الـ (لاننش) الذى أقترب من الشاطئ

ضحك {شادي} و هو يشير نحو المظلات المتعلقة بالهواء :
_ ما هو قدامك اهو

حسنًا ، هو يرهب المرتفعات ، ولا يحبها و يقطعها، لكن ما باليد حيلة، كله في سبيل أستعادة زوجته

بدأ أحد الرجال بربط الحزام حول خصره، و كذلك فعلت إحدى النساء مع {شدى} التى كانت بسمتها واسعة بشكل جذاب

بدأ الزورق بالتحرك، و أرتفعت {شدى} مع {شادي} بالهواء، و تعالت ضحكاتها في سعادة، بينما كان {شادي} يغمغم بخوف مغمضًا عينيه :
_ يا رب أنا عندي عيال عايز أرجلهم، يا رب أطلع من هنا سل..

أبتلع باقي عبارته، عندما أصطدم طائر في قوة بوجهه، فحرك {شادي} يديه بعشوائية في الهواء، حتى أستطاع إبعاد الطائر عن وجهه، ليلهث بشدة ، جاعلاً صدره يرتفع و يهبط في عنف :
_ أنت لو داعية عليا يا فتحية مش هيحصل فيا كدا

شعر فجأة بيده تعلق في الهواء، بعدما أمسكتها {شدى} و هى تضحك باستمتاع ، بينما كاد هو يبيض رعبًا

مر الوقت سريعًا، قبل أن يتجه نحو الشاطئ للعودة

كان أحد رجال الزورق يدخن، قبل أن يلقي لفاقة التبغ في البحر، أو هكذا ظن ..

في أى (لاننش) توجد صواريخ ألعاب نارية للأستغاثة في حالة حدوث شئ أو نفاذ الوقود، و بالصدفة، تلك اللفاقة شبه المشتعلة ، سقطت عند فتلة أحد الصواريخ، لتنتقل نارها إلى الصاروخ ، و في ثواني ، كان الصاروخ قد أخترق المظلة الكبيرة، محدثًا خلل في التوازن، ليسقطا {شادي} و {شدى} في مياه البحر ...

~~~~~

كان {بزن} بالمطبخ يشرب المياه، قبل أن يسمع {ريان} و هو يقول بتعجب :  
\_ خالو ، هو مين الباندا!؟!

نظر له {بزن} و هو يجيبه :  
\_ ده دبة لونها أبيض في أسود و ت..

بتر عبارته و هو يرى هاتفه الذى وجهه {ريان} نحوه، مضيقًا باسم "الباندا"، فضحك و هو يأخذ هاتفه :  
\_ لا ده حاجة بتاعت كبار يا حبيبي، روح أقعد في الصالة عقبال ما أجيلكو

هز الصغير رأسه، قبل أن يتحرك خارجًا من المطبخ، بينما أجاب {بزن} على المتصل الذى سبقه بقول :  
\_ ايه يا بزن ، كل ده على ما ترد؟!  
ده أنا قولت العيال خلصوا عليك و أرتاحنا

رفع {بزن} حاجبه و هو يقول :

\_أرتاحتو؟! و أنا كنت قاعد على قلبك يا قدرى!\_

\_يا شيخة أحمد ربنا أني مقطعتش معاك، ده أنت ولاد أختك معتقونيش،حتى اللحم نطولي فيه

\_بيقى نخلص من ولاد أختي مش مني!

\_ما أنت مقويهم يا سبع البورمبة!

\_مش ولاد أختي دول؟!\_

\_يا شيخة بتقول الكلمة و عكسها، يعني هنخلص منهم و نحطهم في أكياس سودا، ولا هنخليهم لحد ما أهلهم يجوا ياخدوهم

\_بص، كنت هو افقك على الأقتراح الأولاني، بس دول مش بعيد بعد ما نقطعهم يتحولوا لزومبي و يجوا ينتقموا

\_هو المفروض أننا كبار و عارفين أن ده مش هيحصل،بس مع ولاد أختك مستبعدهاش  
ما علينا يبقى نشوفلهم صرفة، أنا بكلمك عشان حاجة تانية

\_خير

\_إيدك و رجلك عاملين ايه؟!\_

\_عاملين كركديه

\_يااه على خفة دمك، حاجة تلطش

\_قسماً بالله أنا واحد محترم، باجي عندك و أقلب

\_القناة؟!\_

\_لا كدا مش هنخلص

\_مش أنت ال بدأت؟!\_

و بعدين أنا بتكلم جد، إيدك عاملة ايه دلوقتي، الحرق فيها مكنتش سهل نهائي

نظر {يزن} ليده التي كان يزيح بها الخشب المحترق، شوهدت تقريباً، لكنه لم يشعر بالضيق من ذلك، لو عاد به الزمن، لفعل ما فعل

أجاب {يزن} و هو يتجه نحو الثلاجة :

\_كويسة متقلفش ، رجلي أحسن منها كثير

\_أوعى تكون بطنتش المرهم يا يزن!

أخرج {يزن} أنبوبة طويلة من الثلاجة، و أسند هاتفه فوق كتفه و هو يميل برأسه نحوه، ثم أجاب ساخرًا :

\_والله يا قدرى أنا لسة خارج من المستشفى و أغمى عليا

بس مقعدتتش في بيتنا

\_أنتَ ليك الجنة يا بني، ده أنا مكملتش معاهم ليلة، شكيت أني جالي الضغط

\_مش ناوي برضو تسمع كلامي و تروح الجيم؟!\_



صمت {قديري} قليلاً، حتى ظن {يزن} أنه أنهى المكالمة  
إلا أن {قديري} نفى هذا الاعتقاد و هو يقول :  
\_ شكلي كذا هسمع كلامك لأول مرة في حياتي

عقد {يزن} حاجبيه و هو يدلك كفه، ثم تسائل :  
\_ ده واضح أن في حاجة كبيرة أوي حصلت

\_ لا خالص، بس حسيت أن السكر هيدخل في مستوى خطر

\_ هو أنت ليه محسنني أن الموضوع بسيط

\_ عشان هو بسيط يا يزن، واحد مش عايز يزود معدل مرض السكري العنده فهبخس، فين ال يخوف؟!

\_ قديري خلي بالك من نفسك

ضحك {قديري} و هو يقول :  
\_ حاضر يا سلعوة

أبتسم {يزن} بغیظ و هو يعيد الأنوبية للثلاجة :  
\_ يلا سلام يا باندا

~~~~~

كان {منذر} يهز {نازلي} النائمة بتذمر قائلاً :
_ والله ما أنا سايبك غير لما تقومي تفطري معايا يا نازلي

فتحت {نازلي} جفניה بأجهد و هر تقول بتعب :
_ يا جدو يا حبيبي، أنا أنكسحت أمبارح على ما رجعت أنا و رامي العيال لأهليهم، و فضلت لحد الساعة 12 بليل في الكافيه القدام
المدرسة عقبال ما الأهالي عرفت تيجي، و القروود كسرولي عمودي الفقري، حفيدتك أتبهذلت يا منذر!

هز {منذر} رأسه و هو يقول :
_ مليش فيه، أنا عايز أنزل العيادة و مينفعش أنزل من غير ما أفطر و أخذ الدواء، و أنا מבحيش أفطر لوحدي، و لو مخدتش الدوا هقع
من طولي و محدش هيلحقتي و ذنبي هيبقى في رقبتك يا بنت فريد

نظرت له و قد أتسع عينيها على آخرهما، قبل أن تقول :
_ في ايه يا جدو، كل ده عشان مش قادرة أقوم؟!

أزاح الغطاء من فوقها و هو يقول :
_ ابوا، و كلمة كمان هنزل و أعملك مصيبة تحت و شوفي مين ال هيقولك أني وقعت في نص الشارع

_ حاضر حاضر، قايمه اهو!

قالتها بتذمر و تعب، لقد نالت من الأجهاد و التعب ما نالت
و لكن جدها كهل مسكين، تدرك أنه يمقط الوحدة و العزلة
لذلك أرغمت نفسها على النهوض، متجهة نحو المراض لتغسل وجهها و تفيق

مر الوقت، حتى أنتهى {منذر} من فطوره، و ما كاد أن يخرج، حتى سمع {نازلي} التي هرولت نحوه و هي تمسك بمعطفه :
_ مش هتغلطني يا جدو تاني

زفر {منذر} بحنق و هو يقول :
_ يا نازلي الجو كويس و أنا متقل، الجاكت ده بيوجعلي دراعي

عاونته على ارتدائه و هي تقول :
_ ما هو لو نلبسه زى الناس يا جدو دراعك مش هيتعب من شيله

سقطت فجأة بطاقة هوية من جيب المعطف، فانحنت {نازلي} تلتقطها ،و ما كادت أن تناولها لجدها، حتى رأت صورة صاحب
البطاقة، لتعقد حاجبيها و هي تديرها لجدها :
_ بطاقة مين دي يا جدو؟! و بتعمل ايه معاك??

نظر {منذر} لبطاقة الهوية قليلاً، قبل أن يأخذها و هو يضرب كفه بالآخر :
_ كويس أنك جيتي الجاكت يا بنتي، لحسن الواحد دماغه ميقتش فيه و كنت هنسى بطاقة يزن

_ يزن مين؟!

_ يزن ده يا بنتي يبقى حفيد أختي

_ أختك؟! جدو أنت معدكش أخوات!

_ لا عندي، بس علاقتي بيها مكنتش قوية، أتجوزت و سافرت و أخبارها شبه أنقطعت عنا، المهم أن يزن ده عنده قطة بيجي يكشف
عليها عشان التطعيمات و الكلام ده، بس آخر مرة لقيته وقع بطاقته، فقولت أبقى أروحله قبل الشغل أرجعها له، خشى ألبسي بقى

عقدت حاجبيها، و قبل أن تتحدث، رفع {منذر} سبابته :
_ مش عايز أسمع اعتراض ، بدل أرسلك الرصة ال رصتها تاني

_ لا و على ايه

دلقت و أردت ثيابها ، ثم خرجت مع {منذر}

~~~~~

كانت {شذى} تسبح منذ صغرها مع {يزن}، و ساعدها ذلك على النجاة في تلك اللحظات، لكن المسكين الآخر كان يصارع الماء  
ليخرج، محرّكاً قدميه بعنف، لكن الأمر أتى عكسيًا، لتجذبه المياه للأسفل

وثب أحد الرجال من الزورق؛ لينقذه، لكن {شذى} لم تنتظره، رغم فارق الحجم بينها و بين زوجها، لكنها تدرك أن الأمور تختلف  
تحت الماء

و ما كادت أن تقترب منه، حتى شعرت بصفعة على وجهها!  
نظرًا لتحركه العشوائي، فعادت تقترب منه بحذر و هي تهتف :  
\_ شادي .. شادي أهدي كدا غلط .. الماية هتسحبك تـ..

بترت عبارتها عندما أبتلعته المياه كليًا، فغاصت سريعًا ،و عادت لترفعه على وجه المياه، لكنه لم يتوقف عن التحرك في عشوائية!

صاحت بحنق :

\_ شادي كدا هتغرقتنا أحنا الاتنين ،أهدى بقى

فتح {شادي} عينيه، ليجد أنه لم يكن في الأعماق كما يظن، هدأت حركاته و حاول التنفس بشكل طبيعي حتى جاء المنقذ و جذبته معه نحو الزورق

~~~~~

عطس {شادي} الملنّف بغطاء طويل في فراشه، بينما نظرت له {شذى} و {شاكر} في قلق بعدما سردت {شذى} ما حدث هناك

تحدثت {شاكر} و هو يرمق رفيقه بقلة حيلة :

_مفيش فايده ، قولتك بلاش أنت لا بتعرف تسبح و بتخاف من المرتفعات، عاملتلي فيها سبع البرومبة

توسعت عينيّ {شذى} و هي تردد :

_بيخاف من المرتفعات!؟

نظر {شادي} لـ {شاكر} بحنق لم يفهم الأخير سببه، فقال {شادي} و هو يشير بعينه للخارج :

_نورت يا شاكر، نورت يا حبيبي

أشاح {شاكر} بذراعه في الهواء و هو يقول :

_هو أنت كدا ، عِندي على طول

تابعت {شذى} خروج {شاكر}، ثم أقتربت من {شادي} و هي تقول في عتاب :

_يعني ينفع ال عملته ده يا شادي !؟

_عملت ايه أنا!؟!

_يا شادي مبهرزش، أنا في حجات مش فاكراها، فمتعمدش عليا ، يعني بتخاف من المرتفعات، ودتنا هناك ليه!

أبتسم {شادي} و هو يشدد من ألتفافه بالغطاء، ثم جذب هاتفه و ناوله لها، نظرت له بتعجب لكنها أخذته و هي تسمعه :

_أفتحي الصور و خشي على أول واحدة

فعلت ما قال، لتتفاجئ بصورتها و هي تضحك بسعادة عندما أخبرها {شادي} بأمر المظلات البحرية، فتابع {شادي} حديثه :

_بالله عليك ازاى أمنع نفسي أني أشوف فرحة زى دي في عنيك !

رفعت بصرها نحوه بعدم تصديق، عاجزة عن إيجاد كلمات توصف ما يعتلي صدرها من مشاعر، و ما زاد الأمر سوءً، تلك البسمة

الحنونة التي أرتسمت على ثغره و هو يقول :

_شذى أنا ما أحب عليا من أني أشوفك مبسوطه و بتضحكي ،ده عندي بالدنيا و ال فيها

و بكل ذكاء، قالت {شذى} و هي تبتسم :

_ربنا يسترك دنيا و آخرة

حسنًا، إن لم يصب {شادي} بذبحة صدرية من أولاده، فيتأكد سيصاب من والدتهم

حقد {شادي} بزوجه في صدمة ألجمت لسانه، يحاول استيعاب كلماتها، أو يحاول أقناع نفسه أن سمعه قد خانته و أنها لم تقل تلك

العبارة تَوًا

بينما كانت {شذى} تتمنى لو أنشقت الأرض نصفين و أبتلاعتها قبل أن تتلفظ بتلك العبارة

ظل الاثنان يحدقان ببعضهما في دھول، قيل أن يسمعا صوت طرق الباب، فنهضت {شذى} سريعاً و هي تحمد ربها أن هناك من أنقذها من ذلك الموقف المرحج

فتحت الباب، لتجد أحد العمال يُدخل الطعام، مخبراً كلايهما أن {شاكر} وصى بأحضاره من أجل {شادي}

أغلقت {شذى} الباب و هي تسمع زوجها يغمغم بحنق :
_ جرسنتي في الفندق يا شاكر !

أبتسمت {شذى} و هي تتجه نحوه :
_ ده بدل ما تشكره يا شادي أنه وصى بأكل عشانك و جبلك أدوية كمان

_ ما أنا ممكن أنزل أقولهم يعملولي أكل فكرة عادي

_ و حوار أن الأكل بمواعيد مش جاي معاك سكة؟!!

لم يجبها {شادي} و إنما عقد مرفقيه أمام صدره بحنق، حسناً، لم يزلُ مفعول تلك العبارة التي ألقته في وجهه و هربت كالفأر بعد

عطس فجأة ثلاث مرات، و قد شعر ببعض الألم بحلقه، فتنهدت {شذى} بقلّة حيلة، و أقتربت منه واضعة كفها فوق جبهته و هي تقول بلوم :

_ اومال لو مكنتش دكتور يا شادي كانت مناعتك عاملة ازاي؟!!

تحدث و هو يجذب محرمة ورقية من جانبه :
_ أنا كويس على فكرة و زى الف..

وضعتها بغتة فوق فمه عندما عطس مرة أخرى، فابتسمت {شذى} بتهكم و قالت :
_ لا ما هو باين

مر الوقت، قبل أن ينهي {شادي} طعامه ، ثم غاص في سبات عميق إثر تناوله لدواء الخاص به

كانت جالسة جواره على المقعد و هي تتأمله ببسمة هادئة، داعبت خصلات شعره بلطف و هي تقول :
_ بس عارف؟! أنا لسة ز علانة منك و مصفتش للأخر

سمعته ينتمم بغير وعى :
_ ش.. شذى

أتسعت بسمتها أكثر و هي تكمل :
_ مش أوي بصراحة ، بس لسة ز علانة منك

أختفت بسمتها تدريجياً و هي تغمغم :
_ لسة كلامك يومها واجعني، في حجات صعب تتنسي، خصوصاً لو كانت جارحة من حد قريب، قريب أوي

تنهدت، تنهدت تنهيدة أطلقت معها ذلك الحزن القابع بصدرها، نهضت بهدوء، وخرجت من غرفته، و تلك العبارة ما تزال تدور برأسها :

"عايزة ترتاحي من العيال زى أم فاشلة"

أحياناً لا يدرك الإنسان خطورة تلك الأحرف التي تخرج من ثغره، يظن أنها مجرد أحرف يطلقها لسانه، جاهلاً أن بكلمة قد يرفع أحدهم لسابع سماء، و بكلمة أخرى قد يخسف بأحدهم سابع أرض، و رغم أنه لو فكر لثواني بالأخيرة، لعلم أنها كانت أشبه بالخنجر السام، خنجر أصاب عضواً حساساً في جسد الإنسان، أصاب القلب!

~~~~~

نظر {يزن} لذلك التجمع الذي أقامته {فتحية} مع أحفاده، الذين أنتفضوا عندما سمعوا وقع أقدامه، رفع حاجبه و هو يسأل :  
\_خير؟! أتفقنوا تحطوني في السجادة بدل فتحية ولا ايه؟!

هتف {أركان} بكل غباء، غافلاً عن جدته التي تجلس جواره :  
\_ لا والله يا يزن، أحنا هنلف تيتا فتحية المفترية

شعر بمن يضربه بخفة على رأسه :  
\_ بنقولها قدامي يا ابن شادي!

نظر لها بغباء أشد و هو يقول :  
\_ ايه ده ، تيتا أزيك ؟!

قطع {يزن} ذلك الحديث جاذباً {ليان} لأحضانها كالعادة، ثم جلس أرضاً جوار أولاد شقيقته، فهتف {ريان} بفضول :  
\_ خالو، هو أحنا جينا ازاي؟!

بصقت {فتحية} المياه التي كانت تتجرعها ، بينما تحدث {يزن} بتعجب :  
\_ و أنت ايه ال خلاك تسأل السؤال ده؟!

\_ أصل ماما بتقول أننا كنا في بطنها، بس ازاي كلنا كنا بطنها، أنا، و أركان، و شهم، و سهم، و ليان، و أنت و تيتا فتحية المفترية

\_ ايه ايه ايه، هي ماما كانت شايلة الكورة الأرضية في بطنها، أنتو بس ال كنتو جوا

تحدث {أركان} بصدمة :  
\_ يعني ماما أكلتنا بجد؟!

مسح {يزن} وجهه، بينما قالت {فتحية} :  
\_ لا يا حبيبي، ماما كانت بتخلي بالها منكرو على ما تطلعوا من بطنها

أبتسم {يزن} فجأة، و كاد أن يقول شيئاً، قبل أن يسمع دق الباب، فالتفت للأطفال بغتة و هتف :  
\_ هببتوا ايه؟!

هتف {شهم} بحنق :  
\_ يا يزن مش كل ما حاجة تحصل نبقى أحنا السبب!

تبعه {سهم} الذي كان يأكل شطيرة أكبر من يديه :  
\_ ايوا، ده ظلم

نظر لهم {يزن} بتهكم و هو يقول :  
\_ و ال بتعملوا فيا ده ايه؟! بر؟؟

قالها و هو يحمل {ليان} التي كانت تهتف كالعادة :  
\_ بر .. بر .. بين .. بين .. بين

اتجه نحو الباب و فتحه و هو يقول :

\_ والله ما حد فاهمني غيرك

أبصر {منذر} الذى كان يبتسم و هو يقول :  
\_ أزيك يا يزن يا بني !؟

أبتسم {يزن} بتعجب و هو يجيب :  
\_ أزيك يا منذر..

بتر عبارته عندما رأى {نازلي} جوار جدها، ليصفع الباب بغتة، ثم وضع يده فوق صدره :  
\_ بسم الله الرحمن الرحيم!

نظرت {فتحية} لابن شقيقها بتعجب، و كذلك فعل الصغار، ثم قالت :  
\_ في ايه يا بني!؟

لم يجيبها {يزن}، و إنما تحسس وجهه، حسناً، تلك اللكمات و الركلات التى نالها بالحافلة ذلك اليوم، جعله يتجنب {نازلي} بكل مكان،  
و ها هو قد صفع الباب بوجهها و بوجه {منذر}، {منذر}!؟

فتح {يزن} الباب مرة أخرى و هو يقول :  
\_ منذر معلىش بس..

كان {منذر} يحدق به في صدمة، و كذلك {نازلي}، و لم يستطع هو أتمام عبارته، أيخبره أن تلك الفتاة سببت له فزع أمامها! و مع ذلك الشبه بينهما، شعر بصلة تربطهما  
، فقرر التراجع عن قوله، و تحدث بنبرة متأسفة :  
\_ معلىش يا منذر حقا عليا

تحدث {منذر} بقلة حيلة :  
\_ أنت و نازلي نفس الجنان والله

ثم أشار لحفيدته و هو يقول :  
\_ دي نازلي حفيدتي الـ كلمتك عليها آخر مرة

ثم أشار له و هو ينظر لحفيدته متابعاً :  
\_ ده يزن حفيد أختي الله يرحمها

همس {يزن} بتهكم :  
\_ أنت هتعرفني عليها، دي قلبت الأتوبيس كله على دماغى

لم يسمعه {منذر} الذى أخرج بطاقة الهوية الخاصة بـ {يزن} و هو يقول :  
\_ أنت وقعت بطاقتك لما كنت عندي آخر مرة و..

\_ خد هنا يا شير و نص!

هكذا قاطعه {يزن} الذى صاح بـ {شهم} و {سهم} عندما تسللا خارج المنزل، بعدما أبصرهما عند بداية الدرج، و خلال ثواني، كان {يزن} يقفز درجات السلم خلفهما، تاركاً {ليان} أمام {نازلي} و جدها تنتظر لهما بفضول

أبصر {منذر} التوام الصغير و هو يخرج صاعداً السلم، و تبعهم صوت {فتحية} التى كانت تمسك مضرب الذباب بحنق :  
\_ بقى خالكم يسيبكم خمس دقائق و أنا أدخل أشرب، تروحووا مكسرين شاشة التلفزيون!؟

و لم تنتبه لـ {منذر} و {نازلي} الذان كانا يقفان أمام الباب، بل صعدت السلم و هي تردد جميع عبارات التوبيخ

نظر {منذر} لـ {ليان} التي تثابتت بنعاس، و تقدمت نحوه بخطى متعثرة، حتى أنها كادت أن تسقط على وجهها، لولا أن {منذر} ألتقطها، و حملها على مرفقه، ثم نظر لحفيدته التي همست له :  
\_جدو، متأكد أن ده حفيد أختك؟!\_

هتف {منذر} باستنكار و تهكم :  
\_بتهمسي ليه؟؟ ده الست طلعت و مخدتش بالها منا!

\_جدو!

\_دو دو دو

كانت تلك الموسيقى التصويرية الخاصة بنا، نعم {ليان}  
نظر لها {منذر} و هو يقول :  
\_شكلك أنتِ العاقلة ال فيهم يا بنتي

عادت لتتأنب، فدست نفسها بين معطف الرجل و صدره، و أسبلت جفניה لتريحهما من ضجيج أخوانها

بينما، و بالأسفل، كان {يزن} يقطع الطريق ليلحق بتلك الكارتئين قبل أن تحدث كارثة جديدة، و لم ينتبه لتلك السيارة التي كادت أن تصطدم به، لولا ضغط صاحبته لفراملها، و خروجها منها فجأة و هي تهتف :  
\_يزن!

نعم، أصبتم، هي تلك البليتشو التي تظن أن {يزن} يمتلك ثروة تفوق ثروة قارون نفسه

تركت سيارتها و تحركت نحوه، قبل أن تجده يركض نحوها، أو هكذا ظنت ،غير مبصرة أنه يركض خلف تلك الكارتئان، و دون أن تدرك، كانت هي الضحية هذه المرة، إذ ركضا {سهم} و {شهم} نحوها ،و جذبا كفيها، و تابعا ركضهما ،لتسقط هي على ظهرها، صائحة بألم، لكن {يزن} لم ينتبه لها، بل أمسك بالكارتئان و هو يهتف بحنق :  
\_في ايه؟! ده أنا أتلقت ثواني، ثواني بس !  
ما صدقتوا؟! أنتو مبنتهدوش؟! متعبتوش قبل كدا!؟

أشار {شهم} نحو {سهم} ملقياً تلك التهمة على عاتق توأمه :  
\_سهم ال أخدني و قالي هنجيب حلويات

\_حلويات؟! أنت لو نازل تجيب مخدرات مش هتمشوا زى الحرمية كدا و..

\_شهم!

نظر {شهم} لـ {شهد} التي كانت تنتظر له بدهشة و عدم فهم لوضعه، فقد كان معلق في الهواء بفعل يد {يزن} و كذلك توأمه ،لكنها كانت موجهة رأسها لـ {سهم} الذي نظر ليدها بلهفة :  
\_ده أيس كريم؟؟\_

نظرت له {شهد} بريية ،قبل أن تدرك ماهية مُحديثها، فنظرت لـ {شهم} و هي تقول :  
\_أنتَ شهم؟!\_

هز {شهم} رأسه سريعاً ، قبل أن يقول بنبرة باكية لخاله :  
\_يزن نزلني بسرعة عشان خاطري !

رفع {يزن} حاجبه و هو يقول :  
\_ قلبت بطة بلدي دلوقتي؟! \_

لكنه أنزله على كل حال، ليقترب {شهم} من {شهد} و هو يقول :  
\_ شهد أنت لسة ز علانة مني؟؟ \_

أبتسمت الصغيرة و هي تقول ناظرة للسماء :  
\_ لا خلاص \_

تهللت أسارير الصغير، بينما ردد {سهم} بحنق موجهاً حديثه لخاله :  
\_ شوفت عمل ايه؟! طول النهار في المدرسة عامل كدا!

ردد {يزن} و هو يتابع ذلك الحديث الشيق بين الصغيرين :  
\_ اتاري أخوك كان بيضايق لما كان مبيروحش المدرسة!

\_ لا ما هو كان بيقابلها لما كان بيقولك أنه نازل يجيبلي حلويات

نظر له بصدمة ، و زادت صدمته عندما رأى خجل {شهد}  
من {شهم} بعدما قال أغرب عبارة غزل في العالم :  
\_ أنت مكهربة أوي يا شهد

مال {يزن} على أذن {سهم} و هو يسأله :  
\_ هو قال ايه أنا مش فاهم

أجابه {سهم} و هو يراقب توامه بحنق :  
\_ شهم بيحب يلعب في الكهرباء، و شهد طلعت بتحب تلعب في الكهرباء، فلما يقولها أنت مكهربة هو كدا بيقولها أنت حلوة

نظر {يزن} لابن شقيقته بصدمة ، قبل أن يجلس القرفصاء بين {شهد} و {شهم} ، و ينظر للصغيرة و هو يقول بأسى :  
\_ تفتكري حد هيقولي أنت مكهرب يا بنتي؟! \_

انتبهت الصغيرة ثوًا لوجود {يزن}، فنظرت له بريية قبل أن تسأل {شهم} :  
\_ مين ده؟! \_

أجابها {شهم} بعدم أكثرات :  
\_ ده يزن \_

نظرت {شهد} لـ {يزن} و هي تقول :  
\_ معرفش بصراحة يا يزن

ثم أشارت لـ {شهم} و هي تقول :  
\_ بس هو مكهرب

كاد {يزن} أن يُشل ، صدقًا لا يعلم ما الجذاب بشخصية كشخصية {شهم} ، ذلك المتشرد الصغير، أو شخصية {سهم} الذي لا يتوقف  
عن الأكل و .. أين {سهم}؟! \_

نظر حوله بفزع ، قبل أن يلحظه يتناول المتلجات باستمتاع، فعقد حاجبيه و هو يسأله :  
\_ أنت روحت جبت آيس كريم أمتي؟؟ \_



أشار {سهم} للحقيبة الفارغة بين يدي {شهد}، ليقول {يزن} بصدمة :  
\_ أكلت الأيس كريم بتاع البنبت!

تحدث {سهم} بتذمر :  
\_ كنت جعان

\_ جعان ايه! ده أنت لحد دلوقتي مخلص مكعب جبنة بيضا و كيلو خيار لوحدك!

انتبهت {شهد} تَوًا لاختفاء حلواها ،لتنظر ليد {سهم} التي كانت تمسك مثلجتها، بدأت شففتيها بالأهتزاز، منذرة عن بكاء، فقال {يزن}  
سريعًا :  
\_ حقك عليا، هو واد طفس أنا عارف، هروح أجبلك واحد غيره

تحدث {شهم} سريعًا :  
\_ لا ، أنا هروح ،مش هتعرف تجيبه أنت

ثم تحرك سريعًا نحو المتجر، بينما نظر {يزن} لـ {سهم} بقلة حيلة، قبل أن يسمع {شهد} تتنهد ،التفت لها باستنكار ، ليسمعها تهمس :  
\_ مكهرب أوي

أرتفع حاجبيه بدهشة و هو يقول :  
\_ ايه الحيل المحدث فهمله حاجة ده!

سمع فجأة صوت شجار خلفه، فمسح وجهه و هو يصيح :  
\_ أرحموني بقى !

نهض من جلسته، و تحرك نحو المتجر ليجد {شهم} يضرب طفل في مثل عمره تقريبًا، و ذلك المسكين يصيح مستنجدًا بأى أحد

جذب {يزن} الطفل من أسفل {شهم} و هو يردد بحنق :  
\_ هو مينفعش تتحركوا خطوة من غير ما تعملوا بلوة؟؟  
بنضربه ليه!؟

أجابه {شهم} بضيق :  
\_ كان فاكرنى سهم و زقني وقعني على الأرض

بينما ردد {سهم} و هو يحدق بضحية تُوامه :  
\_ زياد !

حاول {يزن} تذكر صاحب الاسم، حتى توقف عقله عندما ردد {سهم} اسمه و هو يبكي بعدما عاد من مدرسته

نظر {يزن} لـ {زياد} بحنق، قبل أن يفلته ليسقط الصغير أرضًا

منحه {يزن} نظرة مخيفتهو همس، قبل أن يأخذ الأطفال و يتحرك بهم للمتجر :  
\_ حسك عينك تقرب لسهم أو أخواته

ثم تركه و رحل، بينما ردد {شهم} بضيق :  
\_ بس كدا!؟! مش هتضربه يا يزن!؟!

لانت ملامح {يزن} و هو يتجه نحو ثلاجة المتلجات :  
\_ مش هيقرب منكو ثاني متخفش

\_ أنا مش خايف!

ثم تمتم بضيق و هو ينظر بطرف عينه لتوامة :  
\_ بس سهم ..

\_ هنكلم معاه لما نطلع البيت و .. البيت!؟

تذكر فجأة {منذر} الذى تركه و ركض خلف الأطفال، فضرب جبهته بكفه، و أبتاع المتلجات للصغار، ثم نظر لـ {شهم} و سأله :  
\_ فين ماما و بابا يا حبيبيتي!؟

أجابته و هى تشير للبانية المواجهة للمتجر :  
\_ بابا و ماما في البيت، و أنا نزلت أجيب حلويات و راجعة

عض {يزن} شفتيه و هو يقول بتحسر :  
\_ ياه، نازلة و طالعة كدا عادي!؟  
ده لو الجانبك ده نزل لوحده مش بعيد يعلن الحرب العالمية الثالثة

لم تفهم الصغيرة مغزى حديث {يزن}، لكنها ألتفتت لـ {شهم} الذى كان ينظر لتوامة، و قالت بنبرة لطيفة :  
\_ أنا هطلع البيت يا شهم، و شكرًا على السلسلة ال جبتھالي

سمعت صوت والدها يناديها من أمام باب بانيتها، فأسرت نحوه و هى ترفع يدها تلوح لـ {شهم} الذى كان ينظر لها في بلاهه، قيل  
أن يشعر بمن يجذب أذنه و تبعه صوت خاله :  
\_ سلسلة ايه بقى يا حلو ال جبتھ!؟  
و جبت فلوسها منين أصلاً!؟

هتف {شهم} بألم :  
\_ يا يزن وداني!

\_ بلا يزن بلا يحزنون، أنت ايه يا بني المراهقة المبكرة ال نزلت عليك دي!؟

\_ يا يزن سبني بقى و روح شوف الناس ال كانت عايزاك

زفر {يزن}، و حمل الطفلان متجهًا بهما نحو البانية، قيل أن يبصر {منذر} الذى قال بحنق :  
\_ يا بني أنت عندك سيرك في شقتك ولا ايه!؟

أبتسم {يزن} بتهكم و قال :  
\_ صدقت يا منذر والله، عندي مهرجان في الشقة

\_ طب أمسك يا بني بط..

\_ يزن!

ألتفتت {يزن} بغتة لـ {فريال} التى كانت متجهة نحوه، و على ثغرها بسمه واسعة، فزفر الهواء و هو يهمس :  
\_ المصايب ال بتتحدف على دماغى دي

\_ فريال؟!\_

كانت كلمة {نازلي} التي رمقت {فريال} بدهشة ، بينما نظرت لها الأخرى باستنكار و حنق :  
\_ نازلي؟! أنتِ ايه ال جابك هنا؟! و واقفة مع يزن ليه؟!\_

تحدث {يزن} بضيق :  
\_ لو سمحتي يا أستاذة ميصحش كدا، دول ضيوف في و لو سمحتي أمشي و أبعدني ع..

قاطعته {فريال} بصدمة :  
\_ بتمشي عشان دول؟! دي واحدة شحاتة و أشتغل في مدرسة حكومي و بتدي لعيال متشردين

نظر {سهم} لـ {سهم} و همس :  
\_ هي قصدها مين بالعيال المتشردين؟!\_

أجابه {سهم} بغباء و ثقة :  
\_ قصدها زياد و أصحابه، أكيد مش أحنا

انتبه التوأم فجأة لحديث {نازلي} الحاد :  
\_ فريال أنا لحد دلوقتي متكلمتش و ساكتة لأن جدي موجود

أشاحت {فريال} بذراعها في لا مبالاة و هي تقول :  
\_ متتحججيش بجدك ، أنتِ مبتعريفش تردني أصلاً و..

و بترت عبارتها عندما سمعت {سهم} يسأل {نازلي} بعفوية :  
\_ مس نازلي ، هي طنط دي حاطة ألوان مائة على وشها زي ال ورتيهالنا؟!\_

نظرت له {فريال} بصدمة ، بينما كتم {يزن} و {منذر} ضحكهما ، أما عن {نازلي}، فأبتسمت و هي تنظر لـ {فريال} التي أحمر وجهها من الغضب :  
\_ حاجة شبه كدا يا سهم

نظر {سهم} لـ {فريال} ببراعة و قال :  
\_ ممكن تبقي تديني منها شوية، عشان عايز ألون زي مس نازلي

أنفلتت بعض ضحكات {يزن} الذي قال :  
\_ طب يا منذر تعالي نطلع شقتي عشان ترتاح شوية

هز {منذر} رأسه ، و تحرك مع حفيدته نحو البانبة، بينما قال {يزن} لـ {فريال} التي كادت أن تنفجر غيظاً :  
\_ هو أنتِ عمالة تمشي ورايا ليه؟!  
أنتِ محسساني أني أتجوزتك و هربت!

نظرت له {فريال} بحنق و هي تقول غير مدركة لحديثها :  
\_ عشان أنا عايزة أتجوز واحد من نفس مستوايا المادي و أعلى، و أنت الفلوس على قلبك زي الرز

حسناً، ما فعلته شيء، و ما تفوهت به شيء آخر، أي نقود التي تدعي تلك المجنونة أنه يملكها؟!  
هو بالكاد يطعم قطنه و نفسه، و لولا المال الذي تركه {شادي} له لأطفاله، لكان الآن يقف عند إشارة المرور يبيع المحارم الورقية!

تحدث {سهم} بغياء :

\_يزن معاه فلوس زى الرز؟!  
\_يزن ببليس شراب مخروم!

نظر له {يزن} بصدمة ، و قال بحنق :  
\_ و ايه كمان يا ابن شادي?!

ردد {سهم} دون أن يدرك أن عبارة {يزن} تهكمية ، لا يعنيه بالمعنى الحرفي :  
\_ و الفلوس بتقع من جيبك عشان الخياطة بتاعت عم زاهر وحشة و بتقطع بسرعة

نظر لهما {يزن} بملامح متشنجة، قبل أن يقول {سهم} :

\_أنت زعلت?!

تحرك {يزن} بهما نحو البانينة و هو يردد بحنق :

\_يعني جرسنوا شادي و شدى و قولنا ماشي متأثرين بالحصل بينهم، بتجرسوني أنا ليه?! ده أنتو لسة واخدين حلويات بمية جنيه!

مط {سهم} شفتيه و هو يقول :  
\_يزن أنت بخيل

\_طب يا سيدي شكراً

توقف {يزن} عندما رأى {منذر} و {نازلي} ، فسألها بتعجب :  
\_في ايه منذر مطلعتش ليه?!

نظر له {منذر} باستنكار و قال :  
\_أطلع ايه يا بني، دول تمن أدوار و أنا راجل مكحكح و عجوز!  
أنا دخلت عشان مش طابق فريال

\_هو أنتو تعرفوا البننت دي منين?!  
دي تاني مرة ألقياها في وشي و مش فاهم هي عايزة ايه

\_فريال تبقى بنت عم نازلي، بس بعيد عنك الاتنين يطيقوا العمى ولا يطيقوش بعض

\_هو أنا فعلاً بحس أنني بضايق لما تقرب مني

\_المهم يا بني، خد بطاقتك و..

\_والله لأتصل بشادي و أقوله أنك كنت هتنط من السطح يا أركان، و هقوله أنك كسرت الدُش يا ريان!

و ما كاد {يزن} أن يلتفت، حتى جذب {منذر} يده ، و وضع بطاقة الهوية الخاصة بـ {يزن} و هو يقول :  
\_والله لأنت واخدها

ثم جذب حفيده و قال :

\_يلا يا بنتي دول عايشين في سيرك

و ما أن خرجا، حتى أغلق {يزن} باب البانينة و هو يصيح :  
\_إن ما طلعتوا يا شوية مصايب مش هعدي يومكو على خير

~~~~~

أستيقظت {شذى} من سباتها، و فركت عينيها بكسل، قبل أن تعتدل، جالسة على فراشها، تحديق في اللا شئ
قبل أن تتذكر ما حدث ذلك اليوم، عندما هاتفها {سراج} ، ذلك اليوم عندما أستيقظت كان الطبيب يفحصها

أبتسم بهدوء و هو يقول :
_ حمد لله على السلامة يا شذى

وضعت يدها فوق رأسها و هي تسأل :
_ ا. ايه ال حصل؟! و.. و أنا بعمل ايه هنا يا جهاد!؟

الطبيب - أو {جهاد} - ابن خالة {شذى} و {يزن} ، سافر للعمل كطبيب في دهب مع والدته بعيداً عن ضوضاء القاهرة

تحدثت {جهاد} بعملية بعدما أطمئن على المعدلات الحيوية لابنة خالته :
_ الأول عايز أسألك على كام حاجة، تعرفي حد اسمه شادي!؟

هزت رأسها و هي تقول :
_ آه ، ده جوزي

_ يعني هو ابن عمك و جوزك، مطبوط!؟

_ ابوا ، مش أنت حضرت فرحنا!؟

_ معلى خليك معايا ، عندك أولاد يا شذى!؟

_ ابوا

_ اساميهم ايه!؟

_ شهم و سهم ، أركان و ريان ، و أصغر واحدة ليان

نظر لها ابن خالتها و هو يكتف ضحكه، قبل أن يتمتم :
_ مخلفة قبيلة !

سرد عليها ما حدث، و تلك الضربة التي أثرت عليها، و قال موضحاً :
_ حصلتلك نوبة فقدان ذاكرة عابرة

_ نوبة فقدان ذاكرة عابرة!؟

هز {جهاد} رأسه و هو يكمل :

_ نوبة فقدان الذاكرة العابر أنقطاع مؤقت للدم لمناطق معينة في الدماغ، زى الحُصين ،أو القشرة المخية الجبهية، و الـ هي المسئولة
عن الذاكرة، لكن عادةً المريض ييفقد الذاكرة قصيرة المدى، بس بما أن لكل قاعدة شواذ، أحياناً ممكن يأتُر على ذاكرة طويلة المدى
و ده ال حصل معاك

_ م.. مش فاهمة

قال بايجاز و توضيح :

_فقدان الذاكرة العابر ده بيبقى زى فقدان الذاكرة العادي، لكنه بيبقى مؤقت و قصير، يعني ممكن يبقى لساعات أو لأيام، و أنتِ
حصلتلك حادثة أثرت نتج عنها فقدان الذاكرة العابر

فركت عينيها بتعب و هى تقول :

طب .. ايه الحصل؟؟ يعني أنا جيت هنا ازاي ولا ليه؟!

_والله أنا ال عرفته أنك وقعتِ من طولك و جوزك جابك على هنا

أنتفضت فجأة و هى تردد :

شادي برا؟!

هز {جهاد} رأسه و هو يقول :

ابوا، هخرج أطمنه عليك و..

لا!

عقد {جهاد} حاجبيه، فقالت {شذى} بتوتر :

م.. مش عايزاه يعرف أن ذاكرتي رجعت!

مينفعش يا شذى!

_عشان خاطري، في مشكلة كبيرة حصلت بيني و بينه، و مش عايزاه يعرف أن الذاكرة رجعتلي دلوقتي

بس يا شذى ..

_عشان خاطر ماما طيب

أشاح بوجهه عنها و هو يتذكر خالته، زفر و أعاد خصلات شعره للخلف، يقلب الأمر بعقله، و في النهاية وجد أن لا ضرر لابنة
خالته ، لا تمتلك أعراض على أحدهم الانتباه لها، و سيكتفي بأخبار {شادي} بأبعاد أى ضغط عنها

و توالى الأحداث، و أتى {سراج} على غير المتوقع، و أبرحه {شادي} ضرباً ،و عادت للفندق

أنزع رنين الهاتف {شذى} من شرودها، لتبصر اسم ابن خالتها يزين الشاشة، فجذبت هاتفها و أجابت، كان يطمئن على حالتها، و
كذلك خالتها التي كانت تحادثها بنبرة قلقة هلعة، قبل أن تعيد الهاتف لابنها ليقول :

_شذى أبعدى عن أى ضغوطات لو سمحتي، و متجهديش نفسك ، عشان يحصلش حاجة تاني

أجابته بعدما لمحت عليه قطيفة زرقاء داكنة جوارها :

_حاضر يا جهاد، متقلقش

أنهت محادثتها، و جذبت تلك اللعبة بتعجب، لم تلمحها أمس بعدما عادت لغرفتها نظراً لتعبها

فتحتها، لتفاجئ بسلسلة من الفضة، أنهت بشكل ورق شجر فضي قد أخذ شكل الدائرة

أبتسمت بسملة صغيرة و هى تنظر للورقة التى زينها اسم زوجها جوار السلسلة

زوجها؟! ربا!

لقد نسيته تماماً!

نهضت و أرتدت ثيابها سريعًا ، قبل أن تخرج و تدق باب غرفته، مرت دقيقة، قبل أن يفتح {شادي} الباب، و قد بدى في هيئة مزرية في الواقع

أنفه الذى تحول كُليًا للون الأحمر، عينيه شبه المغلقتين
وجبه الشاحب ، أهتزاز بدنه البسيط

تقدمت {شذى} منه، و أغلقت الباب خلفها، قبل أن تضع يدها أعلى جبهته و هى تقول بقلق :
_ شادي أنت سخن كدا ليه؟! ده مناعة ولاد . . مناعة الأطفال أقوى من كدا

كادت أن تخبره أن مناعة أولاده أقوى من ذلك، لكنها أصلحت حديثها قبل أن تفسد كل شئ

تحرك بثقل نحو فراشه و هو يعطس، ثم قال بعناد :
_ أنا كويس على فكرة، هو شوية تعب ..

عطس بقوة ألمت صدره، ليسعل بعدها بتعب، بينما هزت {شذى} رأسها و هى تقول :
_ بتعاندي من يومك

تسطح أعلى فراشه بتعب، بينما جلست هى على طرف الفراش و هى تسأله :
_ حاسس بايه؟!

_ أنا كويس، جسمي مكسر بس، و عندي شوية رشح، و حاسس أن نفسي مكتوم شوية، بس أنا كويس

تنهدت و أقتربت منه و هى تفتح مصباح هاتفها :
_ أفتح بوقك؟!

_ هتدخلي صباغك فيه ولا ايه؟!

_ يا عم أفتح و خلصني

_ أخذتي عليا أوي خلي بالك

فتح فمه، لتسلط {شذى} الإضاءة عليه، قبل أن تقول بقلق :
_ أنت عندك أحتقان في زورك يا شادي ..

بترت عبارتها فجأة عندما أبصرت المكيف الذى كان يُخرج هواء بارد بدرجة حرارة 17 مئوية، أعادت بصرها نحو زوجها و هى تردد بعدم تصديق :

_ شادي أنت مشغل التكييف على 17 و أنت عيان؟!
اومال لو مش دكتور كنت عملت ايه !

_ حران!

_ حران ايه! ده الشتا خلاص دخل و بنلبس جواكت!

انتبهت بغتة لقطرات العرق الغزيرة على وجهه، فأدركت أن جسده كان يفزر قطرات العرق لطرده الزكام منه، لكن ذلك الأحمق لا يطبق الشعور بالحرارة البتي

جذبت جهاز التحكم بالمكيف و أطفنته، فقال {شادي}
باعتراض :

يا شذى حران و جسمي مصهد

تحركت صوب النافذة و أغلقتها و هي تقول :

معلش يا شادي، بس عشان تخف بسرعة

عادت لتتحرك صوب المطبخ، و جذبت صحن مقعر (سلطانية) و تركته تحت المياه الفاترة، ثم عادت لـ {شادي} و جلست جواره، واضعة قطعة من ملابسه في المياه، ثم مسحت بها على عنقه، قبل أن يغمض عينيه و هو يقول :
_س.. ساقعة أوي

مش حران!؟

قالتها {شذى} بتهكم ، غافلة عن تلك النظرات التي كان يرمقها {شادي} بها ، بدى كأنها تهتم بطفل أو ما شابه بالنسبة له، خرجت أفكاره على شكل بسمة صغيرة على ثغره و هو يسمعها تقول بعدما مررت الماء على جميع مناطق النبط خاصة :
_أحسن شوية!؟ لسة حاسس أن في حرارة خارجة من جسمك!؟ أنت مفطرتش يا شادي مش كدا!؟ حرام عليك يا شادي، مش قولتلك أن في أدوية بتتاخد تلت مرات بعد الأكل!؟ أن..

بترت عبارتها عندما لاحظت تلك النظرات التي كان يرمقها بها، هي نفسها التي كانت يرمقها بها في بداية زواجهما، لا تدري لما كلما فعل شيئاً جيداً قارنته بما كان يفعل في بداية زوجهما

جذبت يدها من فوق معصمه الذي كانت تمسحه بالماء، و نهضت بتوتر و هي تقول :

_أنا .. أنا رايحة أوضتي أجيب منها حاجة

ثم أسرعت الخطى نحو الباب، و قد شعرت بتزايد في ضربات قلبها، تمتمت بنبرة مهزوزة بعض الشيء و هي تفتح غرفتها :
_في ايه يا شذى!؟ مش كبرنا على ال بتعمليه ده؟؟

~~~~~

أغمضت {شذى} عينيها عندما بصق {شادي} ذلك الشراب الساخن في وجهها - بغير قصد - و تبعه هُتافه :  
\_ايه ده! طعمه وحش أوي يا شذ..

أبصر فجأة ما فعل، فجذب محرمة ورقية و مسح وجهها بها و هو يقول :  
\_معلش مخدنتش بالي يا شذى ، بس البتاعة ده طعمه وحش أوي

أخذت {شذى} المحرمة منه و مسحت وجهها بتقرز و هي تقول :  
\_ده قسط هندي يا شادي، أحسن من الأدوية

هندي!

لم تفهم {شذى} سبب استنكاره لاسم المشروب، فتابع هو :

\_يعني مش كفاية السمبوسة المشطشطة بتاعتهم، كمان جببالي شُرْبهم !

عادت تناوله (القسط الهندي) الذي وضعه جانباً و هي تقول :

\_هو اسمه قسط هندي، بس الهنود ملهمش دعوة به، هو بيتزرع في ماليزيا أصلاً

أبعد {شادي} يدها و هو يقول :

\_لا مش هشربه ، ده مر أوي

\_ال دخلك طب ده ظلمك



نظر لها بحنق، وفتح فمه ليعترض، فأسرعت {شذى} تدفع المشروب لجوفه على حين غفلة، قبل أن تغلق فمه مانعة إياه عن بsqه، فاضطر لأبتلاعه، قبل أن تبتعد عنه و هي تبتسم بنصر، بينما ردد هو بأعراض :  
\_كنتِ هتموتيني يا شذى!

ضحكت {شذى} و هي تقول :  
\_المبجيش بالذوق يجي بالعافية

\_عجبتك!؟

قالها و هو يشير بعينه نحو السلسلة المتدلّية من عنقها لتبتسم و هي تتحسسها بأصبعيها :  
\_رقية أوي ، معرفش أن ذوقك حلو في الهدايا

و لم تكن تكذب في الواقع، لم يجلب لها شيئاً منذ زمن حتى كادت تنسى ذوقه في الهدايا

أبتسم لها بسمة حنونة، قبل أن تختفي عندما رآها تنهض، فأمسك كفها و هو يقول :  
\_رايحة فين!؟

كان يقولها كأنها ستترك الفندق و تعود للقاهرة، نظرت له بتعجب و هي تقول :  
\_هروح أجيبلك الفطار عشان تاخذ أدويتك يا شادي

أفلت يدها و هو يعود بظهره للفراش، فتحرّكت هي للخارج، غير مدركة أنه يشعر بالضيق كلما تركته ..

~~~~~

كان {يزن} بمنزل شقيقته ، يُخرج الملابس الشتوية الخاصة بالأطفال، جاعلاً غرفة المعيشة غرفة تغمرها الملابس، جلس هو، والصغار و عمته، يفرقون بين ملابس الأطفال و يرتبونها، قبل أن يتذكر {يزن} ما كان سيقوله قبل مجيئ {منذر} و {نازلي} ، فأبتسم و هو يقول :
_مش عايزين تشوفوا صوراكم وأنتو صغيرين!؟

نظر له الصغار بلهفة ، و أقتربوا منه، متسلقين ظهره، و جالسين بين ساقيه، أحتلوه بالمعنى الحرفي

أبتسمت {فتحية} و هي تراقب أحفادها يحيطون خالهم بحب و فضول شديدين، لم يكن ذلك الخال الشرير ، عديم القلب الذي لا يهتم لأولاد شقيقته، بل كان حنوناً لطيفاً، يساعدهم في بعض الأحيان على أفتعال كوارثهم التي تثير حنق والديهم

تحدث {أركان} و هو يشير لنفسه بصورة عندما كان عمره ستة أشهر :

_ما شاء الله عليا، كنت جميل أوي ،ربنا يحميني
_كدا أنا أتأكدت أنكم أهلي خلاص

رفعت {فتحية} حاجبها و هي تقول :

_و أنت قالوك أننا لاقينك على باب جامع ولا ايه!؟

_لا ، شهم قالي أنكم لقتوني على باب دباح

عقد {يزن} حاجبيه و هو يردد :
_دباح؟! ايه دباح ده !؟

قالها موجهاً بصره للتوام الكبير، فقال {سهم} :
_الدباح الـ بيدبح الفرخة يا خالو !

حاولت {فتحية} فهم مخزى حديث {سهم} ، بينما
هتف {يزن} بدهشة :
_الجزار ! الجزار بقى الدباح !

_مش وحش و بيدبح الفرخة !
مش ممكن الفرخة تبقى زى ماما و عندها أطفال أبرياء زينا!

هتفت {فتحية} باستنكار :
_أنتو أبرياء؟! أنتو مستقبلكو بينم عن تجار أعضاء

عقد {ريان} حاجبيه و هو يقول :
_يعني ايه تجار أمعاء دي يا يزن!؟

أجابه {يزن} و هو يهز رأسه بقلة حيلة :
_لما تكبر هبقى أقولك

ثم نظر لـ {شهم} و هو يقول :
_تعالى كدا يا شهم قيس الجاكت ده

أقترب الصغير منه، بينما تحدثت {يزن} و هو يفحص المعطف :
_معرفش أنا حاسس أني شوفت الجاكت ده قبل كدا
بس مش على شهم

_ايوا ما هو ده الجاكت بتاعك يا بني

نظر {يزن} لـ {فتحية} التى قالت عبارتها في بساطة، فانعقد حاجبياً {يزن} و هو يعيد بصره نحو معطف {شهم}، قبل أن تجحظ
عينيه و هو يهتف :

_ده الجاكت ده جاييه من سنة و نص!
ايه الـ جابه هنا و .. و هو صغر ازاى كدا أصلاً؟

تابعت {فتحية} وصلتها، غير مدركة بما تنفوه :
_أصله كش لما شدى كانت بتغسله، فخافت تقولك عشان كنت جاييه بـ 950 جنيه، راحت مدياه لشهم و ظبطته عليه، بـ..

بترت عبارتها عندما لاحظت نظرات أحفادها و {يزن} ، فسألت بتعجب :
_في ايه؟؟

أجابها {سهم} :
_هى مش ماما قالتلك متقوليش ليزن عشان ميز علس؟؟

صمتت {فتحية} قليلاً، قبل أن تتسع عينيها و هى تنتظر لابن شقيقها ، فأسرت تقول :
_أوعى تقولها يا يزن !

دي ممكن متكلمنيش فيها لشهر!

تحدث {يزن} و هو ينظر لـ {شهم} بتحسر :
_ ده أنا ضيعت مرتبي عليه يومها !

عاد ليرتب ثياب الصغار، قيل أن يلاحظ أختفاء {ليان}، ليتلفت حوله و هو يسأل :
_ ليان ... ليان فين؟؟

ألتفت الجميع حوله، قبل أن ينهض {يزن} باحثاً عنها، و كذلك أشقائها و جدتها و {يزن} يتمتم :
_ يولعوا لو قاعدوا زى مخاليق ربنا

~~~~~

مرت نصف ساعة، قبل أن يسمع {يزن} صوت {شهم}  
و هو يهتف من المطبخ :  
\_ لقيتها يا خالو!

عقد {يزن} حاجبيه، ظناً منه أن {شهم} يمزح لا أكثر، بالتأكيد لم يجدوها بالمـ..  
\_ نايمة في الحلة!

هكذا هتف {يزن} بعدم تصديق، نظر لأولاد شقيقته و هو يقول بجنون :  
\_ هو حرام تعملوا الحاجات الطبيعية بتاعتنا؟!  
يعني مينفعش ننام في السرير، نستأذن لما ننزل، منحاولش نولع في الشقة، صعب أنكم متجيبوش أجلي!

و بكل بلاهة، أقترب {ريان} من {يزن} و هو يقول :  
\_ يزن، أنا طلع عندي أملاك !

حسنًا، هؤلاء الأطفال يدفعونه نحو حافة الجنون لا محالة، أنخفض بجزعه، و حمل الصغيرة من القدر و هو يسأل الآخر :  
\_ أملاك ايه يا آخرة صبري

\_ في وادي بتاعي اسمه وادي الريان

نظر له {يزن} لثواني ، قبل أن يقول :  
\_ حبيبي هو الوادي اسمه كدا، بس هو مش بتاعك

\_ لا بتاعي!

\_ ده بتاع مصر كلها يا بني

\_ لا بتاعي لوحد!

\_ ريان أنت عارف يعني ايه وادي أصلاً؟؟

صمت الصغير قليلاً، ثم أجاب :  
\_ مش مهم ،المهم أنه بتاعي!  
يلا نروح بقى

\_نروح فين؟!\_

\_نروح للوادي بتاعي!\_

تبعه {أركان} و هو يقول :

\_و أنا عايز أروح الملاهي

أسترسل {سهم} الحديث بهيام :

\_و أنا عايز أروح مطعم كباب و كفتة

ختم {سهم} تلك الوصلة من الأحلام :

\_و أنا عايز أروح المدرسة!\_

رمقه {يزن} بنظرة ذات مغزى و هو يقول :

\_عايز تروح المدرسة ولا عايز تروح للـ في المدرسة؟؟\_

و بعدين أنت حافظ مش فاهم؟! مش قالوا أن المدرسة أجازة عشان الإصلاحات!

و أنت لسة مكلم البننت من شوية أصلاً، لحقت توحشك!

بدأت أصوات الأطفال تلعو بأزعاج، رافضين أن يخضع أحدهم لرغبة {يزن} المستبدة في البقاء بالمنزل

نظر {يزن} لـ {فتحية} التي كانت تضحك نظرة المستغيث، فقالت هي ببسمة :

\_طب روحوا ألبسوا عشان هوديكو مكان جديد

قالتها لترى أندفاع الكوارث للخارج، كأنهم أخذوا إذن التخريب و الإفساد!

نظر {يزن} لعمته بصدمة و قال :

\_ليه كدا يا عمتمو؟! عايزة تخلصي مني؟!\_

دول لو طلغوا برا مش هعلق عليهم!

أخفتت بسمة {فتحية} بغتة ، فشعر {يزن} بأن هناك خطب ما، قبل أن يسمع عمته و هي تقول في نبرة جافة لم يعتدها منها :

\_غير هدمك و تعالى

~~~~~

كان الأطفال يحاولون التحرك فوق ذلك السطح الأملس، و هم يرتدون أذنية مخصصة لتلك الأسطح، لكنها لم تزد الوضع إلا سوءً

فقد سقط {سهم} على وجهه ثلاث مرات، بينما كان توأمه متشبث بسور الساحة و هو يتحرك ببطيء، خشية أن يلتصق وجهه بالأرض كشقيقه، أما {أركان} فكان يصطدم بكل من يقابله في وجهه، ليسقط معه أرضاً، و لم يكن حال {ريان} بأفضل من الثلاثة، فقد توقف بمنصف الساحة، عاجز عن الحراك، و قدميه ترتعشان، كلما حاول التحرك، وجد من ينزلق أمامه، أو أحد المتزلجين يتحرك حوله بشكل أجم حركته

أبتسم {يزن} و هو يقول مراقباً الصغار :

_والله يا عمتمو كانت فكرة كويسة أننا نجبهم هنا، أهو يفضلوا محتاسين لحد ما يتعبوا و يروحوا يناموا، بس أنت عرقتي حوار

الأسكيتنج ده منين؟!_

قالها و هو ينظر نحوها، لكن وجهها الغير مفسر تعابيره جعله يشعر بالقلق، فالتفت لها بنصفه العلوي و هو يقول :

مالك يا فوفا؟!

لم تنتظر له، و إنما تحدثت بما صعقه :
_مقولتيش ليه على البطولة بتاعة أول الشهر الجاي؟!

لم بجبها إثر صدمته، فتابعته هي حديثها :
_مكنتش ناوي تروح عشان الولاد، مش كدا؟!

_ع.. عرفتي منين أن في بطولة؟!

_صاحبك أيهم أتصل بيك أمبارح و أنت نايم، فرديت عليه، و قالي أنبهك أن معاد البطولة أتقدم و هيبقى آخر الأسبوع

نظرت له و قالت بعتاب :
_للدرجة دي شايف أني مش هعرف آخد بالي من الولاد يا يزن!

أسرع {يزن} يبرر :
_لا يا عمتمو ..

قاطعته بحزم :
_يبقى هتروح البطولة، أحنا ما صدقنا أنك تخش بطولة ، و اهي فرصة و جتلك على طبق من ذهب، بترفضها ليه؟!

تنهد {يزن} و هو يقول، ناظرًا للأطفال :
_مش هينفع يا عمتمو .. الولاد صغيرين أوي ... و أديك شايبة أنا عامل ازاي من وراهم .. هيتعبوك أوي ..

_ال خلاني أربيك أنت و أختك و شادي ،يخليني أربي القروود دول

_مكناش أشقية أوي كدا يا عمتمو ،مش هتستحلمهم

_مكنكوش أشقية ايه ، ده شادي لوحده خربلي التلاجة تلت مرات، و أنت رميتلي ذهبي في البلاعة، في ايه أكثر من كدا؟!

ضحك {يزن} رغماً عنه و هو يتذكر تلك الأيام، و عاد يستمع لعمته التي قالت بحنان :
_روح يا يزن البطولة و متشلش هم الولاد

صمت قليلاً بتردد ، قبل أن يقول :
_بس لو حصل حاجة هتكلميني

ربتت على كتفه و هي تقول :
_مش هيحصل حاجة إن شاء الله متخ..

قطع حديثهما صياح أحد المتزلجين ،لأفتنا انتباه عدد من الناس، فنظر {يزن} لـ {فتحية} كأنه يقول :
"شوفتي!"

نهض {يزن} بعدما أعطى {ليان} لعمته، و تحرك نحو الساحة، ليجد {سهم} بكل براءة و لطف، يُعُض أحد المتزلجين من ساقه، و {أركان} و {ريان} قد سطحا أرضاً و قيدا حركته، بينما كان {سهم} يشاهد ما يحدث و هو يأكل حبات الذرة المحمصّة، والذي صدقاً لا يعلم أحد من أين أتى بها، بدو كعصابة مافيا في الواقع

سمع {يزن} صياح رجل ،خمن أنه والد الطفل :
_إيه التهريج ده ؟! فين الناس ال شغلين هنا !

و نظرًا لبنية الرجل الضخمة، و عضلاته المفتولة، و صوته شديد الغلظة، ترك {يزن} أولاد شقيقته، و أندفع نحو {فتحية} و هو يقول :
_قومي يا عمته قومي

نظرت {فتحية} للأطفال بقلق و هي تقول :
_في ايه يا يزن؟! الولاد حصلهم حاجة؟!

جذبها ليخرجا من القاعة و هو يقول :
_ده الـ هيحصلني حاجة لو قعدنا

~~~~~

\_خالو أنت جبان !

هتف {أركان} بالعبارة في حنق و هو يسير في الطريق بجواربه فقط، و كذلك كان الحال مع أشقائه

نظر له {يزن} بحنق و هو يقول :  
\_جبان؟! جايلي هولاكو و عايزني أتخانق يا شبر و نص؟! أحمد ربنا أن أنا و عمته أستنناكم برا و مروحناش!

تحدث {ريان} بضيق مماثل :  
\_فيها ايه يعني لما نضرب حد ضايق واحد فينا ؟!

\_و أنتو حد يقدر يضايكو؟! ده أنتو مافيا !

تابع {شهم} حديث {ريان} و هو يعقد مرفقيه أمام صدره :  
\_الواد ده ضايق ريان و وقعته، فوقعناه!

صحح {يزن} حديث الصغير :  
\_اسمها فشوهتوه مش وقعتوه

حسنًا، بعيدًا عن حديث الصغار، بدى مظهر {يزن} غريب، فقد كان يحمل {شهم} على كتفيه، بينما أستقر {ريان} على مرفقه، و الصغيران الآخران كانا يسيران على الأرض و هما يمسان بيده الأخرى، بينما كانت {ليان} ناعمة بنوم مريح بين ذراعي جدتها

إن عدنا بالزمن قليلاً، لوجدنا الصغار يقفزون من فوق السور الذى يغلق الساحة، و قد بدأ أربعتهم يخلعون أحذيتهم سريعًا، قبل أن يصل والد الطفل إليهم، و إن كان مخيفًا بالنسبة لخالهم، فهو مرعب بالنسبة لهم، و نظرًا لأقتراب الرجل، لم يفكر أحد منهم بأستعادة حذاءه، بل أنطلقوا كالصواريخ للخارج، بعدما رأى جميعهم أن خالهم قد فر بحياته، لذا فلا مكان لهم في تلك المعركة الآن

و ها هم ينعنون خالهم بـ "ندل" بعدما رفض خوض شجار، مع رجل يفوق حجمه بثلاث مرات على الأقل، حقًا يا {يزن}، أنتَ "ندل"

~~~~~

حل الليل ، و ذهب {قدري} لأحدى المطاعم التى جذبت انتباهه

جلس و رأى النادل يتقدم منه و هو يحمل قائمة الطعام، فقال {قدري}بدهشة :
_أنت!

أبتسم {قاسم} هو يقول :

_ مساء الخير يا فندم

وضع قائمة الطعام أمام {قديري} الذي تسائل بتعجب :

_ أنت شغال هنا؟!

هز {قاسم} رأسه قبل أن يقول :

_ ايوا

و بعد محادثة قصيرة، أخذ {قاسم} قائمة الطعام، بينما فتح {قديري} هاتفه يعبث به ليمر الوقت، قبل أن يرى اسم رفيقه يزين الشاشة،

فأبتسم و أجاب :

_ ايه يا سلعة

جاء صوت {يزن} الساخر من الجهة الأخرى :

_ ايه يا أحمس، هنظبط فيها ولا ايه؟!

ضحك {قديري} أو "أحمس" و هو يقول :

_ في ايه يا يزن؟! هو عشان عرفت أنه اسمي الحقيقي من كام يوم هتقرفني؟

_ بالله عليك أنت أبوك كان بيفكر في ايه و هو ببسميك أحمس

_ ما أنت عارف أن بابا الله يرحمه كان معيد في كلية آثار، و ماما ولدنتي بعد محاضرة كانت عن أنجازات سي أحمس، فالاسم لزق

فيا

_ بقى أنا صاحبك من أعدادي، و تفضل مغفلي كل السنين دي!

_ هو أنا أتجوزت و خبيت عليك؟!

_ طب بقولك ايه ، أنا عندي بطولة و مش هبقى في البيت الفترة الجاية، عايزك تيجي بكرة عشان أسلم عليك قبل ما أمشي

_ ايه ايه ايه! هو سلق بيض؟؟ بطولة ايه ال طلعتك دي و جاي تسلم عليا عشان ماشي؟؟ ما كنت مشيت من غير ما أعرف أحسن!

ضحك {يزن} و هو يقول :

_ لا و دي تيجي، ده أنت الغالي برضو، و بعدين مكنتش ناوي أروح أصلاً، بس الظروف أتعدلت فهمشي قبل آخر الأسبوع

_ دي بطولة على مستوى ايه؟؟

_ على مستوى الجمهورية

_ ايه! أنت هتخش بطولة على مستوى الجمهورية!

ده أنت بتعوم كلابي!

_ مش عارف أقولك ايه على تشجيعك ده يا قديري ،حقيقي مكنتش عارف هعمل ايه من غيره

_ أنت بتتكلم بجد؟!

_ آه والله البطولة على مستوى الجمهورية

بس ده عايز تكلفة عالية يا بزن

والله يا بني أنا لقيت النادي عارض عليا الموضوع، و قالي أنه ال هيتكلف بمصاريف كلها، و أنا زى زيك أتخضيت لوهلة ، بس وافقت بسرعة، معرفش مين ال كان سبب في الحوار ده، أو مين ال رشحني أصلاً، بس أهى جت من عند ربنا

أبتسم {قدري} بحنان و هو يقول :
ماشي يا عم ال يسهله، ربنا معاك و يوفق..

بتر عبارته عندما شعر بقطرات عصير تتناثر على وجهه، فأغمض عينيه سريعاً، قبل أن يفتحهما و هو يسمع {قاسم} يقول بقلق :
أنا أسف يا دكتور، بس كان في طفل كعباني ..

قاسم!
إيه ال أنت هبتته ده؟! عينك فين و أنت ماشي!؟

كان المدير من صاح باسمه، فأغمض {قاسم} عينيه، قبل أن يلتفت، مستعداً لصياح مديره، لكن {قدري} أنهى مكالمته، و أسرع يقول للمدير :
محصلش حاجة يا أستاذ، أنا مسامح

نظر له {قاسم} بتعجب، بينما قال المدير بلامح متشنجة :
مسامح!؟

في تلك اللحظة، رأى {قدري} {صقر} أمامه و ليس مدير المطعم، لا يعلم لما، لكنه شعر أن الاثنين نفس الشخصية الساخطة الغاضبة

تحدث {قدري} بهدوء و هو يربت على كتف {قاسم} :
أنا عارف أنه مخدش باله مش أكثر، مش كدا!؟

كان {قاسم} يرمقه بدهشة حقيقية، قبل أن يهز رأسه و هو يقول :
أ..أه.. مخدتش بالي فعلاً، أنا بعنذر يا فندم

حصل خير، بس خلي الشيف يستعجل الأكل عشان واقع، يلا يلا

قالها {قدري} و هو يدفع {قاسم} نحو المطبخ، كى لا يعطي فرصة للمدير بالحديث معه، ثم دلف للمرحاض ليغسل وجهه، لا يدري لما لم يغضب، ربما أشفق عليه، خاصةً أنه بدى صغيراً في السن، بدى يحتاج العمل بحق، رغم أن {قدري} لم يكن من الشخصيات الهادئة الرزينة يوماً، ربما شعر بنفسه في {قاسم}، نفس السخط و الحنق الذى ينهال على رأسه من مديره كل يوم، حسناً، لقد أثبت على كل حال أن عبارة "فاقد الشيء لا يعطيه"
ليست صحيحة كُلياً

~~~~~

نظرت {قدر} لشقيقها الذى دلف للمطبخ و سألته بقلق :  
إيه الحصل برا؟! المدير كان بيز عقلك!؟

تنهد {قاسم} و مسح وجهه و هو يقول :  
دلقت العصير على حد من الزباين، في نفس الوقت المدير طلعلني فيه، و كالعادة كان هيهزفتي، لولا أن الزبون كان الدكتور بتاع الصيدلية و قاله محصلش حاجة

تنهدت {قدر} بارتياح و قالت :



\_خلي بالك يا قاسم عشان مش كل مرة تسلم الجرة، أنت عارف أن المدير عايز يفصلنا أحنا الاتنين لسبب نفسي أعرفه والله

أبتسم {قاسم} و هو يقول :  
\_سيبك أنتِ ، لسة تعبانة ؟!

\_الحمدلله أحسن

\_كان نفسي تاخدي اليوم أجازة والله، بس المدير الزف..

\_قاسم !

\_استغفرلله يا رب ، سيرته لما تيجي بحس إنني مش طايق نفسي، المهم خلي بالك من نفسك و لما تتعبي قوليلي

هزت رأسها ، و عادت لتقف أمام النيران، بينما خرج شقيقها مرة أخرى قبل أن ينهره المدير على تأخره

~~~~~

_حرارتك نزلت الحمدلله

قالتها {شذى} بابتسامة واسعة، بينما سعل {شادي}
قليلاً و هو يقول :

_حقك عليا معرفتش أخرجك أنهاردة

أبتسمت {شذى} و هي تهز رأسها :
_مش مشكلة ،المهم تبقى كويس

_طب بقولك ايه ،بما أن أنهاردة فركش و مش هنعرف نخرج ما تيجي نتفرج على فيلم كوميدي و نسهر

صمتت قليلاً، تدير الأمر برأسها، قبل أن تقول و هي تتظهر بالنعاس :
_خليها يوم ثاني يا شادي، الدنيا ليل خلاص بقى و عايزين ننام

_بالله عليك أقعدي معايا شوية

ثم أمسك جهاز التحكم الخاص بالتلفاز و فتحه، ليظهر مشهد البداية الخاص بالفيلم

نهضت {شذى} و هي تقول :
_خليها يوم ثاني يا شادي ع..

جذبها مرغماً إياها على الجلوس جواره و هو يقول :
_والله لأنتِ قاعدة يا شذى ، هه

_طيب طيب متزوقش

أبتسم و هو يفتح أحد الأدراج جواره، و يخرج منه حلوى قديمة، كانت زوجته تأكلها في مرحلتها الابتدائية

ناولها الحقيبة و هو يقول ببسمة واسعة :

_أمسك كدا بقى بما أنك قعدتي

نظرت {شذى} للحقيبة بتعجب ، قبل أن تأخذها و ترى محتوياتها، تحول تعجبها لفرحة ذكرت {شادي} بفرحة أطفاله عندما يعطيهم الحلوى، نفس الموقف يتكرر أمامه الآن

أخرجت {شذى} علبه بسكويت قديمة و هى تنظر لها بحنين للماضي :

_يا الله! أنت جبتها منين و أمتى؟؟

ده أنا كنت باكلها أيام رابعة ابتدائي

أبتسم و هو يجيب :

_نتصرف عشان خاطر عيونك يا جميل

ربما بدى شيئاً تافهًا في نظر البعض، لكن بالنسبة لـ {شذى} كان الأمر مختلف، ليس بسبب الحلوى، لكن تذكره ما كانت تأكله، و تركيزه لما كانت تفضل، شعورها أنه عاد ذلك الـ {شادي} اللطيف خاصتها، كل ذلك دغدغ قلبها بشكل ظهر في ضحكتها الغير مصدقة

بدأ عرض الفيلم، و تعالت ضحكات الاثنين، و كذلك تعليقاتهما على الأحداث و المشاهد، و عند الختام، قالت {شذى} و قد خفنت ضحكتها بعض الشيء :

_بس كان فيلم جا..

بترت عبارته عندما رأت زوجها قد غط في سبات عميق

و إن لم يفلت يدها من كفه

أبتسمت بحنان و أمسكت كفه تداعبه :

_وحشتني يا شادي أوي، وحشتني لدرجة أنني كنت قربت أنساك، فإكر لما كنت بتيجي عندنا بعد كتب كتابنا و تصفرلي من تحت

ضحكت و هى تكمل :

_كنت عارف أنني ببقى عند عمتو في الدور الثاني وقتها، كنت بتقولي نزلي السبت عشان تحطلي فيه الحلويات دي و تمشي عشان شغلك الثاني

زادت ضحكتها و هى تكمل :

_كانت عمتو بتقول ايه الهبل ده ،ده بدل ما يجبلك ورد ولا هدايا، كانت هى و بابا شافنا عيال أوي

داعبت خصلات شعره، لتسمع همته التى نمت عن أرتياحه، لتتابع :

_كنت بتخلق ليا من عز أشغالك وقت تكلمني فيه، كنت بتتلكك عشان تشوفني، لدرجة أنك كنت بتجيب الجرايد لبابا عشان أفتحك الباب، بس يزن الكان بيفتح و ياخذ الجرايد و قفل الباب في وشك

تنفست و هى تكمل :

_رغم كدا قسيت، قسيت أوي

مالت برأسها قليلاً و هى تتمعن النظر بوجهه الذى شابه التوام الصغور بشدة :

_بس أنا مسمحاك، مش عشان معنديش كرامة، بس عشان ولادي، ولادي مستحقوش يعيشوا في بيئة يحسوا فيها بعدم الأتزان و قلق و خوف، و أنت بدأت تفوق لنفسك برضو

أنهت حديثها و كادت أن تنهض، لكن {شادي} كان قابض على يدها بشكل شككها لوهلة أنه مستيقظ، حاولت أخرج كفها من قبضته، لكن دون جدوى

أبتسمت بقلة حيلة و هى تقول :

_ يعني مش هتسبني؟!_

خُيلَ إليها أنه يهز رأسه نفيًا، فأبتسمت و عادت تجلس جواره، و قد علت أبتسامة واسعة ثغرها، و عادت تداعب خصلات شعره في حنان قائلة :
_ وأنا مش هسبيك يا شادي

~~~~~

فتح {بزن} عينيه بتعب شديد على هزة {سهم} له، فقال بصوت غلب عليه النعاس :  
\_ ايه يا سهم؟!\_

رفع {بزن} نصفه العلوي و أمسك المنبه ، ثم ضغط على زجاجه، ليضوي بنور خافت، فاتضحت الرؤية لـ {بزن} ، ليبصر عقارب الساعة تشير للثانية بعد منتصف الليل، نظر لـ {سهم} الذى قال بخفوت :  
\_ عايز حمام

نظر له {بزن} ببلاهة و عدم فهم قائلاً :  
\_ ابوا يعني عايز ايه مني؟!\_

\_ أظلي

مسح {بزن} وجهه ،محاولاً إفاقة نفسه، ثم نهض و جذب {سهم} للخارج و هو يشعر بنعاس غير طبيعي

أسند {بزن} ظهره للحائط، قبل أن يرى {سهم} بغلق الباب في وجهه، فرفع {بزن} حاجبه و هو يقول :  
\_ او مال جايبني ليه ده؟!\_

تنهد و تتمم بأرهاق :  
\_ بقيت شغال دادة على آخر الزمن

أسند رأسه للحائط، و أسبل جفنيه بتعب، قبل أن يسمع {سهم} بهتف :  
\_ بزن .. أنت موجود؟!\_

\_ ابوا يا سهم

كان {بزن} يتحدث دون توقف، كى لا يشعر {سهم} بالخوف، حتى خرج الصغير، فتحرك {بزن} معه صوب غرفة {سهم} و {سهم} ، لكن {سهم} أوقف خاله عندما أمسكه بطرف ثيابه، و نظر لخاله نظرة رجاء و هو يهمس :  
\_ خالو .. ممكن أتكلم معاك؟!\_

جلس {بزن} القرفصاء، و قد شعر بالقلق يتسلل لقلبه، تلك النبرة الراجية، و النظرة المنكسرة ،كل ذلك لا ينم عن أى مزحة ، تفحص {سهم} بقلق و هو يقول :  
\_ مالك يا حبيبي في ايه؟!\_

\_ خالو هو أنا وحش؟!\_

تسمرت يد {بزن} التى كانت تتفحص الصغير، قبل أن يرفع عينيه إليه بصدمة و هو يردد :

وَحش؟!\_

هز {سهم} رأسه ،و قد سألت دموعه على وجهه بشكل ألم {يزن}، لكنه أبتسم بسمة صغيرة في محاولة لبث الاطمئنان للصغير، و حمله و هو يقول :

سهم وحش؟! والله ما تيجي

تحرك نحو غرفته، و فتح الإضاءة، قبل أن يغلق الباب و يجلس فوق فراشه و هو يسأل :

إيه الحصل بقى يا عم سهم عشان تقول الجملة دي

مسح {سهم} دموعه بظهر يده و هو يقول بشكل غير منظم :

ز. زياد بيضايقني .. و سهم .. سهم بيضربه عشاني .. بيعيط عشان مش ليا صحاب .. مبحبش أقعد لوحدي.. بيقولولي أنني ضعيف و بقع بسرعة .. بيتريقوا لما حد يجي يصاحبني و يقولوله هيبعلك .. لما مبعرفش أحل سؤال المستر بيتريق عليا و بيقولي مش فالج غير في الأكل بس .. زمايلي بيقولوا للمستر أنني باخد أكلهم و أكله.. أنا والله ما أكلتش أكلهم .. هو أنا وحش يا خالو؟!!

لم يكن سؤالاً، بقدر كونه رجاء، رجاء لينفي {يزن} تلك الصفة عنه، رجاء بأن يخبره {يزن} أنه ليس ضعيف، و أنه يستحق أن يكون له أصدقاء، كغيره من الأطفال، رجاء أن يخبره {يزن} أنه يستحق كل الحب، و كم ألم ذلك {يزن} و مزق قلبه ، كيف لطفل لم يتجاوز العاشرة أن يشعر بهذا الكم من الألم دون البوح به كل تلك المدة !

داعب {يزن} خصلات شعر الصغير و هو يقول :

سهم، عارف الرسول صلى الله عليه وسلم؟!\_

هز الصغير رأسه و هو يقول :

عليه الصلاة و السلام، أه، ماما كانت بتحكي لي عنه كثير و قد ايه هو جميل

أبتسم {يزن} و هو يسأله :

كانت بتقولك عليه ايه بقى؟!\_

كانت بتقولي أنه ربنا بعته للناس عشان يقولوا لا إله إلا الله و أن محمد رسول الله

صمت قليلاً، ثم تابع و هو يتذكر :

ماما قالتلي أنه كان جميل و طيب، و بيحب المسلمين، و كان يبساعد الناس كلها، و كان أمين أوي، لدرجة أن الناس الوحشة كانوا بيسيبوا حجات أمانة معاه مع أنهم كانوا ميحبهبوش

كان يعني بالناس السيئين قوم "قريش"

أحتضن {يزن} وجه {سهم} بين كفيه و هو يسأله :

طيب معنى كدا أن سيدنا محمد كان طيب و مبيعلمش حاجة وحشة، مش كدا؟!\_

هز الصغير رأسه، و قد انتبه لحديث خاله بكل حواسه، فاسترسل {يزن} حديثه :

و مع ذلك الناس الوحشة كانت عايزة تموته، رغم أنه كان طيب و حنين أوي، معنى كدا أن سيدنا محمد وحش؟!\_

لا!\_

سيدنا محمد كان جميل و بيعطف على المساكين، و لما هدية كانت بتروحله كان بيديها للناس الغلبانة

كان {سهم} يعترض على نهاية حديث {يزن}، غير متفهم لمغزاه، لكن {يزن} كان يدرك ذلك، فتابع :

طيب ليه بتقول أنه كان كويس مع أن في ناس مكنتش بتحبه!

عشان دول ناس وحشة يا خالو !

\_ طب ما أنت في ناس مش كويسة مبتحبكش، معنى كدا أن أنت وحش؟!\_

هنا و صمت الصغير، دون أن ينيس بينت شفة، فشجعه {بزن} و هو يقول :  
\_ مش معنى أن في ناس وحشة مبتحبكش و بتضايقك أنك وحش ، إن كان سيدنا محمد نفسه كانت قريش مبتحبوش و عايزة تموته ،  
مش هيبقى في ناس وحشة تضايقنا أحنأ؟!\_

\_ ي.. يعني أنا حلو؟!\_

\_ أنت ال تقول مش أنا، أنت عمرك سمعتني قولتلك أنك وحش لما تكون غلط في حاجة؟! تينا فتحية قالتلك أنت مش حلو و مش  
بتحبك؟! بابا و ماما وقعوك مرة على الأرض و قالوا مش عايزينك؟! أخواتك ال لو حد قرب منك ممكن يموتوه عشان خاطر دمعة  
نزلت منك قالوك قبل كدا أنهم زهقوا منك و مش عايزينك تبقى أخوهم؟!\_

هز {سهم} رأسه نفيًا، و قد شعر بمشاعر كثيرة، لم يستطع البوح بها في هيئة كلمات و أحرف، لذا فقد أندفع نحو خاله، دافئًا نفسه  
بين أحضانه و هو يقول :  
\_ خالو أنا .. أنا بحبك أوي يا خالو

تأوه {بزن} بلطف و هو يضم الصغير إليه، و قد شعر براحة بعدما أستطاع إزاحة تلك الفكرة من رأس {سهم}، زاد ضمه له و هو  
يقول :  
\_ مش عايزك ضعيف يا سهم، أنت قوي و مش جبان، و محدش يقدر يضايقك إلا لو سبته بضايقك، فخليك واثق في نفسك و  
متسمحش أن ده يحصل

تحدث {سهم} بطفولية بريئة محببة لقلب خاله :  
\_ خالو أنت جميل أوي زي سيدنا محمد، أنا لما أدخل الجنة هقول لربنا أي عايزك تخش معايا عشان أنا بحبك، أكيد ربنا بيحبك  
كمان

و لم يدري {سهم} أنه - بكلماته تلك - قد دغدغ قلب {بزن} بشدة ، و فرت دمعة من عينه، و هو يتمتم و يدعو أن يبقى {سهم} بهذه  
النية الطاهرة حينما يكبر، و ألا يلوته المجتمع و الحياة كما يحدث مع شباب هذه الأيام

\_ عايز تنام معايا أنهاردة؟!\_

هز {سهم} رأسه نفيًا و هو يقول بعدما خرج من أحضان خاله :  
\_ شهم ممكن يصحى و يضايق لو منمتش جنبه

أمسك {بزن} أنف الصغير و هو يقول بمشاكسة :  
\_ و تقولي هو أنا وحش، ده ياريتنا كلنا نبقى وحشين يا شيخة عشان نلاقي شوية من الاهتمام ال نازل عليك ده

ضحك {سهم}، بينما قبل {بزن} جبهته بحنان، قبل أن يرحل الصغير لغرفته، تاركًا {بزن} يرمقه بحب شديد

سمع فجأة صوت {شمندورا} النائمة على فراشها مع أطفالها، فنظر لها {بزن} و هو يرفع حاجبه بتهكم قائلاً :  
\_ خليني ساكت و شايل في قلبي يا شمندورا بدل ما أتجنن عليك

عادت لتصدر مواء خافت، لكنه تجاهله و هو يكمل بسخط :  
\_ عملتلك ايه أنا عشان تعملي عملتك دي؟! كنت قولتيلي عايزة أتجوز، لكن ازاي، لازم تقهريني و..

عادت لتصدر مواء بصوت أعلى، و قد بدى السخط عليها، فنهض {بزن} بحنق و هو يقول :  
\_ حاضر حاضر ، أصلي الخدمة الفليبية بتاعت سياتك.

تحرك صوب المطبخ ، و جذب عليه (تونة) أبتاعها من أجل قطنه، و فتحها و هو يعود لغرفته قائلاً :  
\_ ما يحلاش الأكل غير في أوضتي، لحد ما هلاقيها في يوم أتقلبت لعلبة سردين

سمع صوت {شمندورا} أت من الغرفة، فهتف بحنق :  
\_ جاي ،والله جاي

~~~~~

كان {قديري} نائم، و قد بدت عليه التخممة، إلا أن صوت رنين الهاتف أزعجه، خاصةً و أن الهاتف بعيد عنه، ولا يمكنه مد يده
لأغلقه، فنهض بإرهاق ،و تحرك نحو غرفة المعيشة و هو يتمتم :
_ أكيد يزن ال بيرخم عليا دلوقتي

أخذ الهاتف، و أغلقه دون النظر للمتصل، لكنه عاد ليهتز بين يديّ {قديري} الذي زفر بضيق، و عاد يغلقه للمرة الثانية، لكن بدى أن
المتصل مُصِر على أتمام هذه المكالمة، ليعود الهاتف ليهتز، منبئ عن اتصال جديد

أجاب {قديري} بضيق ، هو يهتف :
_ في ايه يا يز..

قطع المتصل حديثه، و قد بدى قلقاً رغم جدية صوته :
_ دكتور قديري؟؟

عقد {قديري} حاجبيه و عينيه شبه مغلقتين و هو يجيب :
_ ابوا، مين معايا؟؟

_ أنا قاسم ال جيتلك الصيدلية مع أختي لما القروود هربت

ازداد أنعقاد حاجبيّ {قديري} و هو يحاول تذكر ذلك الاسم، لكن {قاسم} لم ينتظر، بل عاد يقول بنبرة شبه مرتجفة :
_ دكتور أنا أختي مريضة سكر، و أغمى عليها و مبتنطقش و .. و مش عارف أتصرف !

أعتدل {قديري} بغبطة في وقفته، و أفاق بعض الشئ و هو يقول :
_ طيب أهدى بس، أنا مش موجود دلوقتي في الصيدلية، أتصل بيهم، هيبعتولك حد و..

قاطع {قاسم} و قد بلغ توتره ذروته :
_ أتصلت بيهم ، بس محدش موجود، و الصيدلية قافلة تقريباً، و مفيش صيدلية قريبة منا غيرها و..

قاطع {قديري} بعملية و هو يتجه نحو غرفته على عجل :
_ طيب أهدى بس مفيش حاجة إن شاء الله، بتعرف تقيس السكر ولا ؟!

أجابه {قاسم} و هو ملتصق بشقيقته الفاقدة للوعي :
_ آه .. آه بعرف

_ طيب قوم قيس السكر بتاعها دلوقتي و أنا معاك على الخط

كان {قديري} قد أرتدى معطفه ليحتمي به من البرد بالخارج، دون تغير ملابسه، و أخذ حقيبته الطبية و أندفع للخارج، و ما يزال
{قاسم} معه على الهاتف

ظل {قدري} يتحدث معه حتى لا يفقد الآخر تركيزه مع شقيقته، حتى وصل {قدري} للبانينة، كان {قاسم} قد أخبره بتفاصيل مكان سكنه، فلم ينتظره {قدري} و صعد درجات السلم و هو يلهث، حتى وصل للطابق الثالث، دق {قدري} الباب و هو يستند بكفيه على ركبتيه، و مرت دقائق، حتى فتح {قاسم} الباب، و جذب {قدري} للداخل، رغم ضخامة الأخير، و أخذه لغرفة شقيقته، ليجدها {قدري} مسطحة على فراشها، و قد شحب وجهها بالكامل، أقترب منها سريعاً، و بدأ بفحص نبضات قلبها و هو يسأل :
_ هي أختك كانت طبيعية قبل ما يغمى عليها؟!
يعني مكنتش فيه صداع، بتعرق بشكل مريب ،حاجة زى كدا ؟؟

أبتلع {قاسم} لعابه و هو يجيب :
_ هي كانت متعصبة شوية لما رجعنا من الشغل، و كان عندها صداع شديد و جعانة، فدخلت أحضر لها أكل ، قعدت نص ساعة تقريباً، قبل ما أدخلها الأوضة تاني

_ كان مغمى عليها أول ما دخلت؟؟

_ ابوا

_ أخذت حقن الأنسولين بتاعتها؟!

_ آه ، أخذتها من غير ما تاكل حاجة ..

ألتفت {قدري} له بغتة و هو يردد :

_ ماكلتش حاجة و أخذت الحقنة ؟!

هز {قاسم} رأسه ببطئ ، فنهض {قدري} و هو يقول :

_ أستنى طبيب

قالها و هو ينهض، مندفعاً للخارج، و ترك {قاسم} كالتائه، لم يحدث ذلك الموقف يوماً ، لطالما كانت تهتم {قدر} بنفسها و صحتها، حتى أن {قاسم} كان ينسى في بعض الأحيان أنها مريضة، لذلك كان الموقف عصيباً عليه

مرت نصف ساعة ثقيلة عليه، قبل أن يعود {قدري} و هو يقول :

_ معلش اتأخرت على ما لقيت صيدلية هنا

هز {قاسم} رأسه، ثم سأل :

_ أنت روحت تجيب ايه؟!

أجابه {قدري} في عملية و هو يسحب الدواء بالمحقن :

_ الأنسة أخذت حقنة الأنسولين من غير أكل، و ده بالنسبة لأي مريض سكر خطر، لأن الأنسولين هيزيد عن المطلوب في الدم، و ده بدوره بيؤدي لانخفاض في مستوى الجلوكوز الفي الدم، فلازم تاخذ حقنة الـ..

كان {قدري} يتحدث و يشرح الوضع في عملية، جاهلاً أن {قاسم} لم يستمع إليه رغم أنه من طرح السؤال، لكنه كان يشعر بروحه تُسحب منه، كأنه من ينسطح الفراش و ليس شقيقته

حقن {قدري} {قدر} بالمحقن، قبل أن يضع اللاصقة قاتلاً :

_ إن شاء الله هتبقى كويسة، و لو حصل جديد رن عليا و هجيبك

لم تصدر ردة فعل من {قاسم}، فالتفت له {قدري} بتساؤل قاتلاً :

_ سامعني؟!

لكن مرة أخرى لم يجب {قاسم}، و لم يحرك رأسه حتى، مما جعل {قديري} يشعر بالرغبة، ولكنه لم يرغب في التدخل، إلا أنه سمع {قاسم} يهمس، و قد تمرت دموعه عليه و هبطت، رافضة حبسها أكثر من ذلك :

_قدر .. قدر أنت هتقومي مش كدا !؟

مش أنت قولتي أنك مش هتسيبيني غير لما أتجوز !؟

مش قولتي أني ابنك !؟ في واحدة تسيب ابنها وحده كدا !؟ أنت عارفة أني بحتاس من غيرك والدنيا بتسود في وشي، و عارفة ..

عارفة أني بشتغل عشان متعيكيش و ترتاحي، و مع ذلك عايزة توقعي قلبي عليك برضو !؟

مش أتفقنا أننا هنفضل مع بعض يا حبيبتي !؟

و كم ألم {قديري} حديث ذلك الشاب، لم يكن له يوماً أخوة، لكن كان لديه {بزن}، و كان أكثر من شقيق و رفيق، و عندما أصاب نلم اليوم و نُقل للمشفى بسبب الحريق، كاد قلب {قديري} أن يسقط بين قدميه، متحطماً لأشلاء ، لذلك فهو يدرك كم يشعر {قاسم} بالعجز، و كم أن هذا الشعور مزعج!

أقترب {قديري} من {قاسم}، و دون ذرة تفكير، جذبته في عناق شديد، و ربت على ظهره بخفة و هو يقول :

_هتبقى كويسة يا قاسم متقلقش، قسمًا بالله هتبقى كويسة، متقلقش نفسك بس بالمنظر ده عشان لو صحيت متخضش

تحدث {قاسم} دون وعى، و عينيه تتفحصان شقيقته المسطحة :

_قدر .. قدر قومي بقي و بطلي رخامة .. على فكرة أنا قولتك أن هزارك ده بايخ و مبحهوش .. طب قومي و مش هغلس عليك و

أنت في المطبخ و مش هصايقك

، قومي بقي!

شعر {قديري} بانتفاضة {قاسم} تحت يديه، فشرع بالقلق و هو يقول :

_قاسم أهدى، الموضوع أتلحق و مش هيحصل تطورات متقلقش، الحقنة هناخد وقتها بس و هتشوف مفعولها، و هي هتقوم دلوقتي تطمنك

حاول {قديري} تهدأت {قاسم}، و نجح في ذلك بعد خمسة عشر دقيقة تقريبًا، ربت على كتفه بلطف و قال :

_هروح البيت أنا بقي و بكرة هع..

_لا !

كلمة من حرفين ، صاح بها {قاسم} بهلع ، وزاد تمسك {قاسم} به بشدة، كأنه أمسك لَصًا حاول الفرار منه أو ما شابه، نظر له

{قديري} بعدم فهم، فاسترسل {قاسم} حديثه بنرة تلمس فيها {قديري} رجاءه :

_خليك لحد ما قدر تفوق، ممكن تحصلها حاجة و أنت مش موجود و متتلحقش

نظر له {قديري} بتردد و هو يقول :

_بس ..

أوقفه {قاسم} عن الحديث و هو يعيد رجاءه :

_بالله عليك يا دكتور خليك لحد بكرة الصبح بس، قدر لو حصلها حاجة مش هعرف أتصرف والله

حاول {قديري} أنقاع {قاسم} أن شقيقته بخير و لن يتطور الأمر عن ذلك الحد، لكن الأخير صدقًا لم يكن ليصدق سوى أن شقيقته شاحبة، ووجهها يُحاكي وجه الموتى، و أنها تحتاج لمن يداويها، هذا فقط ما كان يدور برأسه

و أنهى الأمر بمبيت {قديري} في غرفة {قاسم}، و مبيت {قاسم} مع شقيقته في غرفتها، دون أن يرمش له جفن، يراقب شقيقته،

منتظرًا أى حركة، أى شئ يُهدئ من نبضات قلبه التي كادت أن تصل للطابق العلوي بالبناية

~~~~~



أنهى {يزن} محادثته مع {قدري} الذي أخبره بعدم أنتظاره لميئته بالخارج

كان {قاسم} من اتصل بـ {يزن} يستغيث أنقطاع أنفاس شقيقته، فأعطاه {يزن} رقم رفيقه {قدري}، يدرك أنه لن يتأخر عن مساعدة {قدر}، ففي نهاية الأمر الاثنان يمتلكان قاسم مشترك، مريضان سكري !

تنهد {يزن} و هو يضع هاتفه جانباً، يرغب في الاطمئنان على {قاسم}، لكن {قدري} حذره من ذلك، فهو ليس بحالة تسمح له بالحديث مع احدهم

رأى فجأة هاتفه يعود للأهتزاز مرة أخرى، و قد زين اسم شقيقته الشاشة، فأسرع بجيب بلهفة :  
\_ شذى حبيبتي ، عاملة ايه؟!

أبتسمت {شذى} التي كانت تجلس في شرفة غرفة {شادي}، و قد تأكدت من عدم أستيقاظ قبل أن تحدث {يزن} ، قالت مجيبة على شقيقها :

\_ الحمد لله يا حبيبي كويسة، أخبارك ايه؟! و أخبار الكناكيت بتوعي

أجابها {يزن} بتشنج :

\_ كناكيت؟! دول فراخ متشرده هربانة من عيشها و مش لاقية ال يلماها!

ضحكت {شذى} بشدة و هي تقول :

\_ أنا عيالي فراخ هربانة!

\_ و عايزة ال يلماها

حاولت {شذى} التحكم في ضحكاتها و هي تقول :

\_ واضح أنك أتبهذلت جامد يا حبيبي

\_ ده أنت ليك الجنة يا بنتي والله، مستحمله مهرجان الجونة في الشقة سبع أيام في الأسبوع، و حمامات نص الليل خمس مرات لكل واحد فيهم

أبتسمت {شذى} ببهتان ،لا تعلم لما كلما حاولت نسيان كلمات زوجها اللادعة، ظهر من يذكرها من العدم

لاحظ {يزن} صمت شقيقته ، فسألها بقلق :

\_ شذى .. أنت كويسة بجد ؟!

أجابته و هي تسمح دمعة فرت من عيونها، عندما تذكرت شجارها مع زوجها :

\_ آه آه ،أنا كويسة متخفش

\_ لو شادي عمل حاجة ممكن أجيلك أكسر عضمه و أرجع تاني عشان الولاد عادي

أنسعت بسمة {شذى} بحب و هي تقول :

\_ لا يا حبيبي، شادي مضايقتيش ولا حاجة

\_ قولتيه ولا لسة؟!

\_ لا لسة ، مش عارفة ردة فعله هتبقى عاملة ازاي، ممكن يزعل أو ..

أصمتها {يزن} باستنكار و هو يقول :

\_و يزعل ليه إن شاء الله؟! مش كان هو الغطان!؟

و هو السبب في الحصاك !

ده لولا الولاد كنت جيتك و عجنته !

أبقى مستأمنه عليك و دماغك تتفتح؟؟

اومال لو كنت أنت ال غطانة كان عمل ايه!؟

\_أنا ال زقيته يا يزن قولتك

\_ما هو ده ال غيطني !

صمت قليلاً، قبل أن يسألها :

\_شادي عامل ايه دلوقتي؟! يعني معاملته أحسنت ولا لسة!؟

نظرت {شذى} لـ {شادي} المسطح فوق فراشه، و بدت ملامحه شديدة البراءة، لا يمكن لاحد أن يصدق أنه قد يفتعل كل ثانية و أخرى مشكلة بلا سبب

عادت لتجيب شقيقها بهدوء :

\_الدنيا أتحت الحمد لله، كان محتاج يبعد عن ضغط الشغل عشان يستوعب أن في مشكلة

\_لسة بتبريله!؟

\_ده حب عمر يا يزن، مش يوم و ليلة، و بعدين دي مكنتش شخصيته و أكتشفتها بعد الجواز، ده كان معمي و مش شايف، كان محتاج يخرج عن مود الضغط بتاع الشغل عشان يفهم أن في حاجات تانية مطلوبة منه

\_يا رب أتجوز واحدة زيك والله

\_لا متحاولش، هي شذى واحدة في مجرة درب التبانة و مش هتلاقي منها اتنين

\_يا واثق أنت

\_يزن .. روح البطولة

\_عمتو لحقت تقولك؟؟

\_يزن أنا عارفة أنك خايف على الولاد و شايل همهم، بس أنت طول عمرك بتحلم بالبطولة دي، و ما صدقنا جتلك من عند ربنا، نروح قابلين لا!

\_لو عشان راحتك و راحة الولاد تغور أى حاجة يا شذى، حتى لو كان حلمي في يوم من الأيام، يغور مدام ده ممكن يآثر على حياتك

تمنت {شذى} للحظة لو أستطاعت رؤية {يزن} الآن، لترتمي بين أحضانه، رغم كونها الكبيرة، لكن كثيرة تشعر أنها صغيرته، كثيراً ما كانت أفعاله تقول "لك كل الدلال مني ولو كان على حساب أى شئ بحياتي "

سمعت صوته يقول بتندمر :

\_متعطيش بقي ،مش هعرف أجيلك و أنا مبستحملش دموعك تنزل و أنا مش موجود

مسحت دموعها التي هبطت و هي تقول :

\_عرفت منين أني بعيط!؟

\_صوت شهقاتك كان واطي بس سمعته

\_بزن أنت عارف أني بحبك أوي مش كدا!؟

أبتسم و أجابها بمشاكسة :

\_ ما هو لما ربنا يرزقك بأخ قمر و حنين كدا لازم تحببته أوي أوي

\_طب أقلل عشان نرجسيتك دي خرمثلي عيني

\_من بعض ما عندكم

ظل الاثنان يتسامران، حتى أنهت {شذى} المكالمة، و نهضت لتعود لغرفتها ، لكن ما أن رفعت عينيها، حتى رأت {شادي} يراقبها من فراشه، فأبتلعت لعابها و هي تقول :  
\_شادي ،أنت ايه ال صحاك دلوقتي!؟

تحدث {شادي} و هو ينهض من فراشه صوبها بنبرة لم تتم على الخير :  
\_يعني مفقتيش الذاكرة و بتضحكي عليا ؟؟

ركض فجأة قاطعاً تلك المسافة التي تفصله عنها، لكنها - رغم سنها - وثبت من شرفته لشرفة غرفتها التي كانت - لحسن الحظ - مفتوحة الأبواب، كما أنها كانت ملتصقة بشرفة زوجها ، أسرعت لداخلها ،و أغلقت الباب و الستائر، إلا أن {شادي} أخذ يضرب الباب بيديه بعدما قفز من شرفته لخاصتها و هو يصيح :  
\_أفتحي يا جبانة و خليك راجل

لم تستطع {شذى} منع ضحكها على حديثه المعتوه و هي تهتف :  
\_و مين قالك أني عايزة أبقى راجل مبيغيرش شرابه غير مرة كل أسبوع!؟

\_أنا بغير شرباتي كل أسبوع!؟ ليه!؟ بعمل فسيخ!؟

تعالت ضحكات {شذى} بقوة، و صدحت في المكان، بينما تبحر غيظ {شادي}،متحولاً لبسمة بلهاء على ثغره و هو يستمع لضحكات زوجته، متناسياً لما كان يصرخ من الأساس، حتى أن {شذى} ظننته قد رحل، فنهضت و قد رُسم على ثغرها بسمة واسعة، لتزيع الستار قليلاً، قبل أن ترى {شادي} يقف ،و قد ارتسمت كل معالم البلاهة على وجهه، فاطمئنت و فتحت باب الشرفة و هي تقول :  
\_شادي مك..

بترت عبارتها ، و توسعت عينيها بشدة، و تجمد جسدها بالكامل، عندما شعرت بـ {شادي} يجذبها لصدره في قوة، و هي من كانت تظن أنه سينهال عليها بصراخه و سخطه، و قد كانت تحاول تجهيز ردود باردة على كل كلمة ستُوجه لها، لكن ما فعله {شادي}!؟  
بدي .. غير متوقع بالمره !

و للمرة الثانية، تشعر بدموعه الساخنة على رأسها، و ما كادت أن ترفع رأسها، حتى أعادها هو لمكانها مرة أخرى و هو يهمس :  
\_خليك

لم تفهم {شذى} سر بكاء زوجها، لكنها رفعت يديها، و ربتت على ظهره بحنان و هي تسأل بقلق :  
\_شادي في ايه!؟ أنت .. أنت لسة تعبان!؟

في حاجة واجعاك طيب؟! يا الله .. أنت كنت كويس و طبعت تجري دلوقتي ،ابه ال حصل بس!

زاد ضمه لها، حتى كادت أن تقتحم قفصه الصدري، يشعر بالندم على ما أقترفه سابقاً، كيف كان ليضيع مثل ذلك البلمس من حياته!

قال بنبرة تقطر منها الندم و الأسف :

شذى .. شذى أنا أسف و حَقِّك على قلبي .. أنا .. أنا جرحتك كثير .. كثير أوي و كنت غبي .. مش مقدر النعمة ال معاه .. شذى أنت .. أنت ملاك أوي .. عارف أنك تستحقي حد أحسن مني .. بس أنا مش قادر .. مش قادر مبقاش أناني و أسبيك تـ..

بتر {شادي} عبارته بغتة عندما شعر بيد {شذى} تقبض على ثيابه من الخلف ، و هي تهتف بنبرة مرتجفة :  
\_..لا!

أوعى تقولها تاني يا شادي !  
أنا .. أنا عايزاك تبقى أناني فيا يا شادي !  
أوعى تفكر مجرد تفكير أنك تسبني!  
لأنني وقتها والله ما هسامحك و..

قاطعها {شادي} و هو يقول :  
\_مقدرش، مقدرش أبعد عنك، ده أنا روجي فيك !

ظل الاثنان على وضعهما، لا يتحركان، و صوت أنفاسهما يخبرك كما لو أنهما كانا في نزال عنيف، أستمر لساعات

أبتعد {شادي} عنها قليلاً، و ضحك بين دموعه و هو يقول :  
\_يعني خلاص سماح؟؟

هزت {شذى} رأسها و هي تمسح وجهه بلطف :  
\_سماح

و لأول مرة منذ فترة، يطلق الاثنان تنهيدة أرتياح، تنهيدة إن دلت على شئ، فتدل على أن الأمور صارت على ما يرام الآن

~~~~~

أشرق الشمس بمصر الجديدة، لتغمر غرفة {يزن}، و يعم الدفئ بها

أنكملت ملامح {يزن} عندما شعر بثقل جسده، قبل أن يفتح عينيه ببطئ، و ما كاد أن يحرك ذراعه، حتى شعر كأنه موصل بشئ ما

ألقت بتعجب، قبل أن يرى {شهم} و هو نائم، و قد أحتضن ذراع {يزن} بشدة كأنه سيهرب إلى حدود ليبيا، ألقت {يزن} للجهة الأخرى، ليجد {شهم} أحكم القبض على ذراعه الآخر!

تمتم {يزن} بعدم أستيعاب :
_العيال خافوا لهلولاكو يجيلهم الأوضة ولا ايه؟!!

أنكئ على الفراش، قبل أن يشعر بالكارنتين الأخرتين يتمسكان بساقيه ، و الذان لم يكونا سوى {ريان} و {أركان}، انتبه تَوَّا لآخر الكوارث النائمة فوق معدته باسترخاء تام، و قد أحكمت هي الأخرى أمساك قميصه بكفيها الصغيرين ، لقد أحكموا حصاره تلك الكوارث !

لم يفهم سر أحتلالهم لخصوصيته - الغير موجودة منذ ولادتهم - و أقتحامهم لغرفته ، و كيف لم يشعر بهم!

حاول إيقاظ أحدهم، لكنهم كانوا كالموتى حرفياً، فحاول أبعدهم عنه، لكنهم كانوا متمسكين به كأنه سيهرب !

دللت {فتحية} بغية الاطمئنان على صغارها - من ضمنهم {يزن} - و رؤية إذا ما أستيقظ أحدهم أم لا

أبتسمت بحنان و هي تنظر لـ {يزن} الذى كان يرمق أولاد شقيقته بعدم فهم و تعجب، نظر لها و هو يهمس :
_ هو أحفادك دول أقتحموا أوضتي و كبلوني كدا ليه؟!
هو أنا من الأعداء؟! ليكونوا فاكريني ههرب بجدا!

زاد ضحك {فتحية} على حديث ابن شقيقها، قبل أن تهمس و هي تتأمل الأطفال :
_ عرفوا مني أمبارح أنك ماشي من البيت أنهاردة، فجم يصحوك، بس أنت مصحتش، راحوا نايمين جنبك

نظر لهم بدهشة، غلفتها الحنان، ربما لم يعتقد أن الأطفال متعلقون بهذا الشكل، لم يعلم أنه يُمثل لهم الركن الآمن لهم، مهما أفتعلوا من كوارث أو مصائب، يدركون أن {يزن} سيعالج الأمور، و لن يمسه أذى ولو على حساب نفسه

تلملم {شهم} في نومته، قبل أن يفتح عينيه، ليجد خاله يرمقه بلطف و حنان، و سرعان ما تسارعت أحداث الأمس بعقل الصغير، لينتفض من نومته، و يشدد قبضته على مرفق خاله و هو يقول بهلع :
_ خالو أنت ماشي زى ما تيتا قالت!؟

أجابه {يزن} و هو يقول بنبرة هادئة حنونة :
_ يا حبيبي أنا رايح لمكان هقعد فيه حبة و راجع ثاني البيت

_ يعني تيتا مش بتضحك علينا عشان نخش ننام !

كان ذلك هُتاف {سهم} الذى أستيقظ تَوّاً، ليشحب وجهه عند أستماعه لكلمات خاله ، و أهتزاز شفتيه، منبئة عن بكاء قادم، و قبل أن يكرر {يزن} حديثه، موضحاً الأمر، سمع {أركان} يصيح بفرع :
_ هتسبنا يا يزن!

متى أستيقظت تلك الكوارث و هو من كان يظنهم موتى!

سمع {يزن} {ريان} و هو يتحدث بخفوت باكي :
_ يعني أنت هتعمل زى ماما و بابا و هنقعد لوحدنا ..

توسعت عينى {يزن} بشدة ، و شعر لوهلة أنه شعر كما لو أنهم ابناؤه هو !

أبتلع لعابه و قال في محاولة لإيقاف الأطفال عن البكاء :

_ يا حبابيبي أنا مش ماشي، أنا هروح أقعد يومين في فندق و راجع، و ماما و بابا خلاص قربوا يجوا

نهض {شهم} من فوق فراش خاله، و ركض للخارج، تاركاً أشقائه ليكون بألم و حزن، و {يزن} الذى صُدم من ردة فعل الأطفال

تتهد {يزن}، و خرج مع الأطفال و{فتحية} لغرفة المعيشة، ليجد {شهم} قد تكور على نفسه، و انتفض جسده إثر بكاءه الحاد

تحرك {يزن} نحوه، و جذبه ليجلس على قدميه، و أخذ يهدده برفق، ثم قال بلين وهو ينظر للأطفال حوله :
_ مش أنتو عارفين أني بحبكو؟!!

لم يجبه أحدهم، وخرجت منهم شهقات خافتة، فتابع هو بقلب منظر :
_ طيب دلوقتي ماما و بابا جاين قريب خلاص و مش هتقعدوا لوحدكو

تحدث {أركان} و هو يحاول مسح دموعه :
_بس أحنا عابزينك معانا يا خالو

_و أنا يومين و راجع تاني والله، ده أنا مش طالع برا القاهرة!

تمتم {ريان} بخفوت و دموعه ما تزال مناسبة على وجنتيه :
_ي.. يعني هتيجي تاني

_والله آه !

نظر الصغار لبعضهم، قبل أن يندفعوا نحو {يزن} ، و قد علا نحيبهم و بكاءهم

أبتسمت {فتحية} بحنان، و هى ترى تعلق الأطفال بخالهم، و كم كان ذلك لطيفاً على قلبها!

~~~~~

شعر {قدري} بيد تهزه، فأنكشمت ملامحه و هو يقول :  
\_يا يزن سبني بقى، قولتلك أني هفكس لصقر أنهارده

سمع صوت ضحكات خافتة، قبل أن يتسلل لأذنه صوت {قاسم} الهادئ :  
\_لا يا دكتور ، أنا مش يزن ،أنا قاسم

فتح {قدري} عينيه بتعب ،قبل أن يبصر وجه {قاسم} المبتسم، فانعقد حاجبيه بتعجب ، يحاول تذكر أين هو،و من هذا، و لما ليس  
بمنزله !؟

أعدتل في جلسته، و مسح وجهه و هو يقول، متذكراً ما حدث الليلة الماضية :  
\_صباح الخير يا قاسم

أنتسعت بسمة {قاسم} الهادئة و هو يجيب :  
\_صباح الخير يا دكتور

\_آنسة قدر عامله ايه دلوقتي!؟

أجابه بنبرة بدت شاكرة له بشدة :  
\_الحمدلله، بقت كويسة عن أمبارح، و قامت عملت الفطار، أنا مش عارف أقولك ايه بجد، أنا قلبي كان هيقف أمبارح لولا أن  
حضرتك جيت

نهض {قدري} من الفراش بصعوبة، قبل أن يقول :  
\_متقولش كدا يا قاسم، ده واجبي

قالها و ربت على كتف {قاسم} و هو يتابع :  
\_أنا هقوم أروح بقى بما أن آنسة قدر بقت كويسة، قبل ما صقر يشوفني و يقفشني، و أنا بصراحة جايب أخري منه

تحدث {قاسم} بسرعة :  
\_طب أفطر الأول، أحنا عملنا حسابك في الفطار خلاص

حك {قدري} رأسه بحرج و هو يقول :

\_ مش هينفع يا قاسم صدقني

هز {قاسم} رأسه، رافضاً اعتراضه و هو يقول :  
\_ مش كفاية مأحدثش كشفية أمبارح يا دكتور

\_ دي مش كشفية، أنسة قدر أهملت في أكلها و أنا أدتها حقنة ترفع مستوى الجلوكوز في الدم عشان يتوازن مع الأنسولين مش أكثر  
\_ أى دكتور كان هياخد كشفية، وده حقه

حسنًا، أحيانًا يتعاطف أصحاب المرض مع بعضهم، و بسبب ذلك، يختلف تعامل {قدري} مع مرضى السكري، نظرًا لأصابته به  
و بعد جدال بسيط، جلس {قدري} على مائدة الإفطار، و جواره {قاسم} الذى ربت على يد {قدر} و قال :  
\_ عاملة ايه دلوقتي؟!

هزت {قدر} رأسها و هى تقول :  
\_ الحمد لله كويسة يا قاسم

ثم وجهت حديثها لـ {قدري} :  
\_ شكرًا يا دكتور بجد، مش عارفة كان ممكن يحصلي ايه لو حضرتك مجتث

أبتسم {قدري} بسمة صغيرة و هو يقول :  
\_ أنا معملتش حاجة ، بس أتمنى تاخدي بالك أكثر من كدا من أكلك لما تاخدي الأنسولين

هزت رأسها بخفة و هى تنهض، لتأكل بغرفتها، حتى تكون براحة أكبر

~~~~~

صعد {قاسم} لمنزله بعدما أوصل {قدري} لباب البانية، فسألته {قدر} :
_ مشي ولا راح الصيدلية؟!

أجابها و هو يغلق باب المنزل خلفه :
_ لا راح على بيته

ثم أردف و هو يتفحص وجه شقيقته الذى عادت الدماء لتنتشر بأرجاءه مرة أخرى :
_ بس دكتور لطيف حقيقي

_ مش من طرف بزن يا بني، لازم يبقى محترم و كويس

تذكر {قاسم} بغثة أنه لم يهاتف {بزن} منذ ليلة أمس، ليطمئن أنه الأمور أستقرت، فقال و هو يتحرك نحو غرفة شقيقته :
_ هتصل ببزن بقى لأني مطمئنتوش أمبارح

_ ماشي يا حبيبي ، و أنا هلبس عشان أنزل الشغ...

بترت عبارتها عندما رأت شقيقها عائد نحوها بحدة و هو يهتف بعدم تصديق :
_ قدر قوليلي أن ودني خاننتي و أنك مقولتنيش أنك نازلة الشغل

نظرت له بتعجب و كأنها لم تكن كالجثة منذ ساعات و قالت :

ليه يعني؟؟

_قدر متجنينيش، أنتِ وقعتي من طولك أمبارح و أنا كنت هروح فيها، المفروض تقعدتي ترتاحي يومين على الأقل!

أشاحت بذراعها و هي تقول :

_قاسم أنتِ مكبر الموضوع

_معلش خديني على قد عقلي وأقعدني يومين

_ما أنتِ عارف المدير ..

قاطعها في صرامة و حدة :

_عنه ما وافق على أجازتك يا قدر، في بدل الشغلانة ألف، أي حاجة قصاد صحتك في داهية يا قدر!

أقتربت {قدر} من {قاسم} ببسمة خفيفة، و أمسكت وجنتيه و هي تقول بمرح :

_كوتي كوتي خايفة على أختك يا بطة

أزاح يديها و هو يقول بحنق :

_قولتلك مبحش الحركة دي !

ضحكت {قدر} و هي تقول :

_خلاص متضايقش نفسك، خش ذاكر بقى على ما أعمل أتئين سحلب و أجيلك

أغلق عينيه نصف غلقة و سأل بشك :

مش هتنزلي؟!

هزت رأسها نفياً، و أجابت ببساطة :

_شوفت بسمع الكلام ازاي

_مش مرتحك بس تمام

_طب يلا هس

دفعته ليدخل لغرفته، و تحركت هي نحو المطبخ

~~~~~

كانت {نازلي} نائمة، قبل أن تشعر بمن يجذبها من قدمها، لتسقط أرضاً بعنف

نهضت في سرعة و توسعت عينيها و هي تنظر حولها، تحاول أستيعاب ما حدثت تُوًا من قبل جدها!

رفعت بصرها لـ {منذر} و هتفت بحنق و عدم تصديق :

\_في إيه يا جدو؟! ما بين كل الطرق الأدمية ال في عالم ملقتش غير الطريقة دي ال تصحيني بيها!

و بعدين أنتِ شدتني ازاي أصلاً؟!\_

مط {منذر} شفتيه بحنق و هو يقول :

\_بقالي ساعة بصحي فيك و أنتِ غيبوبة نايمة!



أسندت {نازلي} نفسها على فراشها، و قالت بألم تتحسس ظهرها :  
\_ مش أنت مسهرني أمبارح لحد أربعة و نص الفجر بتلاعيني طاولة و شطرنج!  
قولتلك يا جدو عايزة أنام، لالا يا نازلي خليك قاعدة ،يا جدو هتصحيني بكرة بدري، لالا يا نازلي هسيبك تنامي براحتك

تحدث {منذر}{بنفس الحنق :  
\_ حد يسمع كلام عجوز مكحكح؟!  
ايه؟! مفيش عقل خلاص؟!!

توسعت عينيّ {نازلي} بصدمة ،وقالت مشيرة لجدها :  
\_ عجوز مكحكح؟! مش لسة متخانق معايا عشان قولتلك خد دوا الركب بتاعك وقولتلي أن صحتك حديد و أحسن مني و من عشرة  
زي؟!!

رفع {منذر} كتفيه و هو يقول :  
\_ هذه نقرة، وهذه نقرة أخرى

\_ والله كلها نفس النقرات في الآخر

فتح {منذر} خزانة حفيده وقال :  
\_ قومي ألبسي عشان هتنزلي معايا

نظرت له {نازلي} بعدم فهم، وقالت وهي تنهض :  
\_ نازلة معاك فين؟؟

\_ عند يزن

عقدت {نازلي} حاجبيها و هتفت مستنكرة :  
\_ مش ده ال قولت أنت مش داخل بيته تاني، و مش هتعتب الشارع عنده ولو على جنتك

ألقى {منذر} بعض ملابس حفيده فوق الفراش وهو يقول ببساطة :  
\_ قولتلك محدش ياخذ بكلام راجل عجوز و مكحكح زيّ

رفعت {نازلي} حاجبيها ،قبل أن يخرج جدها ويغلق الباب خلفه، تنهدت و هي تحرك رأسها بقلة حيلة متممة :  
\_ هو رايح عند قريبه، أنا مالي!

ثم أستدركت بغتة إلى أين هي ذاهبة، فاندفعت للخارج و صاحت :  
\_ أنا أستحالة أروح عند قر ...

أبتلعت ما تبقى من عبارتها عندما رأت {يزن} يقف عند باب المنزل، و {منذر} يتحدث معه، و انتبه لها الاثنان، لكن سرعان ما  
أخفض {يزن} بصره، بينما أبتلعت {نازلي} ريقها ، و هرولت للداخل في حرج شديد و هي تتمتم :

\_ يعني حبكت يشوفني و أنا لابسة بيجامة مخططة زي بتاعت دونجل !  
ربنا يسامحك يا جدو، يعني يوم ما تجيلي هدية، تجيلي بيجامة مخططة و تلبسهاني بالعافية، بقيتي رد سجون يا نازلي

صفعت باب غرفتها في قوة، ليزفر {منذر} و هو يقول :  
\_ معلش يا يزن يا بني

تنح {يزن} و قد شعر بحرج من ذلك الموقف :  
\_ حصل خير يا منذر

ثم رفع بصره له و تابع في بسمه واسعه :  
\_ أنا جيت أقولك أني هدخل أختبارات سباحة عشان أتأهل للبطولة

\_ بطولة؟! هتخش بطولة على مستوى ايه يا بني؟؟

\_ الجمهورية

\_ للدرجة دي بتعرف تسبح يا بني؟!!

تشنجت ملامح {يزن} و هو يهتف بسخط :  
\_ هو أنتو كلكو محسسنني أني كنت طباح ليه؟!  
\_ ما أنا كابتن سباحة و أخذت كام بطولة على مستوى المحافظة، مش جاي من الشارع أنا!

كتم {منذر} ضحكه و هو يقول :  
\_ طب أهدى يا بني و تعالى أقعد

\_ لا أنا جيت أقولك عشان لما أبلغ بمعاد البطولة متخض بس

\_ يا بني خش هو أنت غريب !

\_ مرة ثانية يا منذر

أقترب {يزن} بجزعه نحو {منذر} قليلاً ، و همس بنبرة شبه باكية :  
\_ و بعدين بصراحة حفيدتك رزعتني قلم لوحني و لم عليا الأتوبيس عشان أفتكروني متحرش، من ساعتها و أنا بتجنبها ،فهيقى  
أجيبك العيادة أقعد معاك

رفع {منذر} حاجبه و سأل :  
\_ أمتى حصل الكلام ده؟!!

سرد عليه {يزن} ما حدث ذلك اليوم، لينفجر {منذر} ضاحكاً و هو يقول :  
\_ معلىش يا بني، بس هي حقها برضو ، يعني هي تعرفك ولا عمرها شافتك قبل كذا عشان تعرف أنك متقصدهش

\_ و أنا لا عايزها تعرفني ولا تشوفني، أنا جتلي تروما منها أصلاً

ربت {منذر} على كتف {يزن} وقال بحنان :  
\_ ربنا معاك يا حبيبي و إن شاء الله تاخذ البطولة، هي أمتى؟؟

\_ الأختبارات بدايتها هتبقى آخر الأسبوع، البطولة هتبقى آخر الشهر

هز {منذر} رأسه ،ووعده بحضور البطولة، بعدما عانقه بقوة

رحل {يزن}، و أغلق {منذر} الباب خلفه ،قبل أن تصدح ضحكاته في المكان فجأة و هو يهتف :  
\_ تعالي يا دونجل

~~~~~

مرت الأيام، و كان {يزن} قد رحل من المنزل بالفعل، ليبقى بأحدى الفنادق، برعاية النادي

كان يتدرب مع مدرب محترف سابق يوميًا، و بدأ بخوض أختبارات و تصفيات النهائية لما قبل البطولة

و للتوضيح، كان اتصال {أيهم} بـ {يزن} الذى أجابته {فتحية} لأخباره ببداية الأختبارات و التصفيات، و ليست معاد البطولة النهائية، لكن نظرًا لعدم فهم {فتحية} لمثل تلك الأمور، أختصرتها في كلمة "بطولة"

و كذلك عاد {شادي} و {شذى} من سفرهما، وكان ذلك مريحًا بالنسبة لـ {يزن} ، فلم يعد قلقًا بشأن ترك الأطفال دون والديهم و دونه، و إن لم يمنع ذلك اتصال تلك الكوارث به يوميًا كل ليلة، و رغم أنه لم يعتقد أنه قد يعترف بذلك يومًا، لكنه حقًا أشتاق لكوارثه الخمسة، شجارات {شهم} المستمرة في كل مكان، جوع {سهم} الذى لا ينتهي، خيال {أركان} الذى يتناول للفضاء ، و ظنه أنه ليس بشري وأنه قد خُطف من قِبل {شذى} و {شادي} ، {ريان} والوادي الذى يزعم أنه يملكه، و رغبته بالذهاب إليه، كلمة "ين" التى كانت تنطقها {ليان} بنبرة طفولية مهلكة لقلبه، ألا راحة في قريهم أو بعدهم !

و ها هى الأيام قد توالى، و نصرت {يزن} في اختباره و التصفيات النهائية، ليتأهل لبطولة النهائية

كان {يزن} بغرفة تبديل الملابس الخاصة بالنادي المُقام به البطولة، يقوم ببعض التدريبات التخيلية القصيرة، قبل أن يسمع من مدربه يقول :
_يزن

توقف {يزن} عن الحراك، و رفع بصره لمدربه الذى تابع ببسمة هادئة :
_متوترش أوي كدا

أبتسم {يزن} لكشف مدربه حيلته في محاولة إلهاء نفسه، و جلس فوق أحد المقاعد و هو يقول :
_الكلام سهل

جلس المدرب جواره و ربت على كتفه و هو يقول :
_أنت ابن أنس القرشي يا يزن، ابن أنس القرشي بيغوت في الحديد

ربما خمن بعضكم الأمر، و ربما لا، لكن مدرب {يزن} هو نفسه صديق قديم لوالده، و كم سعد عندما علم بتأهل ابن رفيقه لبطولة الجمهورية

أبتسم {يزن} بسمة صغيرة و هو يقول :
_وحشني أوي يا كابتن

_ هو فرحان بيك دلوقتي يا يزن، و أختك و عمك و ولاد أختك مستنينك برا، خلاص يا بطل فاضلك تكة

هز {يزن} رأسه و هو يتنفس، يحاول أستجماع شتات نفسه، حتى تلك اللحظة يحاول أستيعاب أنه لا يحلم، الأمر صار واقع ملموس الآن !

لم يكن يشعر باضطراب فقط، لكن مشاعره كانت مختلطة، سعادة جمّة، اضطراب شديد، عدم تصديق، رغبتان متناقضتان بين شعوره بأنه أحرز تقدمًا باهرًا، و أنه يريد العودة للمنزل و عدم الأستمرار بالأمر

سمع فجأة صوت {قديري} من حيث لا يدري :
_ايه يا وحش، هنخيب ولا ايه

رفع {يزن} بصره بغتة، ليبصر رفيقه الذى أبتسم له بتشجيع قائلاً :
_أنا مش هقبل أقل من المركز الأول، أنا بقولك اهو

نظر له {طه} بتعجب و هتف :
_ أنت دخلت ازاي هنا ؟؟

هز {قدري} كتفيه في لا مباله و قال :
_ مدام الموضوع خاص بيزن يبقى في بدل الطريقة ألف عشان أوصله

نهض {يزن} ليعانقه في امتنان، ربما قد يرى البعض أن ما فعله {قدري} شئ طبيعي ، لكنه لم يكن كذلك بالنسبة لـ {يزن} ، فتواجد {قدري} عند مقاعد المشاهدين و تشجيعه له شئ، و أصراره على رؤيته قبل خروج للبطولة النهائية شئ آخر

~~~~~

كانت {شذى} تراقب {يزن} الذى أتخذ مكانه أمام حمام السباحة، و قد بلغ توترها مبلغه ، رغم أن السباق لم يبدأ بعد، و لاحظ {شادي} رجفة يدها، فأبتسم و أمسكها دون أن ينظر لها قائلاً :  
\_ متقلقيش ، يزن قدها و هياخذ البطولة

لم تجبه، لكنه شعر أن أنفاسها المضطربة قد هدأت قليلاً، و إن لم تهدأ دقائق قلبها المتسارعة

و بجوارها ، كانت {فتحية} تبكي و تمسح دموعها بمحرمه ورقية، فسألها {شهم} ببلاهة :  
\_ تبتا هي مش دي مسابقة خالو ولا جنازته

نظرت له {فتحية} بسخط و هي تقول :  
\_ بعد الشر عليه! دي بطولته و إن شاء الله هياخذها

\_ او مال بتعطي ليه!؟

تذكرت {فتحية} أنها كانت تبكي، فعادت تذرف دموعها بغزارة أثارت ريبة الصغير، لكنها لم تهتم وهي تردد :  
\_ يزن لسة أمبارح كان عنده ست سنين، كبر بسرعة و بقى راجل وبقى يشارك في مسابقات حبيب عمته

\_ خالو كان عنده ست سنين أمبارح ازاي!؟

زفرت {فتحية} لتخريب حفيدها و صلة البكاء خاصتها، فقالت بإيجاز :  
\_ تعبير مجازي يا شهم، متركزش

\_ يعني ايه تعبير إيجازي!؟ بياخذو أجازة من التعبير عن عياطهم!؟

\_ يا بني سبني أعيط بقى زهقتني

\_ أتفضلي كملني

بينما كان {شهم} يبحث عن {قدري} الذى أخبره أنه ذاهب لشراء بعض الطعام لنفسه و له، و ما أن أبصره يقترب، حتى هتف بسعادة :

\_ جيت أخيراً يا عمو!

أبتسم {قدري} وقال :

\_ جبت عصير لتر ونص لينا، و الباقي جبتلهم علب صغيرة

ضحك الصغير و هو يصفق في سعادة، وبدأ يتناول الحلوى التي جلبها {قديري} له في نهم، نهم شابه نهم {قديري} بشدة ، فرفع حاجبه و هو يقول :  
\_والله أنا ابتديت أشك أنك ابني بجد

قال {سهم} و هو يضع الكعكة الصغيرة بين أسنانه :  
\_مش مشكلة ،ممكن نتبناني لو هناكلني كل يوم فرخة وكشك، وملوخية، و كفتة مشوية،و رُفاق ولو عندك ممكن شوية بطاطس مأمرة

\_ هو بعيداً عن ليستت السوبر ماركت الرصتها دي، بس ايه بطاطس مأمرة دي؟!!

\_ال بتبقى صفرا ورفيعة كدا ومقرمشة

\_بطاطس محمرة؟!!

\_هي بتتاكل؟!!

\_آه

\_يبقى مش مهم اسمها بقى يا عمو

و على آخر مقعدين، كان {أركان} و {ريان} يستمتعان بمضايقة {ليان} التي كان تصيح بـ "ين" ليأتي و يخلصها من تلك الكارثتين المزعجتين، لكن بدى أنه لم يأتي، فدبرت أمرها، و دست مرفق {أركان} بين أسنانها، فنظر لها {أركان} بحذر و هو يردد :  
\_ليان أوع..

و أبتلع عبارته، ليصدر صايحة عالية، أنتفض على أثرها {شادي}، و {شذى} و {فتحية}،وسرعان ما نهضوا بغية الأطمئنان عليه، فراحت {ليان} تزيح مرفقه، و تصرخ و تبكي، مشيرة له في مشهد صدم {ريان}، وقال معترضاً :  
\_دي بتضحك عليكو ، هي ال عضيت أر..

صمت عندما سمع صفير البداية، فعاد الجميع لمقاعدهم، بعدما رمق {شادي} أطفاله بنظرة محذرة من أفتعال أى فعل أخرق

و على بُعد عدة مقاعد كان {منذر} يجلس جوار {نازلي} التي أنت مرغمة لمشاهدة حفيد شقيقة جدها وهو ينال بطولته على مستوى الجمهورية، كما يقول جدها، همست بحنق :  
\_يعني أنا مالي؟؟ ما أنت عارف أي عندي فوييا من البسين و البحر، جاييني أتفرج على ايه؟!!

تحدث {منذر} غير مبالي بحنق حفيدته :

\_كنت هجيب الواد جزرة السباك، بس قالي مش فاضي، و فتحي النجار مسافر البلد، و سيد الكهربائي قالي مراته قافشة عليه ولو خرج الدنيا هتبولظ أكثر و مش بعيد بيته يتخرب، يرضيك بيت حد يتخرب بسببي؟!!

نظرت له {نازلي} بصدمة وهي تقول :

\_سيد الكهربائي؟! فتحي النجار؟! جزرة السباك؟؟

\_و محسن العجلاتي

\_عجلاتي؟! جدو أنت معندكش عجلة، عرفته منين؟؟

\_ولا سمعت عنه قبل كدا، أنا كنت نازل بدور في الشارع على حد يجي معايا، بس الدنيا قفلت و مفيش غيرك يا مفسدة البهجة، و قاتلة المتعة

\_جدو صارحني، أنت لقيتني على حدود السودان و أشفتت عليا فأخذتني

تظاهر {منذر} بالصدمة وقال :

\_عرفتي منين يا بنتي؟! ده أنا كنت حريص أني أداري الموضوع ده!

رمقته {نازلي} بحنق وقالت :

\_لو كنت لقتني في الشارع كنت عاملتني بطيبة عن كدا

و عند المقاعد العلوية، كان {قاسم} يراقب {بزن} بحماس شديد و هو يقول لـ {قدر} :

\_يا الله، بزن بدايته حلوة أوي يا قدر

أبتسمت {قدر} و هي تقول :

\_إن شاء الله ياخذ البطولة

\_يا رب بجد يا قدر، هو يستحقها و عن جدارة

\_عقبالك لما تخش البطولة أنت كمان

أبتسم {قاسم} بخفة وردد دون أبعاد بصره عن {بزن} الذي زادت سرعته :

\_قريب إن شاء الله

كانت {قدر} ممتنة لـ {بزن} بحق، فيها هو صغيرها الذي كان متأخر عن السباحين العادين، صار من أفضلهم بفضل الله، ثم بفضل

{بزن} الذي تابعه، و جعله يثق بنفسه و بقدراته، ولم يسمح لنفسه يوماً أن تهتز و تتقاعص، أو ينصت لسخرية الآخرين، كان له

شقيقاً أكثر منه مدرساً، و لم تنسى {قدر} جميله هذا يوماً

~~~~~

كان {طه} يراقب {بزن} الذي وثب مندفعاً داخل المسبح، وبدأت ساقيه وذراعيه بالعمل في سرعة ومرونة

بدأت الأمور بين المتسابقين بالاشتعال، وبدأت المنافسة تشتد، وكذلك صياح المشجعين ، لم يكن من المعروف أى من المتسابقين

سيربح، فينقدم واحد، و سرعان ما يتقدمه آخر و هكذا، و قد تقدم {بزن} مرتين، قبل أن يسبقه متسابق، إلا أن {بزن} زاد من دفع

قدميه، ليصبح هو والمتسابق الآخر في المقدمة، في خط عرضي متوازن، إلا أنه فقد توازنه بغتة عندما شعر بالمتسابق جواره يدفعه

خفية من أسفل الحبل الفاصل بينهما، فتخلف {بزن} عنه و تباطئت دفعات ساقيه، و تناقل خصره، لينخفض تحت الماء، لتزيد الطينة

بلّة، و رغم تقدم أكثر من متسابق عنه، إلا أنه تدارك الأمر، سريعاً و عاد ليكمل منافسته، متذكراً عبارة مدربه و صديق والده

*مهما تأخرت، لم يفت الأوان بعد"، في نفس الوقت الذي شعر {طه} بخطب ماء، لكنه لاذ بالصمت حتى يتأكد مما يدور بعقله

و في سرعة مثيرة للأعجاب، جاور {بزن} المتسابق الذي خل باتزان، بل وتحرك للأمام متقدماً إياه، و كذلك فعل متسابق آخر،

فاشتعل المتسابق غيظاً، و زاد من سرعته في محاولة للتقدم {بزن}، و ما أن أقرب منه، حتى جذب ساق {بزن}، إلا أن {بزن} شعر

به، فزاد من دفع قدميه في قوة، و أرخى يديه لبعض الشيء - و إن لم تتوقفا عن التحرك في سرعة - فبدلاً من أن يختل توازن

{بزن}، أختل توازن الآخر، و انحرف عن مساره، ليصطدم بالحبل على جهة الأخرى، و شعر فجأة بالالتواء كاحله، ليطلق صيحة

دوت في الأرجاء، ليس من الألم، لكن من المفاجئة التي لم تكن في صلاحه البتي، كانت صيحة مقهورة أكثر منها متفاجئة، فبذلك قد

أنتهت فرصته في الفوز بالمسابقة، لكن لم تكن تلك المشكلة، المفاجئة أثرت عليه حتى أنه أندفع للأسفل، دون أن يأخذ أنفاسه، فبدأت

أنفاسه تهرب منه، ليشعر باختناق شديد

كان {بزن} ثاني من وصل للنهائية، لنتشعل الصيحات الحماسية في الأرجاء، بشكل جعل المتسابق الأول يُصدم، فقد كانت صيحات

المدوية عند وصول {بزن} لخط النهاية، أقوى من صيحات تشجيعه هو !

بينما خلع {يزن} نظارة السباحة الخاصة به، و قد علت بسمة سعيدة على ثغره وهو يلوح لعائلته ورفاقه، وضحك عندما رأى أولاد شقيقته يلوحون له وهم يتقافزون كالقردة، حتى يلفتوا انتباهه

~~~~~

كان الأطفال في ذروة سعادتهم وهم يرون {يزن} يحني رأسه قليلاً، ليرتدي ميداليته الفضية الخاصة بالمركز الثاني، و على ثغره بسمة واسعة، من يراه يعتقد أنه نال المركز الأول وليس الثاني!

و عنوة، تجاوز الأطفال مقاعد المشاهدين، و الأسوار الفاصلة بين المقاعد والمسبح، ليندفع الخمسة نحو خالهم و قد علت ضحكاتهم الأرجاء

نظر {يزن} لهم بدهشة، سرعان ما تحولت لحنان شديد عندما ألتصقوا بساقه و هم يهنئونه، لا يعلمون أى مركز قد حصل عليه، لكنهم لا يهتمون بذلك، لقد أخبرتهم والدتهم أن خالهم قد فاز، و أقصى معلوماتهم عن البطولة أنها مسابقة، أشترك بها خالهم و يود فوزها بشدة، و ها قد نالها!

تعالت ضحكاته و هو يشعر بـ {ليان} تتسلق ساقه، لتصل لصدره و هى تهتف :  
\_ بين فاس .. بين فاس (فاز)

كاد أحد رجال الأمن أن يتحرك نحوهم، إلا أن قائده قال ببسمة صغيرة و هو يراقب الكوارث نحو خالهم في سعادة :  
\_ خلاص سيبوهم، المسابقة خلصت خلاص، و دول أطفال

ثم نظر لرجل الذى يجلس أعلى المقعد جواره و هو يقول، مبدلاً نبرته لأخرى خشنة :  
\_ بس أعتقد أن في ال هيتمنع من دخول البطولات لكام سنة قدام

نعم، هو ذلك المتسابق المتحذلق الذى أراد إيقاف {يزن}، أستطاعوا أنفاذه قيل غرقه، و شكاه {طه} و أحد الشباب الآخرين، لاستخدامه أساليب غير شرعية في محاولة بانسة للتقدم و الفوز

~~~~~

كان {يزن} يتلقى المباركات و التهاني على فوزه، فحتى إن فاز بالمركز الثاني، لقد حصل عليه في بطولة على مستوى جمهورية مصر العربية، و ليس على مستوى المحافظة أو ما شابه

كاد {قذري} أن يحطم عظام {يزن} و هو يعانقه باكيًا، فضحك {يزن} و هو يسأله :
_ بتعيط ليه يا قذري!؟

توقع أن يخبره أن السبب عدم حصوله على المركز الأول، لكن {قذري} أجابه :
_ ابن أختك أخذ مني الفراه المتحمره و سبلي كيس فوكس فاضي!

و لم يسخر {يزن} أو يغضب، بل تعالت ضحكاته بشدة، فهو في حالة من السعادة، لا أحد قد يستطيع وصفها، صدقًا، كان قلبه يتراقص بين أضلعه، حتى أنه شعر بعينيه تدمعان و هو يقول :
_ أخذتها .. أخذتها .. أخذت البطولة!!

تركه {قذري}، مفسحًا مكانًا لـ {شذى} التى أندفعت بين أحضان شقيقها، لتبكي هى أيضًا بسعادة و هى تهتف :
_ أخذتها يا حبيبي، أخذت البطولة بجدارة !

زاد ضمه لها و هو يقول :

_ قولتلي هاخذها من خمس سنين ومصدقتكيش، قولت دي بتأخذني على قد عقلي عشان متضايقش ،بس أخذتها بجد يا شذى !

ضحكت {شذى} و هى تشعر بمن يدغدغ قلبها، لقد فعلها شقيقها و نال مراده!

أقرب {شادي} من {يزن}، ليأخذه من زوجته، و يضمه ضاحكًا :
_ عملتها يا ابن أنس و أخذت البطولة، خلاص هنتشهر و هنتسانا

نعم، هدأت الأوضاع بين {شادي} و {يزن} بعدما علم من شقيقته أن {شادي} عاد لرشده

أبتسم {يزن} و هو يهمس :
_ يا شيخة كنت عملتها و أنت مسافر، بدل ما ولادك قافشين فيا زي ال بيقفش حرامي الغسيل

تركه {شادي}، ليعانقه {منذر} في حنان شديد و هو يقول :
_ حبيبي ال رافعلي راسي في كل حنة

ربت {يزن} على ظهر {منذر} و هو يقول بمرح :
_ مش أنا ال كنت بتستنكر أنني بعرف أسبح!

_ حد ياخذ على كلام راجل عجوز مكحك قدي يا بني

كانت {نازلي} تراقب الوضع من بعيد، و قد شعرت بأن حديث {منذر} عن {يزن} حقيقي، و أنه ليس شخص سيء كما ظنت هي، و ربما قادمًا يكون شخص مهم في حياتها، من يدري!؟

تركه {منذر}، لتندفع {فتحية} نحوه و هي تبكي بحرقة، كأن ابن شقيقها مات ولم يفز ببطولة تَوًا
تحدث و هو يمسح دموع عمته بقلة حيلة :
_ في ايه بس يا فوفا!

تحدث {فتحية} و هي تحتضن وجه صغيرها بين يديها قائلة بحنان :
_ ده لسة كنت بتلعب في الطينة يا يزن، كبرت و بقيت شحط ملوي هدومك وبتخش بطولات !

زاد ضحك {يزن} مرددًا :
_ شوفتي الأيام جريت ازاي يا فوفا

ضمته {فتحية} بقوة، أو للتدقيق، ضمها {يزن}، فقد كانت قصيرة بشدة بالنسبة له، ربت على ظهرها بحنان و همس :
_ شكرًا يا ماما، شكرًا على كل حاجة عملتها عشان أوصل لحد هنا

أنقض فجأة بفرع، عندما علا نحيبها، فمال {شادي} على {شذى} و هو يقول باستنكار :
_ أنا أمي معيطتش بالفرحة دي يوم ما جيت 96 في المية في ثانوية عامة

كتمت {شذى} ضحكها و هي تقول :
_ أصلك ابنها بالتبني، لكن أحنا عيالها بجد

أبتعدت {فتحية} بصعوبة عن {يزن} الذي منحها نظرة في غاية الامتنان، قبل أن يشعر بـ {قاسم} الذي أندفع يعانقه في قوة و هو
يقول بفرح شديدة :

_ مبارك يا زوز، عقبال المركز الأول يا بطل

تحدث {يزن} بتشجيع :
_ عقبالك أنت، و أشوف نتيجة تعبي معاك

_ تفتكر؟؟

_مفكرش لأنني متأكد

_كابتن يزن!

كان هُتاف {كريم}، الحاصل على المركز الأول في المسابقة، ألتفت {يزن} له ، و أبتسم بخفة و هو يقول :
_مبارك يا كابتن

أقترب منه {كريم}، و ربت على كتفه :
_الله يبارك فيك، مبارك فوزك عليا

أرتفع حاجب {يزن} بدهشة و هو يقول :
_فوزي عليك؟!!

نظر {كريم} لرفاق {يزن} و عائلته، قبل أن يعود له ببصره و هو يقول بلطف :
_يمكن كسبتك في المسابقة بتاعت السباحة، بس أنت كسبتني في تكوينك لعيلة تشجعك و تفرح بيك، أين كان مركزك، كسبت عيلة
بتحبك بكل أحوالك

ربت على كتفه، ثم أنصرف ،تاركًا {يزن} يرمق عائلته الدافئة بحب شديد

شعر فجأة بأولاد شقيقته يهجمون عليه و هم يصيحون :
_خالو كسب !

سقط أرضًا، و سرعان ما أسند كفه للأرض ، و عانق الأطفال بذراعه الآخر و هو يضحك هاتفًا :
_والله كوارث متحركة

ثم تمت بحب و هو يرمق تدافعهم ليتعلقوا بعنقه في طفولة :
_كوارث خالكو الخمسة بجد

~~~~~

و هنا، يمكننا إسدال الستار، في مشهد محبب لقلوب الجميع، كانت رحلة فريدة من نوعها، عشنا بها حياة لطيفة مشاكسة، أحببنا  
شجارات {شهم} للدفاع عن أشقاءه، عشنا حالة الجوع الشديدة مع {سهم}، و التي بالمناسبة لا تنتهي، جنون {أركان} و {ريان} الذي  
لا ينتهي ولا يفني، لطافة {ليان} وجمالها، كل ذلك سنودعه بكل أسف، لكن أيعني ذلك نهاية حكايتنا؟!  
لا أعتقد ذلك يا عزيزي .. لا أعتقد

"تمت بحمد الله "

